





e. 22

~~I #35~~ 40

~~Veri 44~~







*Allegij. Taurinensis. be. con. arch. in. ing. T. 40*

# PETRI LABBE

E SOCIETATE IESV,

SACRA.

THEOLOGICA,

ET

PHILOSOPHICA.

REGIA.

ELOGIA

EMINENTIA.

ILLVSTRIA.

HISTORICA.

POETICA.

MISCELLANEA.



GRATIANOPOLI,

Apud PHILIPPVM CHARVYS, Regis Typographum;  
in foro Mali-Consilij.

M. DC. LXIV.

CVM PRIVILEGIO REGIS;

1841

1842

1843

1844

1845

1846

1847

1848

1849

1850

1851

1852

1853

1854



SANCTISSIMO  
ALEXANDRO SEPTIMO,  
SVPREMO ECCLESIAE  
PRINCIPI.

**A**VDAX Elogij genus;  
Laudare cum velle qui supra omne Elogium est.  
*Ex quo ascendisti Cathedram Domini, infra te est omne solium:  
Ex quo accepisti claves Petri, infra te est Caelum ipsum.  
Ex quo geris vices Christi, solus Christus supra te est.  
Nec superas tantum ceteros sed te ipsum:*  
Maior es Alexander Fabio,  
Maior septimus Chyso,  
Et Montes domestici altiores effecti,  
Vincunt cacumina montium, & attingunt Caelum.  
Extulerunt te ad hoc fastigium humana suffragia, & diuina:  
Destinabarū Romana Tiara antequam Tiaram gereres:  
Credebaris dignus cum adhuc Nuncium ageres:  
Et Nuncius Pontificis iam eras Magnus Tuis  
Futūre qui dicerent breui hic Nuncius Nuncios mittet:  
Fuit Princeps Lutheranus, cuius haec Prophetia est,  
Si Spiritus diuinus eligat Pontifices, hunc eligit:  
Si homines, fallitur Roma nisi hunc elingat.  
Innocentius Decimus moribundus,  
Eo momento quo animus penē Prophetā est,  
Prædixit te successorem suum, & penē Te vidit.  
Scilicet hoc Magnarum rerum privilegium est;  
Videri ante ortum & desiderari post obitum:  
Es Tu visus es Romanus Pontifex, antequam esses:

Et Te ante suffragia iam elegerant vota.  
 Prepararunt te huic dignitati virtus, scientia, prudentia;  
 Ac virtus non mediocris erat sed qualis est sanctitas;  
 Agnouerunt te Sanctum ipsi heretici,  
 Et vulgo appellatus es Sanctus, nondum Sanctissimus.  
 Ornabant sanctitatem scientia, & illas sanctitas;  
 Sciebas politiores literas, & illae sciebant te.  
 Creditus es futurus alter Damasus,  
 Et Damasus bodie Alexander est.  
 Nec sterilis erat scientia tua, sed negotiosa.  
 Vidisti Monasterij collectum orbem in Legatis orbis,  
 Tractasti cum illis negotia Regum, & Regnorum;  
 Examinaisti iura, didicisti mysteria;  
 Explorasti ingenia nationum, & illae explorarunt te,  
 Placuisti orbi Pastor orbis futurus,  
 Placuit Romae consensus populorum,  
 Et vocem orbis approbavit vox Dei.  
 Electus ergo es, qui penè ante electus iam eras,  
 Proximus eras Tiara cum illam attigisti,  
 Addita tibi est Auctoritas maius dignitas,  
 Et penè declaratus esses Papa non factus,  
 Nisi Pontifices declararet Deus.

Et nunc talem te habet orbis, qualem optabat,  
 Consecrauit Alexander Fabium non mutauit,  
 Talis es Pontifex qualis Nuncius eras;  
 Maior Auctoritate, idem virtute,  
 Addita est dignitas meritis, non merita dignitati.

#### AVDAX ELOGII GENVS.

Laudare eum velle qui supra laudem est,  
 Offero volumen Elogiorum, nec satis offero,  
 Solus Alexander volumen Elogiorum est.

SANCTITATIS VESTRÆ,

Humillimus & addictissimus seruus,  
 PETRVS L'ABBE', Societ. IESV.



ADMODVM REVERENDO PATRI  
PAVLO OLIVA  
SOCIETATIS IESV  
VICARIO GENERALI,  
OLIVA SVAVITATIS EFFICACIS SYMBOLVM.  
ELOGIVM.



VILLA ferè arbor nobilior est oleâ, nullus liquor oleæ liquore pretiosior: hæc arbor coronat victores, hic liquor Sacerdotes vngit & Reges; aut hæc arbor intra Cælum est, aut eius liquor defertur ad Cælum; inde Ampulla venit quæ Clodoveum Christianissimum fecit; inde oleum illud lætitiæ quo diuinus Spiritus vixit hominem Deum; nec vngi ab alio debuit homo Deus nisi à Deo; nec alio liquore quàm oleo, nec aliunde allato nisi à Cælo.

Omitto plurimas Oliuæ laudes, & vnâ explicô, Oliuam suauitatis efficacis symbolum esse: fabula est Pallas inuentrix oleæ, & Dea pacis ac belli; fabula quoque Alcides monstrorum domitor; at nec fabula est olea pacis ac belli tessera, nec claua Herculis ex olea, vincens homines lenitate, & monstra domans fortitudine.

Historia est olea victrix diluuij quo victus est mundus; vidit Columba eminentem ex aquis Oliuæ raram, collegit blando ore, & arbor obtulit; eo ramo coronauit victorem Noëmum, & arcam victricem; quid suauius Oliua & columbâ, quid fortius? vtraque triumphauit de diluuiô, & de mundo.

Ænigma erat egressa ex forti dulcedo, & fortitudo ex dulcedine; sol-

uis hoc ænigma nomine & moribus tuis, VIR REVERENDISSIME, in te dulcedo fortis, in te fortitudo dulcis est; in pulpitis sacris, in libris editis, in colloquiis priuatis, in regendis aliis, seuerus & blandus, fortis & lenis, suauis & efficax es. Declarat hæc omnia gentilitia Oliua tua; hæc suauitatis efficacis symbolum est, & tu suauis adeò & efficax es, vt inde nomen & indolem trahas.

Ac primùm in sacris pulpitis Orator eloquens olei instar insinuas te auribus, peruas animos, delinis affectus: delinita voluntas trahit se ipsam dum trahitur à te; posset nolle trahi si vellet, & trahitur quia vult; vt tamen trahi velit, inuitatur à te, & penè trahitur; victa voluntas à te, & victrix sui sequitur nutus suos, & tuos; eadem domina sui, eadem subdita, & tu dum suauiter attrahis, & fortiter vincis, adiuuas dominium voluntatis, & penè es affectuum Dominus.

Audiuit te Roma loquentem mellea, & Ambrosium credidit, pronuntiantem graua, & Leonem putauit, intonantem fortia & arbitrata est Paulum alterum loqui: Audiuit te auditor idem sine tædio, pluribus annis sine fastidio; & tu idem vetus & nouus, tam noua & nouo semper modo dixisti, vt dum audiebaris idem, penè alter sis creditus: sic oleum affusum cibis ita eos afficit, vt nouo sapore fallat palatum dum fallit cibum.

Nec minus eloquens es stylo quam verbo, nec minus olei, & suauitatis efficacis habent libri quos publicos facis; sic scriberet Isocrates si Christianus esset; sic Demosthenes si esset Catholicus: Ita Tullius si argumenta mutaret; rediuuios facis magnos authores, repræsentas antiquam eloquentiam, & addis nouam; atque vt Ambrosius Isocratem, Chrysostomus Demosthenem, Hieronymus emendat Ciceronem; sic tu emendas profanam eloquentiam, & facis Christianam.

At quam suauis conspectus tuus! quam amabilis consuetudo, quam blanda conuersatio! nemo te aspexit cui vidisse semel sat fuerit; nemo adiuit semel, qui adire sæpius non optarit; nemo à te recessit mœstus, nemo exiuit iratus, nemo adiuit malus quem bonum non feceris, nemo bonus qui melior non redierit; nemo consilium petiit cui honesta non suaseris; nemo dubitauit quem eruditum non reddideris: Diu Romanum oraculum, & publica Echo fuisti: audiuit te aliquando oraculum ipsum & penè consuluit; quod addo commune est & tamen illustre, fuere qui ex remotis Prouinciis Romam venere vt te consulerent: fuere qui reduces in Patriam gloriarentur vidisse se Romam, & Oliuam: fuere qui adderent adiuisse se, & vidisse suauitatem ipsam, & efficaciam.

Quæ hætenus dixi publica sunt omnibus qui te norunt, quod addo



peculiare est iis qui tibi subsunt; suavis est, & efficax modus regendi quem exerces, & quem doces: Et quidem hunc esse optimum regendi modum omnes dicunt, pauci intelligunt: scilicet non admodum facilis est temperatura lenitatis & fortitudinis; imperare aspera & lenire; imperare asperis aliquando ingeniis & asperere non regere; regere ferocem equum & non pun gere, currentem & non cohibere, cunctantem & non stimulare; blandum esse & scuerum, lenem & fortem; suauem & efficacem; hæc duo extrema qui aptare sciat, hunc ego Rectorem animorum, & penè Regem appello.

Atque hæc est ars tua, SAPIENTISSIME OLIVA, hoc mysterium artis, suauiter regere, & efficaciter: hæc duo ut facias, facis tria, scis quid imperes, & quibus subditis, & quibus modis: scis finem & media quibus itur ad finem, scis scopum & sagittas quibus feriendus est scopus; scis pacem & pugnas, & quibus armis pugnandum.

Quid imperare possis nemo definire potest, vix tu ipse: nihil grande, nihil arduum est & heroicum quod imperium tuum fugiat aut excedat: quos fines præfixit sibi homo Deus, ij sunt fines tui, maior gloria Dei, salus animorum, auxilia ad salutem, scientiæ omnes & virtutes, supplicia, exilia, cruces & mortes: hæc est materia imperij tui; aut terminos non habet authoritas tua, aut ~~limites~~ dignitatis sunt limites mundi.

Imperas subditis ingeniosis, eruditis, Religiosis: neque eiusdem indolis sunt subditi tui, neque eiusdem gentis; nullus ferè populus est qui tibi non sit popularis, nulla gens cui tu non sis ipse gentilis; aliter regendi sunt Itali, aliter Germani, aliter Indi: Alia est indoles Europæ; alia Asiæ, alia Africæ & Americæ; & plerunque indolem terrarum sapit indoles hominum: nec eiusdem gentis ingenia eiusdem sunt genij: Ponderandæ igitur sunt nationes & nationum indoles; quid possint singuli subditi, & quid velint; quid possint velle, quid velint posse; inuitandi sunt ut velint, adiuuandi ut possint; quale ingenium debet esse Rectoris! superare omnia ingenia debet, instar olei, quod affusum omnibus liquorebus vincit omnes liquores.

Quis artes enumeret quibus eger ars regendi? quis industriæ industriæ, quis sapientias huius sapientiæ? hic impellendus ut currat, hic retinendus ne currat; hic inuitandus præmiis, hic terrendus minis, hic aptus imperio, hic obsequio; hic superabit onus impositum, hic vincetur ab onere; hic Spartam reget, hunc Sparta reget: hic vir omnium officiorum, hic paucorum: quam ardua res est animos regere! ars artium est, & sapientia sapientiæ regere suauiter, & efficaciter.

Hæc tamen est ars tua, VIR SAPIENTISSIME, audacius aliquid

dico & absoluo, imitatur ars tua gratiam victtricem & penè gratia est; sed  
externa, & administra interna; atque ut illa olei instar suavis est ut  
animum subeat, subtilis ut peruat; sublimis ut attollat, modesta ut de-  
primat; congrua ut voluntati se aptet, blanda ut delectet, potens ut ad-  
iuuet: sic delectans ut persuadeat, sic persuadens ut vincat, sic vincens  
ut non cogat: imitaris arte tua hæc officia gratiæ; adeo gratus animorum  
Rector, ut penè sis gratia: & dum persuades suauiter, dum vincis effica-  
citer, oleum & Oliua es. Ego si pateris sum ex animo.

ADMODVM REVERENDÆ PATERNITATIS VESTRÆ;

Humillimus & obsequentiſſimus ſeruus, & filius:  
PETRVS L'ABBE', Societ. Ix. v.





NOBILISSIMO  
ILLVSTRISSIMOQVE DOMINO  
D. HENRICO D. D. S.  
BAR. D. B. ET D. &c.



VALIS hac modestia tua, VIR NOBILISSIME, velle bene mereri de me, & nolle laudari à me: conferre beneficia, & velle illa nesciri: imperare silentium & beneficiis loqui: nolle referri à me etiam verba: nolle reuelari ipsum etiam nomen: & pluris aestimare silentium meum quam beneficium tuum.

At hec iniqua conditio est, vt sis beneficus velle me ingratum esse: velle exercere pulcherrimam virtutem, & nolle exerceri à me: velle gratias apud te liberales esse: apud me steriles: & tamen idcirco plures sunt Charites vt dum vna loquitur altera respondeat, & dum duæ beneficia conferunt, tertiâ grates rependat: Tu Charites omnes viâ esse tuas, & nullas meas.

Fallor, hac vera beneficentia natura est, dare vt des: dare gratis: dare vt alter accipiat non vt referat: dare vt vincas alterum, non vt alter te vincat: dare beneficium non instar pileæ vt redeat: nec quasi sementem vt tibi crescat: sed ita dare alteri vt non des tibi: dare vt liberale munus, non vt auarum fœnus.

Verum eæ quidem sunt leges beneficentiæ: at leges etiam suas habet grati animi virtus: quarum hæc prima est aestimare beneficium apud se: altera, explicare foris: tertia, pugnare cum amabili emulo, reperire maiora si possis, saltem paria, saltem minora, saltem verba. Et quæ hæc iniuriâ tribuentis: velle eloquentem esse dum tribuit, velle alterum mutum esse dum accipit: velle opprimere accipientem, & nolle vt queratur se opprimi, velle alterum vincere, & nolle vt fateatur se vinci.

Hæc quanquam ita sint, vide quantum tribuam liberalitati tuæ: volo ingratus esse vt sis magnificus: taceo igitur non beneficia tua tantum, sed te ipsum, & nomen tuum: non laudo nobilem illam corporis palestram, maiestatem illam gressus & gestus: frontem illam, os illud, vultum illum: verum eloquens est hæc tota species tui: declarat te vultus tuus etiam inuitum: videri non potes & nesciri: ostendant se dotes animi tui per indicia corporis: & nobilitas hospitii

*ſpectatur in elegancia hoſpitij : accuſa igitur teipſum ſi appares : neque accuſa tacentem me ?*

*O ſi liceret mihi per te laudare animum tuum ! exhiberem illum non qualem habent qui ſolum habent : ſed qualem nobilis indoles reddit, & qualis ille nobilem indolem perficit : proponerem illum ornatum virtutibus, & ornantem virtutes : deſcriberem illum inſtructum ſcientiis & ſcientias inſtruentem : oſtenderem illum generoſum, iuſtum, conſtante ſub inſtante fortuna, & ſub inaequali ſemper aequalem.*

*Saltem ſi illuſtriſſimam familiam tuam laudari à me, & nominari permitteres, oſtenderem illam pugnantem pro liliis, & inter lilia ſedentem : ſagatam, & togatam, inſulatam pluribus inſulis, rubentem pluribus purpuris, pugnantem pro fide, & pro Rege, & pro utroque vincentem : numerarem ſecula nobilitatis tuae : deducerem ſanguinem illum quo viuis, ex venis nobilibus : venit ad te purpureus, & purpurâ dignus intra te eſt.*

*Omitto hæc omnia quia inbes, & morem gero imperiis tuis penè illicitis : ſi tamen hic liber poſtquam in lucem exierit dicat ſe eſſe in ere tuo, id dicet quod neque ego impero, neque impedio : impediui quamdiu fuit meus : poſtquam publicus effectus eſt, non eſt magis meus quam tuus. Ignosce, VIR NOBILIS SIME, ſi feſelli te : nominavi te, dum non nominavi : id debui facere,*

*Addiſſimus, & humillimus ſervus,  
PETRVS L'ABBE', Societ. IESV.*

### PRIVILEGIUM REGIS.

**G**VILLELMVS DE L'ANGE, Prouincialis Societatis IESV in Prouincia Lugdunenſi, iuxta Priuilegium eidem Societati à Regibus Chriſtianiſſimis Henrico III. 10. Maij 1583. Henrico IV. 20. Decembris 1606. Ludouico XIII. 14. Februarij 1611. & Ludouico XIV. nunc regnante, 23. Decembris 1650. conceſſum: quo Bibliopolis omnibus prohibetur, ne libros ab eiuſdem Societatis hominibus compoſitos, abſque Superiorum permiſſione impri- mant. Permittit Philippo Charuys Gratianopolitano Bibliopolæ, vt Elogia hæc omnia quæ ſcripſit P. PETRVS L'ABBE' ad 10. annos imprimere, ac liberè diuendere poſſit. Datum Lugduni 12. Iunij 1664.

G VILLELMVS DE L'ANGE.

NOBILISSIMO ILLVSTRISSIMOQVE DOMINO  
D. DIONYSIOSALVAGNIO BOESSIO,  
RÈGI AB INTERIORIBVS CONSILIIS, ET IN  
SVPREMA RATIONVM FISCO CVRIA APVD  
DELPHINATES PRIMARIO PRÆSIDI.

ELOGIVM.



ACILE Elogij genus dum ille qui laudatur totus Elogium est, dum est Orator sui etiam tacitus, dum ipsum nomen instar est laudis, & dum profertur aut scribitur, Panegyricum facit.

Tale est nomen tuum, ILLVSTRISSE SALVAGNI, quod septem ætates, centum Proavos, & Patrias laudes representat, ac tuas: latent sub eo nomine Maiores tui, & apparent in Te; videntur dum aspiceris, audiuntur dum loqueris, laudantur dum laudaris: appellat omnes nomen tuum, & ad vocem vnā centum Saluagnij quasi totidem Echones respondent.

Longum esset ire per singulos Maiores tuos: paucis verbis omnes simul numero, gesserunt illi omnes honorum titulos, florere sub violis, rubere sub rosas, ornarunt utramque purpuram, illustrarunt sagum & Togam: plena est Rationum Curia cui Præsides Saluagniorum honoribus: ignorat partem Historiæ Gallicæ, qui ignorat decora Gentis Saluagniæ.

Sed quid ego prosequor laudes alienas, malo dicere tuas: tamen alienæ dici non debent quas fecisti proprias: viuunt in Te Maiores tui, & tu in illis, rediuuius facis dum viuis, Colligis omnes intra Te, & addis Te illis, Maiores tui sunt, nec Tu tamen es Minor. Omitto tamen externa omnia, etiam domestica, & de Tuo Te laudo; nemo bene diues est alienis diuitiis, hæc vera magnitudo est magnum esse de suo.

Nec tamen numero omnia decora tua, integris libris opus esset, quales Tu Libros scripsisti, ex multis laudibus tuis duas eligo, sapientiam elegantem & Politicam; eruditam & negotiosam; hoc demum est sapientem esse, sapere utraq; sapientiā; satis esse posset altera aliis, vna non sufficit Tibi.

Et prima quidem sapientia tua qualis est, & quam illustris: æquasti magnos Poëtas nondum annos viginti natus, & poteras vincere nisi prætulisses veritatem fabulis, & maluisses facere magna quam fingere: At qualis modestia, & quam senex in Te iuue? Interpretatus es opera

aliena, qui poteras scribere digna interprete; ornaſti commentariis dicta aliena qui dictare poteras ornanda ab aliis: donaſti Româ Philonem Biſantium, & dignus eras quem Philo donaret Græciâ.

Difficile eſt Poëtam eſſe & Oratorem: utrâque laudem nec mereri Maro potuit, nec Cicero; neque ille bonus Orator, neque iſte bonus Poëta fuit. Aſſecutus eſ utrâque laudem, & Poëta eximius, & Orator facundus: teſtes eloquentiæ tuæ eſſe poſſunt orationes illæ publicæ quas habuiſti cum publicâ laude; teſtis illa quæ Urbanum VIII. ſuminum Pontificem admiratorem habuit, & quæ Gallici Oratoris, & Romani nomen Tibi promeruit.

Neque eloquens tantum ſapientia tua, ſed politica eſt; mirata eſt Roma eloquentiam tuam, & ſuſpexit prudentiam; perſuaſiſti Romanæ Curię Reges Chriſtianiſſimos filios Eccleſiæ natu maximos eſſe, & primos. Appellaſti Reges Francorum liberatores Italiæ, deſenſores Romæ, & Pontificum Protectores. Declaraſti obedientiam Regum Galliæ filialis obſervantiæ teſtimonium eſſe, non legale homagium.

Laudavit utrâque ſapientiam tuam, eloquentem & politicam Eminentiffimus Cardinalis Richelius in Commentariis rerum ſuarum; conſignavit publicis monumentis factum illuſtre ne periret; propoſuit annis venturis, ut exemplum eſſet. Quam illuſtris hæc ſapientia tua, quam vir tantus ſcriptis ſuis inſeruit, & partem Hiſtoriæ ſuæ eſſe voluit: fuiſti Romæ Orator Regius, & Richelius penè eſt Orator tuus.

Amavit eandem ſapientiam tuam Eminentiffimus Iulius Mazarinus, eamque Regiis Conſiliis adhibere voluit: Scilicet præuidebat vir ſagaciſſimus quale ornamentum allaturus eras Curię Gallicæ qui tantum attuleras Romanæ; ſed Tu modèſtè ea excuſaſti quæ Te penè accuſant, prætulisti amorem Patriæ gratiæ aulicæ; & maluiſti Gratianopolitanus eſſe quam aulicus.

Nec ingrata Gratianopolis gratiam habet amicitie tuæ, amat Te Ciuem, & veneratur Præſidem; præſeſſe Te gaudet Rationibus Regiis, & vellet præſidere ſuis: Numerat Te inter ornamenta ſua & penè miracula: deſcripſiſti olim ſeptem miracula Patriæ tuæ, & penè octauum eſ.

Addo aliquid in rem tuam ac meam; ſcripſiſti verſibus miraculum D. Mariæ Viminalis ad Pagum Vinaicum nuper editum: ſtillavit multo ſanguine ſalix ab hæretico die B. Virginis ſacro male inciſa, ſenſit iniuriam illatam Deiparæ Arbor ſine ſenſu, & Tu Arboris dolores ſenſiſti. Amas ſcilicet Dei Matrem, & illa Te amat. Ego voti erga Deiparam reus offero illi votivum opusculum, & illius Patronum Te opto: negare non potes hoc Officium Virgini; & Patrocinium mihi, qui ſum ex animo.

Addiſſimus Tibi ſervus, PETRVS L'ABBE',  
Societ. IESV.





# VITA; ET ELOGIA BEATÆ VIRGINIS.

CARMEN VOTIVVM AVTHORIS.



*VG DVNI afflictus morbo languebat Alexis,  
Et morbus lethalis erat: conceperat ignem  
Succingens membrana latus, saniesque putrescens  
Sub pleurâ nocuum tuber conflagraret; & mors  
intra tuber erat: vix spiritus ager ad auras  
Exibat lentè, febrisque, & tussis acuta  
Intercidebant lacera suspiria vitæ;  
Et mucro singultus erat: miseratus Alexis*

*Mellinus, lacrymis primùm, deinde ore locutus,  
At tu, inquit, magnæ supplex fac vota Parenti,  
Mors votum de morte timet: si flamina vitæ  
Protrahat, acturum votino Carmine grates,  
Et memori elogio magnæ præconia vitæ,  
Verbaque dicturum soli bene cognita Verbo.*

*Audiit, & dextrâ, nutuque locutus Alexis,  
At tu verba præi Mellinæ, & concipe votum,  
Ipse sequar, dicamque animo quæ tu ipse loqueris,  
Spectat corda Deus, taciteque silentia lingue;  
Et voces sine voce audit: tum hæc dixit uterque.*

*Divæ Parens, ex quo magno commune Parenti  
Pignus habes, sponsamque elêgit Spiritus almus,  
Personis cognata tribus, communia iura,  
Et Sceptrum commune tenes, vitæque, necisque  
Arbitra, longæva metas producere vitæ,  
Et metas arctare potes: dulcissima mater*

*Si juvenes annos moribundi extendis Alexis,  
 Si febrim extinguas, & laesa incendia plevra,  
 Promittis memores votivo carmine grates,  
 Laudesque, & titulos, & sacra symbola vite,  
 Verbaque dicturum, quæ Verbum ut dicere posset  
 Humanam assumpsit linguam, Verbumque Parentis  
 Penè fuit Verbum Matris.*

*Si fatale tamen momentum advenit, & hora,  
 Hora placet, sed ne fatalis terreat hora,  
 Adde animos metuenti anima, libramque fœneri  
 Judicis exonera noxarum mole mearum,  
 Et meritis suppone tuis: Te supplice victus  
 Emendat decreta Deus.*

*Hæc dixere duo, & solus promissit Alexis:  
 Interea sensim febris, tussisque restit,  
 Detumuit nocuum tuber, vallemque reliquit,  
 Et locus est ubi tuber erat: rediitque Alexis  
 Persoluit meritis præsentis carmine grates  
 Serius, & postquam soluit vult debitor esse  
 Et voti superesse rone.*

## ELOGIVM PRIMVM.

AB ÆTERNO ORDINATA SVM.

**A** Æterno ordinari debuit opus æternum:  
 Ante tempora inchoandum erat, cui tempus non sufficit:  
 Cæteris operibus momentum satius est, & pars Opificis:  
 Totum Deum occupavit hoc opus:  
 Infiniti laboris opus erat, si Deus operando laboraret:  
 Scilicet designanda erat Verbo Mater Verbi,  
 Deus nihil extra se videt æquale sibi:  
 Accedit ad æqualitatem Dei Mater Verbi.

### II.

FIGURÆ Mariæ.

**P**RÆLVSIT tanto operi Deus per minora opificia,  
 Rudimentum fuisse Mariæ antiquæ saminæ:  
 Ostendenda plures erant, ut quam vellet Verbum eligeret:

Colligende erant intra unam virtutes omnium:  
 Et Sara, & Rachel, & Iudith, & Esber,  
 Figura fuere Maria, sed minores,  
 Vnum est quod omnibus defuit Matrem esse, & Virginem:  
 Debebatur hic bonus Matri Dei, non alteri:  
 Nec nasci nisi ex Virgine Deus debuit,  
 Nec Virgo Mater esse debuit nisi Dei.

## III.

## MARIA REVELATA PATRIARCHIS.

REVELAVIT Deus hanc Matrem antiquis temporibus,  
 Et pars salutis erat credere Matrem Dei:  
 Colebatur à Patribus Mater Dei futura,  
 Offerebantur preces Virgini paritura:  
 Tradebatur hac pietas à Patre filius, ab illis Nepotibus:  
 Nate sunt Congregationes Virginis antequam ipsa nasceretur:  
 Singule familia sodalitia erant, & domestici sodales.  
 Discite sodales servire Virgini nata:  
 Patres quæstus famulantes futura.

## IV.

## PARENTES VIRGINIS.

PARENTES Virginis steriles erant, & pene Virgines:  
 Tales esse oportuit, ut partus Virginis miraculum esset:  
 Sanctissimi Parentes citra Prolis crimen filiam genitæ:  
 Cateri conjuges prius infanticide quam Parentes,  
 Prolem maculant dum progenerant,  
 Et Mater occidit, dum concipit:  
 Sola Maria omni macula cunctis,  
 Maternum uterum pulchro honestavit ingressu,  
 Et natalem sinum consecravit, dum exiit.

## V.

## CONCEPTIO IMMACULATA.

NE maculam Originis contraheret filia Adami,  
 Deum vidit eo momento, quo alij priuantur iure videndi.  
 Exclusit peccatum hic clarus Dei intuitus,  
 Exclusit gratia quæ eo momento fuit plena:

Apud Sa-  
laciarem.

4

*Nec violauit legem Originis, qua ante legem prauisa fuit:  
Exceperat legislator eam seminam, quam Matrem eligeret,  
Et debuit excipi ne Prolem macularet dum concipit.  
Sic sola Virgo proles fuit parentis Adami, non peccantis:  
Sic sola Adami filia lutum Adami non oluit:  
Eo momento beata, quo omnes sumus miseri:  
Et tunc filia amicitia, cum nos ira.*

VI.

MARIA INTRA VTERVM MATRIS.

**N**EQUE eo momento nuda in lucem prodit:  
*Venit cum Regina omniū supellex virtutum,  
Et Maria diues vno momento fuit.  
Nemo sanctorum huius momenti gratiam equauit,  
Et Maria ceteris momentis omnes Celites vicit:  
Scilicet augebat gratias, & augmenta gratiarum:  
Nec magis numerari augmenta possunt, quam momenta,  
Ne quare qua arce sciret, qua nondum sentiebat,  
Sapiebat infusā Sapientiā, non acquisitā,  
Et impeditis sensibus solo operabatur intellectu:  
Supplente Deo officia sensuum, & imagines rerum.*

VII.

NATIVITAS VIRGINIS.

**N**IHIL pulchrius vnquam Sol vidit nascente Virgine,  
*Nihil extra se nobilius aspexit Deus:  
Letantur longæui Parentes, & ignorant quod sperant:  
Quid si Auos Dei se scirent, & Deum Nepotem!  
Quid faceret Natura si futura scires!  
Natura natiuitas est hic ortus Mariae,  
Non satis dixi, ortus est Gratia.*

VIII.

PRÆSENTATIO IN TEMPLO.

**T**RIENNIS Virgo ingreditur templum, templo maior,  
*Et maior est gloria domus secunda, quam prima:  
Quam pī Parentes qui sua Deo vouent, & seipsos!  
Quid facerent si futura præscirent!*



5

*Ingressæ sunt cum Maria omnes virtutes,  
Et ingredi non debuit Regina sine alia:  
Ne quare qualem vitam in templo egerit,  
Qualem decebat Matrem Dei futuram,  
Et conceptura Deum corpore, iam concipiebat mente,  
Legebat in Prophetis Matrem Dei futuram, & scissam:  
Mirabatur alienum privilegium, & nesciebat suum.*

IX.

MATRIMONIUM VIRGINIS.

**V***T partus Virginis mysterium esset.  
Desponsatur homini sponsa Dei.  
Hic est Iosephus Mariae maritus:  
Inequalis si Pater esse debêret,  
Non inequalis Verbi Minister.  
Nec inaequalem facit fortuna fabri,  
Spes Davidis ad fabrum, & Virginem redacta erant,  
Nec tamen decreuerant.*

D. Tho-  
mas sic  
vocat.

*At ô novum Matrimonij genus!  
Innecere hæc vincula non carnes sed mentes;  
Sic palme nubunt non radice, sed vertice.*

X.

ANNUNTIATIO.

**M***ITTITUR Angelus ad Virginem Angelis parem, & maiorem,  
Salutat gratiâ plenam, & implendam Deo:  
Petit assensum ut prius concipiat mente, quam carne:  
Recusanti titulum Matris sine titulo Virginis  
Declarat concepturam non de alieno, sed de suo:  
~~Obumbraturum Spiritum & sensum,~~ non maritum.  
Tum vero ancillam se vocat Mater Dei futura:  
Fiat inquit mihi secundum verbum tuum,  
Dixit, & verbo conceptum est Verbum.  
Olim hæc vox fecerat mundum, nunc facit hominem Deum.*

XI.

VISITATIO.

**N***EC mora, pergit per aspera montium Virgo Deo plena,  
Impellente Deo, & Matrem portante dum portat:*

*Ingressa domum Cognata induxit secum Consanguineum Deum :  
 Salutant se inuicem paruuli nondum nati s  
 Exultant captiui , & liberi  
 Et Ioannes intra uterum penè exercebat officium Præcursoris :  
 Prophetant Matres spiritu paruulorum ,  
 Et Zacharias Propheta legis vltimus , & Gratie primus ,  
 Quem alij venturum prædixerant , annuntiat præsentem.*

## XII.

## IOANNES BAPTISTA.

**N**EMO hoc Præcone taciturnior , nemo vocalior fuit :  
*Vix conceptus loquelam abstulit Patri , & reddidit :  
 Nondum homo hospitem Deum excepit humanis nutibus :  
 Totis triginta annis tacuit , vt disceret loqui :  
 Post tantum silentium nihil nisi vox , & clamor fuit s  
 Nec linguâ tantum , sed omnibus membris Præco ,  
 Digito Agnum Dei ostendit , totum deinde dextera tetigit  
 Trunco etiam capite vocalis Herodem terruit :  
 Denique occisus ad limbo. Martyr . & Præcursor iuit :  
 Vir omnino magnus , & solo Deo minor :  
 Debet primam vitam Elizabethe , & secundam Mariæ.*

## XIII.

## NATIVITAS VERBI.

**I**NTEREA describebat Orbem Augustus , vt vestigalem faceret ,  
*Et numerabat homines Deus , vt omnes redimeret ,  
 At cheu , quale discrimen Dei , & hominis !  
 Patent vrbes omnes Augusto , & clauduntur Deo .  
 caret loco per quem factus est omnis locus :  
 Nasçitur inter dedecora Antri Dominus Cali :  
 Clamate immortales Angeli silente natura :  
 ET VERBUM CARO FACTVM EST , quale miraculum !  
 Verbum Patris silet , quale mysterium !  
 Verbum Matrem Virginem facit , quale prodigium !  
 Erant Ioseph , & Maria mirantes s  
 Puto nisi miracula faceret , ipse miraretur Deus .*

## XIV.

## PASTORES.

**N**VNTIATVR Pastoribus Natiuitas, & tacetur Regibus :  
 Scilicet agebant vigilias, & amat vigilēs Deus :  
 Accurrunt, ingrediuntur, mirantur :  
 Agnoscunt Agnum ab Origine mundi occisum,  
 Docentur iterum pro mundi salute occidendum :  
 Quid dixerint, puto neque ipsi narrare scirent,  
 Silentium; & admiratio vocis instar fuit :  
 Donarunt tamen Agnum Agno, & Matri Onem  
 Placuit simplicitas puero, & se deinceps appellauit Pastorem.

## XV.

## REGES.

**Q**VAM difficile latet Deus, qui vbique est  
 Apparet in Antro, sub saxo, & sub nihilo,  
 Agnoscunt tres Reges intra ~~speluncam~~ *sanctam*,  
 Inter sanum, & paleas thronum, & in throno Deum,  
 Aduoluntur ad pedes Infantis, & se fatentur minores :  
 Post adoratum Infantem pene adorassent Virginem,  
 Nisi fides docuisset Matrem Dei esse, non Deam :  
 Denique per aliam viam reuersi sunt in regionem suam,  
 Venerant Reges Ethnici, & reuertuntur Christiani :  
 Primam viam ostendit stella, & fides secundam.

## XVI.

## CIRCVMCISIO.

**A**VIDVS redimendi homines homo Deus,  
 Offert partem sanguinis, & quarit à Patre an sit satis :  
 Negat Pater sufficere hoc pretium, quamuis infinitum,  
 Admissum esse vadimonium eâ lege, vt cautio moreretur :  
 Placere tamen primitias sanguinis quasi Arrham pretij :  
 Absoluendum negotium, cum totum pretium solueretur :  
 O dura belli, & pacis rudimenta !  
 O nomen IESV pretiosum, quod tanto sanguine emitur !  
 O quanti venditur mea salus !  
 Elicuere sanguinem Iosephus & Mater, & lacrymas miscuere.

## XVII.

## PURIFICATIO.

**A**BSTINET publico Virgo quasi Mater impura;  
 Et nihil erat Mariâ purius nisi solus Deus.  
 Post quadragesis dies sistunt Infantem Deo, & erat Deus,  
 Redimit Mater filium, & Pater vendit:  
 Alieno pretio non egebat, qui emebatur suis  
 Columba filius erat & Agnus, & Mater turtur;  
 Amplectitur Simeon salutare Dei, & saluum se clamat:  
 Adorat Infantem Anna, & penè parturit:  
 Interea fit supplicatio, & erat supplex Deus:  
 Nullus hanc supplicationem equauit triumphus:  
 Pars supplicationis erat Christus, & spectator Deus.

## XVIII.

## FUGA IN ÆGYPTVM.

**A**T quale illud mystici, item luminatur à Deo fugere Deus,  
 Et cogitur exul esse, cui parria est omnis locus:  
 Doctre nos voluit exilium esse quicquid non est calum,  
 Et nos mundi huius hospites esse non ciues:  
 Nec tamen Ægyptus ignota Iosepho est;  
 Exul illic alter Iosephus, & pene Rex fuit;  
 Exularunt cum eo Iosephus, & Iesus,  
 Et nondum homo vterque, iam exul fuit.

## XIX.

## DVODENNIS IN TEMPLO.

**D**VODENNIS auditor in Templo, & Doctör,  
 Ea dixit de Deo qua Deum sapiebant non Puerum:  
 Et poterat ex doctrinâ agnosci esse Deus:  
 Nisi Magistros malè puduisset esse discipulos:  
 Admirans Mater absentiam filij interrogat causam;  
 Obmutuit, cum filius de Patre aeterno respondit.  
 Nec mora rediit ad sacrales operas Doctör legis:  
 Ne quare quid totis triginta annis egerit,  
 Latuit, & erat subditus illis:  
 Difficilis lectio tot annis doceri debuit.

## CHRISTVS FABER.

**E**XERCENT artem lignariam Iosephus, & Iesus,  
 Ponit tyrocinium Deus sub homine,  
 Discit aliquid qui nihil ignorat,  
 Docetur fingere rotas qui finxit stellas;  
 Afficit laborantes Mater, & segmenta colligit;  
 At heu dedolant Arborea olim Cruces futuras!  
 Et mortis, ac vite hac officina est,  
 Iosephe non attingeres Arborem  
 Si scires mortem latere in arbore;  
 Nec tu Mater fragmenta colligeres;  
 Scit Christus, & mortis olim futura iam faber est.

## XXI.

## VITA CHRISTI PRIVATA.

**A**T qualis hac vita diuina, & ignota?  
 Scilicet ~~amare~~ tacere Deus, & intra se esse;  
 Ante orbem conditus Deus intra se vixit;  
 Et sibi ipse mundus, & domus, & socius fuit;  
 Idcirco tres intra Deum Personae sunt, ne solus sit Deus;  
 Imitatus seipsum vt Deum, homo Deus.  
 Totis triginta annis apud Matrem latuit;  
 Nec tamen solus fuisse dicendus est dum cum Matre fuit,  
 Nec solus esse potest qui Deus & homo est,  
 Scilicet socius erat homo Deo, & homini Deus.

## XXII.

## VALEDICIT MATRI ITVRVS AD VITAM PVBLICAM.

**H**is fere Verbis valedixit Matri Verbum Patris:  
 Vocor ad vitam publicam, nec desero tamen priuatam,  
 Miscobo vtramque, & publicus ero, & occultus;  
 Dedi annos triginta vite occulta, tres dabo publica;  
 Inuisam te identidem, & tu identidem sequeris me,  
 Pars eris laboris mei, & ego tui,  
 Colligam discipulos, eorum tu quoque Mater eris:  
 Fiat, inquit Virgo, & amauit, & flevit.



## XXIII.

## NUPTIÆ CANENSES.

**N**ONDVM aderat miraculorum hora, nisi Maria adfuisset.  
 Euocauit miracula, quæ euocauerat Deum.  
 Deerat vinum Conuiujs, & Deus ipse Conuiuia erat;  
 Deesse aliquid non debet, vbi adest Deipara;  
 Proponit filio defectum, nec repulsam passa desperat:  
 Monet famulos exequi mandata filij etiam subirati;  
 Nec mora, pulchro miraculo aque vertuntur in vinas;  
 Mirantur famuli hauriri vinum ex aqua:  
 Et clamant puteum mutatum esse in dolium;  
 Scilicet ignorant Matrem esse quærogat, & Deum qui imperat.  
 Qui nunc aquas vertit in vinum, mutabit vinum in seipsum.  
 Bibitur interea opiparè, & bibuntur miracula.  
 Nec mirum si vinum est optimum, quod est miraculum.

## XXIV.

## MIRACULA VITÆ DVBLICÆ.

**M**IRACULO opus esset, vt numerari possent miracula,  
 Dum loquitur, aures surdis dum aspicit, oculos cæcis;  
 Dum tangit, pedes claudis restituit;  
 Paralysis, hydrops, lepra,  
 Morbi erant dum permetteret, sanitas cum iuberet;  
 Mors ipsa mirata est reddi sibi vitam, vel inuitas;  
 Miratus Demon ipse tot miracula,  
 Credidit Deum esse qui faceret, & Deo non credidit.

## XXV.

## DOCTRINA CHRISTI.

**A**T qualis illa doctrina, quam appellat suam, & non suam?  
 Mea doctrina, aiebat, non est mea;  
 Si tua est ô Christe, quomodo non tua;  
 Et si non tua, quomodo tua?  
 Quid est tam tuum quam Tu?  
 Et quid tam non tuum quam Tu? si es alicuius quod es?  
 Tua non erat vt hominis, tua erat vt Dei,  
 Verba erant Verbi, & Verbum est Patris;

*Sic tua doctrina erat, & non tua  
Doctrina erat pronuntiantis homini, & Dei loquentis:  
Humana vox erat, & verba divina.*

## XXVI.

## VALEDICIT MATRI ITVRVS AD CRUCEM.

**N**VNC denique diuellor à te Mater, & penè diuellor à me:  
Vocor ad mortem, & moriendum est Deo pro homine,  
Promiss ab eterno hanc mortem, cum vadem me dedi:  
Deest homini vnde soluat, & cautioni soluendum est:  
Hic erit ordo passionis meæ, & tue:  
Instituam hodie conuiuium mei, & tu sæpe vesceris me:  
Tradar ab vno ex meis, & amicum appellabo dum tradet:  
Accusabor, flagellabor, damnabitur Deus ab homine:  
Denique videbis me morientem, & mori voles.

## XXVII.

## CONSPECTVS LVGVBRIS.

**I**BAT operatus Cruce ad Crucem Deus.  
Ferebat victima lignum in quo erat moritura:  
Succubuit medio in itinere sub onere Arboris:  
Heu quale pondus quo opprimitur ipse Deus!  
Vidit cadentem filium Mater, & à filio visa est:  
Obstupuit, expauit, defecit:  
Sustinuit deficientem filius dum ipse deficit:  
Hodieque ostenditur peregrinis deliquij locus.

## XXVIII.

## MARIA IUXTA CRUCEM.

**S**TABAT juxta Crucem Maria altior cruce:  
Filius patibulum Matri, Mater filio patibulum erat:  
Cruce erat opposita cruce:  
Duplex, & vna arbor, gemina & vna victima:  
Ne quere quid passa sit filio patiente:  
Grauiora perpeffa est quam omnes Martyres:  
Sapius moritura nisi miracula fecisset vt Mater viueret,  
Qui contra se miracula fecit vt mori posset.  
Denique aspexit morientem, & mori voluit:

*Excepit vltis refixum è cruce filium,  
Et quæ viuum genuerat pene enixa est mortuum.*

## XXIX.

## MARIA IN TRIDUO MORTIS.

**M**ARIA hoc triduo penè exanimis fuit:  
*Scilicet secutus erat animum filij, animus Matris:  
Vterque ad limbos inuit, vterque ad Corpus rediit:  
Nec dubito quin accelerarit reditum filij  
Quæ accelerauerat aduentum Verbi.*

## XXX.

## RESVRRECTIO FILII, ET APPARITIO MATRI.

**R**EVIXIT post triduum Filius, & cum Filio Mater,  
*Huic primæ apparuit quæ prima meruerat,  
Et dum ostendit gloriam suam, pene effecit gloriosam.  
Quid dixerint rediit mi meditari licet non effari:  
Non est famuli explicare lætitiæ dominorum:  
Tanta gaudia nec Mater toleraret sine miraculo:  
Nec filius ferret nisi Deus esset.  
Verbo vno dico, reuixit dum rediituium filium vidit:  
Adorauit, amauit, & pene iterum Mater fuit.*

## XXXI.

## ASCENSVRVS IN CÆLVM VALEDICIT MATRI.

**R**EDEO ad Cælum Mater vnde ad te venis:  
*Euocabo te breui, vt illic Matrem habeam, vbi habeo Patrem:  
Interea tu Ecclesiæ meæ Mater esto,  
Volo Petrum Vicarium meum esse, & penè tuum.  
Nec defero Ecclesiæ cui Spiritum Sanctum substituo:  
Mittam illum tibi, ille procedit de meo.  
Paracletus erit ceteris, & sponsus tibi:  
Fiat, inquit Virgo, & quæ è Cælo euocauerat Verbum,  
Verbum emisit ad Cælum.*



## XXXII.

## PENTECOSTES.

**I**TERVM descendit in Cor Virginis, qui olim descenderat :  
 Repleuit totam domum, & pene mutauit in Cælum;  
 Ceteri particulas ignis, Maria totam flammam excepit :  
 Ibi inhabitauit Spiritus, vbi Verbum habitarat :  
 Et potuit esse filius nisi sponsus esse maluisset :  
 Amauit tamen Virginem vt hospitem, & pene vt Matrem.

## XXXIII.

## SEQVITVR IOANNEM IN ASIAM.

**A**DMISERAT Virgo Ioannem in filium, & ille in Matrem,  
 Substituerat eum sibi Christus, & Virgo amabatur à Virgine;  
 Secuta est euntem in Asiam, vt Asiam consecraret :  
 Et dum Ioannes Ecclesias regeret, Ioannem rexit  
 Nec tulit presentiam Mariæ Diana Ephesina :  
 Euauit ad omnipotentiam Deiparæ Dea fabulosa :  
 Vt scias Ephesum Deiparæ placuisse :  
 Apud illam defensa est Virginitas Matris, & Maternitas Dei.

## XXXIV.

## MORITVR VI AMORIS.

**A**VIDA erat Cæli Maria, & Mariæ Cælum anidum erat :  
 Rediit Ierusalem illic moritura, vbi filium viderat morientem :  
 Euocati ex variis orbis plagis Discipuli, vel adducti :  
 Eâ celeritate venerunt, quâ eunt Angeli :  
 Vident deficientem Matrem, & pene ipsi deficiunt :  
 Excessus Amoris erat non febris :  
 Nec mori nisi amore debuit, quæ amore vivebat :  
 Improbe amor quid petis amplius ?  
 Occidisti filium, & Matri non parcis.

## XXXV.

## INCORRUPTA IN TVMVLO.

**S**ENTIRE penam originale non debuit, quæ non admiserat culpam :  
 Nec filius pati corruptionem potuit, nec Mater debuit.

Opprobrium esset vnius, probrum alterius:  
*Quid vermis cum eâ carne quam consecrauit Deus?*  
*Pene mutata est in spiritum dum corporauit Verbum:*  
*Mortem tamen subiit, sed vt alienam pœnam, non suam:*  
*Denique vi amoris obiit non febris, aut morbi:*  
*At ignis dum absunit, illustrat quod vrit.*

## XXXVI.

## ASSUMPTIO VIRGINIS.

**A**T qualis ille Currus cuius Aurigæ sunt immortales spiritus?  
*Qualis illa quæ ascendit, & cui Deus sit obuius?*  
*Hæc est Regina naturæ, & pene gratiæ:*  
*Tali pompâ excipienda erat, quæ Deum exceperat,*  
*Assurge anime, dic aliquid sublimius,*  
*Ante aduentum Mariæ regnabant in Cælo tres Personæ,*  
*Nec regnabant tres Reges.*  
*Alterum thronum addidit homo Deus:*  
*Aduentante Mariâ tertius thronus est additus:*  
*Et nunc triplex in Cælo regnum est, vbi eras unicum:*  
*Sedet proxima Deo Mater Dei:*  
*Agnoscent se subditos huic throno, Throni Angelici:*  
*Et Mariâ inferius est, quidquid non est Deus.*

## XXXVII.

## GRATIA, GLORIA, ET CULTVS VIRGINIS.

**Q**VANTA sit Mariæ gloria solus ille nouit qui consulit:  
*Sciebat Virgo artem sœnerandi cum Deo,*  
*Et pulchro sœnore augebat merita meritis, & gratias gratiis,*  
*Quæ primo vitæ momenso plus habuit quam singuli Cœlites,*  
*Credi potest extremo articulo plus habuisse quam omnes:*  
*Nec dubium est quin plus habeat gloriæ, quæ plus habet gratiæ:*  
*Atque hæc est mensura hyperdulciæ, excessus gloriæ.*

## XXXVIII.

## POTESTAS VIRGINIS.

**Q**VÆRIS quid possit in Cælo? est omnipotens:  
*Præfecit illam Deus thesauris, & beneficiis suis:*  
*Qui seipsum dedit per Mariam,*

*Omnia vult nos habere per Mariam.*

*Nec liberalior eligi poterat dispensatrix, nec efficacior :*

*Ceteri Cœlites rogando impetrant, Maria penè imperando :*

*Subditus olim illi Deus nunc etiam pareret, si illa præciperet.*

*Nec tamen imperio opus est erga volentem.*

*Id quoque Deus Matri subdidit, ne à Matre aliud vellet.*

### XXXIX.

#### PATROCINIVM VIRGINIS.

**E**LIGE qualem velis Mariam, vult à te eligi,  
*Aduocata est si times, mediatrix si non audes :*  
*Asylum est miseris, altare reis, ararium egenis :*  
*Orantibus donat, ingratis ingerit, inuitis obtrudit :*  
*Neminem relictura miserum nisi esse velit :*  
*Imo neque omnes patitur esse miseros, qui esse volunt :*  
*Nemo queri de illâ potest etiam impius :*  
*Patet omnibus etiam dum non patet Deus :*  
*Post amissum Deum adhuc superest Mater Dei :*  
*Et post naufragium adhuc se offert tabula nauis :*  
*Abieccisti illam, periiisti*  
*Apprehendisti illam, euasisti.*



# SELECTA

## ALIQVA PATRVN ELOGIA

### DE EXCELLENTIA B. VIRGINIS.

## I.

*IMMVNITAS AB OMNI PECCATO.*

Vgust. l. de Natura & Gratia c. 36. Excepta B. Virgine de qua cum de peccatis agitur nullam prorsus haberi volo quæstionem. Addit August. neminem esse liberum ab omni peccato proprio, nisi qui careat etiam labe originali, at ex Augustino B. Virgo caruit omni proprio, ergo etiam originali.

## II.

*IMMVNITAS AB ORIGINALI.*

O Rigenes in c. 1. Mathæi. Huius itaque Vnigeniti Dei dicitur Mater Virgo Maria, digna digni, immaculata sancti, vnica vnici; & addit, accipe ergo eam sicut commendatum cælestem thesaurum, Deitatis diuitias, sicut plenissimam sanctitatem, accipe eam sicut Vnigeniti mansionem.

## III.

*MATERNITAS B. VIRGINIS.*

D. Ansel. l. de excellentia Virg. c. 3. Intendat mens humana, intendat, & videat, & admiretur; vnicum filium sibi consubstantialem Deus progeniuit, hunc sibi tam vnicum, & in omnibus omnino æqualem non est passus remanere solummodo suum, sed eundem ipsum voluit esse B. Mariæ vnicum, & dilectissimum, & naturalem filium. Nec ita vt duo essent, vnus videlicet Dei Filius, & alter sanctæ Mariæ, sed vnus & idem ipse qui Filius Dei est in vna persona, Filius esset sanctæ Mariæ, & qui Filius est sanctæ Mariæ, idem Filius esset Dei.

## DIGNITAS MATERNITATIS.

**E**piphanius orat. de laudib. Virg. Solo Deo excepto cunctis superior existis. Idiota in contemp. de B. Virgine. Nemo æqualis est tibi, nemo maior te, nisi Deus. Anselm. l. de excell. Virg. Supereminentem omni quod post Deum hominem creatum est, excellentiam Dei Matris contemplari anhelans horreo, &c. hoc solum de B. Virgine cogitare quod Dei Mater est, excedit omnem altitudinem quæ potest dici aut cogitari potest.

## V.

## INFINITAS MATERNITATIS.

**S.** Thomas 1. p. q. 25. art. 6. Beata Virgo ex hoc quod est Mater Dei habet quandam infinitatem, ex bono infinito quod est Deus, & ex hac parte nihil potest fieri melius, sicut non potest aliquid melius esse Deo.

D. Bonau. in speculo c. 8. Ipsa est quæ maiorem facere Deus non potest: maiorem mundum facere posset Deus, maius cælum &c. maiorem Matrem quam Matrem Dei facere non potest.

Albertus magnus in Mariali c. 230. Filius infinitat Matris bonitatem.

## VI.

## ELEVATIO Mariæ AD MATERNITATEM.

**S.** Bernard. tom. 1. Conc. 61. Quod enim Deus generet Verbum nulla in eo requirebatur dispositio, cum ei ex naturâ contueniret, ut per viam intellectus produceret per omnia sibi æqualem; sed quod femina Deum pareret fuit miraculorum miraculum, oportuit enim eleuari ad quandam æqualitatem diuinam per quandam quasi infinitatem perfectionum & gratiarum.

August. tract. de 5. hæresibus. Ego Matrem de qua nascerer feci; Ego viam meo itineri præparavi.

## VII.

## PROXIMITAS CVM DEO.

**S.** Bernardus serm. in signum magnum. Quam familiaris ei facta es, Domina, quam proxima imo quam intima fieri meruisti? in te manet, & tu in eo, & vestis eum, & vestiris ab eo, vestis cum substantia carnis, & vestit ille te gloria maiestatis, vestis solem nube, & sole ipsa vestiris:

## VIII.

*FAMILIARITAS CVM DEO.*

**A**lbertus magnus in Mariali. Maria per Maternitatem Deo fuit propinquissima familiaritate, similitudine, substantiæ identitate.

Bernard. serm. de B. Maria: In hac habitauit Pater, & Filius, & Spiritus Sanctus, tanquam Creator in mundo, Imperator in Regno, Paterfamilias in domo, Sponsus in thalamo.

## IX.

*AFFINITAS CVM DEO.*

**S.** Gregor. Nyss. orat. in laudem Basilij fratris, Magnitudo Virginis est affinitas, & necessitudo cum Deo.

Synecius in Carmin. Ipsa Mater, ipsa Soror, ipsa Filia, quibus si accesserit sponsæ nomen, omnem cognationis, & affinitatis rationem conclusis.

S. Thom. 2. 2. q. 103. art. 4. Beata Virgo specialem affinitatem habet ad Deum, in quantum est Mater Dei.

## X.

*SIMILITUDO CVM DEO.*

**S.** Dionysius, Epist. ad Sanctum Paulum, Perspexi, atque propriis oculis intuitus sum Deiformem, atque super omnes Cælicos Spiritus sanctissimam Matrem; & addit. Testor eum, qui aderat in Virgine Deum, si tua diuina concepta mente me non docuissent, hanc ego verum Deum esse credidissem; quoniam nulla maior videri possit gloria, quam illa felicitas.

## XI.

*VNITAS, ET IDENTITAS ANALOGICA CVM DEO.*

**P**etrus Dam. serm. 2. de Natiuit. quarto modo Deus inest Mariæ, quia idem est quod illa; hîc taceat atque contremisecat omnis creatura, & vix audeat aspicere tantæ dignitatis immensitatem, Dominus tecum, inquit Archangelus, habitat in Angelis Deus, sed non cum Angelis, quia cum illis eiusdem non est essentia, habitat cum illa, cum quâ vnus naturæ habet identitatem.

August. serm. 4. de Assumpt. Caro Iesu caro est Mariæ, & multo spe-



cialius quam Ioseph Iudæ, cæterorumque fratrum eius, quibus dicebat, caro nostra & frater noster est.

## XII.

*B. VIRGO HONORATUR A FILIO.*

**H**ippolytus orat. de S. Qui dixit honora Patrem & Matrem ut decretum à se promulgatum seruaret, omnem gratiam Matri & honorem impendit. D. Damasc. orat. 1. de dormit. Deiparæ. Christus bonus legislator, etsi legi minus sit subiectus, legem tamen quam de honorandis Parentibus sanxit implens, Matrem honorat.

## XIII.

*DOMINIVM QVODDAM HABET IN CHRISTVM.*

**S.** Bernardus serm. 2. super Missus. Mirare vtrumlibet, & elige quid amplius mireris, siue Filij Dei benignissimam dignationem, siue Matris excellentissimam dignitatem, vtrumque stupor, quod Deus famina obtemperet, humilitas sine exemplo, & quod Deo femina princeperetur, sublimitas sine socio.

Petrus Damiani serm. de Natiu. Accedis ad illud diuina seueritatis tribunal, non rogans sed imperans, domina non ancilla, quomodo enim potestati tuæ obuiare poterit potestas illa, quæ de tuis viceribus traxit originem.

Richardus à S. Laurentio, lib. 2. de laud. Virg. Non solum potest filio supplicare, sed etiam potest autoritate materna eidem imperare.

## XIV.

*OMNIPOTENTIA QVÆDAM MARIE.*

**B**ernardinus Senensis tom. 1. serm. 61. art. 3. cap. 36. Hæc inquit propositio vera est, imperio Virginis omnia famulantur, etiam Deus.

Richardus à S. Laurentio lib. 2. de laudibus Mariæ, sola detinet iram Dei ne statim vindicet nos.

## XV.

*PATROCINIVM VIRGINIS.*

**D.** Bernardus serm. 1. super Missus. Sicut à te despectus, & auersus necesse est quod pereat, sic ad Te reuersus, & à Te receptus impossibile est quod pereat.

Idem Bernardus. Neminem vidi accedentem ad Te, qui perierit, neminem à Te recedentem qui non perierit.

# IN ILLVD SANCTORVM PATRV MARIA DONVM DEI. ET DONORVM DOMINA.

## DECIM ELOGIA.

I.

### MARIA DONVM DEI.

**D**ONAVIT Deus hominibus Mariam, & illa hominibus donavit Deum, mutua liberalitas est, & alternum certamen; vinceret Maria nisi accepisset quod donat: nihil tamen extra donavit Deus maius Virgine, nisi cum donavit seipsum; sed neque seipsum dedisset, nisi Virginem donasset priorem.

II.

### MARIA DONVM TRIUM PERSONARVM.

**P**LACET ulterius ire, & maius aliquid de Mariâ dicere: donauerat intra se Deus, quidquid intra Deum donari potest: dederat omnia filio Pater; præter characterem Patris, dederat uterque omnia spiritui almo præter titulum spiritoris: Cum neque esset alius intra Deum qui donare posset; neque alius qui posset accipere, expectari voluerunt nobis personæ quid possent donare extra se; electa est Maria in qua tres Personæ explorarent quid donare possent.

III.

### MARIA DONVM PATRIS ÆTERNI.

**S**E MEL locutus Pater æternus vno Verbo omnia dixit, & semel vno auditu omnia Verbum audiit: nec Pater plura dicere intra se, nec Verbum plura poterat audire: Ne vnica tantum Patris locutio esset, electa est Virgo cui Pater iterum Verbum diceret, & quæ Patri rursus Verbum repeteret: excepit Verbum Maria hominem fecit, & Patri reddidit. O eloquentem feminam quæ Patrem æternum loquentem, & Verbum iterum vocale fecit.

IV.

### MARIA DONVM FILII.

**E**XHAUSERAT intellectum Patris æterni Filius vnicus, neque intra Deum alter gigni poterat, neque idem iterum nasci: & tamen audis



nouæ Natiuitatis Filius Matrem oprabat similem Patri. O rem miraculo maiorem! substituit sibi Matrem Pater æternus, & Filius qui Matrem nascens non habuit, renascens inuenit: sic idem bis genitus, idem bis natus: idem Patris æterni iterum Filius fuit.

## V.

## MARIA DONVM SPIRITVS SANCTI.

**A** MANT se inuicem Pater æternus & Filius; debet esse vnus qui amet, debet alter esse qui redamet; debet esse tertius qui amorem excipiat quo vterque se amat: sic absoluitur intra Deum amabilis circulus; nec plures personas admittere potest Diuinitas tribus plena; nec paucioribus esse beata: Ne tamen Spiritus omnino infecundus esset, elegit extra Deum in Sponsam Virginem, impleuit gratia, obumbravit, adiunxit, Deiparam fecit; sic intra Deum sterilis, foris fecundus fuit.

## VI.

## QVALE, ET QVANTVM DONVM MARIA.

**Q** VALE & quantum Dei Donum sic Deipara ex eo collige; hæc Patrem æternum imitata eundem Patris Filium de suo iterum genuit; non eguit Matre Pater Diuinus vt Verbum gigneret, nec Patre Virgo vt Verbum conciperet; admisit illa quidem Spiritum Sanctum, sed vt Sponsum non Maritum, & Spiritus Sanctus Adiutor fuit, non Genitor; scilicet efformauit Corpus Infantis, sed de alieno, non de suo. O Matrem Patri æterno similem! neque ille faminam nouit, neque hæc virum; & Patrem oportuit esse Virginem, vt Verbum gigneret, & Mater Virgo esse debuit, vt Deipara esset.

## VII.

## MARIA DONORVM DOMINA.

**Q** V I D mirum si hæc Donorum Domina est, cui Deus donauit seipsum, & quæ hominibus donauit Deum; nec deest illi voluntas donandi, quæ à Deo donare didicit, nec facultas quam Deus penè omnipotentem reddidit; nec desunt donanda cui Deus donauit omnia; neque illa est tantum administra Donorum, sed Domina; rogare potest Filium volentem donare, & vrgeri nolentem, & ille olim subditus Matri nunc etiam rogari potest, & vrgeri; nec tamen vrgendus est, qui legis obseruans quam tulit, reueretur Matrem, explorat eius vota, & præuertit imperia.

## VIII.

## DEIPARA ECCLESIAE DOMINA.

**D**OMINA est Ecclesiae Deipara, & Mater & filia; subdidit illi Christus Ecclesiam suam cum seipsum subiecit; Matrem quoque Ecclesiae fecit dum fecit suam; Eadem filia est Ecclesiae dum est filia gratiae: genuit illa gratiam dum filium genuit, sed gratia fecit ut gigneret.

## IX.

## DEIPARA DOMINA SUMMORUM PONTIFICUM.

**H**Æc quoque Domina & summorum Pontificum; non essent illi Vicarii filij nisi essent administri Matris: Angularis Ecclesiae lapis est Christus, & Maria lapidis Angulus; hæc fecit utraque unum dum fecit hominem Deum; huic lapidi, & Angulo inniti debent summi Pontifices ut sint immobiles.

## X.

## DOMINA REGVM.

**E**T Sceptra quoque & Coronæ sunt dona Virginis, Deus ut nobiles subditos haberet fecit Reges, ut Matrem honoraret eisdem esse voluit subditos Matri suæ: Maius aliquid dico, Deus ipse dum apud nos viueret subditus esse voluit Matris, nec tantum filius; inde illa reuerentia Regum erga Virginem, fecit illam Deus Regum Dominam dum fecit Deiparam.

## IN ILLVD CANTICI MARIANI

ECCE ENIM BEATAM ME DICENT OMNES  
GENERATIONES.

## INDVCTIONES DIVI BERNARDI.

## I.

**B**eatam me dixit Pater æternus cum Deiparam fecit:  
Increati Verbi Pater, Matrem me esse voluit Incarnati.

## II.

*Beatam me dixit Dei Filius, cum elegit in Matrem:  
Semel ex Patre natus, per me est iterum Filius.*

## III.

*Beatam me dixit Spiritus Sanctus cum elegit in Sponsam :  
Sponsus, non Maritus Matrem de meo me fecit, non de suo.*

## IV.

*Beatam me dixit Archangelus cum Virginem salutavit :  
Euanuit ad Majestatem nominis cum Deiparam sciuit.*

## V.

*Beatam me dicunt summi Pontifices, & per me sunt magni ;  
Administrant Imperium filij, & Regnum Matris.*

## VI.

*Beatam me appellant Reges terrarum, & Principes :  
Gerunt vices Dei dum imperant, & Matris dum regnant.*

## VII.

*Beatam me vocant Galliarum Reges, Regum primogeniti ;  
Non essent Reges Christianissimi, nisi essent Mariani.*

## VIII.

*Beatam me dicunt beate Calitum mentes,  
Post aspectum Dei, pars aliqua glorie est aspectus Virginis.*

## IX.

*Beatam me appellant omnes amantes beatitudinis ;  
Ut sperare illam possint, ego sum Mater spei.*

## X.

*Beatam me appellant peccatores, & miseri,  
Post amissum Deum, nondum fecere iacturam mei.*

DEUISES SVR LES SOLEMNITEZ  
DE LA SAINTE VIERGE.

## I.

## SVR LA CONCEPTION.

*Vne Perle conceuë dans sa Nacre.*

*Intra vterum iam pura fui.*

## II.

## SVR LA NATIVITE.

*L'Halcyon faisant son Nid parmy les tempestes.*

*Pacem afferet undis.*

## III.

LA VIERGE DANS LE TEMPLE AVEC SES COMPAGNES.

Des Abeilles dans leurs Ruches.

*Mella parant, Ceramque Aris.*

## IV.

SAINT IOSEPH MARIE' A LA VIERGE.

Le Roy des Abeilles marié, & Vierge.

*Fide non corpore coniux.*

## V.

L'ANNONCIATION A LA VIERGE.

Vne Echo dans son Rocher.

*Soli sum peruia Verbo.*

## VI.

SVR LA VISITATION.

Deux Palmes s'entre-baifans de leurs Cymes.

*Blanda se pace saluant.*

## VII.

SVR LA NATIVITE' DV SAVVEVR.

Vne Aigle ayant enfanté vn Aiglon.

*Latatur genuisse parem.*

## VIII.

VIERGE APRES L'ENFANTEMENT.

Vn Soleil penetrant vn Crystal.

*Peruadit, nec ledit iter.*

## IX.

SVR LA PURIFICATION.

Les Macules du Soleil font des Estoiles.

*Ex maculis facit Astra suis.*

## X.

IESVS TRENTÉ ANS AVEC LA VIERGE.

La Lune sous le Soleil.

*Totum si posset haberet.*

## XI.

LA VIERGE AV PIED DE LA CROIX.

Vne Lune en Eclypse.

*Morientis syderis umbra.*

## XII.

LA VIERGE DEFENDVE PAR SON FILS DANS LE SEPVLCRE.

Le Roy des Abeilles sur sa Ruche.

*Sua Regna tuetur.*

## XIII.

L'ASSOMPTION DE LA VIERGE EN CORPS.

Vne Nacre dépoüillée de ses Perles.

*Exnuis debetur bonos.*

## XIV.

LA VIERGE DANS LE CIEL.

Le Signe de la Vierge entre le Lyon, &amp; la Balance.

*Celestes temperat iras.*

## XV.

LA DEVOTION A LA VIERGE.

L'Estoile Polaire.

*Qui me non afficit errat.*

## ELOGIVM POËTICVM

SACRÆ SYNDONIS BISONTINÆ.



ON Mundi hac sed mappa Dei est ; prior illa rotundi  
 Interualla globi, laudesque, & probra locorum,  
 Et pacem, & pugnas chartâ permiscet in vnâ,  
 Et punctum est quod tot calamis, gladiisque secatur,  
 Hic cursus, casusque hominum, nec arena timetur.

Plus mundo mappa ista gerit, vaga machina mundi,  
 Pendet diuine librata è pollice dextra,  
 Fert totam tela ista manum ; Deus omnia Verbo  
 Sustinet, & tanto incumbit leue pondus Atlanti ;  
 Et Deus, & totum portatur Syndone Verbum.

Vtrique hoc dispar tabula, nuda orbis imago est,  
 Hac magni plusquam umbra Dei ; vis illa cruoris  
 Qua manuum, & lateris plagas, atque ora colorat,  
 Hac sanies olim Verbo sociata marito est,  
 Nunc etiam retinet venerandum in Syndone Numen,  
 Et Sponsi monumenta Dei. O venerabilis humer !



O anima sedes diuinæ! ô amabile vinclum  
 Quo nupsit Natura Deo! Te sanguis adoro  
 Sub magnâ viuentem animâ, perque humida membra  
 Miscentem Verbo humane commercia vites  
 Te veneror lacera rorantem è vulnere carnis,  
 Dum totum fons corpus erat: Tu lance repositus  
 Diuinâ, & iustæ pendens examine libra  
 Humanis pondus vitiiis æquale fuisti,  
 Et culpam superauit onus. Te rursus adoro  
 Alme cruor, telamque tuo de rore madentem:  
 O sacræ pretium tela, quam pictor inumbrat,  
 Et tingis de rore suo: Non doctus Appelles,  
 Non ita Protogenes proprio se sanguine pingit,  
 Et color, & propriæ lumen, radiusque tabella,  
 Et Pater ipse sui. Quid si post funera Christus  
 Diuinum producit opus? si morte sepulti  
 Illustrant pingentem oculi? si dextera vinclis  
 Implicita efformat varias immota figuras,  
 Et pingit quod nescit opus? quid si vmbra sepulcri,  
 Et situs, & tenebræ, & viua mors profuit arti?  
 Quinetiam has adhibet Deus ad miracula causas,  
 Et famulas operas, sic dum componeret orbem,  
 Nascentis primum mundi instrumenta suere  
 Et nihilum, & tenebræ: sic vt sudaria pingat  
 Et cinis, & tumulus, tenebræque, & squallor, & ipsa  
 Mors famula est: gaudet Domino parere iubenti,  
 Et vitam dat vite expers: Vix Christus ab vmbri  
 Lethiferis olidum plorans clamaret amicum:  
 Ecce tibi tumuli rupto de carcere prodit  
 Lazarus, & victi præfert spolia ampla sepulcri:  
 Res noua! lethales adstringunt membra catena,  
 Vincula tamen se crura mouent: mors viua putatur,  
 Ambulat effossus cinis, & sudaria viuunt.  
 Hæc quisquis maiora putas, expende iubentis  
 Imperium, tunc quæ mundus miracula credit,  
 Ars erit, & Natura Dei: non aridus illi,  
 Et sterilis sermo, non infæcunda voluntas,  
 Nutum opus, & vocem dicentis facta sequuntur.  
 Dixerat, & verbo tellus stetit, vnda cucurrit,  
 Aërque, & Cælum nutu sublime pependit.  
 Dixerat, & sanguis per telam ex ordine fluxit,



Et caput, & manuum labes, & pectoris antrum,  
Idem opifex mundum sermo, & sudaria pinxit;

Nil ego iam miror medicæ per prælia flammæ,  
Arfisse illasam telam, vinosque colores,  
Sub cinere, & calce, & gelidis rubuisse sub undis  
Ridet aquas Syndon, flammæ irridet edaces,  
Ex quo pingentis rubuit de murice Christi,  
Et puto bibit ore Deum: Bellator Hebræus  
Quo duce pugnantes equitarunt aëre nubes,  
Et miles natura fuit, medio æthere vidit  
Radices egisse rubum, cui brachia circum,  
Armasque comas torrentis acumine spine  
Flamma equitans, rubeisque affigens oscula linguis,  
Pugna instar pulchri edebat spectacula ludis  
Attonitus visis Moses, dum lumina figit  
Altius, in medijs miratur pectore dumi  
Præsentem latitare Deum, circumque tribunal  
Purpureum roseis hæc verba inscripta figuris,  
Vivitur in flammis, inter contraria pax est.

Siste tamen Moses, hæc temporis umbra futuri,  
In medijs Virgo flammis, & Christi in igne est;  
Et iam tum in medijs ludunt sudaria flammis,  
Quidni ignis tela parcat, qui lussit in umbrâ?

Nec sole telam flammæ sed tempus adoras;  
Et fluxum reueretur opus: si ferrea Syndon,  
Si magnes, Adamasque esses, sensisses edacis  
Detrimenta aui, rodentemque omnia limam:  
Quod dures Deus est, parcut elementa cruori;  
Et tela impressam venerantur secula figuram.

Expende annorum seriem, dilapsæque secla,  
Ridebis senuisse cedros, pallere metalla,  
Marmoraque, & senibus gemmas horrescere rugis,  
Et iuuenem Telam illasâ durare figurâ,  
Mutato toties inter tot secula mando.

Quid tibi Chrysopolis Tela dubitatur origo,  
Donatæque annus vestis, cressoque lapillo  
Obsignanda dies? celauit tempora Christus  
Vt solus sit doni Author, quid tempora curas?  
Autoremque hominem, dum Tela & munera constant,  
Et toto patet ore Deus.

Ecce Deum plenus Elementa in Sydone tingunt.

Proclamant, & ne voci experientia desit,  
 Facundis euulgat homo miracula membris,  
 Expertumque Deum: quis veri certior Author  
 Esse queat, quam dum spectat miracula cecus?  
 Quæ tuba nobilior quam dum præconia mutus,  
 Et Tela laudes loquitur: plantæque, manusque,  
 Sanatique artus sacri sunt pignora doni,  
 Et totidem testes iurant sudaria lingua.

Quinetiam Tela numen confirmat Avernus,  
 Et dum eiurata clamant incendia larvæ,  
 Plus aliquid Tela est quod sic torquere fatentur:  
 Torquet idem in Tela numen, quod torquet in igne.

O quantus Christe es, cuius sic Umbra timetur!  
 Quam dulces artus quorum sic vestis amatur!  
 Dulces exuuiæ, blandum, & venerabile munus,  
 Umbra Dei, Sanguis Christi, & cum sanguine numen.

Igniuomis vates raptus sublime quadrigis,  
 Et virgam, & mæsto chlamydem legauit amico:  
 Plus aliquid Christus legat, sic Syndon imago est,  
 Vt sanguis quo picta rubet, sub numine membrum  
 Parsque Dei fuerit. Felix hoc munere tanto  
 Chrysopolis, tela dignata, & sanguine Christi:  
 Ante tibi pulchro nomen splendebat ab auro,  
 Maior honos surgit, nunc Christi, & sanguinis hæres,  
 Debes Chrysopolis mutato nomine dici.

## ELOGIA DEI.

### I.

#### EXISTENTIA DEI.

**N**ON existeret Mundus, nisi existeret Deus:  
 Nec navis sine gubernatore,  
 Nec tabella sine pictore,  
 Nec sine Architecto Palatium,

Nec sine Rege imperium,

Nec sine Duce exercitus,

Nec sine Deo est mundus.

Si Elementa, si rupes, si arbores loqui scirent;

Loquentis nature vox vna hac esset, datur Deus.

*Nemo de Deo dubitat etiam impius,  
Solut in corde suo Deum negat:  
Sed dum sic negat, affirmat.  
Ceteris in rebus ignari esse possumus;  
Omnes hac in parte Christiani sumus.*

## II.

## NATVRA DEI.

**N**E quare genus Dei, nihil habet commune;  
Nec differentiam, totus ab aliis differt;  
Nec accidentia, totus substantia est;  
Vis scire quid sit Deus,  
Apex Entium, vertex rerum,  
Ens à se, Actus purus,  
Nullus de alieno, totus de suo,  
Fons fluminis sui,  
Oceanus seipso plenus,  
Nullius egens, & quo omnia egent,  
Id quo nihil est melius,  
Hic est Deus.

## III.

## VNITAS DEI.

**V**T scias Deum esse unum, quare quid Deus sit;  
Non esset Actus purus, nisi esset unus.  
Non esset id quo nihil est melius, nisi esset solus;  
Si essent plures, singuli haberent sua, non omnia,  
Deesset igitur alteri, quod alter habet,  
At ille non est Deus, cui aliquid deest:  
Et liberi essent singuli, si essent Dij:  
Posset igitur alter nolle quod alter vellet,  
At ille non esset Deus, cui resisteret Deus:  
Nullitas Numinum est pluralitas Numinum;  
Vnicitas Dei, est Dei veritas.

## IV.

## TRINITAS PERSONARVM.

**D**IVINVS penè est Deum Trinum esse, quam unum,  
Demonstrat unum Theologia, non demonstrat Trinum,

Publica penè est vnitas Dei, arcana Trinitas ;  
 Latet sub velo fidei, & credi potest non sciri.  
 Quis illud intelligat naturam diuinam vnitate distribui?  
 Conflari numerum, nec ab vnitate recedi?  
 Communicari naturam, nec diuidi.

Quis capiat tres esse Personas, non substantias,  
 Cur inter aequales vna sit prima,  
 Cur nec pauciores esse possint, nec plures.

Quis explicet Patrem priorem esse filio, non antiquiorem,  
 Spiritum Sanctum spirari, non gigni  
 Procedere aequalem Patri, non similem,  
 Aut similem filio esse, non fratrem.

Superant hæc omnia rationem, non fidem,  
 Exceditur humana ratio non fallitur,  
 Et adiuta alieno lumine scit pene quod credit.

Debet intra se Deus exercere societatem, ne sit solus,  
 Debet loqui posse, ne sit mutus,  
 Debet igitur vnus esse qui dicat,  
 Debet alter esse qui audiat,  
 Debet tertius esse qui dicta diligit.

Debet vnus esse qui amet, debet alter esse qui redamet ;  
 Debet tertius esse cui vterque amorem communicet,  
 Sic absoluitur numerosus diuini amoris circulus ;  
 Nec locus est quarta Persone, Deum exhaustere tres prima.

## V.

## PATER ÆTERNVS.

**H**ic sine Aus, & Proaus, sine Patre, & Pater suis  
 Ante mundum, & ante nihilum,  
 Æternitatem vidit, & fecit.  
 Post eternitatem mundum ex nihilo creauit, cum voluit,  
 Ante mundum genuit Verbum ex seipso, non ex nihilo.  
 Locutus est, nec potuit loqui nisi alteri ;  
 Alterum illum produxit, cum dixit  
 Dedit illi omnia sua, ut esset equalis,  
 Fecit imaginem sui, ut esset similis,  
 Nihil exceperit nisi titulum Patris, quem dare non potuit:  
 Sic tamen omnia dedit, ut nihil amiserit,  
 Fecit de suo diuitem, nec se pauperem.  
 Sufficit eadem diuinitas duobus, & sufficit tribus :

*Solus ex se produxit Verbum, & cum illo Spiritum,  
Minus esse non debuit fecundus corde quam mente:  
Prior utroque, non tamen antiquior est nec maior,  
Prioritas est originis, non æui, aut temporis:  
Æquæua vitæ sunt qui semper vixere.*

## VI.

## VERBUM ÆTERNVM.

**H**IC *fatus mentis Paternæ, & Verbum oris,  
Videntis speculum, Echo loquentis,  
Alius est à Patre non aliud.  
Eloquens Pater omnia Verbo uno dicit, & vni,  
Nec alius esse potest qui dicat,  
Nec alius esse qui audiat,  
Nec præter id quod dixit est aliud:  
Exhaurit magnum Oratorem sermo vnicus,  
Nihil habet ultra quod dicat, qui dixit omnia:  
Non intermittit tamen dicere qui semel dixit,  
Singulis momentis, idem dicit, nec repetit,  
Semper genitus est Filius, & semper gignitur,  
Cessaret Pater esse, si cessaret dicere,  
Cessaret Filius esse, si cessaret audire,  
Et si esse posset in Deo silentium,  
Nec Pater esset, nec Verbum.*

## VII.

## SPIRITVS SANCTVS.

**H**IC *à Patre & Filio non ore sed corde,  
Nec linguâ procedit sed flammâ,  
Pater & Filius duo spirantes, nec duo spiratores,  
Vno Spiritu, & mutuo impetu,  
Eliciunt flammam quam anhelant:  
Procedit à duobus Spiritus vnus,  
Halitus oris, vapor cordis,  
Gemini amantis vnum osculum,  
Gemini spirantis vnum suspirium,  
Patris & Filij cor vnicum.  
Exhaurit spirantes anhelitus vnus,  
Nec tamen amare cessant, dum semper anhelant.*



*Cessarent viuere, si cessarent spirare.  
 Sic Patris fecunditas exhauretur in Verbo;  
 Sic Pater & Filius quiescunt in osculo;  
 Sic tres Personæ implent amabilem circulum,  
 Sic extendunt triangulum, nec deserunt centrum.*

## VIII.

## VERBUM INCARNATVM.

**H**IC ex Deo homo, ex homine Deus,  
 Naturam diuinam innata purpurâ,  
 Humanam vestiuit aliena.  
 Illam terminans, hanc sustentans, utramque copulans,  
 Eundem semel hominem, semel Deum;  
 Eadem coronâ bis Regem facit.  
 Idem infinitus, & finitus,  
 Idem æternus, & nouus,  
 Idem Deus & homo est ut sit Iesus.  
 Idem homo esse debuit, ut debitor esset.  
 Idem Deus esse debuit ut posset soluere.  
 Idem immortalis, ut Deus,  
 Homo esse voluit ut mori posset.  
 Idem hominis misertus, ut Deus.  
 Ut experiretur misericordiam miser esse voluit.  
 Idem de homine cogitat gemino intellectu,  
 Idem homines amat duplici affectu;  
 Idem bis liberalis ut tribuat,  
 Bis misericors ut præstat;  
 Bis potens ut protegat,  
 Idem geminatas virtutes habet, ut sæpe sit bonus.  
 Denique vis scire quid sit Iesus?  
 Plus aliquid dicit Iesus quam Deus.

## IX.

## INFINITAS DEI.

**N**ON esset Deus nisi esset infinitus,  
 Posset crescere si esset finitus;  
 Posset melior esse, nisi esset optimus,  
 Posset maior esse, nisi esset maximus,  
 At Deo nihil potest esse aut maius, aut melius.

Neque



Neque vno tantum modo infinitus est Deus, sed omnibus,  
 Infinite sapiens esse debet ut sciat omnia,  
 Infinite potens ut faciat;  
 Nisi esset infinite sapiens, esset aliquid quod nesciret,  
 Nisi esset infinite potens, esset aliquid quod non posset,  
 Illud aliquid esset nihil;  
 Nec tamen nihil est aliquid;  
 Unum est quod Deus non potest, errare,  
 At hoc est infinite sapientem esse, non posse peccare.

## X.

## IMMUTABILITAS DEI.

**I**MMUTABILIS est Deus omnia mutans,  
 Mutare non posset omnia nisi esset immotus,  
 Idem semper, non alius,  
 Nunquam novus, nunquam vetus,  
 Semper novus, semper vetus,  
 Vidit iuvenem mundum, & videt senem,  
 Nec iuuenis ipse, nec senex.  
 Nec mutare locum potest qui ubique est,  
 Nec situm qui figurâ caret.  
 Nec mutat consilia que sunt aterna.  
 Nihil videt oculus infinitus quod semper non viderit,  
 Nihil amat quod semper non amauerit,  
 Nihil odit quod semper non oderit,  
 Nihil decernit quod semper non decreuerit,  
 Scilicet destinavit ab aeterno agenda in tempore.  
 Nova sunt opera non decreta;  
 Mutatur tempus non aeternitas,  
 Et quod iam facit, penè ante iam fecerat.

## XI.

## ÆTERNITAS DEI.

**N**È quare Auos Dei, maiores non habet,  
 Si haberet esset innior, & Auos Deus esset, non Nepos.  
 Nec quare quando inceperit.  
 Nunquam incepit qui semper fuit.  
 Semper fuit qui aliunde nihil accipit.  
 Fundamentum entium nihil habet antiquius,

Principium rerum nihil habet prius;  
 Deus Authorem non habet, neque ipse est Author sui.  
 Prior esset seipso, aut posterior.  
 Deus est ens à se, nec tamen est effectus sui.  
 Nec existit Deus quia durat,  
 Durat quia existit.  
 Caterarum rerum mensura est tempus;  
 Deus est mensura temporis, & aeternitatis.

## XII.

## IMMENSITAS DEI

IMPLET omnia spatia Deus, nec impletur;  
 Intra omnem locum est, & extra omnem locum,  
 Ante mundum, ipse sibi mundus erat, & locus.  
 Ne quare ubi erat, quando nihil erat,  
 Intra seipsum erat,  
 Non accessit ad mundum, quando illum condidit,  
 Nec recederet si illum destrueret,  
 Intra Deum esset Deus, & ubique esset;  
 Neque est ubique per portiones sui,  
 Partes non habet qui est Spiritus,  
 Si diuidi posset non esset Deus;  
 Totus est intra mundum Deus, totus extra illum;  
 Partes habet locus, non Deus.  
 Facile ubique totus est, qui est infinitus.

## XIII.

## SAPIENTIA DEI.

SCIT omnia Deus, & nihil didicit,  
 Nihil obliuiscitur, & nihil meminit;  
 Nihil addiscit noui quod semper non sciuerit;  
 Scit præterita quia illa fecit,  
 Scit præsentia, & illa aspicit,  
 Scit futura quia illa decernit,  
 Scit quod nunquam erit, & quod esset si decerneret.  
 Scit ipsum nihil, & dum nihil scitur penè est aliquid,  
 Videt res omnes extra se, & intra se videt,  
 Spectator est rerum, & speculum,  
 Pictor, est & imago innata non facta,

*Viuunt in hac imagine res expertes vita,  
Meliores in Ideis sui, quam in seipsis,  
Pene illis nocet Deus, dum extra se facit.*

## XIV.

## OMNIPOTENTIA DEI.

**Q**UÆRIS quid possit Omnipotens Deus?  
Potest id omne quod vult,  
Non vult tamen id omne quod potest:  
Post omnia potest plura,  
Non potest id totum facere, quod potest facere:  
Non potest facere nunc, quidquid potest facere unnce.  
Exhauriret potentiam suam si omnia faceret:  
At magno artifice debet superesse quod possit.  
Nobilior est opere ipso, modus operis:  
Nec socius eget ad bella, nec auxiliis,  
Musca illi miles, & rana exercitus est:  
Vocat ea qua non sunt, & dat arma dum vocat,  
Audit imperantem nihilum, & quasi ex vtero generat mundum.  
Unum est quod non potest Deus, peccare,  
At hoc est potentem esse, malum esse non posse.

## XV.

## BONITAS DEI.

**A**DEO bonus est Deus, ut nemo præter eum sit bonus.  
Neque est bonus tantum, sed ipsa bonitas:  
Neque hac est una virtus, sed omnium cumulus:  
Totum Deum dicit qui appellat bonum.

Neque intra Deum hac bonitas sistit:  
Particulas sui diuise cum mundum condidit:  
Maior portio bonitatis homo fuit,  
Totam se effudit cum Deum hominem fecit:  
Fallor tota exiuit ex Deo, tota in Deo stetit:  
Satis est tribus Personis eadem bonitas,  
Ut sit satis, est infinita.

## XVI.

## CHARITAS DEI.

**H**ÆC adeò fecunda est vt intra Deum spiret Deum.  
*Amant se Pater, & Verbum, & dum se amant Deum spirant,*  
*Halitus est Patris, & Filij Spiritus Sanctus,*  
*Osculum est duorum receptum à Tertio,*  
*Fecundum osculum! quod imprimit Deum Deo.*  
*Sistere intra Deum hæc Charitas non potuit;*  
*Sic Pater dilexit mundum vt Filium vnicum dederit,*  
*Sic Pater & Verbum amarunt, vt donarint Spiritum,*  
*Dedisset seipsum Pater, si fuisset qui donaret.*  
*Dedit tamen seipsum, dum donauit heredem suum.*

## XVII.

## SUAUITAS DEI.

**L**AUDATUR suauitas diuina dum gustatur:  
*Novum elogij genus gustu laudare, non gestu.*  
*Gustauerat illam Regius Propheta cum diceret*  
*Gustate, & videte quàm suavis est Dominus;*  
*Hæc affusa diuinis virtutibus illas temperat;*  
*Seucrior esset iustitia nisi suauitas illam leniret,*  
*Fortior esset omnipotentia nisi suauitas temperaret.*  
*Nec modus tantum virtutum, suauitas est, sed amabilis virtus,*  
*Hæc hominem admittit ad colloquium Dei.*  
*Hæc Deum homini familiarem facit.*  
*Gustant se inuicem Personæ diuina, dum se amant,*  
*Gustant Beati, & potus est illis Deus, ac cibus.*  
*Quale conuiuium gustare Deum, & habere conuiuiam!*

## XVIII.

## PATIENTIA DEI.

**Q**VALIS illa patientia quæ saturari probris non potest?  
*Quinquaginta seculorum iniuriis irritatus Deus,*  
*Expectat interitum mundi, vt longius pati possit;*  
*Quasi injuria non essent satii, dolores addidit,*  
*Humanum corpus induit, vt ladi posset, & mori.*  
*Sæpe moriturus nisi miraculo vitam seruasset,*

*Miracula fecit, ut pati posset.  
 Illustrius aliquid addo, & miraculo maius,  
 Rediuius, & immortalis inuenit nouum genus moriendi.  
 Instituit sacrificium in quo victima esset.  
 Et quoties immolatur, toties mystice moritur.*

## XIX.

## CLEMENTIA DEI.

**H**Æc est ars Dei nobilissima parcere posse, & velle;  
 Parcere nolunt, aut nesciunt ignobiles anime,  
 Nihil diuinius facit Deus quam dum ignoscit.  
 Ac vide Clementie modum vltra omnem modum;  
 Parcit armatus dum vlcisci potest,  
 Parcit ingratis, & saepe;  
 Plus aliquid dico, parcit inuitis;  
 Pepercit ab ineunte mundo, & perseuerat parcere,  
 Audi aliquid diuinius, preuidit peccatum mundum, & condidit;  
 Audi aliquid maius, quieuit septima die post mundum conditum;  
 Quæris causam quietis, peccauerat homo, inuenit cui parceret.

## XX.

## MISERICORDIA DEI.

**H**Æc virtus iterum, & saepe Deum Creatorem facit;  
 Creauit hominem dum extraxit ex nihilo naturæ,  
 Creat dum educit ex nihilo miseria;  
 Creat dum attollit ad statum gratiæ.  
 Audi quàm valde placeat Deo hæc nobilis virtus;  
 Patrem se misericordiæ appellat, non iustitiæ,  
 Scilicet de alieno iustus, misericors de suo;  
 Miseretur volens, punit inuitis;  
 Miserum penè se putat dum miseros videt;  
 Neminem creauit Deus ut esset miser,  
 Nemo esset miser, nisi esse vellet;  
 Quod vellet tota culpa est miseri, nulla Dei.

## XXI.

## LIBERALITAS DEI.

**H**Æc est indoles Dei, magna largiri;  
 Hoc est Deum esse benè omnibus facere;



*Egena natura donare nolunt, aut nesciunt s  
 Exhaustiri timent, si aliquid donent s  
 Fons exiguus perire se credit dum fluit.  
 Oceanus gaudet tot filios habere quos flunios.  
 Liberalis Deus diuitem se gaudet ut donet,  
 Oceano similis fluere ex se dona permittit.  
 Ac vide liberalitatis gradus,  
 Dat Deus beneficia sua non vendit,  
 Dat ut munus, non ut sœnus,  
 Dat ut tribuat, non ut recipiat:  
 Quod liberalius est, donat omnibus etiam indignis,  
 Quod maius est donat ingratis,  
 Quod magnificentius donat inuitis,  
 Quod diuinius post dona sua, donat seipsum s  
 Ire ulterius liberalitas non potest,  
 Exhaustiret donantem Deum, nisi esset infinitus.*

## XXII.

## IUSTITIA DEL.

**A**GNOSCIT Iustitiam Dei scelus & virtus  
*Nemo illam negat, etiam Atheus,  
 Affirmat illam etiam dum dabitur s  
 Et fatetur illam, dum illam timet:  
 Nemo huius timoris expertus est, etiam qui nihil timet,  
 Sentit illam, etiam dum excludit:  
 Ledit jus Dei peccator dum offendit:  
 Iustus est Deus, dum scelus punit s  
 Iustus est dum mercedem rependit, quam promisit:  
 Promisit illam misericors Pater,  
 Reddit illam iustus iudex,  
 Claudicaret iustitia nisi esset gemina,  
 Debet pœnam sceleri, & coronam virtuti.*

## XXIII.

## SANCTITAS DEL.

**P**ROCUMBUNT Angeli dum sanctitatem Dei proclamant s  
*Velant facies suas, & tantum lumen non sustinent,  
 Complicant alas, & immoti manent s  
 Inclinator Cælum ad reuerentiam dum hoc nomen audit,*



*Tremat orbis vniuersus, & adorat quod metuit;  
 Scilicet continetur hac voce Maestas Dei:  
 Totum Deum dicit, qui appellat Sanctum;  
 Excluditur hoc nomine quidquid non est Deus:  
 Includitur omnis titulus Dei;  
 Et plus fere sonat Sanctus, quam Deus.*

## XXIV.

## DOMINIUM DEI.

**N**ON ante fuit Deus quam Dominus:  
 Non incepit aliquando hoc Dominium, nec cessabit:  
 Ortum non habet, nec exitum quod est eternum;  
 Nec acquisiuit hoc Dominium Deus, nec accepit:  
 Inde est Deus vnde est Dominus.  
 Ne quare limites Regni, nescit limites Deus:  
 Subest huic Regno quidquid est aliquid.  
 Subest quidquid est nihil.  
 Subsunt huic Dominio Reges terrarum,  
 Aliorum Domini sunt subditi Dei;  
 Repetere coronam potest, qui illam dedit:  
 Et repetit coronam dum repetit vitam.  
 Solus Deus nihil amittit, nihil accepit.

## XXV.

## PROVIDENTIA DEI.

**N**VLLI hominum generi ignota est Providentia,  
 Nullum hominum genus est illi ignotum;  
 Agnoscit illam Arator dum proicit sementem, & illi committit;  
 Excipit illam Providentia sinus, magis quam terra:  
 Serit palmites vinitor Providentia nutrit,  
 Regit oves Pastor, Providentia Pastorem.  
 Inueniunt artes primi artifices, Providentia fecit ut inuenirent.

*Hac Providentia populos Regibus, subiicit, & Reges sibi;  
 Hac egestatem diuitiis, diuitias temperat egestate;  
 Hac per inopes diuites alit, per diuites inopes;  
 Aspice hanc rerum vniuersitatem, liber est Providentia,  
 Huius libri pagine Elementa, res create sunt litera;  
 Legit hunc librum eruditus, legit, qui nescit legere;*

*Nihil fugit hanc Providentiam, non ipsa fortuna,*

*Effectus sunt Providentia quos appellamus casus,  
 Et decreta Dei sunt libera, quæ vocamus fata,  
 Supponunt hæc decreta libertatem hominis, ne illam lædant;  
 Explorat Deus humanum arbitrium, & penè ponderat;  
 Prius videt agenda ab homine quàm decernat;  
 Agunt simul homo, & Deus,  
 Nec prius homo, nec prius Deus.*



## DECEM BREVIORA ELOGIA DEI VNIVS, ET TRINI.

### I.

*V*NVS est Deus, nec tamen est solus;  
 Nec Deus esset, nisi esset vnus;  
 Nec beatus esset, si esset solus;  
 Vnitatem requirit diuinitas,  
 Et Trinitatem felicitas.

### II.

*M*UTUS esset Deus, nisi loqui posset;  
 Nec loqui posset, nisi alter audiret;  
 Debet esse vnus qui dicat,  
 Debet alter esse qui audiat;  
 Debet esse tertius qui dicta repetat.

### III.

*M*INUS perfecte se amaret Deus, nisi esset Trinus;  
 Debet esse vnus qui amet;  
 Debet alter esse qui redamet;  
 Debet esse tertius qui amorem excipiat,  
 Quo vterque se amat.

### IV.

*S*IC intra Deum loquitur vnus, & duo audiunt,  
 Pater omnia dicit,  
 Verbum omnia audit,  
 Spiritus omnia repetit,  
 Nec plures esse possunt qui dicant,  
 Nec plures qui audiant.

### V.

*S*IC intra Deum Monas gignit Monadem,

*Sic utraque in se reflexa spirat amorem;  
 Equalis est hic Amor Amantibus;  
 Amat intra Deum Deus, & amatur Deus.  
 Duo se amant, & amatur tertius.*

## VI.

*Sic exhauritur diuina fecunditas;  
 Sic Pater exhaurit omnia verba vno Verbo;  
 Sic Pater & Filius exhauriunt amorem vno osculo;  
 Sic Spiritus S. nihil inuenit quod producat;  
 Quia intra Deum nihil deest, quod addat.*

## VII.

*Necessaria sunt ea productiones, non libera;  
 Nec Deus esset, nisi esset Pater,  
 Nec Pater esset, nisi Filium gigneret,  
 Nec vterque esset, nisi vterque spiraret;  
 Nec Spiritus à Filio differret, nisi ab illo procederet.*

## VIII.

*O equalitas Personarum, & inequalitas!  
 Ne antiquior est qui producit,  
 Nec iunior qui procedit,  
 Nec ditior qui omnia tribuit,  
 Nec pauperior qui accipit,  
 Qui dat omnia nihil amittit,  
 Qui accipit omnia nihil adimit;  
 Trinitas est personarum,  
 Et vnitas diuitum.*


## IX.

*O mysterium rationem excedens, non fidem!  
 Tres intra Deum diuitias habent, nec sunt tres diuites,  
 Tres regnant, nec sunt tamen tres Reges,  
 Tres intra Deum habitant, nec sunt tres hospites,  
 Eadem domus est tribus, & idem thronus.*

## X.

*Maius mysterium, quod credere licet non intelligere!  
 Plures sunt notiones Personarum, quam relationes,  
 Plures relationes, quam differentie,  
 Tres intra Deum referuntur quatuor respectibus,  
 Tres dignoscuntur quinque notionibus;  
 Sic tamen tres differunt ut tres sint vnum.*

*Tria germina deitatis & vnus stirpis,  
Tres flores vnus radicis,  
Tres fluij eiusdem fontis,  
Tres radij eiusdem solis.  
Vnicus Deus est, & tamen est Trinus.*



REVERENDISSIMO PATRI  
D. IOANNI PEGON,  
MAIORIS CARTVSIAE PRIORI,  
ET TOTIVS ORDINIS CARTVSIENSIS  
MODERATORI GENERALI.



MAVIT venerabilis Ordo vester Societatem Iesu, penè antequam Societas esset; petierat ab Authore Ordinum Deo, Ordinem aliquem novarum hæreseon hostem qualem nunc videt: vt sensit se votorum compotem, excipit Societatem nascentem, fovit adolescentem, adiuvit præliantem, & nunc amat victricem.

Non ingrata Societas non priùs vivere cœpit quàm amare eum Ordinem à quo amari cœperat antequam esset; crevit ille amor Societate crescente, & nunc toto orbe diffusus testatur omnibus fœdus esse inter duos Ordines, & Religionem geminam penè esse vnā.


Neque est oppositum inter instituta discrimen; concolores sunt animi & vultus sub discolori veste; pugnamus iisdem animis, atque armis aduersus eosdem Dei hostes, & fidei; atque vt olim Moses, & Iosue, ille votis, hic gladijs communi sorte vincebant, sic Ordinis vtriusque eadem est pugna, & communis victoria.

Vt taceam antiquiores pugnas, vulgabantur superioribus annis penè vbique per Galliam noua dogmata; decipiebat plerosque nomen Augustini, adscriptum nomini Iansenij, & erat error adeò subtilis, vt in errorem penè ipsum traheret Augustinum: detexit Cartusia Parisiensis ex fumo Portus Regij vicinum incendium, accurrit auxiliaris Societas, adiunxit se Sorbona, pronuntiavit Roma; & nunc vbi Portus Regius erat, nihil superest nisi triste naufragium.

Debetur pars huius victoriæ filiis magni Brunonis, & tuis, Vir meritissime; offero Tibi & illis magni Brunonis Elogium; nihil offerri si-

liis gratius potest quam Elogium Parris: ita tamen hoc Elogium pater-  
num est, vt sit etiam tuum; scilicet qualem vitam vixit Bruno, talem Tu  
vixis; quem instituit Ordinem ita Tu regis, vt posses instituere, nisi in-  
stitutum inuenisses; tuum igitur hoc Elogium est, dum est Brunonis: nec  
plura de Te, vno verbo dixi omnia, dum Te Brunonem alterum dixi.

Humillimus & addictissimus seruus, P. L' A B B E'.



## DIVI BRUNONIS ELOGIUM.



IC mundi pertasus quesuit sedem extra mundum, & inuenit  
Cartusia penè ultra mundum sita ei sedes fuit:  
Si causam secessus quæris, vmbra fuit se accusans, & damnans:  
Ab ea vmbra Bruno honorum vmbra timere didicit:

Et ne vmbre fallerent ad vmbra fugit.

Cartusia terris altior vmbra terrarum erat:

Illuc Hugo Episcopus ire septem stellas vidit:

Tot iuere deinceps vt Cælum effecerint:

Nec male Cartusiam appelles Stellarum Patriam:

Audi quid illic agatur, & Cælum esse credes:

Silentium, psalterium, ieiunium.

Silentium illic linguarum est, & aurium:

Nemo loquitur nisi sibi,

Nemo alium audit nisi seipsum:

Nulla ibi Echo verba repetit, quæ nemo dicit:

Alloquuntur tamen Deum homines taciturni,

Nec violat silentium hoc colloquium:

Media hominum vita psalterium est,

Nec tristibus esse licet qui semper canunt.

Prelabant immortalitatem ante mortem,

Viuunt vitam olim futuram:

Id agere incipiunt quod sunt semper acturi,

Et visuri olim Deum, pene iam vident:

Assueti Cæli deliciis cibo vix egent.

Apodum instar deuolant ad breuem escam, & reuolant

Ne carnem ament, odisse tenentur ex voto.

Agebat hanc vitam Bruno ignotus, & cognitus:

Vidit illum Urbanus secundus, etiam latentem,

Euocatum Romam penè prefecit sibi:

Et quondam discipulus, penè adhuc Magistrum habuit,



*Et poterat esse Urbanus tertius, si adhaesisset secundo:  
Fugit umbras Rome, qui fugerat umbras Lutetia:  
Et ne unica Cartusia esset, alteram intra Calabriam condidit:  
Amavit tamen primam, cui etiam ceteras subdidit.*

Obiit Anno D. 1100. ætat.

*Nec dubium est quin eò iuerit, quo stella eunt,  
Hugo Episcopus, dum viueret stellam esse vidit:  
Ne quare Brunonis miracula, edidit vitæ, & mortuus,  
Ipse tamen Bruno primum miraculum est,  
Totum institutum Brunonis miraculum alterum,  
Idem Ordo nunquam mutatus, perpetuum.*

## SOLITARIII ANIMI SOLILOQVIUM.




*Hic solus mecum vivo, mundoque carere  
Incipio, & rebus presens assuesco futuris:  
Ne rudis eternam aggrediar post tempora vitam,  
Et Cælo nouus hospes eam. Quam viuere secum,  
Quam dulce est socium esse sui! mundoque silere,  
Et soli narrare sibi: tria tempora mecum  
Enumero, lapsosque annos, annosque futuros,  
Et si quid medium esse potest: quid inanius annis  
Præteritis? periëre sibi, nibiloque creati,  
Ad patrium rediëre nihil: præsentia fallunt  
Momenta, & dum stare puto, pars altera fluxit,  
Pars fluit, & firmum nihil est, nisi mobile punctum,  
Hoc quoque dum presens cerno, iam ex parte periit:  
Et partes iam punctus habet: nec firmior atas  
Crastina, dum nondum est nihil est, dum venerit hora,  
Hora fluet: fietque nihil dum fluxerit hora,  
Lactura causa ipsa suæ: nec tempora sola  
Intereunt, moritur communi funere mundus,  
Et mortis tempus causa est: rapit omnia secum  
Dum rapitur, periit qui quondam vixerat Orbis,  
Nunc alius vinit: succedent Orbibus Orbes,  
Fataque succedent fatis, edet omnia tempus,  
Et tandem se tempus edet:*



Ergo age fallamus morientis funera mundi;  
 Hic ego pendentes annos, & tempora fallo,  
 Æternos prægusto dies, momentaque nunquam  
 Lapsura, & quondam æternus post fata futurus,  
 Incipio æternus fieri, mediisque super sum  
 Intra horas, extraque annos; hic incola mundi,  
 Et mundum suprà vivo, & sublimia lustrans  
 Húc eo cælestis quò nos innitat origo,  
 Et patrias inquirò domos; híc corpore sensim  
 Excedo, & mortis viuis præludo futura;  
 Et sine morte mori incipio; sic fata sororum  
 Hostilesque manus, & fila nocentia fallo;  
 Et fati Parca ipse mei noua stamina voluo;

Híc assuesco Deo, vocemque audire loquentis;  
 Et tolerare Deum disco; secedite cura,  
 Híc licet alternas audire & reddere voces;  
 Atque hominem miscere Deo; O commercia Cæli  
 Humano maiora animo! quis mutua verba,  
 Quis teneros sensus, purosque enarret amores?  
 Lingua sile, debent diuina arcana taceri;  
 Arcanus vultu esse Deus.



# BEATI PETRI LVXEMBURGII, EPISCOPI METENSIS, CARDINALIS ET TVTELARIS AVENIONENSIS.

## ELOGIUM HISTORICVM.



*OVVM* Elogij genus, laudari miraculis,  
 Maius elogium miraculum fuisse, vt miracula faceres:  
 Talis fuit PETRVS LVXEMBURGIVS;  
 Etatis sue ac nostræ Thaumaturgus:  
 Dixi nobilitatem generis dum Luxemburgium nominavi:  
 Ignorat Imperatores, & Reges qui hanc familiam nescit:  
 Scit Imperatores, & Reges qui hanc familiam nouit:  
 Breuem ætatem victurus extendit annos virtutibus:  
 Statim fuit qualis erat futurus,  
 Ne Sapientia breuior esset quam vita;

*Vt faciles haberet virtutes penè innatas habuit :  
 Collige omnes ex unâ, quæ mater est omnium ;  
 Puer erogabat obuia quæque pauperibus ,  
 Idcirco se diuitem ratus vix ditaret pauperes :  
 Sæpe illis culinam crudam , aliquando coctam distribuit ;  
 Interceptus à Patre , & rogatus quid perâ gereret ,  
 Respondit rosas esse , & ne mentiretur , rosæ fuêres :  
 Placuit Cælo furtum , & miraculo correxit mendacium .  
 Admiratus rem Pater rosas auferre voluit :*

*Sed quas miraculum crearat , miraculum abstulit ?  
 Parisios ad scientias missus Magistro vix eguit :  
 Intereâ docuit virtutes dum literas didicit ,  
 Et quos Magistros , eosdem discipulos habuit .  
 Post obitum Patris , instar Parentis fratrem coluit :  
 Imo ei instar Parentis alterius fuit :*

*Captum ab Angliâ vt redimeret , vadem se dedit .  
 Suadenti deinde fratri vt secum opes diuideret s  
 Habe tu illas , inquit , ego sat diues ero , te diuite :  
 Canoniatum admisit ea lege , ne ad altiora gradus esset .  
 Iussus à Clemente P 11. admittere Metenses insulas :  
 Timuit peccare si admitteret , & ne peccaret , admisit :  
 Quindecim annorum Pastor , nulli oui ignotus ;  
 Nulla ei ouis ignota fuit .*

*Attigerat metam votorum , si mori pro Metis licuisset .  
 Non ita post , creatus Auenione Cardinalis ,  
 Sub dubio Pontifice nihil schismatis habuit ,  
 Accepit inuitus alienam purpuram , qui domesticam abdicarat ,  
 Rubuere statim sub noua purpurâ omnes virtutes s  
 Aliquæ etiam proprio sanguine :*

*Verberabat se quotidie manibus alienis aut suis s  
 Imperio Pontificis opus fuit , ne se occideret :  
 Orationi assuetus ambulabat coram Deo , & solus & publicus ,  
 Et visus est aliquando coram illo ambulans Christus :  
 Tres illi hebdomada dies ieiunii ,  
 Cæteris diebus cibis ipse ieiunium fuit :*

*Denique Angelo similis , & penè versus in Spiritum s  
 Eò iuit vbi Spiritus immortales habitant .*

*Obiit anno D. 1387. ætat. 18.*

*Maturus Cælo viuere in terris vltra non potuit :  
 Iacet Auenione apud PP. Cælestinos s  
 Lacere alibi vir Cælestis non debuit .*

*Et da ei lacrymas quem vtraque Roma fleuit:  
Timuit vtraque casum dum hic Cardio cecidit.*

REDI VIATOR.

*Vixit adhuc Petrus sub marmore;  
Spirat odorem mortuus quem spirabat viuus:  
Intra biennium à morte quadraginta mortuis vitam;  
Bis mille, & quingentis sanitatem restituit,  
Succedentibus annis miraculorum millionem addidit.  
Ex pluribus vnum, quod negari ne possit, adhuc est publicum;  
Lapsus ex fastigio Palatii Puer, & in membra disruptus,  
Vno casu centum ruinis perierat,  
Horrere ad casum omnes, & flere ad spectaculum;  
Pater inclusa sacco non tam filij membra, quam frustra,  
Exposuit Ara Beati, & lacrymis preces fudit, non voces;  
Adiuuit populus orantem, & votum publicum fuit;  
Interea moueri saccus grauidus; eniti, & disrupti;  
Adiuuante partum Petro, & obstetricante;  
Denique ex sacco quasi ex utero,  
Exiuit Puer bis genitus, & bis natus;  
Vidit Auenio miraculum, & laudauit Thaumaturgum;  
Ab eo miraculo Patronus Urbis, & Pater populi fuit;  
Vt esset solenne Patrocinium transiit in votum.  
Quod Roma interea sileat mysterium est;  
Sed dum tacet verbis loquitur miracula;  
Abi Viator, & quem Thaumaturgum vides, adora Beatum.*

BEATI SALVATORIS  
DE HORTA RECOLLECTI  
ELOGIUM.



*TA Viator, & mirare;  
Miraculum erat qui hic jacet, & adhuc miraculum est;  
Ne quare nomen Parentum, vix habuit, aut nesciuit;  
Ne careret nomine, suum Saluator imposuit.  
Vt patriam haberet, vnā ex suis Deipara commodauit;  
Saluator de Horta, vtrumque nomen miraculo gessit:*

Totus viginti annis ignotus omnibus, & pene sibi:  
 Ut melius lateat intra Patres Recollectos se abdidit:  
 At quam difficile lateat quem Deus vult esse publicum:  
 Et publicus esse debuit futurus Thaumaturgus.

Sed audi nouum miraculi genus.

Occultauit eum saepe Religio, Recollectum malens quam Thaumaturgum,  
 Occultauit se ipse; & saepe fugis, vt miracula suggeret:  
 Placebat hac fuga miraculis, & sequebantur fugitiuum:  
 Traductus aliquando intra nubem per Aërem.

Miraculo ad miracula venit:

Latebat aliquando in Culina & agebat coquum.  
 Suppleuit Deus cocum, vt coeus ageret Thaumaturgum:  
 Mutauit nomen Religio, vt hominis famam mutaret:  
 Incepit esse Alphonsus, nec desit esse Thaumaturgus.  
 Auxit miracula dum diuersa loca mutauit:  
 Idcirco peregrinus, vt esset vbique Thaumaturgus:  
 Querebant morbi medicum suum etiam fugientem:  
 Ibant ad eum Vrbes ad quas ipse non ibat,  
 Inuit saepe mors ipsa, & rediit rediuiua.

Ne quere quo miraculo tot parabat miracula,  
 Sape unico signo crucis, saepe vna salute Virginis,  
 Multa hominum millia citius sanauit, quam dixit:  
 Sape demones ipsos fugauit, dum aspexit:  
 Sape hominem vidisse, aut ab eo visum esse sanitas fuit:

Taceo miracula diuina sapientie in Laïco fratre:  
 Homo simplex, & rudis sciebat futura, ignorans praterita:  
 Reuelabat arcana, & nesciebat publica,  
 Idiota humane sapientie, & Propheta diuina:

Abi Viator, & mirare nouum miraculum,  
 Adhuc sub marmore Saluator est integer,  
 Reueretur mors mortuum quem timuerat viuum:  
 Et viuus & mortuus, est adhuc Thaumaturgus.

Obiit An. D. 1567. æt. 47.

Redi Viator, & si Saluator esse non potes,  
 Esso saluus.

BEATI FRANCISCI SALESII,  
EPISCOPI GENEVENSIS,  
ELOGIVM.



RANCISCVM Salesium declaravit Beatum Roma, non fecit:

Beatus iam erat ante Romanum iudicium.

Nemo bene dives est nisi de suo,

Examinavit diuitias hominis Roma, non dedit.

Iam fama publica sanctum vocabat, & difficile est omnes falli:

Iam miracula beatum loquebantur, & sunt lingua Cæli:

Adbuc iudicium Rome expectabat Europa:

Probant miracula sanctitatem, & Roma probat miracula:

Meretur nunc honores publicos qui merebatur priuatos:

Falli non potest Roma dum credit, nec errare dum colit.

Tria Salesium declarant Beatum, & breui declarabunt Sanctum.

Innocentia vite, puritas morum, eminentia virtutum.

Innocentia ei similis fuit, quæ fuisse Adamo innocente,

Nec frustra dies Innocentibus prima, est illi vltima

Innocens obiit, qui innocens vixerat.

Indoles illi quasi columba sine felle:

Insedit aliquando capiti eius columba hospes:

Altera cordis inquilina erat:

Placebat omnibus etiam dum argueret,

Amabatur ab hæreticis, etiam dum refutaret.

Geneua ipsa sæpe dixit, non carerem Pastore,

Si tales semper habuisset Pastores:

Dixisses naturam hominis in virtutes transiisse:

Nulla in eo mediocris, omnes fuisse eminentes:

Aiebat vitium esse in Episcopo non esse optimum.

Humilitas in illo honorum hostis erat:

Id vnum oderat, quod omnes amant, dignitates:

Episcopus Geneue fuit, ne esset Episcopus:

Quam valde amaret Deum probat liber amoris diuini,

Aut dictauit librum illum amor diuinus, aut scripsit,

Aut commodauit alas scribenti.

Accendebat hic amor Dei, amorem proximi:

Angustior erat zelo hominis Prouincia una,



*Optabat alas Columbae ut Angliam transuolaret, & Europam.  
 Quo ire presens non potuit, Epistolâ, & libris iuit  
 Nemo scit literas qui Salesij Philotheam non legerit:  
 Nemo legit, quem illa meliorem non fecerit:  
 Sexaginta hominum millibus dissuasit Calvinum, & Lutherum.  
 Dissuaserat Geneva, nisi fides Politica obstisset diuina.  
 Quam corrigere viuis non potuit, emendabit beatus.*

## ABI VIATOR.


*Ne quere quâ morte obierit, quali voluit,  
 Oravit, exarsit, amavit,  
 Extendit mors hunc amorem, & æternum fecit:*

Obiit anno D. 1622. ætat. 56.

*Vultus ei Angelo similis si Angeli vultus haberent:  
 Fuit qui crederet intueri se vultum Christi,  
 Quoties intuebatur vultum Salesij.*

## REDI VIATOR.

*Vinit Salesius in eo Ordine quem instituit,  
 Impressit illi Spiritum suum, & seipsum.  
 Appellavit Virgines Marianas, quas appellare poterat Salesias:  
 Fallor appellauit Salesias dum vocauit Marianas:  
 Totus Salesius Marianus erat.*



BEATI FRANCISCI SALESII,  
 EPISCOPI GENEVENSIS,  
 AD SVAM GENEVAM  
 PARÆNESIS.



*V*DI Pastoris vocem dilecta Geneva,  
*V*era loquar, nescit purum mendacia Cælum s  
*F*allere nec superi possunt, & fallere nolunt s  
*D*amnaret fraus illa Deum s decepta Geneva

*Errores agnosce tuos s deceptio prima est  
 Eiurasse fidem Petri, Romamque Magistram,  
 Et Christum finxisse nouum, noua Sacramenta,  
 Templa noua, & nuda, & sacris Altaribus Agnum  
 Presentem vacuis representare figuris,*



*Et sterili cœnare fide : sed inanis imago  
 Si placet in Cœnam, cur non in imagine Christus  
 Penè iterum moriens, iterumque ex arbore pendens,  
 Cur Arbor non ipsa placet? Cur Matris imago  
 Dissiplet, & Cœli Virgo, mundique Patrona,  
 Cur non est Patrona tui? Cur Cœlituum Aula  
 Non est Aula tibi? Procuresque, & Regis amicos  
 Cur dubitas posse esse tuos? Speculumque videntes,  
 Monstrantemque Deum, cur cacos esse Beatos,  
 Aut cacum vñ esse Deum.*

*Grege dilecte mihi, quis te per decia Pastor  
 Abduxit, prædamque lupis obiecit edendam?  
 Et lupus ipse fuit? pellis decepit ovina;  
 Sed lupus, & falsâ Tygris sub pelle latebat,  
 Et Pastor decepit ovem. Miseranda Genœa  
 Doctrinam didisce novam, Romamque docentem,  
 Et fidei antiquæ veteres agnosce Magistros.*

*Enumera Patresque tuos, Patrumque Nepotes,  
 Doctrinæque novæ iuvenes miraberis annos:  
 Quinetiam vivunt intra tua Mœnia cines,  
 Qui videre novæ nasci cunabula sætæ.*

*Aspice sublimes turres, pendemtiæque æra,  
 Incisosque metallo annos, impressæque signa,  
 Monstrabunt hæc æra Petrum, Romamque sonabunt.*

*Descende, & stratos lapides, & marmora lustra,  
 Hic jacet indutus solenni veste Sacerdos,  
 Elatusque calix, & sacra insignia Missæ,  
 Et quæ tu rides mysteria marmor adorat.*

*Sublimes attolle oculos vitreasque fenestras  
 Aspice, vivit in hac rediitque imagine Christus,  
 Gratarum Virgo, sacrisque dat oscula plantis,  
 Et tacitus Matri narrat miracula Natus.*

*Parte alia Cælum scandit, spectantque, dolentque  
 Discipuli, sequitur tristis singultus in auras,  
 Excipitur Cælo, auditur super æra cantus,  
 Et vitrum sudat lacrymis, & gaudia sentit.*

*Hic medios inter Laurentius uritur ignes,  
 Apparent flammæ, & parvum incendia vitro.*

*Hic Stephani carnes lacerant immania saxa,  
 Admittit lapides vitrum, saxisque resistit:*

*Hæc veteris vitrum fidei vestigia servat,*

*Et veteris delet fidei monumenta Geneva!  
 Quod solidum est non durat, & est durabile vitrum.  
 Grex dilecte mihi, veteres agnosce Magistros,  
 Et dedisce nouos, noua te doctrina fefellit,  
 Et falsum est dogma omne nouum: diuina vetusta,  
 Nil caeleste nouum est, Deus ipso erroneus esset,  
 Si posset nouus esse Deus.*

## ELOGIVM SANCTI IGNATII.



*IC capax gloria ingenium nactus,  
 Quasiuit illam ubi nobiles querere solent,  
 Ratus eam armorum premium esse, & vulnerum,  
 Fracto etiam crure ad illam currebat.*

*Miraculo opus fuit vt meliorem gloriam quareret.  
 Sanauit egrotum Petrus & Apostolum inchoauit:  
 Succedens Deipara vt Iesuitam faceret, Marianum fecit:  
 Inspirarunt amorem virtutis sancti dum eos legit:  
 Memento ex aulico, & milite sanctus euasit:  
 Hoc miraculo Castellum Loyola stupefactum intremuit.*

*Non abdicauit tamen aulicum, & militem, sed correxit:  
 Pro purpura sacco, pro armis baculo munitus,  
 Appensa ad Aram Virginis seculari militia:  
 Meliori militia nomen dedit,  
 Sub vili sacco illustrior, quam sub nobili fago.*

*Ibat nudus capite, & claudus pede, & nunquam rectius iuit:  
 Manre ex nobili diuite mendicus ignotus,  
 Noui belli exercitia spiritualia scripsit, dum didicit:  
 Nullo Magistro homo illiteratus, & doctus  
 Vno libello omnes doctos erudit:  
 Admirata libellum Roma, laudauit illum ex cathedra:  
 Altero libello de Trinitate ea scripsit, qua vidit:  
 Vidit maiorem Dei gloriam, & deinceps quasiuit:*

*Octo diebus extra se, & ad Deum raptus,  
 Vidit iam fluere annos olim fluxuros:  
 Vidit Societatis statum ante ipsam Societatem:  
 Quidquid deinde gessit, eius extasis historia fuit.*

*Res mira, qualis futura erat Societas, talis iam nascitur:  
 Martyres habitura, concipitur in monte Martyrum,  
 Diuisura quondam orbem iam sociis diuidit,*

*Deuouenda summo Pontifici, iam Roma se deuouet,  
Pontifex ante vota, iam deuotam admittit :*

*Ne quare quis decem homines regeret, Dei gloria rexit :  
Nondum statutis legibus hac gloria pro legibus fuit :  
Digeſſit illam Ignatius in regulas publicas, & priuatas,  
Neque aliud sunt leges Ignatij, niſi huius glorie particulae.  
Neque aliud tota Societas, niſi eius glorie communitas.  
Hac gloria decem hominibus Europam diuiſit,  
Hac gloria Xauerium ultra orbem miſit :  
Hac gloria filij Ignatij nouos orbis aperuit.*

*Non facile eſt dicere quid per Ignatium hac gloria geſſerit :  
Non facile eſt dicere quid pro ea gloria Ignatius perſulerit :  
Pati pro ea felicitatem putabat :  
Recuſaturus gloriam ut pati poſſet pro gloria :  
Denique meruit gloriam Ignatius pro qua diu meruerat.*

*Obiit anno D. 1556. ætat. 65.*

*Hoc ſymbolum reliquit filius, pati pro gloria :  
Falleris noua doctrina dum ſocios Ignatij accuſas & damnas.  
Auges Societatis gloriam, non imminuis,  
Hoc Societatis ſymbolum eſt pati pro gloria.*



## ELOGIUM BEATI FRANCISCI XAVERII.



*AVDO prolixè Xauerium dum Ignatium alterum uoco,  
Idem utrique ſpiritus, ab illo datus, ab hoc acceptus :  
Id Xauerius agebat Goa, quod Ignatius Rome :  
Nondum Societas leges habebat, & uterque lex erat.  
Veneratus Ignatium Xauerius ſcribebat ad illum è genibus,  
Veneratus Xauerium Ignatius præſficere cogitabat Societati, & ſibi :  
Audi obedientiam hominibus, vna ſyllaba reuocabat ab Indiis,  
Vna litera ad Indias miſerat.  
Audi modeſtiam, Nuntius S. Pontificis, & pene Legatus Regis,  
Ne ſamulus admitteret, omnium ſamulus fuit.  
Zelo hominis integer Orbis minor erat,  
Ultra Indiam Sinas, ultra Sinas nouos Orbis querebat :  
Scilicet vas electionis Deo plenum,  
Optabat nuntiare Deum ubique Deus erat :*

Nec mirum si alter Thomas, & Paulus alter vocetur,  
 Non pauciores populos quam uterque lustravit,  
 Et quod Paulus Occidentis, hoc Xaverius Orienti fuit:  
 Millionem hominum lustravit aquis, plures instruxit,  
 Nec minora passus est pro Christi nomine, si gladium excipias:  
 Nec ille tamen gladio, sed ei gladius defuit.

Audi vota crucis & mortis  
 Inter delicias Dei, satis clamabat, & recusabat Deum:  
 Inter cruces amplius clamabat, & prouocabat Cælum.  
 Sed satis iudicans, qui pugnas desinit, & palmas,  
 Dum reuocatur ad Occidentem, mori in Oriente voluit  
 Et futurus Indiarum Patronus debuit apud Indias mori.

At vide quâ morte obscura, & gloriosa.  
 In Mapali ignobilis insula, sine ope, & pene sine teste,  
 Mortem obit Vir humilis, & amat latere.

Exaltauit humilem Deus, & miraculis publicum fecit:  
 Iniectam calcem corrupit mortuus, & corrumpi non potuit,  
 Hodieque integra caro probat integritatem virtutis.  
 Ne quære miraculorum numerum, vix Oriens numerare potuit,  
 Mirata numerum Roma, pronuntiauit non minorem Apostolis.

ABI VIATOR.

Et cæli trique hymnum cane.

\*\*\*\*\*

## HYMNVS ECCLESIASTICVS SANCTO IGNATIO.



VNC Mater in presepio  
 Parit futuri nescia,  
 Iam Iesuita nascitur  
 Christi futurus affecta.  
 Ad Pampilonis mœnia  
 Grani ruina sternitur,

Nunquam cecurrit relictus  
 Quam dum laborat tibia.

Morbus fit illi sanitas,  
 Dum facta Sanctorum legit,  
 Fit ipse Sanctus, & facit  
 Pini legenda posteris.

*Apparet agroto Petrus,  
Virgo saluti vendicat,  
Miles futurus filij,  
Prius Marie militat.*

*In ade sacra Virginis  
Appendit arma Militis,  
Vili lacerna clarior,  
Quam dum rubet sub purpurâ.  
Ut impudici temperet*

*Flammas, aquis immergitur,  
Non ante visus frigidis  
Amor ferire speculis.*

*In ade sacra Martyrum  
Ponit rudimenta Ordinis,  
Qualis putas erit domus  
Nascens super cacumina!*

*Bis quinque Christi Milites  
Dicunt Sacramentum Deo  
Conuersioni Gentium,  
Et Mundus est votis minor.*

*Novos Iesus Milites  
Suo coronat nomine,  
Sed quanta fuit olim docet,  
Sub hoc ferenda nomine.*

*Ignatius Sodalibus  
Orbis labores diuidit,  
Et primus in laboribus  
Omnes labores suscipit.*

*Famem, catenas, verbera,  
Amore Christi pertulit;  
Sed pena maior omnibus  
Non posse plura perpeti.*

*Hic vixit in laboribus,  
Cæli sed inter gaudia,  
Nunc despicit qua sæpius  
Suscepit olim sydera.*

*Tibi Pater sit gloria,  
Tibique Patris Vnice,  
Tibique Sancte Spiritus,  
In seculorum secula.*

HYMNVS ECCLESIASTICVS,  
SANTO FRANCISCO XAVERIO.



*Vt hore Natura Deo  
Natura mutat Ordinem,  
Lux Solis inde nascitur,  
Vbi mori consueverat.*

*Franciscus Indis Gentibus  
Cæleste Numen nuntiat,  
Plagus Eois Occidens  
Solem, diemque commodat.  
Aurum, lapillos India  
Gemmas, odores congerat,  
Æquale nil Ganges habet  
Quod Occidenti deferat.*

*Dum dormit Indi sarcinam  
Pendere collo somniat,  
Somno solutus cursum  
Vtrâque onustus Indiâ.*

*Ingens, & orbe vastius  
In orbe pectus astat,  
Christoque Mundos subdere  
Plures duobus cogitat.*

*Sat est Deus, clamat, sat est,  
Mens plena Cæli gaudiis,  
At non sat est, sed amplius  
Exclamat in laboribus.*

*Francisce pectus explica,  
Totumque Numen excipes  
Adsunt quibus superflue  
Rores refundas gratie.*

*Orantis è manu crucem  
Excussit unda fluctuans,  
Fleuit minasque fluctuum  
Vna repressit lacrymâ.*

*Cancer recuruis branchiis  
Crucem reportat listori,  
Dum sic adorat quem videt,*



*Recta tetendit semitâ.*

*Iam millionem Gentium*

*Sacris fluentis merserat :*

*Minor capaci pectore*

*Et Indus, & Ganges erat.*

*Melas Sinarum viderat,*

*Et Solis incunabula,*

*Ultra diei limitem*

*Lucere Sol nouus parat.*

*Francisce gressum comprime;*

*Cæloque permuta Sinas,*

*Qui nunc negantur hospiti,*

*Olim patebunt cælii.*

*Tibi Pater sit gloria,*

*Tibique Patris vnice;*

*Tibique Sancte Spiritus,*

*In seculorum secula.*



# CAPVT

## D. IOANNIS BAPTISTAE.



*Nter humana capita nullum caput hoc maius fuit :*  
*Minor est Ioanne quisquis non est homine maior,*  
*Ille solus maior est, qui est homo-Dens.*

*Nullum caput vocalius, nullum taciturnius fuit:*

*Antequam Patrem haberet, indixit Patri silentium :*

*Reddidit linguam Patri, dum ipse vix habuit.*

*Intra vterum matris vocale, & mutum,*

*Expressit motu, quod ore non potuit :*

*Exultauit, & lucem quam non videt ostendit :*

*Nondum exire poterat, & Precursorem agit.*

*Nemo citius locutus est, nemo tardius :*

*Ex vtero matris Verbum salutauit in vtero Virginis :*

*Ne saluaret homines in eremum secessit :*

*Illic triginta annis loqui tacendo didicit.*

*Nemo diutius tacuit, nemo post silentium plura dixit :*

*Echo omnium Prophetarum, quidquid dixere repetiit :*

*Verbum Verbi, quidquid Verbum dixerat, dixit:*

*Eheu donatum est hoc caput puella saltatricis!*

*Mauult mater adultera caput inimicum, quam regnum:*

*Et saltationis pretium est caput regno dignum.*

*Nec mora praefertur in disco inter pocula caput sobrium:*

*Offenditur conuiuiis sanguis, & penè bibitur:*

*Et natale conuiuium funesta cade corrumpitur.*

*Aspice hoc caput Rex impie, quod te afficit:*

*Erne oculos exanimes, & adhuc flagitij tui testes:*

*Audi silentium linguae, & flagellum luxuria:*

*Os illud est, cuius sententiam ferre non poterat, neque adhuc potes:*

*Hac lingua est, quam arguentem timebas, & adhuc times:*

*Obruncasti caput innocentis, & vocale fecisti:*

*Sequetur te hoc caput exilem, & ubique te damnet:*

*Hodieque Lugduni sepulcrum duorum Amantium,*

*Accusat incestum Herodis, & Herodiadis.*



## CAPVT

### D. PAULI PRÆCISVM.



*IC AT elogium huius capitis os Chrysostomi:*

*Nulla lingua laudare Paulum potest, nisi sit aurea:*

*Hoc caput humane sapientie domicilium est, & diuina:*

*Insudat se vtraque huic capiti, ut illud impleret:*

*Hoc caput altius terris raptum est, ad tertium Cælum:*

*Hic vultus Angelis permixtus penè Angelus fuit:*

*Hi oculi viderunt Christum ut hominem, & penè ut Deum:*

*Hæ aures audierunt arcana verba, quæ non licet homini loqui:*

*Dixit illa tamen hoc caput, dum nescire se dixit.*

*Hoc caput redux ad terras celeste suis:*

*Proclamat ubique quod in Cælo didicerat:*

*Quid aliud eructaret, quàm quo plenum erat?*

*Exiuit in omnem terram huius capitis sonus:*

*Et verba ultra mundam perlata ibant ad Cælum:*

*Nimirum eò redibant, unde descenderant.*

*Quid agis impie Nero dum hoc caput abscindis?*

*Occidisti in Seneca Magistrum Urbis, in Paulo Orbis:*

*Pati tales Magistros malus discipulus non potuit.*

*At loquitur precisum caput Epistolæ, dum non licet verbis.*

*Et calamo vocali iterum dicit, quæ scripsit.*

*Probat Romanis latere in rebus creatis Deum, & patere.*

*Docet Corinthios fidem grandibus factis constare, non verbis.*

*Docet Galatas minus sapere, dum nimis sapiunt.*

*Laudat Ephesos, ut laudabiles reddat:*

*Amat Philippenses, & amari vult non Paulum, sed Iesum.*

*Dicit Colossensibus fidem Colossum esse immobilem:*

*Victoriam ostendit Thessalonicensibus, & hortatur ut vincant:*

*Facit Timotheum similem sibi, ut faciat filium.*

*Vult Paulum esse Titum, ut Titus sit Paulus.*

*Ut Philemoni commendat Onesimum, commendat Paulum,*

*Probat Hebræis ex umbris Veteris Testamenti, diem novi.*

*Interea rorat hoc caput lacte, non sanguine:*

*Perfudit hic liquor carnifices, & fecit Martyres:*

*Manant lacte Epistola Pauli:*

*Orbis totus vinit hoc lacte.*

Epistolæ  
quatuor-  
decim.  
Pauli.



## CAPVT

### D. PETRI INVERSVM IN CRVCE.

**I**NVERSVM est hoc Petri caput, & rectum:

*lacere sic debuit ut recta Cælum aspiceret:*

*Nunquam rectius aspexit, quam dum sic vidit.*

*Puto sic aspexerat, dum ita Christo respondit,*

*Tu es Christus Filius Dei vinit:*

*Non reuelaras hæc verba caro, & sanguis:*

*Audiuit Patrem reuelantem, & repetiit:*

*Petra erat, & Petrus esse meruit.*

*Penè naufragium in mari fecit, dum aliter aspicit:*

*Inuertit caput ad Christum, & euasit.*

*Nec fugisset in horto, nec negasset in Palatio,*

*Si sic aspexisset.*

*Nemo peccaret in Cælum, si cælum aspiceret.*

*Prædixerat hunc situm Christus, dum his verbis admonuit,*

*Cingebas te, & ambulabas ubi volebas,*

*Extendes manus tuas, cinget te alius, & ducet quo tu non vis:*

*Nolebat cum Româ exiit, & crucem timuit ;  
Voluit cum admonitus fuge ad crucem rediit.*

*Inuersus cruci affigi voluit, ne posset aufugere,  
Inuersus, vt à terra iter ad Cælum faceret ;  
Inuersus, ne aliud præter Deum, & Cælum videret ;  
Inuersus, vt pendentem à cruce Magistrum cerneret ;  
Inuersus, indignum se ratus, qui rectus pendéret.*

*I Petre nunquam rectius ambulasti quam capite,  
Scilicet itur ad Cælum affectibus magis quam pedibus.*

*Euolare rectus in Cælum Simon Magnus tentauit, & corruit,  
Tentauit inuersus Simon Petrus, & rectâ iuit.*





LIBER SECVNDVS.  
ELOGIA THEOLOGICA,  
ET PHILOSOPHICA.

ILLVSTRISSIMO NOBILISSIMOQVE DOMINO  
D. ALEXANDRO DV PILHON,  
CONSILIARIO REGIS CLERICO,  
IN SVPREMA CVRIA DELPHINATVS;  
DEDICATIO LIBRI.



NVENI artem laudandi Te, & tacendi de Te;  
VIR ILLVSTRISIME, abstinco laudibus tuis  
quia iubes, dum tamen abstinco, illas dico, scilicet  
hæc omnium laudum maxima est, nolle laudari, &  
laudabilem esse: merêris laudes omnes, dum omnes  
rejicis; & quisquis hoc dicit de Te, dicit laudes  
tuas, dum de illis tacet.

Nouum Elogij genus dicere magna dum nihil  
dicis; loqui dum taces, laudare dum laudibus abstinco, & pulchro si-  
lentio laudare laudari nolentem.

Quam magna dicerem de Te nisi prohiberes, sapientiam ingenij,  
prudentiam iudicij, maturitatem consilij, integritatem veriusque fori;  
misces humana diuinis, nec confundis; attollis illa, nec ista deprimis;  
consecras forum ciuile Canonico, & pulchra pace vtrumque concilias.


Quam illustria adderem de Parentibus, de Auis, & Atauis tuis, nisi  
tu eas etiam laudes vetares; taceo illas quoque, & illas dico; appello



Maiores tuos omnes dum Te appello, designo singulos nomine suo dum tuum enuntio, viuunt omnes in Te hærede virtutum, reuocas ætates eorum præteritas, & quinque secula quæ olim fluxerunt, iterum redeunt, & apud Te fluunt.

Fecelli modestiam tuam, Senator modestissime, laudaui Te etiam inuitum, nouâ arte laudandi: abtineo denique laudibus tuis, ne arti irascaris, & artifice: Amabis tamen laudes Augustini veri, & damnabis insidias falsi; occultauit se homo astutus sub nomine Augustini, quasi sub Annulo Gygis, cuius palam sic obuerteat, ut Iansenium celaret, & Augustinum ostenderet; denique excæcauit Annuli gemmam Umbra Augustini, & ostendit sub ea gemmâ noctuam latere, non Aquilam. Viue, & faue.

Humillimus & additissimus seruus, P. L'ABBE'.



## DIVI AVGVSTINI ELOGIVM DOGMATICVM.



INGENIVM Augustini nemo hætenus totum nouit:

Ingenij sui limites Augustinus ipse nesciuit:

Monstrum ingenij fuit alijs, & monstrum sibi.

Exhaust se Africa dum tale portentum tulit:

Adolescens non tam discere, quam meminisse videbatur:

Dixisses non acquirere scientias, sed innatas habuisse:

Didicit Aristotelem sine Magistro:

Vix cum Aristoteles sine Doctore didicisset:

Exhaustis omnibus scientiis adhuc sciendi anidus,

Didicit errores Manicheorum, vt haberet quod disceret:

Laudauit eos errores dum nesciuit, refutauit dum didicit,

Et nondum fidei discipulus iam pugnavit pro fide.

Superatâ Natura diu luctatus est cum gratiâ:

Expertus est se ab eâ non cogi, dum diu restitit:

Nec violentus consensus fuit, quem negauit dum voluit:

Agnouit tamen sufficientem fuisse gratiam, quâ vinci potuit:

Non accusaret moras suas, nisi properare potuisset,

Nec potuit, nisi vires offerret gratia sufficiens, & nondum vincens.

Vicit tandem Gratia efficax vinci volentem,

Sic delectauit vt suaderet, sic suasisit vt cogeret:

Recusare illam poterat, etiam dum admisit:



*Admisit illam voluntas libera, sed non sola:  
 Praeuenit gratia nolentem, & adiunxit volentem:  
 Incepit Deus sine Augustino, ut vellet Augustinus cum Deo.  
 Nec meruit Augustinus gratiam quae fecit merentem,  
 Data est immerenti bene cum gratia merituro:  
 Nemo acius gratiae restitit,  
 Nemo fortius pro gratia stetit.  
 Mirata discipulum Gratia mutauit in Magistrum,  
 Docuitque artem vincendi dum Augustinum vicit.  
 Post eam victoriam nemo Augustino par fuit:  
 Pelagius, Iulianus, Donatus umbram Augustini timere:  
 Nec tantum errores praeteritos refutauit, sed futuros  
 Damnauit Iansenium nondum à Roma damnatum.  
 Opposuit Anticheses erroribus futuris,  
 Distinxit Augustinum ab Augustino,  
 Et puto cum Antipodes negauit, Iansenium intellexit.  
 Debet Augustinus gratia quod de gratia didicit,  
 Debet Augustino gratia quod de gratia docuit:  
 Debet multum Augustino Roma,  
 Plus Rome Augustinus debet.  
 Non esset doctor Gratiae, nisi esset discipulus Roma.*

## ALBERTI MAGNI, ORDINIS PRÆDICATORVM; ELOGIUM.



*ALBERTVS Deipara Philosophus,  
 Thomas Verbi Theologus fuit:  
 Bene hic de Filio, bene ille de Matre scripsit:  
 Vter plura sciuerit ambiguum est:  
 Vterque sciuit omnia, neuter plura.  
 In Alberto aliquid eminet, vnde illi cognomen Magni,  
 Rudis etate prima, & Ultima,  
 Parum debuit natura, multum gratiae:  
 Momento eruditus, momento indoctus,  
 Didicit omnia simul, omnia simul dedit:  
 Abstulit scientias Virgo, quae illas dederat,  
 Vt sciret qui reddit, alienum esse quod redditur.*

*Bene usus scientiis quas acceperat commodatas :  
Implevit Orbem octingentis voluminibus ,  
Satius unus omnibus Bibliothecæ ,  
Sibi ipse vix fuit satius.*

*Non facile est dicere quid Albertus nescierit :  
Nulla opinio etiam falsa fefellit Albertum ,  
Modum posuit artibus curiosis ne ultra pergerent :  
Ostendit ubi desineret Natura , vnde inciperet Gratia.  
Petierat à Virgine ne falli posset , addidit illa ne falleret :  
Nemo erravit sub Alberto Magistro , & Thoma discipulo :  
Vterque eruditus Orbem , vterque correxit.*

*Media ætas Alberti erudita , tota humilis fuit :  
Magister sacri Palatii , Romam deseruit , ut Palatium desereret :  
Ratisbonenses insulas sponte exiit , quas inuitus induerat :  
Vix inter suos Prouincialis esse voluit , qui Ordini regendo par erat.  
Denique dum ex cathedra dictat , non tam verba quam Oracula :  
Obmutuit extemplo oraculum orbis :  
Et cuius memoria sapientiæ promptuarium erat ,  
Id vnum tunc meminuit , se nihil amplius meminisse :  
Vnum est quod obliuisci , non potuit nomen Mariæ :  
Sciuit illud antequam aliquid disceret :  
Illud sciuit postquam omnia dediticet :  
Prima hæc vox erupit Infanti , & vltima Seni.*

*Nec mutum tamen Alberti silentium fuit :  
Albertus Senex , & mutus adhuc Orbis Magister erat :  
Probat immemor diuinum fuisse , quidquid memor dictauerat.  
Obiit an. ætat. 87. Clarus miraculis.*

*Ipse eruditus , & ignarus miraculum fuit.  
Nec minore prodigio amisit scientias , quam accepit :  
Beatus qui dum scientias , amisit virtutes retinuit.*

## SANCTI THOMÆ, DOCTORIS ANGELICI, ELOGIVM.

**T**HOMAS Angelus erat , antequam esset Doctor Angelicus.  
Angelorum discipulus , & penè amutus fuit :  
Multa ab Angelis didicit , quedam Angelos docere potuit :  
Aut Theologiam ad terras deduxit è Cælo ,

*Aut scivit in viâ quod videtur in Patriâ:*

*Audiuit Apostolus arcana verba, sed illa tacuit;*

*Quæ Paulo dicere non licuit, hæc Thomas dixit.*

*Mysteriorum compendium est Summa Thomæ;*

*Collegit in eâ quidquid doceri potest, aut sciri:*

*Inclust Ambrosios, Hieronymos, Augustinos, Gregorios:*

*Inclust seipsum, maior seipso, & se minor.*

*Epitomen fecit aliene sapientie, & summam suæ:*

*Didicit omnes qui Thomam intelligit,*

*Nec totum Thomam intelligit, qui omnes didicit;*

*Vbi alij dubitant Thomas non ambigit;*

*Vbi omnes desinunt, inde incipit:*

*Inde progressus eò ascendit quo nemo præuerat,*

*Sequitur præuiam fidem, & illam ducit;*

*Discipulam facit Theologiam, & Magistram:*

*Ostendit quod illa credit:*

*Neque aliud superest nisi lumen gloriæ post Summam Thomæ.*

*De Deo sic loquitur, quasi vidisset,*

*De tribus Personis, quasi singulas nossæt;*

*De Angelis sic disputat, quasi Spiritus esset:*

*Ingenerat horrorem peccati dum describit;*

*Amabiles reddit virtutes dum ostendit;*

*Incarnatum Verbum sic explicat quasi vox Verbi.*

*Siste aliquando Thoma, peruénit ad summum Summa tua:*

*Ire ulterius non potes, nisi aliquid quæras post omnia.*

*Bene scripsisti de me Thoma.*

*Probat scripturam hominis qui carâcter est Patris;*

*Silète linguæ ubi Deus laudator est,*

*Fallere non potest qui laudatur, dum qui laudat non fallitur.*

*Appellent alij Thomam Angelum Theologiæ,*

*Dicant Pontifices Summam tot miraculis constare, quot titulis;*

*Plus dicite una vox bene.*

*Christus est Verbum Patris, Thomas aduerbium filij.*

*Quam ergo mercedem accipies?*

*Quam benè scripserit collige ex testimonio,*

*Quam benè vixerit discè ex præmio,*

*Vt scias meritum virtutis, datur optio præmij.*

*Quid eligat nisi Deum, qui nouit pretium Dei?*

*Nec potuit eligere maius, nec debuit minus;*

*Male scripserat si aliter elegisset.*

DIVI BONAVENTURÆ,  
DOCTORIS SERAPHICI,  
ELOGIUM.



IC à bonis venturis nomen sortitus,  
 Eternitatem penè possedit intra tempus:  
 Destinatus à Matre Ordini S. Francisci antequam natus,  
 Si nomen mutes penè alter Franciscus fuit:  
 Fundator Ordinis futurus, nisi Franciscus præcessisset:  
 Et penè fundavit dum ruinas restituit.

*Aequalis S. Thomae annis, & meritis ;  
Vterque Doctor, ille Angelicus, hic Seraphicus ;  
Hic tamen optimam partem elegisse visus,  
Eò inuit affectu, quo alter intellectu,  
Et quod Thomas credidit, Bonaventura guslauit.*

*Ut scias Seraphice doctum,  
Uno breuiloquio complexus naturam, & Deum,  
Ex primo principio omnia,  
Ex omnibus primum Principium,  
Ex Deo demonstrat Deum.*

*Nemo de Deo breuius, nemo clariùs scripsit;  
Creditus est Seraphim commodasse alas scribenti;  
Et puto dum Seraphini alas descripsit, illas habuit.*

*Interrogatus aliquando à S. Thoma cui libro studèret,  
Ostendit pendentem ex Cruce hominem Deum,  
Illustis liber scriptus intus, & foris!*

*Meditabatur hunc librum Bonaventura,*

*Nec aliunde nisi, à Deo haurire potuit, quæ de Deo scripsit.*

*Idem scribentem vitam S. Francisci interpellare non ausus,  
Sinamus, inquit, Sanctum de Sancto scribere:  
Novum historiae genus, dum Sanctus scribit, & scribitur:  
Neuter fallere aut falli potest, uterque Sanctus.*

*Vix scire aliunde qualis Bonaventura fuerit s  
In eo Adamus non peccauerat, vix ipse in Adamo s  
Rediisse videbatur ad Statum Innocentiae,  
Qui veteris Adami nihil haberet.*

*Affero aliquid illustrius Angelicum, & diuinum,  
Dicitur Angelus Eucharistiam ori hominis admouisse,*

*Dicitur ipse Christus per latus cor hominis subiisse.  
 O nouum communionis genus!  
 Bonauentura gemino aditu Christum excipit latere, & ore!  
 Gemino palato gustat delicias Dei!  
 Mirantur Angeli nouas artes amandi:  
 Miratur Christus, & miraculum facit.  
 Omisi laudare purpuram, ut parcam rubori,  
 Erubuit vir modestus dum illam gereret,  
 Nunc quoque erubesceret ad laudes.*

## IOANNIS SCOTI, DOCTORIS SVBTLIS, ELOGIVM.



*I*C pene ante subtilis quàm homo fuit,  
 Occultauit Patriam dum nascitur, ut subtiliter nasceretur:  
 Tres populi de eius ortu disputant, plures de obitu:  
 Nullibi penè natus est dum vbique nascitur.  
 Cessate lites Patria Scoti subtilitas est,  
 Idcirco hactenus latuit quia subtilis est:  
 Subtilem Deipara fecit, ut subtilitatem conceptionis defenderet:  
 Inde illi subtilitas tanta, ut ipsum etiam nomen subtile sit.  
 Inuenisset Philosophiam, nisi Aristoteles praeceisset,  
 Sic eam tamen ornauit, ut eius inuentor dici possit.  
 In Theologia equauit S. Thomam dum superare non potuit:  
 Et ne vnicus Princeps esset, eam in duo regna diuisit:  
 Mysteria fidei ita sciuit, ut penè non crederet:  
 Arcana diuinitatis sic explicat, quasi Deus reuelasset.  
 Nunquam tamen subtilius, quam pro conceptione pugnauit:  
 Ducenta argumenta ita repetiit, quasi Deus suggeret,  
 Ita dissoluit quasi Deus responderet,  
 Probauit deinde filiam esse Adami Deiparam, sed Parentis non peccantis,  
 Impeditam esse ne in Adamo peccaret,  
 Redemptam à peccato futuro,  
 Sanatam nondum egram, & nondum captiuam liberatam.  
 Dedecus futurum filij opprobrium Matris:  
 Puram igitur esse debuisse, ut Deipara esset.

*Persuasa Argumentis Sorbona in Scoti verba iuravit,  
 Nemo admittitur ad lauream, nisi hac in parte Scotista sit.  
 Non arrogavit sibi hanc victoriam Scotus quam miraculum peperit:  
 Dum pergit ad pugnam imploravit opem Virginis, & Virgo promissit.  
 Inclinauit caput imago saxeae, & stetit promissus:  
 Adhuc perseverat inclinatio imaginis, testis miraculi,  
 Ne quis de antiqua victoria dubitet, qua semper nona est.*

*Nec subtilior doctrina Scoti, quam virtus fuit:  
 Coloniam destinatus, ut illie sapientie Coloniam institueret:  
 Perrexerat insalutatis Parisiis, ut obedientia ceca esset:  
 Ibat pedes vir triumpho dignus,*

*Satis oneratus Scoto, nisi subtilitas onus leuaret.*

*Redintegrata Conceptionis pugna renovavit victoriam:  
 Vicit discipulos Colonia, qui Parisiis Magistros vicerat:  
 Non incruentâ tamen victoriâ dum post pugnam interiit:  
 Testis immaculate Conceptionis dum vixit, & victor dum obiit:*

*Occultavit ingeniose mortem, qui natales celauerat:  
 Tam acutè interiit, ut adhuc de mortis genere dubitetur:  
 Scilicet subtiliter mori voluit, qui subtiliter natus erat:*

*Ipsè etiam mortis annus incertus est, ut sit ætas tota subtilis:  
 Illud certum est tam multa scripsisse, ut iis legendis vix ætas sufficiat:  
 Pugnat voluminibus cum Thoma,  
 Plura scripturus se scripsisset minus subtiliter.  
 Uterque Doctor, ille Angelicus, hic subtilis:  
 Sed his subtilis esse non posset, nisi Angelicus esset.*

## ROBERTI BELLARMINI CARDINALIS, ELOGIVM.



*SCRIBENDO Bellarmini Elogio unus Orator non est satius  
 Laudant illum omnes docti,*

*Ipsè omnium Doctorum laudator fuit.*

*Vivunt apud illum scriptores mortui, & rediuvini:*

*Examinavit omnium doctrinam lance qua debuit:*

*Legi possunt sine errore, etiam qui errarunt,*

*Purgavit illos Bellarminus, & fecit ne fallerent:*

*Hæc prima laus Bellarmini sciuisse omnes scriptores:*

*Alteræ laus id etiam sciuisse, quod ipsi nesciunt,*

*Scire*



*Scire omnia debuit qui omnium iudex fuit.*

*Nihil tamen Bellarmini scientiam certius probat quam Controuersias  
Extra controuersiam est eruditum opus :*

*Mirantur omnia ingenia ingenium vnum :*

*Inclufit vno volumine omnia volumina :*

*Sufficit omnibus scientiis, vix ei omnes scientie sufficiunt :*

*Mirantur heretici expugnari se ab vno hoste,*

*Et vinci vno certamine hereses sexdecim seculorum.*

*Quod admirabilius est places victoria etiam victis :*

*Amatur hominis modesta doctrina, etiam dum arguit :*

*Debet Ecclesia huic operi clypeum quo se tegat :*

*Debet arma, & tela quibus hereses vincat :*

*Debet illi fides ne sit amplius caca :*

*Scilicet illustrat res credendas, & pene demonstrat :*

*Addit Summa Angelica alteram Summam,*

*Et quondam vna, nunc pene duplex Theologia est.*

*Neque eminentior est Bellarmini doctrina, quam pietas :*

*Nihil in eo humile est nisi humilitas :*

*Hec tamen humilis, & sublimis fuit :*

*Nepos Marcelli secundi, & dignus qui esset tertius :*

*Erubit ad oblatam purpuram, plus ipsa purpura,*

*Adigendus fuit à Clemente VIII. sub culpa, & poena :*

*Et poenam admissurus erat, si carere potuisset culpa.*

*Capuanas Insulas admisit vt Aulam fugeret :*

*Dum retineri se vidit Insulas exiit.*

*Recusauit prouentum Tituli, qui Titulum abdicarat :*

*Et vellus ouium noluit qui Pastor non erat :*

*Singulis annis subtrahebat se vite, vt morti studeret :*

*Aiebat faciendum id bene quod tantum fit semel,*

*Nec bene fieri nisi fiat ex arte,*

*Nec artem ab eo sciri qui arti non studuit :*

*Meditabatur subinde aternitatem, & penè gustabat,*

*Et beatus olim futurus, pene iam erat.*

*Extant singulorum secessuum libelli singuli,*

*Sapidi eorum gustui qui aterna sapiunt, non caduca.*

*Denique obiit, Vir Sanctus qui iam penè obierat,*

*Nec patriam mutauit, nec pene vitam :*

*Eò iuit quo ire consueuerat, & vbi iam erat.*

*Inuisere moribundum Cardinales, & appellarunt sanctum,*

*Idem dixit Pontifex priuata voce, & poterat dicere publicà.*

*Abrepta est mortui purpura, & quidquid tetigerat sacrum fuit.*

*Omiseram testamentum, & vir pauper testari vix debuit;  
 Haredem ex assse scripsit Societatem, & assis vix obolus fuit.  
 Ante purpuram pauper, sub purpura pauper fuit;  
 Mutauerat colorem non vestem,  
 Sub utroque colore Iesuita fuit.*

# LVDOVICI MOLINÆ, ELOGIVM.



*IC est vir ille cuius doctrina non vita  
 Publica Academiæ Thesís,  
 Alicubi victrix, ubique hætenus inuicta stetit.  
 Nulla pars doctrinæ contra fidem,*

*Non omnis tamen de fide est;  
 Nulla pars falsa, non omnis tamen est certa.  
 Nec certior est aduersa doctrina,  
 Vtramque permittit Roma, neutram damnat.  
 Vtra potior sit iudicent docti,  
 Hac ad examen vocata indemnis exiit,  
 Altera nondum ad examen venit.  
 Timeri initio capít dum crederetur noua,  
 Timeri desit, cum apparuit veterana.*

*Audi quid sentiat de Gratia sufficienti.*

*Hæc inquit ex se fertilis, per nos est sterilis,  
 Tunc tantum expers effectus, cum caret assensu.  
 Hæc in duobus æqualis hunc vincit non alterum;  
 Vtrumque vincere poterat, si vinci vterque voluisset;  
 Quod ille vincatur facit voluntas, & gratia;  
 Quod iste non vincatur facit voluntas sola.  
 Petebat assensum gratia, negauit voluntas.*

*Audi quid sentiat de gratia effectrice.*

*Hæc, inquit adiuvat voluntatem, non inuitam trahit;  
 Hæc secreta est, & secretum sciens,  
 Hæc minax, & blanda; hæc alta & profunda;  
 Hæc sic delectat ut vincat, sic vincit ut non cogat;  
 Sic illustrat ut moueat, sic mouet ut non determinet;  
 Determinat seipsam voluntas Domina sui;  
 Adiuvatur à Gratia dum se determinat.*

Audi quid sentiat de scientia media.

*Didicist, illam ex scripturis non inuenit,  
 Quid facturi Ceilice quamuis nunquam facturi:  
 Quid creditura Tyrus nunquam creditura?  
 Quid futurum, quamuis nunquam futurum:  
 Quid decreturus Deus, si decreturus?  
 Quid futurum si voluntas vellet, & Deus decerneret.  
 Antecedunt hanc scientiam voluntatis nutus, non actus:  
 Decernit Deus actus post preuisos nutus:  
 Sic non leditur libertas qua exploratur,  
 Sequitur illam decretum Dei, non antecedit:  
 Sic non exponit Deus gratias suas, sed dispensat:  
 Sic aptat gratias libertati, & libertatem gratiis:  
 Explicuit hanc scientiam Molina, & nomen addidit:  
 Appellauit mediam, ut distingueret ab extremis:  
 Aptauit voluntati, & conformem vidit:  
 Sic explicuit concordiam gratiae, & libertatis humanae:  
 Sic seruauit utrique fines imperij sui:  
 Sic utramque dominam fecit neutram ancillam.  
 Laudabilis Molina dum rem arcanam explicare voluit:  
 Tentauit hoc secretum pars aduersa, nec inuenit:  
 Arcana res est humana libertas:  
 Solus illam nouit qui condidit:  
 Resignabit olim Roma hoc sigillum,  
 Imo neque resignabit:  
 Arcanum debet esse sigillum, ut sit liberum.*

## VMBRA AVGVSTINI, POËMA THEOLOGICVM.



*VMBRA Augusini terras irata reniso  
 Ius cultura meum, violataque Gratia mecum,  
 Lasaque libertas mecum redit: utraque dicit  
 Doctrinam de vtrâque meam: scias orbis oportet  
 Mentem Augusini, falsas Iansenius umbras  
 Supposuit mundo, verax ego corporis Vmbra,  
 Atque animi docta Vmbra loquor.*

## Quid sit Libertas.

*Dic age libertas quales tibi Gratia dotes,  
Et quales Natura dedit? mihi tradidit, inquit,  
Imperium Natura suum, me Gratia captat*

Quid vi-  
deat  
Deus in  
volunta-  
te opera-  
bunda.

*Assensus studiosa mei: Deus ipse futuros  
Arbitrii explorat nutus, quid sola voluntas  
Eligeret, si sola esset, dextramque iuvantem,  
Auxiliumque suum praeiis nutibus aptat:  
Et nutus sunt nondum actus: praescit agenda  
Et mecum peragit: posset subducere dextram  
Ne vellem, tota non posset cogere dextra  
Ut quod nolo velim, nolo quod nolo, voloque  
Quod volo, Reginam fecit qui condidit Auctor,  
Nec Regina essem, si sceptrum aliena gubernans  
Non essem Regina mei.*

Libertas  
contra-  
dictionis

*Non satis in laudem dixi, suspendere possum,  
Et motus animi, & curas, & gaudia, & ipsum  
Arbitrii imperium: dum sic suspensa quiesco  
Tunc operor, pensique experta operosa laboro,  
Et volo tunc aliquid dum nil volo: scilicet utor  
Arbitrio dum nolo vli, & dum libera cesso  
Me dominam tunc esse probo:*

Libertas  
contra-  
rictatis.

*Plus aliquid dico, possum contraria velle,  
Et mortem, vitamque sequi, nocet ignibus vnda,  
Et nocet ignis aquis, neuter mihi noxius hostis,  
Hosti uterque sibi: fallax me saepe sefellit  
Umbra boni, saepe umbra mali: neutra umbra coëgit  
Arbitrium violenta meum: non si omnia sceptrum  
Promittat demon, non si omnia damna minetur,  
Inuitam vis nulla trahit: falli Eua volebat,  
Et fraudi consensit Adam, si vellet uterque,  
Staret uterque horti Dominus, fortunaque mundi  
Staret adhuc, serpens terras morderet, & orcum,  
Mortalisque satur vita succederet Astris*

Lapsus  
Adami,  
& nepo-  
tum.

*Non ultra moriturus Adam: damnabile pomum  
Gustavit, Pater, & nati senescere venenum.  
Dum tamen hac escâ victa est humana voluntas,  
Libertas inuicta stetit, lapsique parentis  
Arbitrium in mediis tenuit sua iura ruinis,  
Exul Adam, liberque fuit: miserique nepotes,  
Et Reges mansere sui.*

Denique sæpe vocat blandis me Gratia verbis,  
 Et sæpe illecebris victam trahit ire volentem;  
 Si vellem nullis traheret me Gratia vinculis,  
 Et sæpe excussi nexūs, ut sponte perirem  
 In damnum generosa meum: sum causa ruine  
 Sola meæ, nec sola tamen sum causa salutis:  
 Intus agit, firmatque Deus, sequor ipsa vocantem  
 Non prauerto Deum. sic nobilis ænīs hospes  
 Ales Apus, sola ex patriis delabitur auris,  
 Descensum natura iuuat, pennaque ministrant;  
 At reuocare gradum, & patrio se reddere cælo  
 Sola nequit volucris, zephirosque expectat, & auras,  
 Supplentemque pedes flatum, remisque repandis  
 Alarum captat flatūs, aurasque iuuantes,  
 Et reducem Cælo facit ales, & aura volatum.  
 Sic ego non sola alarum virtute resurgo;  
 Et sola virtute cado.

Gratia  
 allicie  
 voluntatem  
 non  
 cogit.

Auis pa-  
 radisiacā

#### GRATIA VNIVERSIM:

Tu quoque diuinās enarra Gratia dotes,  
 Et vires describe tuas: mihi Spiritus, inquit,  
 Est Pater, hic gemini postremus origine puncti  
 Accipit exhaustam Deitatem, & Numine pleno;  
 Cui spiret similem non inuenit intus amorem:  
 Hunc ego sacundum facio, spirataque dicor.  
 Gratia, communi quamuis inspirat amore;  
 Et totus sit causa Deus.

Causa  
 efficiens.

Altera causa mei Christus, memē ille refecit  
 Dum meruit, meritamque humano reddidit orbi.

Causa  
 meritoria.

Coniugibus mundi primis, & Regibus orbis;  
 Me Deus æterni pignus donauit amoris;  
 Heredesque sui fecit, dum fœdere pacto  
 Heredes dedit esse meis: si pacta fideles  
 Seruassent, proli fueram promissa futura;  
 Heredes factura Deos: peccauit Adamus,  
 Et gravidā gestans in libertate futuram  
 Progeniem, inclusos hoc læsit vulnere natos  
 Quo Patri nocuit, crimenque vocatur origo;  
 Et scelus est hominem nasci: miseratus Adamum  
 Alter Adam, læsi reparauit iura Parentis,  
 Et VERBO carni vnito, carnemque redemit,  
 Placauitque Deum Deus: huius fœdere pacis

Pactum  
 Dei cum  
 Adamo.

Peccatū  
 originis.



*Reddita sum terris ; duplexque amissa Parenti  
 Restitutor terris duplex ; pars altera nostri*  
 Gratia  
*Est habitus , figiturque gradum , crescitque merendo ,*  
 habitua-  
*Haredemque animum diuino munere complens ,*  
 lis.  
*Pene hominem facit esse Deum. pars altera lux est ,*  
*Et radius qui praeueniens , comitansque , sequensque ,*  
 Gratia  
*Excitat humanam mentem , attollitque iuuando :*  
 actualis.  
*Ac velut exudans imber peruatit hiantem*  
*Terra vterum , penetratque sinus , siccassque medullas ,*  
*Et sterilem complet secundo semine vuluam ,*  
*Telluremque facit matrem , si fertilis imbrī*  
*Succedat solis radius , qui semen alumnū*  
*Excitet , & vires addens per hiantia claustra*  
*Impellat , trudatque foras ; sic Gratia menti*  
*Et calor , & pluuia est , libertatemque parentem*  
*Prole facit diuina , & Caeli iura merentem.*

*Hic meus in terras reditus ; narrare labores ,*  
*Et pugnas , atque arma placet , viciique triumphos*  
*Humani Arbitrij , vincit dum vincitur à me ,*  
*Dum superat cadit , & gemina fit causa ruinae ,*  
*Et me dum perimit , mecum perit.*

#### GRATIA SUFFICIENS.

*Principio nulli mortali Gratia desunt*  
 Datur  
*Sufficiens , emit toto me sanguine Christus ,*  
 omnibus  
*Et satis est mundo ille cruor ; sors esset auarus*  
*Si flueret paucis , & sufficit omnibus vnda ,*  
*Et nulli se Lympha negat.*  
*Vult omnes seruare Deus , nullique parant*  
 Ratio-  
*Pœnas ante scelus , praecepsit Olympus Auerum ,*  
 nes.  
*Vltoremque Deum miserans Deus : At quis Olympi*  
*Speret iter , tentetque gradum , si Gratia desit*  
*Sufficiens , spiransque animos , viresque ministrans ,*  
*Et faciens , monstransque viam.*

*Nec iustas homini pœnas Deus inferet vltor*  
*Quod titubet qui stare nequit , nec iusta inbebit*  
*Si superent iussa arbitrium , nec Gratia vires*  
*Sufficiat , tendatque manum , & comitetur euntem ,*  
*Et iussum moderetur iter : sic Alitis heres*  
*Fulminei , nondum instructus vibrantibus alis ,*  
*Prodire ex nido nequit , & pendente cubili ,*  
*Ni Pater exponat Caelo , attollatque volantem ,*



Solisque opponat radius, nidoque reportet  
Infantem, & socias infirmo accommodet alas;  
Ni faciat scepero innocuus priuabitur heres;  
Et probrum genitoris erit.

Hic meus ille labor libertati addere vires;  
Vt possit, si posse velit; nec me ista graualet  
Cura ministerij, si prompta audire voluntas;  
Vellet iussa sequi, sed sæpe oblita salutis,  
Sæpe memor, ridet mutus, & verba monentis;  
O quoties monui errantem, blandeque prehensam  
Resitui? quoties stimulis, flagrisque cecidi?  
At quoties Domino arbitrio frænosque momordit,  
Et stimulos fremitu, & saltu calcaria risit?

Officia  
gratiæ  
sufficien-  
tis.

Quis numeret quot probra tuli, tristesseque repulsas?  
Nec tamen abstineri monitis, imitataque Christum  
Morte sua complexum omnes, nullique negantem  
Et vite, & mortis meritum, sic omnibus ipsa  
Auxilium, viresque nouas inshiro, libensque  
Tot mortes quot probra fero.

#### GRATIA EFFICAX.

Ast ego victrices effectrix Gratia lauros,  
Et palmas inuicta fero, nunquam obstitit hostis;  
Et semper potuit sua vulnere læsus amavit,  
Effeci vt vinci vellet, vicique volentem.

Industria  
Gratiæ  
efficacis.

Quas autem insidias, casseque, hamosque tetendi  
Arbitrio, vt falli vellet, neque falleret hamum,  
Quem semper nudum exposui, ne ceca voluntas  
Eligeret quod non videt, affectuque coacto  
Libertas rueret præceptis, atque impete cæco;  
Et vellet quod nollet amor.

Propterea exploro nutus, flexusque, recessusque  
Humani Arbitrij, quid amet, quid vellet amare,  
Quid cupiat dum nil cupit; affectusque futuros  
Afficio monstrante Deo, & pendentia vota,  
Et libertatem volituram reddo volentem;  
Dum præco, nutumque sequor; nec cogitur ire  
Libertas que sponte venit; nec lætea verba;  
Et molles aditus, & congrua tempora fandi,  
Arbitrium cogunt, præuidi pondera, nutusque;  
Et vacuos, nudosque sinus, & amabile semen  
Inijcio, quo sponte sua grauidata voluntas;

Gratia  
efficax  
non in-  
fert ne-  
cessitatē.

*Communes mecum factus parit : ac velut arcem  
 Pronidus explorat ductor, quâ parte struendus  
 Agger erit, qua parte eludet verbera murus,  
 Admittetve globos, vbi subterranea fossa  
 Puluerem excipiet semen : quo vulnere flammæ  
 Erumpent, fractasque vomant ad sidera turres :  
 Plura quoque explorat Ductor, curâque sagaci  
 Ante capit capiendam arcem : sic Gratia victrix  
 Arbitrij nutus, atque hoc discrimine capto,  
 Obsideo volituram arcem, expugnoque volentem.*

*Non tales Salomon artes describit amandi,  
 Nec tales sponsi & sponsa meditantur amores :  
 Has ego dictavi insidias, & cantica scripsi,  
 Et noster cantatur amor.*

# CONCORDIA GRATIÆ, ET LIBERI ARBITRII

V M B R A.

*Hec ego de vobis sensi, & concordia vestri  
 Vna mihi doctrina fuit : gerit vtraque sceptrum,  
 Vtrique imperium seruavi, & iura corona,  
 Et fines vtrique suos : nec gratia victrix  
 Arbitrij regnum minuit, nec victa voluntas  
 Imperij iura amittit, communibus armis  
 Vincitis, & palmam victrix, & victa meretur.*

*O bellum superis dignum ! ô concordia felix !*

*Vtraque  
 Gratia  
 dat vires  
 ad agen-  
 dum.*

*Et gemini pugnant hostes, & vterque triumphat,  
 Et palmam superatus habet. Nec Gratia tantum  
 Efficiens addit robur, dextramque iuuantem,  
 Ipsa etiam vires inspirat, & arma ministrat  
 Gratia sufficiens, possetque adiuta voluntas,  
 Vincere si vinci vellet : nec defuit Ene  
 Sufficiens virtus ementiti ora reuelans  
 Serpentis, fidosque sonos, & callida verba :  
 Et poterat pomum ridere, Deosque futuros,  
 Et victrix Diue instar erat : tentauit Adamum  
 Promissa in pomo Deitas : & Gratia fraudes  
 Explicuit, virusque latens, sed semina vicit :  
 Et peior serpente fuit : sic Gratia semper  
 Efficiens vincit, sic semper vincere posset  
 Gratia sufficiens : quod semper fertilis illa,  
 Hac semper sterilis, sterilem facit vna voluntas,*

*Fœcundam*

*Fœcundam non sola facit.*

*Hec ego dum docui, quis nunc Iansenius audent  
Doctrinam violare meam? cur rumpere nomen  
Partirique fidem? scripsi quod Roma probauit,  
Et damno quod Roma negat: cur querit amicum  
Tpra Augustinum, si Roma opponitur Tpra,  
Aut Tpram nisi Roma probat? fraus illa, dolusque est  
Velle Augustinum Auctorem, ne sentiat hostem.*

*Quid mihi cum monstris fidei, qui monstra subegi  
Antiqua, & monstris indixi bella futuris?  
Venturosque hostes vici presentibus armis,  
Vincendique artem docui: cessate Lutheri,  
Caluini, Bezaque noni prætexere nomen  
Doctrinamque meam, nec diligit hæresin umbra,  
Atque Vmbra timet illa meam. dic Gratia verax,  
Tu quoque libertas an verum dixeris Umbra.*

#### GRATIA ET LIBERTAS.

*Dixisti quæ nunc oculis sine nube beatæ,  
In Verbo splendere vides, speculumque tuæ;  
Monstrantemque Deum speculum.*

#### FVNVS NOVÆ DOCTRINÆ.

**S**AT vixit quæ vivere nunquam debuit noua doctrina; idcirco falsa  
erat quia de Deo noua; nihil diuinum potest esse nouum, Deus ipse  
esset falsus, si posset esse nouus.

De natura purâ minus sanè, de naturâ sanâ minus purè; de lapsâ  
minus rectè sensit. Post calumnias naturæ non pepercit Gratiæ; vt ne-  
garet sufficientem finxit inutilem; vt destrueret efficacem fecit crude-  
lem; vt euerteret liberum arbitrium reddidit captiuum; vt corrumpere  
bona opera, corrumpit merita; vt excusaret peccatum fecit necessarium;  
vt redderet Christum odiosum negauit pro omnibus mortuum.

Volitauit aliquandiu noua doctrina per ora indoctorum virorum, &  
doctarum mulierum; rapuit illos nouitas, & istas leuitas; fefellit omnes  
nomen Augustini, etiam falsi; nemo sub eo Magistro errare timuit, cuius  
ipsum etiam nomen credebatur expertis erroris; fecit Augustinus fidem  
etiam dum fefellit; placuit sub eo nomine falsitas sub quo displicere de-  
buerat.

Post aliquam admirationem, vocata ad examen noua doctrina depre-  
hensa est dehonestare naturam cum iniuriâ Creatoris; dedecorare Gra-  
tiam cum opprobrio Seruatoris, excusare peccatum necessitate peccan-

di; extinguere amorem virtutis difficultate meriti; creare odium Deo homini dum ait Incarnatum pro paucis.

Pronuntiavit eam doctrinam nocentem Innocentius X. damnauit Augustinum falsum, rueritus verum, & quinque Censuris, nouarum Propositionum quinque monstra confixit: Nec tamen silere voluit damnata doctrina, transiuit à jure ad factum, & tot nodis nouam doctrinam implicuit vt inextricabiles viderentur, nisi eos iterum gladius Petri discinderet: vidit eos gordios nodos successor Innocentij, & dum eos Petri ense dissecuit Alexander fuit.


Ridebat tamen Romana fulmina insolens doctrina, nisi accederent Gallica; venerata est Censura Romanam Ecclesia Gallicana, & credidit hæresin esse quidquid Roma damnat ex cathedra, scilicet hoc vnum est ex priuilegiis Ecclesiæ Gallicanæ nesciuisse antiqua monstra, & odisse noua.

Spectabant interea Iansenistæ tempestatem ex portu, fauere credebant Senatam dum tacêret, ridere Aulam dum ludum aspiceret, & tutos se putabant quandiu eos Regius Portus protegeret. Denique Rex Christianissimus post captum Mommedium, & Mardicum, partem aliquam victoriarum putauit Iansenium, & Portum Regium.

Senatus Augustissimus sedente Rege pro Liliis, fauente Aulâ, & spectante Lutetiâ veneratus fidem Petri, Christianissima voce hæreticum pronuntiavit quisquis cum Petro non crederet. Oppressit ea vox nouam Doctrinam; stupefacta hoc fulmine fecit naufragium in portu, & nunc ubi Portus Regius erat, nihil est nisi triste naufragium.

#### INSCRIPTIO PORTVS REGII.

*Hic Portus quondam fuerat, discedite Naues,  
Non est hæc Statio Regia, naufragium est.*



### TROIS DEVISES SVR L'AVTEVR DE LA NOUVELLE DOCTRINE.

#### I.

IANSENIVS CORRVPTEVR D'AVGVSTIN.

Vne Echo.

*Reddens non integra verba.*

#### EPIGRAMMA.

**F***Allitur, & fallit reddens non integra verba  
Echo, reflexi saucia Imago soni.*

*Pastor Tpre sensum fallens, & verba Magistri,  
Echo est, hæc lasos reddit, & iste sonos.*

## II.

IANSENIUS SE COVVRE DV NOM D'AVGVSTIN.

*L'Anneau de Gyges.  
Nemo satis sub luce latet.*

## EPIGRAMMA.

**N***emo satis sub luce latet, gemmam obijce Soli,  
Qui vult esse Gygas cernitur esse Gyges.  
Pastor Tpre magno frustra se nomine celat  
Tolle Augustinum, Noctua non Aquila est.*

## III.

IANSENIUS FAVX AVGVSTIN.

*Vn Aigle precipitant vn faux Aiglon.  
Heredem negat esse suum.*

## EPIGRAMMA.

**H***eredem negat esse suum, qui lumina Solis  
Fixo oculo, & firmo non bibit ore diem.  
Magni Augustini non est Iansenius heres,  
Romanum pauido non tulit ore diem.*

## CIRCA QVINQVE PROPOSITIONES

AB INNOCENTIO X. ET ALEXANDRO VII.

DAMNATAS.

THESES IANSENI.

ANTITHESES AVGVSTINI.

## CIRCA PRIMAM PROPOSITIONEM.

*Aligua Dei præcepta hominibus iustis volentibus, & conantibus secundum præ-  
sentes quas habent vires, sunt impossibilia: deest quoque iis Gratia qua fiant  
possibilia.*

## THESIS IANSENI.

**T***Om. 3. lib. 3. c. 13. Hæc igitur omnia plenissime, planissimeque de-  
monstrant nihil esse in sancti Augustini doctrina fundatius, ac cer-  
tius, quam esse præcepta quædam quæ hominibus non tantum infideli-*



bus sed fidelibus quoque & iustis, volentibus, & conantibus secundum præsentibus quas habent vires sunt impossibilia, deesse quoque gratiam qua fiant possibilia, &c.

### ANTITHESIS AVGVSTINI.

**S**erm. 191. Execramur etiam blasphemiam eorum qui dicunt impossibile aliquid homini à Deo esse præceptum, & mandata Dei non à singulis sed ab omnibus in commune posse servari.

*Iansenius dicit esse quadam præcepta impossibilia: Augustinus execratur hoc tanquam blasphemum. Ergo Iansenius imponit Augustino.*

### THESIS IANSENII.

**I**ansenius eodem cap. 13. lib. 3. Deesse quoque gratiam qua fiant possibilia.

### ANTITHESIS AVGVSTINI.

**C**ap. 4. de grat. & lib. arbitr. Homo ergo gratia iuuatur, ne sine causa voluntati eius iubeatur.

*Iansenius dicit deesse gratiam qua fiant possibilia. Augustinus dicit hominem iuvare gratia, ne sine causa voluntati eius iubeatur. Ergo Iansenius dicit opposita Augustino.*

### THESIS IANSENII.

**E**odem cap. 13. Ex hac Augustini doctrina sequitur plurimis non dari istam faciendi præcepti possibilitatem, quæ precibus implorari solet, &c.

### ANTITHESIS AVGVSTINI.

**L**ib. de nat. & grat. 43. Non igitur Deus impossibilia iubet, sed iubendo monet, & facere quod possis, & petere quod non possis.

*Iansenius dicit plurimis deesse possibilitatem faciendi præcepta, & negari etsi imploretur. Augustinus dicit volentem aut habere semper gratiam ut impleat, aut posse orare ut habeat. Ergo si oret illam habebit. Immo non potest orare nisi per gratiam sufficientem, ergo aut voluntas habet semper gratiam efficacem ut impleat, aut habet sufficientem, ut petat efficacem.*

### THESIS IANSENII.

**E**odem cap. Hæc impossibilitas servandi præcepta fidelibus accidit, non tantum quando nolunt præcepta facere, sed etiam quando volunt.



## ANTITHESIS AVGVSTINI.

**D**E actis cum felice Manichæo cap. 17. Qui enim seruare legem non vult, in potestate eius est si velit, non enim dixit non potuerunt, sed noluerunt; hoc certe quod nolunt seruare legem, non à gente tenebrarum coguntur, si enim coguntur non nolunt, sed non possunt, si autem nolunt, non utique coguntur ut non faciant, sed sua voluntate nolunt.

*Non posse seruare præcepta etiam cum volumus, & habere in potestate seruare etiam cum nolumus, sunt opposita. Ergo.*

## THESIS IANSENII.

**E**odem cap. 13. Augustinus docet quarundam cupiditatum tentationes aliquorum hominum vires superare, ita ut eas vincere non possint, & tamen peccare dum consentiunt.

## ANTITHESIS AVGVSTINI.

**D**E nat. & grat. cap. 66. Quæcunque est ista causa voluntatis, si non potest ei resisti sine peccato creditur, si autem potest non ei credatur, & non peccabitur; An fortè fallit incautum, ergo caueat ne fallatur; An tanta fallacia est ut cauere omnino non possit, si ita est nulla ergo peccata sunt. Idem August. lib. de grat. & lib. arbit. cap. 4. Ut autem ista seruentur castitatis sancta mandata, vnusquisque tentatur à concupiscentia sua, &c. Si dixerit volo seruare, sed vincor à concupiscentia mea, respondet scriptura eius libero arbitrio, noli vinci à malo, sed vince in bono malum.

*Iansenius ait esse aliquas tentationes quas voluntas superare non potest, & tamen peccare si non superet. Augustinus ait nullas esse quas voluntas non possit superare, scilicet adiuta à Deo, & si omnino non posset superare, non peccare. Ergo Iansenius imponit Augustino.*

## CIRCA SECYNDAM PROPOSITIONEM IANSENII

## A ROMA DAMNATAM.

*Interiori gratiæ in statu nature lapsæ nunquam resistitur.*

## THESIS IANSENII.

**T**Om. 3. lib. 2. cap. 14. Tota doctrinæ S. Augustini moles in illum tanquam scopum collimat, ut Christiani credant; & qui possunt intel-

ligant non liberum arbitrium esse, quod possit gratiæ efficientiam seu influxum in opus impedire.

### ANTITHESIS AVGVSTINI.

**I**N Psal. 63. Quod pluit in agrum vberem dulce est, & quod pluit in agrum spinosum dulce est; nunquid pluuiam accusas quod spinas generet; nonne erit pluuiæ illa testis in iudicio Dei, & dicet; Ego dulcis super omnia veni, tu ergo quid proferas vide, profers frumentum spera horreum, profers spinas ignem spera.

*Arbitrium non posse impedire influxum gratiæ, & posse impedire sunt Antitheta, Iansenius dicit primum Augustinus secundum.*

### THESIS IANSENII.

**I**ansenius tom. 3. lib. 2. cap. 4. Adiutorium ægrotæ voluntatis est hoc ipsum quod suapte efficacia facit influere facultatem, nec facultatis illius libero arbitrio subiacet, sed inuicte facit ut hoc vel illud arbitretur, & velit.

### ANTITHESIS AVGVSTINI.

**L**ib. 83. quæst. q. 61. Ad illam eternam in Euangelio præparatam, nec omnes qui vocati sunt venire voluerunt, nec illi qui venerunt, venire possent nisi vocarentur; itaque neque illi debent tribuere sibi qui venerunt, neque illi qui venire noluerunt debent alteri tribuere sed tantum sibi, quoniam ut venirent in eorum erat potestate.

*Adiutorium gratiæ non subiacere arbitrio, & subiacere sunt duo opposita, Iansenius primum dicit, alterum Augustinus.*

### THESIS IANSENII.

**T**Om. 3. lib. 2. cap. 4. Talis est influxus Gratæ, qualis est influxus causæ formalis, hoc ipso quippe quod adest iustitia, fit iustus animus, & sine illa iustus esse nunquam potest.

### ANTITHESIS AVGVSTINI.

**L**ib. 1. ad Simplic. q. 2. Nemo itaque credit non vocatus, sed non omnis credit vocatus, multi enim sunt vocati, pauci electi, utique ij qui vocantem non contempserunt. Sed credendo secuti sunt.

*Influxus causæ formalis non est actiuus, est necessarius, non potest impediri posita causa. At ex August. influxus gratiæ saepe rejicitur & contemnitur: Ergo non est quasi causæ formalis.*

## THESIS IANSENII.

**T**Om. 3. lib. 2. c. 25. Efficacissima gratiæ medicinalis natura; &c. eo quod nulla prorsus effectui careat, & mox; ex defectu operis recte inferitur gratiam non esse datam, & hoc ipso quod homo effectui destituitur, nullam ei gratiam collatam esse, & hoc ipso quod data sit mox effectum sequi.

## ANTITHESIS AUGUSTINI.

**D**E grat. & lib. Arb. c. 5. Hoc enim liberum hominis arbitrium exhortatur, & in aliis quibus dicit rogo vos ne in vacuum gratiam Dei suscipiatis, ut quid enim eos rogat, si gratiam Dei sic susceperint ut propriam perderent voluntatem.

*Frustra Apostolus rogat ne in vacuum gratiam Dei recipiant, si nulla gratia effectui caret, si hoc ipso quod data est, effectus sequitur. At exhortatur & rogat. Igitur Iansenius dicit antitheta Apostolo; & Augustino.*

## THESIS IANSENII.

**T**Om. 3. l. 2. c. 28. Christi Gratia nunquam relinquit voluntatem in æquilibrio, sed illud aufert & efficit ut velit: Et c. 28. nec Augustinus, nec Ecclesia, nec Concilia aliam vllam actualem agnouere quamque talis est.

## ANTITHESIS AUGUSTINI.

**L**ib. 50. homil. homil. 2. Cum per adiutorium Dei in potestate tua sit utrum consentias diabolo, quare non magis Deo quam ipsi obtemperare desideras. Psal. 91. Si Sathanas loqueretur, & taceret Deus, haberes unde te excusares, modo aures tuæ positæ sunt inter monentem Deum, & suggerentem serpentem, quare huc floctuntur, hinc auertantur; non cessat Sathanas suadere malum, sed nec Deus cessat admonere bonum, Sathanas autem non cogit inuitum, in tua potestate est consentire aut non consentire.

*Iansenius ait gratiam Christi nunquam relinquere voluntatem in æquilibrio, Augustinus agnoscit hoc æquilibrio. Ergo dicunt Antitheta.*

CIRCA TERTIAM PROPOSITIONEM A ROMA  
DAMNATAM.

*Ad merendum & demerendum in statu naturæ lapsæ non requiritur in homine  
libertas à necessitate, sed sufficit libertas à coactione.*

THESIS IANSENII.

**L**ib. 8. c. 9. §. hinc ergo. Nulla necessitas actibus liberis voluntatis reformidanda est, sed sola vis, coactio, & necessitas violentiæ.

ANTITHESIS AVGVSTINI.

**L**ib. de duabus animabus c. 12. Quamobrem illæ animæ quidquid faciunt, si naturâ non voluntate faciunt, id est si libero ad faciendum & ad non faciendum motu animi carent, si denique iis abstinendi ab opere suo potestas nulla conceditur, peccato earum teneri non possunt.

*Ex Augustino tria impediunt libertatem, & peccatum, natura seu necessitas faciendi, Carentia indifferentiæ ad faciendum vel non faciendum, carentia potestatis abstinendi ab opere. Ergo non sola coactio, & violentia repugnat libertati.*

THESIS IANSENII.

**L**ib. de Grat. Christi c. 10. Cum arbitrio in utramque partem libero & flexibili conditus est Angelus, & primus homo, addit postea, illa æquabilis libertatis indifferentia velut bilancis æquilibrium peritit, &c. & ubi voluntas vniuscuiusque cecidit, ibi mansit.

ANTITHESIS AVGVSTINI.

**D**e gestis cum felice Manichæo c. 4. Habet unusquisque in voluntate sua eligere quæ bona sunt, & esse arbor bona, aut eligere quæ mala sunt, & esse arbor mala.

*Possè eligere bonum vel malum, est libertas contrarietatis, at hæc non peritit ex Augustino. Ergo.*

THESIS IANSENII.

**L**ib. 6. c. 38. Veteribus perspectum fuit voluntatem quantumcunque aliquid inmutabiliter, necessarioque velit, semper sibi & actui suo dominari.

ANTITHESIS AVGVSTINI.

**L**ib. contra Fortunatum, Animæ rationali quæ est in homine dedit Deus liberum arbitrium, sic enim posset habere meritum, si voluntate non necessitate boni essemus. Cum ergo oporteat voluntate, non necessitate

cessitate bonum esse, oportebat ut Deus daret homini liberum arbitrium.

*Augustinus opponit hæc duo, voluntate, non necessitate bonum esse, & vult necessitatem pugnare cum libero arbitrio. Ergo actus necessarii non sunt liberi.*

### THESIS IANSENII.

**L**ib. 6. cap. 38. Veteres nihil omnino curarunt de necessitate actus voluntarij, sed non obstante inevitabili necessitate, omnem omnino rationabilem voluntatem, hoc est voluntatis modum liberum posuerunt. Sola exclusæ violentiæ, coactionisque necessitate.

### ANTITHESIS AUGUSTINI.

**L**ib. de vera Religione. Tales servos suos Deus meliores iudicavit, si ei servirent liberaliter, quod nullo modo fieri posset, si non voluntate, sed necessitate servirent.

*Augustinus hæc duo distinguit voluntate, & necessitate servire, ergo necessitas opponitur libertati.*

### THESIS IANSENII.

**L**ib. 8. cap. 38. Fidenter dico, quicumque doctrinam istam à nobis traditam erroris insimulare ausus fuerit, in ista Catholicæ doctrinæ culmina, & columina necesse est ut anathema primum dicat.

### ANTITHESIS AUGUSTINI.

**L**ib. de duab. anim. contra Manich. cap. 12. Quid certius quam neminem vituperatione, suppliciove dignum esse, qui id non faciat, quod facere non potest, nonne ista cantant, & in montibus Pastores, & in Theatris Poëtæ.

*Ex Augustino, & sensu communi inevitabilis necessitas privatur vituperatione, & supplicio: Ergo pugnat cum merito, & demerito.*

## CIRCA QUARTAM PROPOSITIONEM

### A ROMA DAMNATAM.

*Semipelagiani admittere prævenientis gratiæ interioris necessitatem ad singulos actus, etiam ad initium fidei, sed in hoc erant heretici quod vellent eam gratiam talem esse, cui posset humana voluntas resistere, vel obtemperare.*

### THESIS IANSENII.

**T**Om. 1. lib. 8. de hæres. Pelag. cap. 6. Neque vero Massilienses hanc ipsam Gratiae necessitatem ad ipsum velle dissentunt: Et Paulo an-



tè. Non enim excludere Massilienses ab illa credendi voluntate gratiam quæ interius adiuuaret, &c.

### ANTITHESIS AVGVSTINI.

**D**E Prædest. §. c. 2. 1. retract. c. 23. de natura & grat. cap. 48. & centum aliis locis Augustinus ait Semipelagianos censuisse gratiam dari secundum merita fidei, & sic fidem esse gratia priorem. Item dicebant naturam sufficere ad fidem. Item fidem esse tantummodo nostram: Item fidem non esse donum Dei, & nos non accipere à Deo cogitationes pias ad credendum.

*Gratiam necessariam esse ad credendum, & Gratiam non esse necessariam sunt antitheta. Iansenius primum attribuit Semipelagianis, Augustinus secundum: Ergo dicunt antitheta.*

### THESIS IANSENII.

**T**Om. 1. lib. 8. de hæres. Pelag. cap. 8. In hoc ergo proprie Massiliensium error positus est, quod aliquid primæ: libertatis reliquum putant, quo lapsus homo saltem credere posset si vellet, non tamen absque interioris gratiæ adiutorio, cuius usus vel abusus relictus esset in vniuscuiusque arbitrio & potestate.

### ANTITHESIS AVGVSTINI.

**D**E bono persever. cap. 5. Credere vel non credere positum est in arbitrio voluntatis humanæ. Intellige supposita gratia ad credendum. De Spirit. & lit. cap. 34. Consentire vel dissentire propriæ est voluntatis. In Enchir. cap. 95. Non se liberabunt qui dicturi sunt non accepimus perseverantiam, quoniam potest dici, o homo in eo quod acceperas, & tenueras, in eo perseverares si velles.

*Usus vel abusus gratiæ non esse in nostra potestate, & esse, sunt contradictoria, primum affirmat Iansenius, secundum asserit Augustinus.*

### CIRCA QUINTAM PROPOSITIONEM DAMNATAM.

*Semipelagianum est dicere Christum pro omnibus omnino hominibus mortuum esse, aut sanguinem fudisse. Christus pro salute duntaxat prædestinatorum mortuus est.*

### THESIS IANSENII.

**T**Om. 3. lib. 3. cap. 21. Quod dicitur Christus pro omnibus mortuus est, machina est à Semipelagianis erecta, & ab antiquis repudiata.

## ANTITHESIS AVGVSTINI.

**L**ib. 6. contra Iulian. cap. 4. explicans illud Apostoli. Christus pro omnibus mortuus est, ergo omnes mortui sunt, ex hoc probavit, inquit, omnes mortuos esse quia pro omnibus mortuus est vnus: inculco, infercio recusanti, accipe salubre est, nolo moriaris, vnus pro omnibus mortuus est, ergo omnes mortui sunt; vide quia consequens esse voluit vt intelligantur omnes mortui, si pro omnibus mortuus est.

*Doctrina Augustini non est machina à Semipelagianis erecta: at doctrina Apostoli & Augustini est Christum pro omnibus mortuum esse.*

## THESIS IANSENII.

**I**bidem tom. 3. lib. 3. cap. 21. Nullomodo principiis Augustini consensum est, vt Christus Dominus vel pro infidelium in infidelitate morientium, vel pro iustorum non perseuerantium æterna salute mortuus esse, sanguinem fudisse, semetipsum Redemptorem dedisse, Patrem orasse sentiatur.

## ANTITHESIS AVGVSTINI.

**L**ib. 2. de symbolo ad Catechum. Videtis vulnera quæ inflixistis, agnoscitis latus quod pupugistis, quoniam & per vos, & propter vos apertum est, nec tamen intrare voluistis.

*Hoc loco Christus inducitur alloquens reprobos in die iudicij: Ergo etiam pro reprobis mortuus est ex mente Augustini.*

## THESIS IANSENII.

**I**bidem. Christus pro viuificandis in æternum iis qui fidem, charitatem, & in iis vsque in finem perseuerantiam acceperunt, non pro cæteris qui à fide & charitate deficientes in iniquitate moriuntur.

## ANTITHESIS AVGVSTINI.

**T**ract. 4. in Ioan. Populi spernentes propter superbiam suam humilitatem Dei, crucifixerunt Saluatorem suum, & fecerunt damnatorem suum.

*Iansenius negat Christum mortuum pro iis qui in iniquitate moriuntur, Augustinus asserit pro iis mortuum: ergo dicunt antitheta.*

## THESIS IANSENII.

**I**bidem. Christus non magis pro æterna liberatione ipsorum, quam pro diaboli deprecatum esse.

## ANTITHESIS AVGVSTINI.

**I**N Psalm. 68. Iudas non agnouit pretium quo ipse à Domino redemptus erat.

*Ex Augustino Iudas redemptus erat à Domino, sed pretium non agnouit, diabolus non est redemptus; ergo impia est comparatio diaboli.*

## THESIS IANSENII.

**T**Om. 3. lib. 3. cap. 21. Antiqui docuere hoc respuendum esse tanquam errorem à Catholica fide abhorrentem; scilicet Christum pro omnibus mortuum esse.

## ANTITHESIS AVGVSTINI.

**S**Erm. 31. ex tom. nuper editis. Sanguis Domini tui si vis datus est pro te, si nolueris non est datus pro te. Et postea, Sanguis Christi volenti est salus, nolenti supplicium.

*Sanguinem Christi volenti esse salutem, nolenti esse supplicium, est fufum esse pro omnibus. Augustinus hoc dicit, Iansenius negat: Ergo dicunt antitheta.*

**V**ides, Lector, quinque propositiones apud Iansenium extare de facto; neque illas tantum vagè sumptas, & quasi exposititias, sed apud Iansenium de iure, & de facto damnatas: Nec fallitur Roma cum factum damnat cum iure connexum; falli potest Rota Romana, nunquam fallitur cathedra.

CIRCA ALIAS QVASDAM MATERIAS  
THESES, ET ANTITHESIS IANSENII, ET AVGVSTINI.

## DE GRATIA SVFFICIENTI.

## THESIS IANSENII.

**L**ib. 3. de grat. Chr. cap. 1. Quapropter sufficientem illam gratiam, quam Scholastici multi in Theologiam velut adiutorium Saluatoris intulerunt, ab Augustino destructam, funditusque euersam esse libens fatcor.

## ANTITHESIS AVGVSTINI.

**L**ib. 3. de liber. arbit. cap. 16. Ex eo igitur quod non accepit nullus reus est, ex eo vero quod non facit quod debet iuste reus est, debet autem si accepit voluntatem liberam, & sufficientissimam facultatem.

*Per sufficientissimam facultatem non potest hoc loco intelligi voluntas libera, quia Augustinus illam distinguit à facultate: nec potest intelligi Gratia efficax, quia cum illa voluntas facit quod debet, ergo intelligitur Gratia sufficiens, ergo illam agnovit Augustinus.*

### THESIS IANSENII.

**I**bidem. Nullum igitur iam dari hominibus lapsis adiutorium sufficiens, quin sit simul efficax in Augustini principiis exploratum est.

### ANTITHESIS AVGVSTINI.

**L**ib. 2. de persec. §. cap. 9. Ex duobus ætate iam grandibus cur iste ita vocetur, ut vocantem sequatur, ille autem non vocetur, aut non ita vocetur, inscrutabilia sunt iudicia Dei.

*Gratia que ita vocat ut vocatus sequatur est efficax, que vocat sed non ita, est sufficiens, utramque hoc loco agnoscit Augustinus: ergo ex Augustini principiis datur gratia sufficiens, que non est efficax.*

### THESIS IANSENII.

**L**ib. 3. de grat. Chr. cap. 2. Hæc ergo quia vidit Augustinus, ideo nunquam amplius istius adiutorij sufficientis, tanquam reparatorij post casum hominis meminit.

### ANTITHESIS AVGVSTINI.

**L**ib. 2. ad Simplic. q. 2. Nemo itaque credit non vocatus, sed non omnis credit vocatus, multi enim sunt vocati, pauci vero electi, utique ij qui vocantem non contempserunt, sed credendo secuti sunt.

*Gratia qua quis vocatus credit est interna, et efficax: qua vero vocatus non credit est sufficiens tantum, poterat tamen esse efficax, et ea intentione datur à Deo: ergo Augustinus utriusque Gratia meminit.*

### THESIS IANSENII.

**I**bidem. Nimirum vidit consequenter Augustinus hoc adiutorij genus iam esse prorsus inutile lapsum reparacioni, vel operationibus, etiamsi ad sexcentos sufficientiæ gradus augetetur.

### ANTITHESIS AVGVSTINI.

**L**ib. 83. q. q. 68. Ad illam cœnam in Evangelio præparatam nec omnes qui vocati sunt venire voluerunt, nec illi qui venerunt venire possent nisi vocarentur: Itaque neque illi debent sibi tribuere qui venerunt, neque illi qui venire noluerunt debent alteri tribuere, sed tantum

sibi, quoniam ut venirent vocati in eorum erat potestate.

*Gratia qua quis venit ad cœnam Euangelicam est efficax, quâ vero quis venire potest, & non venit est tantum sufficiens, utramque agnoscit Augustinus.*

### THESIS IANSENII.

**L**ib. 3. de grat. Chr. cap. 11. Est titulus capitis. Infideles carent gratiâ sufficienti ad salutem tam proximâ quam remotâ, & omnibus principiis eius.

### ANTITHESIS AVGVSTINI.

**L**ib. de Spir. & lit. cap. 33. Infideles contra Dei voluntatem faciunt cum Euangelio non credunt, nec ideo tamen eam vincunt, verum seiplos fraudant magno, & summo bono, malisque pœnalibus implicant, experturi in suppliciiis potestatem eius, cuius in donis misericordiam contempserunt.

*Non faciunt contra Dei voluntatem si non possint credere, non possunt si carent gratia sufficienti tam proximâ, quam remotâ: & contemptus donorum, & misericordiæ, non est sine contemptu gratiæ. Ergo etiam infidelibus non deest Gratia sufficiens.*

## DE GRATIA EFFICACI.

### THESIS IANSENII.

**L**ib. 2. de grat. Chr. cap. 4. Gratia sanæ voluntatis in eius libero arbitrio relinquebatur, ut eam si vellet defereret, aut si vellet vteretur, Gratia vero lapsæ voluntatis nullo modo in eius relinquitur arbitrio, ut eam deferat, aut corripiat si voluerit.

### ANTITHESIS AVGVSTINI.

**L**ib. de Spir. & lit. cap. 34. In omnibus misericordia eius præuenit nos; consentire autem vocationi Dei, vel ab ea dissentire propriæ voluntatis est.

*Dissentire vocationi est eam deferere, consentire est eam accipere utrumque relinquitur arbitrio voluntatis lapsæ; ergo Iansenius imponit Augustino.*

### THESIS IANSENII.

**L**ib. 1. de grat. Chr. c. 5. Nullum adiutorium cuius usus ita ponitur in arbitrio voluntatis, ut illo utatur, aut non utatur, ut illud amplectatur aut deferat, ut illi consentiat aut non consentiat si voluerit, ad medicinale



adiutorium Christi pertinet, sed ad adiutorium primi hominis, & sanæ voluntatis referendum est.

### ANTITHESIS AVGVSTINI.

**L**ib. de Spir. & lit. cap. 34. Visorum suasionibus agit Deus vt velimus, & vt credamus siue extrinsecus per Euangelicas exhortationes, &c. siue intrinsecus, vbi nemo habet in potestate quid ei veniat in mentem, sed consentire vel dissentire propriæ voluntatis est.

*Augustinus loquitur de gratia medicinali, vt patet ex verbis per Euangelicas exhortationes, & tamen ait voluntatem posse consentire vel dissentire: Ergo adiutorium medicinale non excludit indifferentiam voluntatis.*

### THESIS IANSENII.

**L**ib. 2. de grat. Chr. c. 4. Adiutorium Dei ante ruinam erat tale, vt cius influxus à liberæ voluntatis nutu penderet, adeoque salua maneret illa voluntatis in vtramque partem flexibilis indifferentia; nunc vero post ruinam tale est vt faciat annuere, & influere, & velle voluntatem: Et addit, nec facultatis ipsius libero arbitratui subiaceret, & mox adiungit talis est influxus omnis causæ formalis.

### ANTITHESIS AVGVSTINI.

**D**e grat. & lib. arbit. cap. 6. Hoc enim liberum hominis arbitrium exhortatur Apostolus, & in aliis quibus dicit, rogo vos ne in vacuum gratiam Dei suscipiatis, vt quid enim eos rogat, si gratiam Dei sic susceperint, vt propriam perderent voluntatem.

*Vis argumenti in eo est, frustra Apostolus rogat ne in vacuum gratiam Dei suscipiant, si influxus gratiæ nullo modo pendet à voluntate, non magis quam influxus causæ formalis, at ex Iansenio non magis pendet. Ergo sentit contra Apostolum, & Augustinum.*

### THESIS IANSENII.

**L**ib. 2. de grat. Chr. cap. 14. Augustinus, & Concilia docent per illud Christi adiutorium Deum facere vt arbitrium velit, vt consentiat, vt operetur; nunquam autem vel leuiter insinuat, sed potius expressis verbis negat in hominis voluntate relinqui vt illud amplectatur, aut deserat.

### ANTITHESIS AVGVSTINI.

**L**ib. 1. de prædest. Sanct. cap. 5. Non quia credere vel non credere non est in arbitrio voluntatis humanæ, sed in electis præparatur voluntas à Domino.

*Posse credere vel non credere est libertas contradictionis & indifferentiæ, at hæc ex Augustino relinquitur in voluntate.*

**C**oncilium Trident. sess. 6. cap. 5. Iustificationis exordium in adultis à Dei per Christum Iesum preueniente gratia sumendum est, ut qui per peccata à Deo averti erant, per eius excitantem, atque adiuuantem gratiam eidem gratiæ libere assentiendo & cooperando disponantur, ita ut tangente Deo cor hominis per Spiritus sancti illuminationem, neque homo ipse nihil omnino agat, inspirationem illam recipiens, quippe qui illam & abicere potest; neque tamen sine gratia Dei mouere se ad iustitiam coram illo libera voluntate possit. Et Can. 4. Si quis dixerit liberum hominis arbitrium à Deo motum, & excitatum nihil cooperari assentiendo Deo excitanti atque vocanti; quo ad iustificationis gratiam se disponat, neque dissentire posse si velit, Anathema sit.

*Posse abicere gratiam, posse dissentire si voluntas hominis lapsa velit, est posse amplecti, & deserere gratiam, at Concilium ait voluntatem posse abicere gratiam, & posse dissentire, &c.*

## DE CONCORDIA GRATIAE ET LIBERI ARBITRII.

### THESIS IANSENII.

**L**ib. 2. de grat. Chr. cap. 23. Vbi quod dixit Gratia Dei semper est bona non alium habet sensum nisi quod hominem semper efficiat bonum, & consequenter semper congrua sit, & congrue moueat voluntatem, nimirum quia semper voluntatem determinat ad influendum secum, non à voluntate ad influendum determinatur.

### ANTITHESIS AVGVSTINI.

**D**e grat. & liber. arbit. cap. 5. Tamen ne ipsa voluntas sine gratia Dei putetur boni aliquid posse, continuo cum dixisset, Gratia eius in me vacua non fuit; subiunxit non ego autem sed gratia Dei mecum, id est non solus sed Gratia Dei mecum, ac per hoc nec Gratia sola, nec ipse solus, sed Gratia Dei cum illo.

*Ex Augustino nec sola voluntas, nec sola gratia: Ergo determinatio voluntatis est ab utraque.*

### THESIS IANSENII.

**L**ib. 7. de grat. Chr. cap. 14. Et sane si non est alia libertas vera, quam Lagendi, & non agendi, sequitur operationem diuinæ gratiæ ex diametro repugnare arbitrij libertati.

ANTITHESIS

## ANTITHESIS AVGVSTINI.

**D**E grat. & liber. arbit. cap. 1. Nempe ubi dicitur noli hoc, & noli illud, & ubi ad aliquid faciendum, vel non faciendum in diuinis opus voluntatis exigitur, satis liberum demonstratur arbitrium; nemo ergo Deum causetur in corde suo; sed sibi imputet quisque dum peccat; neque cum aliquid secundum Deum operatur, alienat hoc à propria voluntate, quando enim volens facit, tunc dicendum est opus bonum, tunc speranda est boni operis merces.

*Posse nolle hoc vel illud est libertas contrarietatis, posse facere opus bonum vel non facere est libertas contradictionis; huic utrique libertati non repugnat Gratia.*

## THESIS IANSENII.

**L**b. 8. de Grat. Chr. cap. 19. Hinc etiam elucet cur tantum silentium Lapud veteres istius exacti æquilibrij voluntatis ad agendum, & non agendum, quod nonnulli tanto studio quærunt; ratio quippe est non solum quia hoc falsum est, & ab illis excogitatum qui liberi arbitrij peccato violari statum, & medicinalis gratiæ operationem non satis assequuntur.

## ANTITHESIS AVGVSTINI.

**L**b. 2. contra literas Peliliani cap. 84. Si tibi proponam quæstionem Quomodo Deus Pater attrahat ad filium homines quos in libero dimisit arbitrio, fortassis eam difficile soluturus es, quomodo enim attrahit? si dimittit ut quis quod voluerit eligat, & tamen utrumque verum est, sed hoc intellectu penetrare pauci valent.

*Ex Augustino gratia ita attrahit voluntatem, ut voluntas possit eligere quod voluerit: ergo Augustinus meminit æquilibrij, nec illi repugnat gratia medicinalis.*

## THESIS IANSENII.

**L**b. 2. de Grat. Chr. cap. 32. Ex his itaque satis constat congruitatem quam Augustinus passim in scriptis suis vocationi & suasioni adscribit, non esse nisi vocationis, & suasionis externæ, hoc est extra voluntatem peragentis partes suas: & proinde absone, obtritoque collo ad gratiam illam internam voluntatis trahi.

## ANTITHESIS AVGVSTINI.

**L**b. 1. ad Simpl. q. 2. Quia etsi multos vocet, eorum tamen miseretur quos ita vocat, quomodo eis vocari aptum est; & paulo post, cuius miseretur sic cum vocat quomodo scit congruere, ut vocantem non respuat.

*Congruitas gratiæ externæ probat congruitatem internæ, non negat,*

*nec sola vocatio externa facere potest vt voluntas vocantem Deum non respuat: ergo Augustinus agnoscit congruitatem gratia interna, nec tantum externa.*

### THESIS IANSENII.

**L**ib. 8. de Grat. Chr. cap. 9. Augustino, discipulis, & posteris eius definitio illa liberi arbitrij, qua nunc Scholastici quidam id esse volunt, quod positis omnibus ad agendum requisitis potest agere vel non agere, ad multa secula fuit ignotissima.

### ANTITHESIS AVGVSTINI.

**L**ib. 12. de Ciuit. cap. 6. Si duo æqualiter affecti animo, & corpore videant vnus Corporis pulchritudinem, quâ visâ vnus eorum ad illicitè perfruendum moueatur, alter in voluntate pudicâ stabilis perseueret: Et paulo post si eâdem tentatione ambo tententur, & ei vnus cedat, atque consentiat, alter idem qui fuerat perseueret; quid aliud apparet nisi vnum voluisse, alterum noluisse à castitate deficere.

*Videre eandem pulchritudinem qua alter vincitur, & nolle vinci; tentari eâdem tentatione quâ alter superatur, & resistere, est positis omnibus ad agendum requisitis posse agere vel non agere, Augustinus hoc agnouit; ergo definitio liberi arbitrij non fuit adeo ignota.*

## PHILOSOPHIA SENECAE IN EPITOMEM REDACTA.

ILLVSTRISSIMO NOBILISSIMOQVE DOMINO

DIONYSIO LE GOVX  
DE LA BERCHERE,

MARCHIONI DE SANTHENAY, ORDINARIO REGIS  
IN OMNIBVS CONSILIARIO, ET IN SENATV  
DELPHINATVS PRÆSIDI PRIMARIO.



**V**IT in Te Seneca superstes sibi, VIR ILLVSTRISIME, restituis illi vitam quam amisit; talis est intra Te, qualis intra se fuit, veracem facis eius doctrinam; quod speculatur hoc sapis, quod philosophatur hoc viuus, quod præscribit hoc exqueris: aut alter Seneca es, si fuit geminus, aut idem rediuuius si fuit vnus.



Offero Tibi compendium Senecæ, & totum Senecam, totum Solem in radio, totum circulum in centro, totum florem in succo: inest singulis rebus immixtus spiritus quo res quæque consistit; hic spiritus arte chimica eductus essentia vocatur: Pars est rei, & res tota, anima floris, succus liquoris, spiritus auri, mens metalli: Non satis dixi, flos est floris, liquor liquoris, aurum auri, metallum metalli: Spiritus Senecæ est hic libellus, anima operum, succus librorum, particula Senecæ, & Seneca totus.

Placebit ut spero Tibi, morale, & politicum Xenium, cui morales & politicæ quæstiones placent; Magister morum est Seneca, politicæ magnus Author, & pene inuentor; scilicet scribit res magnas, & gessit: instruit Magistratus, & fuit; docet facienda, & facit; similis est Tibi, & Tu illi; displicere Tibi non potest Seneca, nisi Tu ipse displiceas Tibi,

MAGNITVDINIS TVÆ,

Additissimus seruus, PETRVS L'ABBE'



## CAPVT SENECAE MARMOREVM



*OC Caput magni Senecæ, & totus in Capite Seneca est:  
Aut viuit, aut agit mortuus, quidquid egerat viuus;  
Meditabundo similis, & adhuc in marmore Stoicus est.  
Dicat Epistolas, & scriberet, si manus haberet:*

*Describit naturam iræ, & irasci videtur in lapide.*

*Consolatur Heluiam, & Romam exulem facit, ne Solus exulet:*

*Negat Polybio dolendum in morte vnius, dum omnes morimur.*

*Probat Martiæ non periisse filium, sed vixisse:*

*Disputat de beneficiis, & magnum ipse beneficium est.*

*De Providentia Christianè disserit nisi fatalem assereret.*

*Persuaserat Neroni elementiam, nisi illam cum Matre occidisset.*

*Negat opes nocere Sapientiæ, si doceamur sapere.*

*Querit tranquillitatem animi, & tandem inuenit in marmore.*

*Probat vitam non esse breuem, si tota viueretur bene.*

*Statuit constantiam Sapientiæ, & ne sit inconstans statua est.*

*Disputat de Natura, & dum illam definit pene supra naturam est.*

*Controuersias fingit, & adhuc magna ipse controuersia est.*

*Definit litem Augustinus:*

*Adfuit Sapientia Christiana scribenti, viuenti defuit.*



# EPISTOLÆ SENECAE.

**D**ICTAVIT Epistolæ Senecæ Sapiencia, & Seneca scripsit; non aliter loqueretur virtus si loqui ore humano vellet; Non satis dicit qui eas Epistolæ Sapienciæ thesauros vocat; singulæ linæ sententiæ, singulæ sententiæ sunt totidem gemmæ: nulla est virtus quam non doceant, nullum vitium quod non arguant; satis doctrinæ habent, ut omnes erudiant, satis sapienciæ, ut omnes inde sapiant; si talis esset Lucilius qualem Epistolæ instruunt, aut Lucilius Seneca esset, aut Seneca Lucilius.

## DE BENEFICIIS.

**D**ISPUTAT libris septem de Beneficiis, & docet hanc esse hominis pulcherrimam artem bene mereri de homine: Ante hunc Magistrum nesciebatur ars beneficij; nemo dabat ut daret, nemo gratis, nemo donabat nisi sibi, mittebantur beneficia instar pilæ ut redirent; periisse credebatur quidquid alter non redderet: sic omne beneficium scæus, & omnis liberalitas usura erat. Erudiuit naturam Seneca, docet dandum esse beneficium, ut vincas alterum, non ut alter te vincat; addit beneficium non esse quod tribuitur, sed animum tribuentis, hunc animum vulc esse beneuolum ut det libenter, magnificum ut liberaliter, alacrem ut celeriter; dum sic de beneficiis disserit, nonne ipse magnum beneficium est?

## DE PROVIDENTIA.

**L**OQUERETUR de Providentia Christianè, nisi fatalem assereret: Probat illam ex ordine mundi quem nec statuere potuit fortuna cum sit cæca, nec stabilire natura, cum sit infirma. Cur autem providentia permittat male esse bonis cum sit optima; ita ait decere Deum ita utile esse bonis, atque malis: Scilicet gerit Deus paternum animum aduersus bonos; at eos non amaret fortiter, nisi haberet seuerè; atque hoc spectaculum dicit Deo dignum, virum bonum cum aduersâ fortunâ compositum; consulit etiam bonis viris Providentia dum illos præparat virtuti, & sibi: male autem de illis iudicat quos indignos putat rebus aduersis: quinetiam hortatur malos exemplo bonorum. Nec potuit melius illudere fortunæ quam dum illam ostendit rideri posse: Atque hæc Christianæ sunt; corrumpit omnia dum addit fortibus viris patere mortem si vita displicet; scilicet nec ingredi in vitam possumus sine arbitrio Providentiæ, nec exire debemus sine imperio.

**I**RATO similis videtur dum habitum iræ atque ora describit : nemo irascere si ante iram Senecam legeret, nemo iram retineret si eius damna perpenderet : fingenda tamen inquit aliquando est ira, non induenda, emittenda est ad tempus, & reuocanda; regendæ eius habentæ quasi equi ferocis: ac velut captiuus leo ostenditur ex caucâ, nec laxatur: sic ostendenda est aliquando ira non laxanda: nunquam seriò irascendum est etiam malis; imbecillis animi argumentum est ira non fortis: habent vermiculi iras, & quidquid serpit iracundum est: Rex Apum aculeo caret, & plus irarum musca habet quam Aquila: habent immortales superi fulmen non iram: periisset pridem genus humanum si toties irascere Deo quoties prouocatur ad iram.

## DE CLEMENTIA.

**P**ERSVASERAT Neroni Clementiam nisi illam cum Matre occidisset; iterum occidit illam dum occidit Senecam. Qualis vox illa, & quali Imperio digna si Nero sapuisset! Nemo corona dignus est si nescit parcere: ille meretur subditos qui nullum nouit cui bene non fecerit: Augustior ille sermo, auxi numerum ciuium non imminui, enumerare possum genus humanum, nulla est vita quam non seruauim, nemo me sensit iratum nisi hostis, atque hic non fuit hostis meus nisi dum fuit publicus: Addit aliquid diuinus, non alia est inquit natura Dei quam Clementia, non condidisset Deus genus humanum nisi vt haberet cui beneficeret.

## DE VITA BEATA.

**D**ISPUTAT de vita beata quam omnes appetunt, pauci quærunt; nec male illam constitueret in sapientia si illam nosset; sed dum Christianâ non nouit fingit Stoicam, & frustra conatur esse sapiens, dum mauult discipulus Zenonis esse quam Pauli: Illud tamen non male de diuitiis, docet eas non nocere Sapientiæ si doceantur sapere; habeantur inquit à nobis nec nos habeant: sint captiue ne nos capiant, quærantur innocenter, emittantur liberaliter, seruiant non imperent; & qui vult beatus esse, sit Dominus auri non famulus: Atque ibi sistit Philosophus vnde oportebat incipere; nec mirum si felicitatem præsentem non inuenit qui futuram non credidit; illud probrosum nobis si post fidem eò non imus, quò ante fidem iuit Philosophus.

## DE OTIO SAPIENTIS.

**I**NGENIOSA disputatio de otio Sapientis, nisi esset fictitia; nemo otiosus esse potest si sapit, difficilis & grandis labor est sapere; desidiosus

est qui desipit; igitur non est deses qui sapit: hoc tamen quod appellamus otium Sapientis, vtilius est humano generi quam omnium actuosorum labores; secessus est à publico non fuga, solitudo est non desidia; liceat ergo otium Sapienti sed actuosum; assignetur labor sed alternus, eatur ab otio ad publicum, redeatur à publico ad secessum; nec sit sapientia semper publica, nec semper solitaria; docet solitudinis & publici exemplum Deus, & semper solus est, & semper publicus, & cessat semper, & semper laborat, imitetur Deum Sapiens quâ parte potest, sit alternum virtuti quod non potest esse perpetuum.

### DE TRANQVILLITATE ANIMI.

INVESTIGAT tranquillitatem animi, inuenturus si intra conscientiam quæreret, quod extra se quærît; nasci debet intra nos domesticum bonum; vinci debet hostis domesticus ante hostes externos; quid prodest mihi pax orbis terrarum si intra me pugno? at præliatur intra se omnis ratio quæ non est domina sui: viuit intra hominem geminus homo, ille iucunda amat, hic honesta: nunquam intra hominem pax erit, donec ea pars regnet cui sceptrum natura dedit, & Deus imperium; hæc prima tranquillitas animi carere hoste, alteram ignorauit homo Stoicus, intra corpus & carnem sola animo viuere, implere se Deo, & bonis futuris, atque intra tempus æternitatis delicias prælibare.

### DE CONSTANTIA.

A DEO constantem vult esse sapientem, ut neget cum iniuria affici posse si velit, tangi, inquit, potest iniuria sapiens sed non lædi; ab alio erit iniuria non in illo; inferet illam vir stultus sapiens non admittet; sic Socrates aliena iniuria damnatus est sed sine sua; intulere iudices probrum, ille non accepit: Cato affectus est sputis non iniuriâ, reiecit iniuriam non saluam; sic tu venenum mihi das, ego non bibo; scelus tu facis, ego non patior; scilicet sapiens nullum malum admittit, nisi velit, at malum est iniuria. Denique iniuria aliquid imminuit, aut detrahit; at nihil ei eripi potest qui intra se habet omnia sua; nemo ergo læditur nisi à seipso, at nemo seipsum lædit, si sapit.

### DE BREVITATE VITÆ.

NEGAT humanam vitam breuem esse sed fieri; non, inquit, exiguum tempus habemus, sed multum perdimus: impendimus bonam partem somno, maiorem otio, aliquam ludo: cur ludimus eam vitam, quam breuem querimur? cur impellimus illud tempus quod ire velocius dicimus? ita est, non accepimus breuem vitam, sed facimus; neque inopes temporis sed prodigi sumus: ampla ætas virtuti patet si bene dispo-

natur; at miseri ludimus horas quibus nihil est pretiosius, longiores putamus si numerandæ sunt, præcipitamus earum cursum, & malumus eas transiisse, quam ire: Nec mirum si vita humana brevis est; exigua est particula vitæ qua viuimus, & minor quàm homines lumus: prouidet huic malo sapiens, auget annos virtutibus, atque ut mortem fallat incipit immortalis esse dum uiuit.

#### AD POLYBIUM.

**N**EGAT Polybio dolendum de morte vnius, dum omnes morimur; fecit, inquit, frater tuus quod tu es aliquando facturus: mundus ipse, & quidquid in eo est hac lege damnatur; finem habet quidquid incepit esse: Cur luges fratrem tuum vixisse, si nemo delectatur lacrymis tuis, nec frater ipse; cur quereris eum vixisse qui nollet viuere, ereptus est fortunæ, cur eum reuocas; parcerem dolori tuo si fratri placêret, aut prodesset; at nemo sapiens indignatur inde exire quo precario admissus est: illud dolendum esset si mori non liceret: Crêde mihi Polybi, magna felicitas est in ipsa felicitate moriendi: Consule bonas artes quas amas, dicent tibi naturam nulli necessitatis suæ gratiam facere, & quod aliquandiu non faciat, gratiam esse.

#### AD MARTIAM.

**F**LEBAT Martia amissum filium, & quæ in aliis lacrymæ tempore exarscunt, in hac post tertium annum vberius ibant: Prouocat eas Seneca ut exhauriat; fluant inquit lacrymæ si fletibus fata vincuntur, at si mors tenet quidquid abstulit, desinat dolor, qui frustra perit; Quid accusas Martia lacrymis tuis, an superos, an fortunam, an mortem, an te, an filium tuum? accusare superos non potes, si nihil sponponderunt tibi, imo erga alios seueri, erga te fuêre liberales; filium tibi non diu daturi, statim talem dederunt qualis diu esse potuisset: Nec fortunam damnare debes, quod tibi non pepercerit quæ nemini pareit: Hibendum est in promptu quidquid illa dedit, nec aliter possidendum quam velut extemplo amittendum: At fortè mors criminis non est expers, imo optimum est naturæ inuentum, solutio omnium malorum, & vltra illam mala non eunt: Neque dicas electam te vnam à superis tui frui filio non licêret, commodarant illum tibi superi non dederant, postquam illo potita es, quod suum erat receperunt; neque citiùs decessit filius tuus, maturus erat morti: quidquid ad summum peruénit ad exitum properat; denique imago duntaxat filij tui periit tibi, ipse eo deductus est vbi non est amplius moriturus.

## AD HELVIAM.

**P**ROBAT Heluix Matri exulem se esse, & felicem; neque eam debere esse miseram, vnde ipse non sit miser; negat sapientem exulare posse, qui patriam sibi facit ubicunque est; addit omnem locum exilium esse vnde sapiens abest; aspice, inquit, quidquid intra naturam nobilissimum est, quotidie illud omne stationem mutat non patriam; labitur assidue Sol per omnes signorum gradus; si vnicum illi signum patria esset, exularet quotidie Sol, & omnis alius locus algore rigesceret; omne Cælum Solis patria est, & omne solum natale sapienti; Solus Deus locum non mutat quia ubicunque est; Solus patriam extra se non habet, quia semper intra se est; nec solitudo sapientem exulem facit, comitantur illum virtutes omnes, neque vnquam Sapientia sociis caret, dum ipsa secum est. Nec paupertatem Sapiens metuit, quidquid diuitias suas intra se habet; ubicunque fuerit, non est pauper.

## QVÆSTIONES NATVRALES.

**D**ISCIPVLVS Naturæ est dum Naturæ studet, Magister dum illam docet; didicit ab eo Natura multa quæ adhuc nesciebat; reuelat illius arcana, scrutatur viscera, explorat extrema, descendit ad centrum, ascendit ad fastigium, transcendit limites mundi dum illos describit, si tamen transcendit Naturam quò euadit? Vbi est dum extra Naturam est? Quærit Authorem Naturæ, & inueniret si crederet.

## CONTROVERSIÆ.

**A**GITAT Controuersias Seneca Pater, & magna filius controuersia est; an fuerit Christianus, necne, dubium reliquit posteris, vtinam non sibi; fuit certe discipulus Christi, si fuit Pauli; vixit Christianè, si scriptis vita respondit; an responderit, magna adhuc controuersia est; definire videtur Augustinus, adfuit, inquit, Sapientia Christiana scribenti, viuenti defuit.

# LVDI PHILOSOPHICI

## VNIVERSALE.

**A**NIMAL extra omnia animalia, hominem extra omnes homines, differentiam extra naturam, accidens extra materiam, proprium extra omne subiectum fingunt Philosophi, nec mentiuntur dum falsum dicunt, nec falluntur dum fallunt, nec decipiunt dum nobis imponunt.

Ono-



O nobilem vniuersalis statum? supra fortunam est, & fere supra naturam, infra Deum, sed penè vltra mundum; homo in eo statu extra omnes homines est sed non exclusus, intra omnes sed non inclusus, in singulis vnus sed non totus, in omnibus multiplex nec diuisus, homo viuit in eo statu nec vescitur, rationalis est nec ratiocinatur, risibilis nec ridet, oculus nec videt, auritus nec audit, sensitiuus nec sentit, homo in eo statu nihil habet nisi se, & seipso est diues.

Quid ais subtilis Philosophia? quis est ille homo extra omnes homines? estne albus an niger? iuuenis an senex? subditus an Dominus? estne auulsus ab omnibus an immixtus? estne idem an diuersus? estne multiplex an vnus? Iterum quæro estne immortalis an mori nescit? estne intra tempus an æternus? estne alicubi, an nullibi? an mouetur, an mouet? an videtur, an videt? an tangit, an tangitur? an sentit, an sentitur?

Ludis sane Philosophia & illudis, pugnantia loqueris & chimeras fingis; si ille homo vniuersalis est extra omnes homines, igitur extra seipsum; si est abstractus ab omnibus igitur non est inclusus; si est idem igitur non est diuersus; si est multiplex igitur non est vnus: vrgeo te & conuincio, si ille homo mori nescit, igitur non potuit nasci; si est intra tempus igitur non est æternus; si nec mouet nec mouetur, igitur est otiosus; si nec videt nec videtur, igitur est inuisus. Denique si est alicubi igitur est singularis, si vbique igitur est immensus; si nullibi, igitur non existit, si non existit quomodo viuit? si non viuit quomodo est rationalis? si non est rationalis igitur non est homo.

Respondet Philosophia vniuersale hoc ipsum est quod tu affirmas dum negas, quod capis dum explicas, quod intelligis dum nescire te dicis; homo ille quem impugnas idcirco vniuersalis est quia extra omnes, idcirco communis pluribus quia multiplex est; inepte autem quæris an sit albus, an niger, hæc sunt officia sensuum quibus exiit; an videatur, an videat, hæc sunt officia sensuum quibus non vtitur; an sit immortalis, an morti obnoxius, nescit mori qui ortum, non sensit; an sit alicubi an nullibi, in loco non est qui loco non eget; si quærere pergis vbi sit, intra intellectum tuum est, & extra illum; intra te subiectiue, extra te obiectiue; locas illud dum cogitas, facis dum abstrahis; abstrahis dum nudum concipis: Tu illius sedes, tu hospes, tu siber, tu artifex, tu subiectum, tu principium; vide quid egeris, probasti vniuersale dum impugnare voluisti.

# LVDVS SECVNDVS PHILOSOPHICVS.

## RELATIO.

**R**ELATIONIS elogium inde perendum est vnde relatio originem ducit; atque hæc origo intra Deum est: sine Relationibus Deus non esset Trinus, & nisi esset Trinus non esset Deus. Nec tamen antecedit aut subsequitur Deum æquæua Deo, adeò antiqua est vt sit æterna, adeò nobilis vt sit diuina, adeò potens vt sit infinita.

Audi efficaciam Relationis intra Deum, hæc ex tribus Personis vnâ Patrem, alterâ Verbum; tertiam Spiritum facit: hæc Patris character, & sigillum, & patrimonium est; quidquid præter illam habet commune bonum est non proprium: per illam Pater æternus bis fecundus semel Verbum generat, semel amorem spirat, bis duorum principium nec tamen geminum.

Per illam Verbum est imago Patris, radius Solis, fons Oceani, nec tamen est iunior ætate aut minor virtute, aut inferior potestate: hoc vno impar, nihil reddit Patenti à quo omnia accipit; nec Pater aliquid repetit qui nihil amittit.

Per hanc Spiritus Sanctus halitus duorum spirantium, osculum se amantium, nexus se amplectentium, totam à duobus diuinitatem accipit, sed exhaustam, Pater exhaurit omne verum dum se intelligit, Pater & Filius omne bonum, dum vterque se diligit: propterea intra Deum Spiritus Sanctus est sterilis: nec ditior tamen qui impertit quam qui accipit: easdem diuitias tres habent nec sunt tres diuites; tres tamen Personæ sunt, nec pauciores esse possunt, nec plures.

Mirabilis tamen relatio quæ Personam multiplicat non naturam: eadem substantia sapiens sua, semel diuina, sapiens eadem nec distincta, sapiens data & retenta, vna est in tribus Personis, sed non diuersa.

Denique per hanc relationem idem Deus nec totus vnus, nec totus Trinus: in se manens, à se digressus, exiens à se, & ad se rediens, amabili circulo inter tres societatem exercet, & amorem; debent duo esse qui se ament, & tertius esse debet cui amoris delicias duo communicent.

Descende Philosophia ad res creatas, nec tamen adhuc à Deo recede; qui æternos respectus, intra se habet, temporales ad res creatas habere voluit: Quot creaturas producit omnipotens Deus tot respicit; nec eas produceret nisi aspiceret, & quamdiu conseruat, tamdiu spectat; plenus est orbis terrarum aspectibus diuinis, & Deus seipso plenus nouos tamen aspectus ad res creatas non excludit: nec mutatur dum nouas in-

tuitus acquirit, aut amittit; accidentia sunt sed Metaphysica; non augent diuitias Dei dum accedunt, nec dum recedunt imminuunt.

Scilicet Deus vndequeque infinitus nec ditior est dum relationes acquirit, nec pauperior dum amittit: diuites nos facit Deus dum nos aspiciat, nec dum aspiciamur ipse ditescit; quinetiam nec minus sapiens esset si non aspiceret, nec minus potens si non produceret: crescimus aspectibus diuinis ipse non crescit; proficimus eius omnipotentia, ipsa non proficit.

O Timidam Philosophiam quæ Deum ad res creatas referte timet, ne aliquid Deo accedat aut pereat! Quid ais Philosophia? quomodo Deus est rerum causa si effectus non nouit, quomodo est Pater si Filios ignorat? quomodo Pastor si oues non numerat? quomodo conseruat omnia si non agnoscit? si agnoscit, igitur respicit; si respicit, igitur dantur in Deo relationes ad res creatas.

Longius iuisti Philosophia, ad res purè creatas te reuoco; Quid est relatio? aspectus duorum, nexus plurium, ordo vnus ad alterum, amicum bellum, hostile fœdus, cognata inimicitia; aspiciunt se duo extrema vicina, & remota; at vide quam officiose se saluent, & quam valde se ament; tamdiu existunt dum se aspiciunt, & dum cessant se aspiciere, cessant esse.

Scilicet totum suum esse relatio habet ad aliud, alienum bonum est magis quam suum, viuunt alteri potiùs quam sibi, nunquam magis est sua quam dum extra se tota, nunquam propior sibi, quam dum à se digressa.

Ac vide fœcunditatem relationum, laborat orbis terrarum propagationi respectuum; hic paries albus tot acquirit similitudines quot nascuntur albedines; Ne quare numerum relationum, innumerabiles possidet pauperrimus quisque; ambulamus pleni respectibus, sedemus, currimus his onusti thesauris; nec nos onerant diuitiæ sine pondere, gazæ sine mole; gestamus illas nec sentimus; vident nos illæ, & nos relationes videmus, & nescimus.

Vnum est hac in re luctuosum, tam facile moriuntur relationes quam nascuntur; vno partu mille in lucem prodeunt; vno funere mille intereunt: nec tamen hæc ingens iactura est, manet illibatum fundamentum, & nouorum partuum ferax, ad primos terminorum ortus compenlabit iacturam, & tot reparabit relationes quot amisit.

## LVDVS TERTIVS PHILOSOPHICVS. DE PVNCTIS.



**Q**UID est Punctum? si colorem quæris, expers est, si partes non habet, si nomen nihil acutius, si naturam nihil obscurius, si officia nihil incertius; nec corpus est quia materiam nescit, nec spiritus quia quantitatem respicit, nec quantitas, quia partes excludit.

Quid est Punctum? nihil est si experientiæ credis, aliquid est si rationem consulis, & aliquid & nihil si Philosophos audis: aliquid est quia partes necit, & nihil est quia dum est punctum vinculum esse nequit: quomodo enim partes necit si non tangit? quomodo tangit si non adæquat? quomodo adæquat si est minus? quomodo non est minus si est punctum? & si est minus quomodo id totum vnit quod totum non tangit? quomodo totum tangit si vnum est minus, & alterum maius? quomodo vnum non est minus si est punctum, & alterum maius si est totum.

Acuta sanè hæc prima tela, quæ vt aliqui obtundant diuersa latera, & diuersas facies puncto assignant, O homines obtusos in re acutâ: geminas facies puncto assignant cui partes negant, quasi facilius sit diuersas facies habere, quam diuersas partes, aut quasi diuersi vultus esse possint, si in eadem parte sint.

Geminos vultus Iano suo adscripsit antiquitas: nec mirum, quatuor aures habere debuit, vt fabulas vndique colligeret: quaternos oculos, vt duobus res veras, & duobus res falsas aspiceret: geminam linguam vt sapius mendax esset, geminam frontem vt vtrimque impudens esse posset.

Quid faciunt in puncto plures oculi si vtrimque cæcum est? gemini vultus, si nec aspicere potest, nec aspici? diuersa latera, si nec tangi ab vna parte potest, nec tangere altera? sed forte virtuales partes habet si formales habere non potest: subtile effugium sed virtuale non formale; si punctum virtualiter diuisibile est, cur linea virtualiter superficies non erit, hæc virtualiter corpus, corpus virtualiter spiritus, materia virtualiter forma, hæc æquiuallenter materia; si punctum virtualiter pars esse potest, cur pars non erit virtualiter punctum? Subtiles certè, & graues nodi in scirpo, difficilia bella in puncto, periculosi conflictus in atomo: obruderent hæc omnia punctum nisi punctum esset; sed quia punctum est, non minus pungit dum negatur quam dum admittitur; iisdem armis impugnatur, & pugnat; iisdem vulneribus cadit, & exsurgit, & dum ridetur



à Philosophis, Philosophos democritos facit.

Idem globus perfecte sphaericus dum mouetur in plano puncta inducit & destruit: dum enim voluitur aut aliquid tangit aut nihil, si nihil, quomodo aliquid frangit si nihil tangit; si aliquid tangit vel illud est diuiduum vel indiuiduum; si primum, cur difficilius est partem tangi à puncto quam planum à curuo; si sola puncta globus tangit, & partes omittit, quas choreas agit dum partes transilit? si perpetua puncta tangit, quomodo duo puncta faciunt maius si neutrum magnum est: quomodo vnum crescit ex altero si alterum non est quantum; quomodo est quantum si est punctum.

Sed supponatur Deus punctum efficere vel creare, puto non negabitur Deus posse facere punctum qui fecit spiritum; si possit efficere, voluitur ab Angelo vel trahatur; non negabis Angelum posse trahere punctum qui voluit Cælum: Si mauis, demittatur ingens mola in punctum medio ex aëre pendulum; vel sustinebit delabentem molam, & quibus humeris, si caret membris? vel deuoluetur sub mola, & quomodo tanget molam si non adæquet? aut si tangere molam in parte potest, cur non poterit in continuo tangere partes, & vnire?

Hæc pro Punctis & contra puncta; ô rem inquietam! & mobilem! imo nec mobilem, nec quietam; nec moueri punctum potest quia locum non deserit, nec quiescere quia locum non acquirit. Quid est Punctum? si nihil est, vnde tam acutum, si aliquid, vnde tam minutum. Quid est Punctum, si non interrogas scio, si vrges nescio, si mauis ludo.



## LVDVS QVARTVS. CONTINVVM.



O V V M continui genus, conflatum ex minimis Physicis, & tamen maximum: Quid ais noua Philosophia? si minima Physica componunt continuum; igitur sunt continua, si augent quantitatem, igitur sunt quanta; si sunt quanta, igitur sunt diuidua; si sunt diuidua, igitur possunt esse minora; si possunt esse minora, igitur non sunt minima.

Idcirco, inquit, minora esse non possunt quia sunt minima; partes habent sed indiuiduas non tamen indiuisibiles: adeo amicae sunt inuicem vt seiungi nolint, adeo tenaces vt diuelli non possint, adeo fideles vt periret eorum vita si periret societas: fecit illas à se inuicem pendulas Deus: eget vtraque alterius auxilio vt existat, beneficio vt viuat, com-



mercio vt dicescat: Imitantur naturam modorum nec sunt modi, imitantur indiuisibilia, nec sunt puncta.

O imitatricem veritatis Philosophiam, & ideo non veram! nemo imitatur seipsum si est ipse; imitantur hæc minima modos, igitur non sunt modi; imitantur indiuisibilia, igitur non sunt indiuidua; separet igitur Deus duas minimi vnus medietates; si partiri illas vterius, & vterius potest, igitur sunt infinitæ; si diuidere non potest, igitur sunt indiuisibiles; quanquam cur partiri non potest si habent partes? cur dissoluere non potest si potuit vnire? quale illud vinculum, quod nec soluere potest Deus nec abrumpere? O ridiculam Philosophiam! laborat Deus in minimis qui ludit in magnis, & exiguum ac vile minimum meta est diuinæ gloriæ, dum est meta potentæ.

Quam illustrius continui genus proponit Philosophia antiqua & vera? Continuum est illud quod componitur ex partibus continuis, & semper diuiduis; nequære numerum partium, tam multæ sunt vt vincant numerantem; Deus ipse tot continuo partes indidit dum illud composuit, vt nesciat numerum, dum nihil aspicit primum, nihil videt vltimum. Quid numeras Arithmetice vbi numerare Deus non potest? quid metiris vbi aliquid semper extra mensuram est, nulla pars continui tangitur tota, quia nulla tangitur sola; hoc ipsum quod tangi vides, tangentes fallit dum excedit; pergis tamen metiri, & pergis illud; hæc pars si esset prima esset vna, hæc si esset vltima esset sola, vtræque si esset vnica esset nulla: scilicet omnis pars continui est continuum, & omnis est totum; nec totum esset nisi esset numerosum; nec numerosum esset, si esset vnicum: singulæ partes ita sunt filia vt sint matres; ita nummi vt sint thesauri, ita latices vt sint fontes; propterea nunquam exauriri possunt, quia dum fontem vnum aperis infinitos recludis: fecunda res est continuum, exit ex singulis partibus dum diuiduntur infinitus partium exercitus, eò numerosior quo minutior, eò maior quo minor: ideo semper immensus quia semper diuiduus; nimirum hæc est natura continui posse in infinitum diuidi, nec posse exauriri: augetur per damna, reparatur per detrimenta, viu it per funera, vnde decrescit inde crescit, & mors partis vnus, vita est infinitarum partium.

Ilustre hoc continuum conflatum ex diuiduis, non vestrum ex minimis Physicis; Quale illud continuum cuius partes maiores esse non possunt quia sunt minimæ? quale illud minimum quod nec augeri potest nec minui? perit si diuidis, moritur si attingis, euanesceit si aspicias; nec videtur adeo est minutum, nec videt adeo est cæcum, nec sentit adeo est obtusum, nec sentitur adeo est exiguum; infœcundum nihil parturit, egenum nihil acquirit, avarum nihil amittit; periret si aliquid amitteret, euanesceret si augeri posset; O inane minimum! nec continuum

est vt possit diuidi, nec quantum vt possit extendi, nec punctum vt partes vnjat, nec pars vt totum componat, nec totum vt partes includat. Quid ergo tandem est, minimum vt illudat, & nullum vt fallat.

## LVDVS QVINTVS. INFINITVM.



**A**MBITIOSA res humanum ingenium, id scire ambit quod nemo docuit; id intelligere quod nemo didicit; quærit aliquid vltra verum, fingit aliquid vltra nihilum, eò tendit quod nemo peruenit, viam facit, quâ nemo transiuit, & quieturum ante se negat quàm infinitum inueniat.

Spatiari illi licet intra orbem terrarum, excurrere vltra Cælum, euagari vltra vacuum; patet illi in campum omnis natura finita, in lycæum omnis Academia; at paruipendens quidquid clauditur finibus: hæc inquit captiuitas est teneri compedibus, hæc paruitas esse finitum, nihil magnam puto nisi sit infinitum: ij sunt limites mei carêre limitibus, inquietus viuo donec infinitum attigero.

Ac velut primus ille hominum Parens, cum ei orbis terrarum in dominium, paradysus voluptatis in palatium, & deliciæ omnes præsto essent in cibum, pauperem se putauit si arbores vnâ carêret, & famem credidit si pomi vnus potestas deesset: Ita ambitiosum hominis ingenium neglectâ cæterarum rerum doctrina, ignorantiam putat nisi infinitum definiat.

Quod admirationem auget, errat in infinito gloriosum ingenium & errorem amat; quærit initium vbi nihil est primum, quærit terminum vbi nihil est vltimum, explorat medium vbi nihil est extremum: addit numerum infinito nec extendit, detrahic partes nec imminuit, partitur, nec diuidit, percellit nec lædit: Post tot iniurias id vocat infinitum, quod nec fieri potest maius, nec esse minus: quod nihil habet primum nihil vltimum, & dum sic philosophatur, id dicit quod non intelligit, id definit quod nescit.

Vt audacius erret reuocat quæstionem ad Deum, & dubitat an Deus producere possit infinitum, an saltem cognoscere; audax enim vero quæstio, an ille infinita possit qui est infinitus, an vbique possit qui est immensus, an ab æterno qui semper fuit, an per æternitatem qui semper erit, an æternitas lapsa sit maior, an lapsura sit minor, an vtraque infinita si nunquam finienda.

Quo pergis humana Philosophia? audax dum infinitum affirmas, nec

minus audax dum negas; affirmas quod non intelligis, negas quod nescis; vt neges fingis implicantias quas non intelligis, vt affirmes, proponis argumenta quæ non capis, ô audacem intellectum! fingit difficultates ne vincatur, & dum non soluit vincitur.

Disputo in eam Thesin quâ negatis infinitum; negatis vt arbitror quod nescitis: Ego id affirmabo quod non capio: pugnabimus Antabatarum more, cæca erit vtrunque pugna & obscura victoria, felicior tamen erit sors mea quam vestra: si vincitis leue victoriæ vestræ pretium erit; id acquiretis quod nihil esse dicitis: Ego si vicero reportabo illustre victoriæ pretium, infiniti præmium infinitum.



## LVDVS SEXTVS.

### MVSICA ARTIS, ET MVNDI.



**F**A VETE linguis, Auditores, loqui Musica cupit, & audiri. Res noua P P. R R. quatuor voces audiuntur, & vna loquitur, quatuor loquuntur & vna auditur, quatuor canunt & idem concinunt: *Quale hoc artis mysterium! si quatuor voces canunt vnde idem concinunt? si idem concentus est, vnde idem grauis & leuis, depressus & subtilis acutus & obtusus? vnde idem attollitur & deprimitur, assurgit & descendit, deflectit ab imo, & declinat à summo? Quinimo hoc ipsum est Musica, contrariorum vocum concordia, dissidentium tonorum amicitia, grauium & leuium sonorum societas, plurium vnitas, omnium harmonia.*

Quatuor soni sunt dum in gutture nascuntur, quatuor dum in aëre formantur, quatuor voces dum ex ore prodeunt, quatuor dum aures subeunt, sed plures in vnam coalescunt, dum inter se coeunt.

Ingeniosa pugna in qua si hostes diuisos specîes nihil insensius, si coniunctos nihil amicis, grauis & leuis, depressus & sublimis, insensu hostes ante pugnam, ita vires suas pugnando attemperant, vt dum omnes vincunt & nullus vincitur, mirabili consensu in vnum coeant: sic tamen in vnum plures coeunt vt nullus intereat, miscentur nec confunduntur, vnus & plures, amici & contrarij: Imo idcirco vnus ex pluribus nascitur, quia plures pugnant, idcirco consentiunt quia dissentiunt, pax ex pugna, ex lite concordia, ex pluribus vnitas, ex omnibus exsurgit mirabilis Musica.

Miraris factum, audi inuentum; ingeniosæ voces diuersas itinerum vias eligunt vt eodem tendant, descendunt vt assurgant, attolluntur

ut descendant, fugiunt ut assequantur, & ideo sibi occurrunt quia se inuicem fugiunt; dum enim vox leuis attollitur, dum grauis deprimitur, assurgens ab imo grauiorem attollit, declinans à summo leuiorem deprimit, sublimis euehit depressam, acuta excitat obtusam, sic dum vna assurgit, altera decedit; dum hæc premit illa fugit; dum omnes vincuntur, omnes vincunt.

Ex ea pugna vox vna nascitur, atque hæc est vox illa mirabilis quæ eadem antecedit & sequitur, fugit & apprehenditur, prior seipsa, & posterior, grauis & leuis, depressa & sublimis, obtusa & acuta, hilaris & mœsta; atque hæc est ingeniosa musica, vox vna & plures, ex pluribus vna mirabilis harmonia.

Iterum fauete linguis, Auditores, altera musica loqui & audiri cupit; mundus hic Musicum organum est, aiebat Trismegistus, Chorus Musicæ hæc rerum vniuersitas, Chorostates Deus, Cantores Elementa, voces qualitates Elementares, harmonia Elementorum concordia.

Desideratis oppositas voces? dum ignis attollitur sursum nonne altum & sublime canit? dum terra deorsum deuoluitur, nonne graue & depressum mugit? nonne aqua desceſcit ab imo? nonne aër declinat à summo? vultis amicos & concordēs tonos, dum aër & ignis pugnant in siccitate & humiditate; nonne conspirant in calore? dum aër impugnat frigiditatem aquæ, nonne amat humiditatem?

Vultis amicam plurium pugnam? nonne duo Elementa inter se consentiunt, duo dissentiunt? inter terram & aërem aqua interiacet ut vtramque conciliet, inter aquam & ignem aër medius est ut ignem temperet: atque ut fidelis sequeſter esse possit, vtrique amicus, vtrique inimicus est.

Vtilis sane & necessaria Elementorum pugna, & amicitia: si Elementa omnia calore constarent, omnia interirent, si solo frigore, omnia torperent, si sola humiditate omnia putrescerent, si sola siccitate, omnia rigèrent; dum harum qualitatum permixtione omnia temperantur, calor excitat siccitatem, siccitas mitigat calorem, frigus acuit humiditatem, humiditas retundit frigiditatem; atque hæc est ingeniosa Elementorum pugna, in qua pax ex discordia, ex bile concordia, ex omnibus grata exurgit Musica mundi, & harmonia.

# LVDVS SEPTIMVS, ANIMA.



GNOSCE teipsam Anima, dic qualis ipsa sis quæ cæterarum rerum naturas describis; digna res admiratione PP. Anima cæterarum rerum imagines, pingit, & seipsam nescit; oculata in rebus alienis, cæca in suis; foris erudita, intus ignara, vbique extra se præsens, apud se absens, eò sibi ignotior quo sibi propior, nosset seipsam si à se abesset; ideo seipsam non videt quia sibi præsens est.

Interrogo te Anima, non qualis in triuiis habitas, & textrinis, non qualem habent qui te solam habent; eam te interrogo quæ in porticibus instituta, in lycæis exercitata plenam ex Academiis atticis sapientiam eructas, dic qualis ipsa sis.

Animam Plato ex eodem & diuerso? ex vno & binario, ex ternario & quaternario, hoc est ex nullis principiis componit dum ex contrariis, hoc est vnitate animi destruit dum ex numeris diuersis constituit.

Dic Democrite, dic Pythagora qualis Anima sit? quam male vterque animum nouit? dum hic animam in atomos diuidit; ille in tamenta dispergit.

Anima in Hipponè penè naufragium facit dum se ignem credit, penè in Leucippo se inflammat dum se ignem putat.

Quam inanis est in Diogene dum se aërem, quam mollis in Critia dum se sanguinem, quam leuis in Heraclito dum se exhalationem, quam grauis & leuis, quam crassa & subtilis dum se apud Galenum ex Elementorum crasi & temperatura constituit?

Infelix anima quam aqua humectat, ignis exsiccat, calor absumit, frigus interimit.

Quid ais prophana Philosophia? quam abiectè de anima sentis dum eius dignitatem sic abjicis? spiritalem accepisti & diuidis, immortalẽ & corrumpis, substantiam, & accidens facis.

Dic Aristoteles qualis animus sit? si tamen animum doces, unde nisi ab animo didicisti qualis animus sit, & si animus docuit, quomodo ante te qualis esset ipse nesciuit? doceat tamen Aristoteles animum, animus Aristotelem, vterque doctor, vterque discipulus, vterque dicat qualis animus sit.

Animus inquit est actus corporis organici potestate vitam habentis: paucis vocabulis quot oracula! Explicent mentem Magistri interpretes



animi & Aristotelis. Corpus inquit ille ante aduentum animæ testudinis, & mutæ cytharæ instar erat; huius cytharæ sensus foramina, tendiculæ nerui, plectrum lingua, indices oculi erant; deerat adhuc anhelitus qui inflaret, digitus qui moueret, sonus qui animaret; immiscuit se huic cytharæ animus, & statim immortalis auditus est sonus.

Explicit ipse Aristoteles genius naturæ, Magister animæ, qualis hic sit corporis organici actus, animus inquit est id quo viuimus, sentimus, mouemur, & intelligimus; animus est quo nutrimur, & ipse non crescit, quo augemur & ipse incrementa nescit, non minor in puero, non maior in viro, non fortior in iuvene, non debilior in sene.

Animus est quo sentimus, & ipse subsensus non cadit, qui tangit omnia & ipse non tangitur, qui videt, neque ipse videtur, qui audit, & non auditur; animus colores discernit, coloris expers, distinguit qualitates, atque iis caret.

Quo mouemur, & intelligimus; animus est omnium Elementorum incola, terram inhabitat, in cælum euolat, consuecit cum Angelis, pugnat cum feris, cultor soli, victor profundi, in aëre auceps, in cælo hæres.

O audacem animum! in cælum ascendit, nec attollitur, descendit ad terras nec deprimitur: ignibus se immiscet nec exurit; aquis se immergit nec obruitur, lucem aspicit nec hebescit, solis & lunæ defectus intelligit neque deficit; aërem contemplatur nec euanescit; tenebras ingreditur neque obscuratur; nihilum penetrat nec confunditur; tempora meditatur nec cum annis fluit, momenta numerat, & consistit; motum consequitur & conquiescit.

Ascende altius anime, & qualis ipse sis ab Authore Deo discere; nemo melius naturam tuam intelligit quam qui condidit; faciamus hominem ad imaginem & similitudinem nostram, (verba sunt trium Personarum inter se de magno opere deliberantium) faciamus hominem natura nobis subditum, gratia amicum, gloria filium: eluceat in eius ingenio sapientia nostra, in voluntate libertas, in memoria fecunditas: Faciamus hominem qui vices nostras in hac orbis vniuersitate gerat, & ne orbis præsentī Domino careat, fiat in orbe homo spectabilis Deus. Dixit immortalis Trinitas, & tam illustribus lineis imaginem suam in hominis animo pinxit, ut iam tunc oppigneratus sit se hominem futurum, dum hominis animum penè effinxit Deum.

# LVDVS OCTAVVS.

## LIBERTAS.

**P**RETIOSA res libertas humana, & quam penè ipse reueretur Deus; determinat obiectiue Deum; explorat Deus quid voluntas velit antequam velit, quid agat priusquam agat, quid sola velleret si velle posset; obseruat operabundam & nondum operantem; adhuc vacuum & tamen plenam, adhuc sterilem, & quasi prægnantem; objicit illa Deo nutus suos, videt Deus vota pendentia, & adhuc nulla, & dum decernit concursum qualem voluntas exigit, penè obtemperat voluntati, & illa imperat.

At quæ ista Philosophandi ratio? Deus ibi aliquid videt, vbi adhuc nihil est, videt voluntatem vacuum, & videt plenam, videt sterilem & fœcundam, videt desiderium & efficacem; Amabo si adhuc nihil est in voluntate nudâ, quid tandem Deus videt? quibus oculis nihil aspicit, & quibus auribus audit nihil? & tamen Deus aliquid videt, si Deum aliquid mouet: quid autem sit illud, nemo hæcenus explicuit, & difficile explicatur illud aliquid, si est nihil.

Fallor, neque id quod videt est purum nihil, neque adhuc est aliquid, sed aliquid erit, si voluntas velit, & si possit: videt Deus nutus voluntatis, & intelligit, videt motus quietos & percipit, videt pondus voluntatis & illud sentit, videt vota pendentia & adhuc nulla, videt voluntatem nudam, & seipsâ plenam, videt quid velleret si velle posset; videt quo tendat si posset tendere; videt operabundam si operari posset, videt quid exigat, videt quo egeat; videt actum primum, & nondum secundum, videt causam, & nondum effectum.

Audi aliquid clarius, videt Deus voluntatem accinctam ad opus; videt acturam si adiuvetur, videt opus futurum si decernatur; videt Deus per scientiam mediam quid sit visurus per absolutam: Interea adiungit se voluntati, decernit auxilium, exhibet concursum, & dum vtræque causa agit actione communi, vtræque mouet & mouetur, vtræque est prima, vtræque secunda, vtræque prior est, neutra posterior.

Hæc si difficilia videntur, arcana res est humana voluntas, & debet arcana esse vt sit libera, nullum esset secretum voluntatis si esset publicum; sola voluntas illud intelligit, quæ illud tegit; imo neque voluntas se totam nouit, solus totam agnoscit, qui totam condidit. Nec tamen eius libertatem lædit dum illam intelligit: ne illam lædat explorat nu-

tum illius, & flexum, & se illi attemperat. Pretiosa res humana libertas quam penè reueretur Deus dum se illi accommodat.

## LVDVS NONVS. CORDIS MIRACVLA.



**T**RIA miracula cordis agnoscit Philosophia, quartum addit Theologia tribus maius.

Primum cordis miraculum est magnitudo in paruitate; exiguum cor esse debuit vt magnum esset; ingentem virtutem habet quia exiguam molem, eò capacius quò angustius: quæ paruitas aliis membris noceret ea cordi prodest.

Quæris quanta sit amplitudo exigui cordis, pars est toto suo maior, exilis hominis portio toto homine grandior, particula mundi, & mundus ei votorum particula est: admittit omnia nec impletur: post omnes thesauros adhuc auarum, post omnes delicias adhuc auidum, post omnium bonorum copiam adhuc egenum, tunc etiam vacuum est, cum est plenum.


Alterum cordis miraculum est vita in igne, cor fornax est ignis primigenij, focus domestici caloris, clibanus flammæ vitalis. Sed o amabile miraculum! vitam fouet ignis quam extinguere debuit, pascitur humore cordis, nec eum resoluit, vescitur impensis alienis, & abstinet suis, absomit humorem vicinarum partium, & hospiti suo parcit; quod admirabilitatem maiorem habet, copiosus adeps cor oblinat & calorem ambit, videt vicinum ignem nec emollefcit, flammam attingit nec liquefcit; refrigerat ardorem ignis nec ab eo incalefcit: impedit incendium quod adiuuare debuit; & ne quid huic miraculo defir, inter cor, & pericardium serofus humor interiacer: fluitat cor intra humorem aqueum, nec ignem aqua extinguit, lambit ignis aquam nec absomit, pacem in corde retinent aqua, & ignis: alibi hostes in corde amici sunt, & domus eiusdem Inquilini.

Tertium cordis prodigium est motus cordis mirabilis, cor per diastolem opes colligit, per sistolem distribuit: per illam ditescit, per hanc alias partes diuites facit; per illam sanguinem è venis exugit, per hanc spiritus impertit arteriis; per illam aërem attrahit, per hanc emittit; per illam calorem suum intra se temperat, per hanc communicat, atque vt eo bono frui possit quod aliis confert, inter vtrumque motum æqualem quietem capat.

O motum cordis mirabilem! mouetur cor & quiescit, mutat locum nec amittit; exiit figuram suam & recipit, è triangulo in circulum transit, ex circulo in triangulum redit; alienam figuram mutuatur vt se opibus impleat, figuram suam recipit vt se exhauriat, avarum sub aliena figurâ, munificum in suâ: influit in se, effluit in alia: comparat Diuus Thomas hunc motum cœlorum motui, in eo tamen nobilior est, mouetur cœlum ab Angelo, cor à seipso.

Illustria sane hæc miracula naturæ, maius est quartum miraculum Gratiæ: Adeò amat cor hominis Deus vt illud ab homine petat: fili præbe mihi cor tuum. O rem admiratione maiorem, petit cor hominis Deus qui illud condidit, petit quasi rem alienam, & tamen suam; petit restitui sibi quod ipse donauit, & munus credit dum suum recipit! scilicet emancipauit cor Deus dum hominem liberum reddidit, & capacem sui fecit portionem hominis: propterea implere hospitium cupit quod extruxit sibi: ne homo cor recuset, impressit cordi desiderium sui, & tamdiu inquietum reddit, quamdiu eo hospite caret qui solus hospitium implere potest.

O amplitudinem cordis æqualem amplitudini Dei! quem intellectus capere non potest, cor totum continet. Meditabatur Augustinus mysterium Trinitatis prætergressus naturam; eò ibat audaci cogitatione quò ire homini non licet; irrisit Angelus puer Augustinum senem, & fossulam ostendit in quam totum oceanum deriuandum tunc dixit, cum ipse totum intra se deriuauerit Deum. Agnouit errorem Augustinus clausit ingenium, cor aperuit: & totum excepit Deum.



## LVDVS DECIMVS. MIRACVLA OCVLII.



**Q**VÆ est ista pars hominis homine maior? quæ particula mundi æqualis mundo: ingreditur oculum terra nec obruit, subit intra oculum aqua nec diluit, inserit se ignis nec exurit, immiscet se aër, nec mouet; insinuat se cœlum, nec oculum implet.

Sed quæ ista oculi virtus? aperit se oculus, & mundum recipit, claudit se oculus, & mundum excludit, qua virtute? quo milite? quo imperio? quo obsequio? at quæ celeritas agendi? momento ad cœlum euolat, momento Solem, & stellas lustrat, momento orbem vniuersum perambulat: si oculus ad cœlum euolat quo itinere? si Sol ad oculum deuolat quo tramite? si vterque immotus manet, quomodo alter alterum quærit, & inuenit?



Hæc miracula extra oculum, plura intra oculum sunt; humores quibus alluitur, tunica quibus cingitur, nervi quibus distenditur, muscoli quibus mouetur, venæ quibus alitur, arteriæ quibus micat, spiritus quibus subsultat, totidem miracula sunt.

Ex pluribus oculi miraculis pauca seligo, inprimis quale miraculum est humor Crystallinus? si est humor fluidus, quomodo est crystallus? si est gemma, quomodo est liquida; si est gelu, quomodo non est concretum? si est crystallus, quomodo non est gelu? crystallus est, aut crystallo similis, & meretur nomen, dum exæquat splendorem.

Sequitur humorem crystallinum humor vitreus; ille instar gemmæ est, hic instar palæ; inseritur vnus alteri, nec confunditur; innatat humor crystallinus vitreo, hic illum sustentat; amant se inuicem humores similes & se adiuuant; custos est humoris crystallini humor vitreus, & penè nutritius; hic humoris vitrei alumnus est, & penè filius.

Excipit humorem vtrumque tunica Rheti similis, inde Rhetina dicta, tendit vtrique humori amabiles insidias, & dum vtrumque capit, amanter decipit: at quam vtili fraude? impedit ne humor vterque diffuar, dum vtrumque ambit, administrat sanguinem vnde vterque viuat, deriuat visorios spiritus quibus vterque videatur, & videar.

Huius Rhetinæ proxima est altera tunica folliculo vuae similis, inde vuea dicta; concava est vt humores ambiat, mollis ne lædat, tenuis ne opprimat, pellucida vt quod tegit ostendat.

Exarescerent tunica vuea & Rhetina nisi tertius humor aqueus vtramque irrigaret, & fatigarentur perpetuo motu nisi laborem aqua leniret; Præterea læderet humorem crystallinum tunica cornea si illum attingeret; interfluit humor aqueus, & vulnera excipit quæ non sentit; attingitur à tunica cornea neque læditur, & dum alluit, temperat ardorem tunicæ corneæ, & illam refrigerat.

Non satis tuerentur humorem crystallinum duæ tunicae, vuea, & Rhetina nisi cornea vtramque firmaret, nec satis illa, nisi tunica adnata oculum totum in sua sede contineret: vides quot præsidis humorem crystallinum natura munivit? & debuit ea pars in tuto esse quæ principium est visionis & subiectum: eunt ad hunc humorem species impressæ; ex-eunt ab illo species expressæ; nec possunt nobilius excipi species aduenæ quàm in crystallo, nec nasci illustrius species indigenæ quàm in cubili gemmeo.

Difficilior est numerus neruorum quibus oculus distenditur, & musc-ulorum quibus mouetur: duo nervi optici ex oppositis cerebri partibus progressi decussant se medio in itinere, & spiritus animales ad singulos oculos deriuant, quasi ad alumnos suos. Septem muscoli septenis oculor-um motibus præsunt, ille sursum mouet, hic deorsum, alij in omnes par-



res circumferunt; O motus oculorum mirabiles, velocius non eunt cœlestes orbes, quamuis impellantur ab intelligentiis, impellunt seipfos oculi, & se sistent; hoc libertatis privilegium est sistere se posse, & mouere: gaudent libertate oculi & carent cœli.

Omissi pupillam nobilissimam oculi partem, & amabilissimam; hæc pars oculi minima, & maxima; hæc sedes amoris & maiestatis; per illam oculus amat, per illam imperat, per illam irascitur, & miseretur: per illam parcit & punit; per illam videmus alios & nos ipsos: latent sub illa species impressæ & expressæ: & forte nigra est ut illas occultet, nec impedit visionem pars opaca dum illam tegit; arcana debet esse visionis naturitas, mysterium esse debet, neque esset mysterium, nisi esset arcanum.



## LVDVS VNDECIMVS. SPECIES INTENTIONALES.



**L**VDISNE Philosophia an illudis? dum species intentionales exire ab obiectis, volitare per aërem, & sensibus insinuaré se dicis: ut exeant ab obiectis debuerunt intra obiecta nasci: at qua parente? qua matre? quo actu? quo partu? qua obiectrice in lucem exeunt? qua nutrice crescunt? an sunt pelliculæ obiectorum? at quis eas abstraxit? an imagines rerum, quis eas pinxit? an colores, quis tinxit? an sigilla, quis sculpsit? an alati obiectorum nuntij? quis emittit.

Exeunt tamen ab obiectis, & per aërem se extendunt, sed si exeunt quo conatu? si emittuntur quo partu? si mouentur quo gressu? si impelluntur, quo impetu? si ascendunt, qua leuitate? si descendunt, quo pondere? si recta eunt quo tramite?

Occupant tamen aërem, & illum implent; sed dum implent, an plures simul, an permixtæ, an diuisæ? si plures simul quam subtiles? si permixtæ, quam exiles? si diuisæ quàm tenues? vbique tamen sunt, ut obiectum vbique exhibeant: permixtæ sunt, nec confusæ, diuisæ & continuæ, seiunctæ, & vnitæ.

Quis explicet quot probra, quot vulnera, quot clades, quot mortes per aërem patiantur? impelluntur à ventis, obruuntur à pluuiis, exuruntur à sole, inflammantur ab igne; premuntur ab ingredientibus, fugantur à currentibus, turbantur ab occurrentibus; dum turbatur ordo partium quis ordinem restituit? dum mouentur hæ partes, quis alias substituit? dum tota species perit, quis nouam speciem sufficit? O infelices


rerum

rerum species quam infausta fors vestra! patere semper iniuriis, vulnerari, & diuidi, nasci semper & mori?

Rident tamen eas iacturas generosæ species, succedunt partes partibus, totis totæ, mortuis rediuiuæ: fecundus obiectorum vterus nouos specierum exercitus submittit, semper grauidus, & semper fecundus, semper plenus & nunquam exhaustus: succedunt noui hæredes hæredibus, nec decrescunt opes Parentum, nec minor est hæreditas post tot iacturas.

Vt tamen eas iacturas fugiant, ingrediuntur sensus nostros, & turas se putant dum intra nos latitant; nunc loquuntur auribus sine voce, iam oculos excitant sine murmure, mox in phantasia resident sine pondere, vagantur in cerebro sine strepitu, excurrunt per cellulas sine motu, subsistunt in memoria sine tumultu.


O rem mirabilem nisi esset vulgaris, exhibent res magnas, & carent magnitudine, res immensas & carent mole: per eas videmus, nec illas cernimus, per illas sentimus nec cadunt sub sensus: cadunt tamen sub intellectum, sed penè illum vincunt.



## LVDVS DVODECIMVS. DE DVOBV5 DOMINIS.



VBILIS quæstio, sed speculatiua magis quam practica, & quæ plus iurgij habet quam lucri. An duo possint esse simul eiusdem rei Domini. Negant multi, affirmant alij. Placet utramque quæstionem agitare, amæno primùm stylo, deinde Scholastico, & utroque ludere.



## AN DVO POSSINT ESSE SIMVL EIVSDEM REI DOMINI.

### LVDVS RHETORICVS.



VERTIT naturam Dominij, qui duos posse esse simul eiusdem rei Dominos dicit. Dominium est ius disponendi, si totum hoc ius est penes vnum, quænam illius pars est penes alterum? Dominium est ius disponendi de re tanquam sua, quomodo idem ager est meus, si est alienus? quomodo non est alienus, si alter

est Dominus? Dominium est ius disponendi in commodum suum, quomodo disponis in commodum tuum, si dum disponis amittis tuum, & nihil acquiris alienum? Dominium est facultas disponendi sine iniuria alterius: potest Titius velle retinere seruum sibi fidelem; potest Caius velle eundem dimittere quia infidelem: quomodo ille non inferet iniuriam alteri si retineat, cui ipse seruus damnum infert si maneat; Dominium est potestas disponendi in omnem usum: potest Titius eodem equo velle ire Romam, quo Caius vult ire Luteriam: quomodo vterque disponet in omnem usum, si vterque vult oppositum. Denique nemo potest duobus dominis seruire, quia cum sint diuersi possunt diuersa velle, dum vnus id vetat, quod alter imperat.

Euertunt sane hæc argumenta dominium permanens, sed instantaneum non attingunt: idem instans admittere potest duos Dominos quos tempus excludit; idcirco capacius quia breuius, idcirco potest pati diuersa iura quia non patitur, diuersa arbitria: duo Domini idem possunt quia idem volunt, cessat omnis iniuria in instanti, quia cessat pugna. Age quisquis negas diuersa posse esse in eodem instanti dominia? annum potes eodem momento librum accipere, quo ego possum dare; at non potes negare librum tunc esse meum, nisi neges fieri tuum: nemo tunc magis est Dominus quam cum donat aliquid suum; & tunc alter fit maxime Dominus cū facit aliquid suum; quia nisi fieret Dominus occuparet alienum. O instans opulentiùs tempore! eodem momento vterque est diues quia vterque est Dominus; eodem momento dominium est in donante, quia donare non posset nisi Dominus esset, & simul est in donatario, quia ille dominium non transferret, nisi hic acciperet; eodem momento dominium est in donante, sed vltimò, in donatario sed primò, in hoc nascitur quia in illo moritur. In vtroque torum est quia transfertur, & nondum translatus est: idcirco hic transferre potest quia adhuc habet, neque adhuc transferret, nisi alter simul acciperet: felix dominium si in vtroque maneret, imo infelix si diutius viueret; neuter in tempore Dominus esset, quia vterque esse vellet; idcirco in instanti vterque est, quia hic vult desinere esse, dum alterum vult incipere.

# LVDVS THEOLOGICVS,

## AN DVO POSSINT ESSE SIMVL

### EIVSDEM REI DOMINI IN SOLIDVM.



IDE TVR non posse: 1. Quia iura negant dominium posse esse penes duos.

2. Hoc dominium est contradictorium in tempore, ergo in instanti, quia contradictoria æquè pugnant in instanti, atque in tempore, quia quod essentialiter est tale, est tale in omni statu, & tempore.

3. Duo dominia eiusdem rei se habent vt forma & priuatio, aut saltem vt duæ formæ oppositæ, ergo non possunt esse simul.

4. Alioqui poterit quis eodem instanti esse seruus & Dominus, quia dum alteri tradet se vt seruum erit Dominus, & dum alterum facit dominum sui, hoc ipso facit se alterius seruum.

5. Idem poterit esse liber & captiuus; at hoc repugnat, quia libertas dicit negationem seruitutis, & seruitus libertatis.

6. Repugnat dominium transferri simul & haberi, quia transferre est non habere, repugnat aliquem cessisse suo iuri & retinere, manere dominum, & non manere, extinctum esse, & viuere; at hæc omnia sequentur si eodem instanti dominium eiusdem rei possit esse penes duos.

7. Repugnat eadem numero formam esse simul naturaliter in duobus subiectis; at erit, quia vel Titius transfert hoc instanti idem numero dominium quod habet, vel alterum, si primum, ergo eadem numero forma est simul in duobus numero subiectis; si secundum, ergo non transfert suum dominium sed alienum.

8. Dominium dicit ius non tantum disponendi de re sua, sed etiam ius impediendi alterum ne vratur re tua; at non potes impedire alterum, si alter eodem instanti est Dominus.

9. Repugnat aliquid eodem instanti esse meum, & non meum; at hic liber erit meus: hoc instanti, & non meus, si est alienus; at erit alienus si alter est Dominus.

10. Repugnat aliquem donare alteri quod alter iam habet; at poterit quia Titius accipiens librum à Caio, potest eodem instanti redonare Caio, qui tamen toto instanti est Dominus.

11. Ad transferendum dominium præter titulum requiritur traditio, & ad complementum requiritur possessio; at hæc omnia eodem instanti esse non possunt.

Denique nemo potest duobus dominis seruire, vt ait ipse Christus; at idem poterit esse seruus duorum, si duo possint esse eiusdem Domini.

CONCLVSIO. Probabilius videtur duos posse simul esse eiusdem rei Dominos in solidum, sed dominiis instantaneis non permanentibus.

Suppono 1. Quæstionem procedere de duobus dominiis in eodem ordine, scilicet vel de duobus dominiis altis, vel præcipuè de duobus bassis; ratio est quia quæstio procedit de duobus dominiis independentibus, & quæ vocantur contradictoria; at dominia diuersi ordinis possunt dependere à se inuicem.

Suppono 2. Quæstionem procedere de duobus dominiis completis ex parte obiecti, v. g. an Titius & Caius possint esse simul eiusdem villæ domini in solidum. Ratio est quia cessaret contradictio si dominia essent tantum completa ex parte subiecti, sic duo hæredes ex æquo instituti habent dominium totale totalitate subiecti in partem hereditatis.

Suppono 3. Per instans intelligi, vel instans indiuisibile si detur, vel partem temporis diuisibilem sed inadæquate, & indiuisibiliter acceptam.

Probatur conclusio. Titius Dominus alicuius rei potest eam donare Caio in instanti, & Caius potest accipere eodem instanti; ergo tunc uterque est Dominus. Antecedens probatur, quia nihil repugnat acceptionem alicuius rei eodem instanti fieri quo est donatio, neque est necessarium vt vna actio succedat alteri, quia duæ actiones relatiuæ possunt esse simul; præcipuè si agatur de acceptione & donatione mentali humana vel Angelica quæ non importat motum successiuum. Consequentia probatur quia eo instanti quo Titius dat libellum Caio est verè Dominus libri, quia actus secundus probat primum; exercet autem actum secundum domini, quia disponit de re sua independentem ab alieno arbitratu, & libere disponit, quia ita dat, vt possit retinere, & licet ex suppositione quod det hoc instanti non possit non dare, tamen hæc suppositio non lædit libertatem, quia est consequens, & quam ipsa libertas facit.

Aliunde Caius fit verè Dominus libri eodem instanti, quia verè accipit dominium libri titulo donationis, quam traditio, & possessio complet; quod ex eo constat quia Caius hoc instanti accipit ius disponendi de libro vt suo, & si posset operari instantaneè vt Angeli, posset reuera dare librum alteri, & coniungere actum primum cum secundo: Imo donatio, traditio, & possessio possunt esse eodem instanti, præsertim si possessio est ficta, & ciuillissima.

Confirmatur quia hoc toto instanti arbitrium Titij donantis non potest dissentire arbitrio Caij donatarij, quia Titius vult Caium vti re donata prout voluerit, quia transfert plenum eius dominium.

Dixi in conclusione dominium instantaneum posse esse penes duos



non autem permanens, quia in tempore duo dominia eiusdem rei se excludunt, quia arbitrium vnius potest dissentire ab altero; at in instanti non se excludunt, quia arbitria non dissentiunt.

Ad soluendas obiectiones suppono ex Philosophia ea quæ intrinsecè desinunt, esse vltimo eo instanti quo desinunt, quia hoc instans numeratur quasi intrinsecum durationi, & licet dicere, nunc res illa vltimo est, & immediate post non erit. Item ea quæ incipiunt intrinsecè sunt primò eo instanti quo incipiunt, quia hoc instans censetur intrinsecum eorum existentiz, & licet dicere nunc res illa primo est, & immediate ante non erat. Quia ergo dominium Titij donantis librum desinit intrinsecè, Titius est Dominus eo instanti, & quia dominium Caij donatarij incipit intrinsecè, est etiam eo instanti. Sic autem incipere & desinere probatur ex supradictis, & quia nulla apparet implicancia in his formis moralibus, licet in formis substantialibus id neget Philosophia.

Ad primum Resp. Iura non loqui de dominio instantaneo, quod ad legum rationem parum confert, sed de permanente quod ad contractus requiritur, qui vt fiant humano modo fieri debent in tempore.

Ad secundum Resp. Hæc dominia non esse contradictoria in instanti, quia vterque dominus idem vult, quia hoc ipso quod vult dare, vult alterum accipere, & sic arbitrium vnius non contradicit arbitrio alterius.

Ad tertium Resp. Hæc duo dominia se habent vt opposita priuatiuè n. vt opposita relatiue c. at relatiua se inferunt. Et licet duæ formæ substantiales, & duæ accidentales oppositæ, saltem in summo gradu se excludant; at non necessario duæ formæ morales.

Ad quartum Resp. Idem erit Dominus vltimo, & seruus 1.º eodem instanti, sed diuerso respectu, vnus per modum principij disponentis, alter vt se subiiciens dispositioni alterius.

Ad quintum Resp. Toto instanti esse liberum, quia libere se ligat, ex suppositione autem quod se ligat est captiuus; at libere, & tantum necessitate hypothetica talis, & in sensu composito quem ipse facit.

Ad sextum Resp. Negando antecedens, ad probationem R. est non habere n. sed est habere vltimo, ad inst. R. repugnat cessisse de præterito, & habere c. repugnat cedere, & habere vltimo, n.

Ad septimum Resp. Transfert eandem formam, & idem dominium specie, amittendo illud quod habet; sic eadem numero forma non migrat de subiecto in subiectum, sed eadem specie.

Ad octauum Resp. Dominium dicit ius ne alius vtatur me inuito c. me volente, n. at vterque idem vult hoc instanti.

Ad nonum Resp. hoc instanti esse meum, non autem non meum, licet sit alienum: ad inst. R. alienum quod à me fit tale non est meum hoc in-

stanti quo volo esse alienum, n. sic vero est alienum & meum, sed alienum primo & meum ultimo.

Ad decimum Resp. Repugnat dare alteri iam suum, R. iam suum dominio nascente n. dominio præterito c.

Ad undecimum Resp. donationem, traditionem, possessionem, posse esse eodem instanti, præsertim si possessio est ficta, & civilissima. Resp. 2. ad transferendum dominium non requiri traditionem in multis casibus quos Authores citant.

Ad ultimum Resp. Christum loqui de dominio permanente, quia instantaneum, parum refert ad praxin, & ad mores.



## PRAEFATIO DE CONSCIENTIA.



VLLI arti aut scientiæ præfari minùs congruit quam conscientiæ; quia nulla scientia minus loquax, & minus verbosa est. Mirum esset Grammaticam non præfari, quæ loqui docet; sîlêre Poësis non debet quæ docet fingere; Eloquentia hoc ipsum docet, quæ arte nemo sileat, etiam dum nihil habet quod dicat. Logica ex mutis elementis verba facit ne vnquam discursus desit: Theologia rea esset, si de Deo tacêret; interpret scripturæ si taceret, interpret non esset. Sola conscientia est quæ præfari non amat, quia hoc ipsum contra conscientiam putat magnificè loqui, & mauult facere magna, quam dicere.

Ne igitur expectate fucatam verborum lenociniis orationem, conscientia fucos odit, ne quærite blandientis oratoris affectus, aut indignantis tumultus, conscientia sincera est dum blanditur, & iusta dum irascitur.

Conscientiæ sermo nec Grammaticus esse debet, ne habeat aliquid vanum, nec Poëticus ne habeat aliquid fictum, nec Rhetoricus ne habeat aliquid vacuum; nec Philosophicus ne nimis sapiat, nec Theologicus ne mentem excedat.

Erit itaque oratio simplex ne fallat, erit clara vt doceat, erit efficax vt agat, erit prudens vt dirigat; erit lectioni similior quam orationi, ne contra conscientiam aliquid dicat, dum de conscientia disputat.

Acturus igitur de conscientia vnum quæro, quid sit conscientia; conscientia, inquiunt aliqui, domus est perpetuis obsessa tenebris, nec tamen obscura; nullus in eâ sol lucet, nec tamen in ea aliquid latet; nullæ in ea fenestræ per quas aspiciat, & tamen omnia spectat; nullæ fores per quas hospitibus pateat, & tamen semper est plena; conscientia domus est obscura & splendida, clausa & obuia; vacua & plena: quia

dum aliis hospitibus caret, implet seipsam, & turbam facit, etiam dum est sola.

Conscientia aiunt alij, est labyrinthus mille mæandris intertextus, & tamen hospiti suo tutus; domus est gestatilis, quia eam quisque instar limacis gerit: est patria sequax, quia eam peregrinus quisque circumuehit: ita tamen est patria homini si bonus est, vt eidem sit exilium si est malus. O rem prodigio simile! Vir improbus apud seipsum habitat, à seipso exul: Idem præsens sibi, idem abiens à se: idem excutere nititur conscientiam quia aduersariam, nec tamen illam exuit quia secum gerit: idem fugit seipsum quasi inimicum, nec tamen se deserit quia secum fugit: idem liber & captiuus; idem ciuis & peregrinus; idem hostis & amicus: quia conscientiam gerit hostem crimini, & amicam virtuti.

Conscientia inquit Basilus est naturale tribunal animæ; in eo tribunali conscientia accusatrix, & testis; iudex & vindex damnat seipsam si nocens est, absoluit si innocens: mirabile tribunal quod vna persona constituit.

Conscientia, ait Victor, ea est apud quam non moritur omne quod gerimus, ea in factis nostris testatur quod vidit, accusat quod dissuasit, laudat quod consuluit; ea non habet loquendi vsum, & nescit tenere silentium, nihil ei tuum tectum est, quia tecum semper est; præterita scit quia fecit, præsentia quia aspicit, futura quia dirigit.

Conscientia, inquit Hieronymus, est secretum hominis, quia nemo nouit quæ sunt hominis, nisi spiritus hominis, aut qui hominem condidit spiritus Dei: nec eam Momus intueri potest, ne irrideat: neque alter homo ne fallat, nec genius malus ne noceat, nec bonus ne libertatem impediatur: reueretur illam Deus ipse, atque vt libera sit permittit agere improbè, quam vellet agere bene.

Subtiles sanè prolusiones, sed quæ aliqua conscientia officia describunt, non naturam definiunt.

Dic Theologia scientiarum regina, doce conscientiam quid illa & qualis sit? si tamen conscientiam doces, vnde nisi à conscientia didicisti qualis conscientia sit; & si conscientia docuit, quomodo ante te qualis esset ipsa nesciuit? doceat tamen conscientia Theologiam, Theologia conscientiam, vtraque discipula & Magistra; vtraque dicat quid sit conscientia.

Conscientia inquit Theologia est actus intellectus practici, deducens conclusionem syllogismi prudentialis, ex principiis à synderesi oblati, & per rationem connexis.

Paucis verbis quot oracula! conscientia est actus intellectus vt præferat voluntati faciem, & ostendat honestatem: est actus vel Ephæbi honorarij prælucentis dominæ, vel Domini intellectus imperantis ancillæ;

imo est actus famuli & Domini, quia est actus præluens voluntati adhuc cœcæ, & expectans imperium libeæ. Debet actus bonus honestatem voluntati, debet intellectui honorem; nec sine voluntate esset actus honestus, nec sine intellectu legitimus: vtriusque scetus id debet vtrique quod Parentibus filius, ingratus si dum voluntatem agnoscit vt matrem, intellectum non agnoscat vt patrem.

Conscientia est actus non habitus, contra Scotum non satis hac in parte acutum: possum operari sine habitu, nec possum liberè sine præuio actu; deponi potest conscientia, nec facile exuitur habitus: malum est agere contra conscientiam, nec est malum operari contra habitum: Denique præluere, dirigere, agere, testari, accusare sunt actus non habitus: ita tamen conscientia est actus vt possit nasci ab habitu: ita generans habitum vt possit ab habitu generari: ita parens vt sit aliquando filius: tunc tamen non est vnus actus sed geminus, ne idem esset prior seipso, & seipso posterior.

Conscientia est actus intellectus & minùs propriè voluntatis contra Durandum nimis hac in parte rixosum, placet aggredi hominem auctoritate, & conuincere ratione.

Tertullianus appellat conscientiam naturales tabulas, in quibus scilicet vnusquisque legit opus suum, & agnoscit quod scripsit; at legete, & scribere, officia sunt intellectus scientis legere, non voluntatis scientis tantum audire.

Damasceus vocat legem intellectus, quam scilicet intellectus promulgat voluntati, non voluntas intellectui, aut saltem quæ vtrumque comprehendit.

Hieronymus illustrem locum Malachiæ sic explicat, custodite spiritum vestrum, & uxorem adolescentiæ vestræ: per spiritum intelligit Prophetam intellectum, per uxorem voluntatem, per vtrumque conscientiam: illustre sane connubium, in quo intellectus est sponsus, voluntas mater, & proles conjugij sunt actus liberi.

Bernardus appellat conscientiam scientiam cordis, non quæ in corde sit, sed quæ est de corde: illustris nimirum scientia quæ cor illustrat, subtilis quæ penetrat, ignea quæ inflammat, erudita quæ docet, amabilis quæ mouet, efficax quæ persuadet. At erudire, arguere, illustrare sunt actus eius facultatis quæ videt oculis propriis; non eius quæ vitur alienis.

Conscientia est actus intellectus practici, non speculatiui: vnicus est intellectus in homine, si spectes entitatem, duplex si attendas virtutem: vnus est speculatiuus, alter vel idem practicus.

Agnosce vtriusque naturam vel industriam; intellectus speculatiuus præcindit à rebus agendis ne aliquid efficiat, laborat ne labore, agit

ne agat, speculatur facta ne faciat: Attende tamen huius intellectus efficaciam dum nihil efficit; ibi definit vbi nihil est nisi differentia; ibi diuidit vbi nihil est nisi identitas; ibi numerat vbi sola est vnitas; ibi medium quærit vbi nihil est primum, & vltimum.

Aduerte eiusdem intellectus innocentiam, contemplatur opes nec ditescit; dignitates nec insolefcit; voluptates nec afficitur, labores nec frangitur.

Attende eiusdem audaciam, ascendit in cælum nec extollitur, descendit ad terras nec deprimitur: flammis se immiscet nec exurit; aquis se immergit nec obruitur: lumen aspicit nec hebescit: Solis & Lunæ defectus intelligit neque deficit: tenebras ingreditur nec obscuratur: nihilum scrutatur nec confunditur: tempora meditatatur nec cum annis fluit: motum prosequitur & conquiescit.

O audacem intellectum! inquilinus est vnus Elementi & incola omnium; in terris habitat, ad cælum euolat: consuefcit cum Angelis, pugnat cum feris: cultor cæli, victor profundi, in aëre auceps, in cælo hæres.

Non ita intellectus practicus, non agit ne agat, non contemplatur vt illic conquiescat; sed præfigens sibi opus vt finem, eò se & omnia destinat, atque vt operetur facilius, antequam opus extra proferat, prius in Mud intra se format.

O rem miraculo similem! iam extat domus intra intellectum Architecti, quæ adhuc alibi non existit; iam illic efformata, nondum alibi nata: iam illic absoluta, nondum alibi inchoata: quodque admirationem superat; nobilior est domus in idea sui, quam in seipsa: viuit intra intellectum Architecti, quæ extrà non sentit; illic spiritus, extrà rude corpus, illic ventos, & imbres, & ruinam non timet, vbi nihil eam videt: ibi stabilis subsistit, postquam etiam alibi corrui.

Neque ibi sistit intellectus practicus: sed dum agit, inferiores potentias secum ad opus accingit: atque vt primum cælum mobile inferiores sphæras secum rapit, sic intellectus practicus subditas facultates quasi orbes minores ad opus attrahit: præluce operantibus ne fallantur; suppeditat materiam ne otientur: collaborat operantibus ne conquærantur.

Conscientia est actus intellectus practici, non speculatiui: præluce acturæ voluntati & prior agit; proponit opus faciendum iam intra se factum; inclinat animum volentem, impellit nolentem, adiuuat laborantem: si reluctari voluntatem videat, minatur se aduersariam vt arguat, testem vt conuincat, iudicem vt damnet, vindicem vt castiget: si aduertat procliuem ad opus, sed cunctantem, proponit honestatem quæ moueat, vtilitatem quæ persuadeat, mercedem si agat, coronam si vincat.



Conscientia est actus eliciens conclusionem syllogismi prudentialis, ex principiis vniuersalibus à synderesi propositis, & per rationem con- nexis: hæc nobilis forma syllogismi practici, synderesis maiorem for- mat, ratio minorem, conscientia elicit conclusionem; synderesis est lu- men illud vultus diuini signatum in homine: ratio lumen illud admo- uet, conscientia per illud videt: synderesis, inquit Hieronymus, est scintilla animæ, ratio silicem verberat, conscientia est expressa flamma. Synderesis, vt loquitur Augustinus, quasi latens in corde imperator consilia dicitur, ratio examinat, conscientia promulgar, voluntas obser- uat: synderesis est conscientia vniuersalis; conscientia est synderesis sin- gularis.

Atque ex iis colligere licet quomodo conscientia à Morali, & pruden- tiâ differat; nimirum vtræque illa est habitus, conscientia actus: Moralis est ars honesti, prudentia liberi, conscientia recti: Moralis proponit bo- num, prudentia eligit, conscientia agit. Denique Moralis est scientia morum, prudentia pars scientiæ, conscientia pars prudentiæ.

Hæc de conscientia Theologia; at tu Philosophia quid de conscien- tia sentis? conscientia inquit est naturalis Logica; ea enuntiat in puero, definit in iuvene, argumentatur in viro demonstrat in sene: ea discurrit de bonis & malis, sed dispari forma; in illis est forma delectans, in istis crucians: in illis flamma lucens, in istis vrens: in illis est vermis immor- talis ad pœnam, in istis testis æternus ad coronam.

Conscientia, aiebat Seneca, est particula diuini spiritus homini im- mersa, vt homo aliqua ex parte sit Deus: particula est non assistens sed intimè præsens: non extrinsecus addita, sed animo indita; particula ta- men est, non totus spiritus, ne hominem absorberet, si totus intra ho- minem habitaret Deus.

Conscientia, inquit Menedemus, singulis mortalibus Deus est, nec tantum pars Dei; ea intra hominem exercet vices Dei; nec exerceret nisi esset homine maior; nec maior esse potest omnibus mortalibus, nisi sit immortalis Deus.

Quid ais Philosophia? nimis subtiliter de conscientia sentis: accepisti claram, & inuoluis; accepisti humanam, & diuinam facis: conscientia neque est pars diuini spiritus, qui partes non habet: neque intra homi- nem Deus est, ne homo sit Deus.

Modestius de conscientia Moralis Philosophia; conscientia, inquit, est commune beneficium, nemo ea caret si homo est: nemo eam non vi- det, quia per eam videt: nemo eam non sentit, quia ipsa est ratio sen- tiendi.

At tu Eloquentia, quid de conscientia dicis? ea, inquit, lex est non lata homini sed innata; non accepta sed indita; non incisa marmori sed

tabulis cordis: lex est lata sine legislatore, promulgata sine præcone, acceptata sine teste: lex est imperans sine voce, persuadens sine oratione, exequens sine arte: lex est docta sine magistro, docens sine studio, sciens quod aliunde non didicit, memorans quod nunquam audiuit. Lex est prælucens, & sequens: imperans & obtemperans: ostendens agenda, & peragens: lex est nascens cum homine & supra hominem crescens, adulta sæpe in puero, matura in adolescente, senilis in iuvene: lex est nobilis sæpe in rustico, ingenua in seruo, libera in captiuo: Denique lex est nata cum homine, superstes post hominem, æterna inter ignes vt cruciet, immortalis inter astra vt coronet.


Ita scientiæ de conscientia; at definiat conscientiam Deus ipse: nemo eam melius nouit, quam author qui condidit: dicat scriptura laudes quas Deus ipse dictauit; nec fallere potest Deus dum dicit, nec scriptura dum dicta repetit. Signatum est super nos lumen vultus tui Deus. Explico diuina verba & finio: conscientia est lumen: lumen non humanum sed diuinum; lumen non caducum sed immortale; non fluxum sed stabile: lumen vultus tui; si vultus ille est; si vultus ille est Verbum, conscientia est lumen Verbi: si vultus ille est Spiritus Sanctus, conscientia est lumen Spiritus: lumen ostendens Deum & exhibens: lumen pingens intra hominem Verbum & imprimens.

Signatum est, non affusum vt diffluet, sed infusum ne pereat: Signatum est, impressum alte ne eruat, incisum ne deleatur, insculptum ne eradatur: Signatum est, quasi caracter vt legatur, quasi sigillum vt seruetur, quasi imago vt spectetur: Signatum est super nos vt emineat, intra nos vt lateat: super nos vt sublime, intra nos vt familiare: super nos vt dirigat, intra nos vt regat: super nos vt imperet, intra nos vt adiuuet: super nos vt coronet, intra nos vt triumphet: Signatum est super nos lumen vultus tui, lumen Dei conscientia est, lumen luminis, sol solis, radius radij, imago imaginis, caracter characteris.

Hæc de conscientia Deus, quis audeat post Deum loqui.

Dixi.







# LIBER TERTIVS. ELOGIA REGIA.

## VITA ET ELOGIA LVDOVICI DECIMI TERTII.

### I.



*IC qualis, & quantus hoc seculo futurus esset,  
Predixit ab altero seculo Clemens Octavus:  
Divinum fuisse oraculum vatis auctoritas,  
Verum fuisse vaticinium experientia probat:*

*Habent hoc plerumque res magna,  
Diu videntur postquam esse desierunt:  
Habet hoc præ illis LVDOVICVS,  
Diu videri cæpit antequam esset.*

Cardin.  
Doffat l. 6.  
Epist. 74.

### II.

*Antecessit magnos natales ingens terra motus,  
Trepidantis Europa, vel amantis motus fuisse creditur:  
Vt mirum non sit si tota nunc amatur, & timetur Europa  
Qui ante timeri cæpit quam homo esset.*

### III.

*Auspiciatus est vitam cum hoc seculo,  
Vt illud virtutibus suis consecraret:  
Nec immerito hoc seculum Ludouiceum dixeris,  
Cui idcirco Ludouicus adnascitur,  
Vt præcipuum eius ornamentum esset.*

*Exiuit in lucem Sole cœlestem libram incunte,  
 Nascente iustissimo Rege  
 Debuit dierum, & noctium equalitas esse:  
 Sed equalitas in Sole minor quam in Ludouico:  
 Vix ille equalis in vno alteroque signo,  
 Ludouico dies omnia, & mensis in libra est:  
 Vix ille cœlestem libram excessit,  
 Cum Scorpiis, & Cancris se immisceet,  
 Tota Ludouici vita sine monstro est.*

## V.

*Lucem adhuc salutabat Ludouicus,  
 Cum ecce noua stella in Cygno cœlesti nascitur,  
 Accendit eam Cælum vt magnos natales illustraret:  
 Lacere in Cygno voluit, vt fatidica auis,  
 Quamuis heros Gallie nasceretur prædiceret:  
 Fingant Astrologi fatales in stellis horoscopus,  
 Diuinent aliena fata, dum nesciunt sua:  
 Ne vanus credatur Ludouici horoscopus,  
 Proponit illum stella noua, & auis fatidica.*

## V I.

*Affirmant oculati testes Ludouicum in lucem prodeuntem,  
 Ter manus, & oculos in cælum sustulisse:  
 Nemo maturius cælum aspexit,  
 Nec mirum nemo plus iuris in cælo habuit:  
 Natale sydus explorat oculis,  
 Intuetur astra sua dum nos spectamus aliena;  
 Dicitur Augustus puer cum stellis luisse:  
 Verùm luse Augustus cum alienis astris  
 Ludouicus cum suis.*

## V I I.

*Editus in lucem eruditur ab Henrico Magno ad fortitudinem,  
 Ab omnibus virtutibus ad sanctitatem,  
 Ad iustitiam certe, & pietatem disciplina non eguit:  
 Vtramque habuisse videtur à natura:  
 Addunt oculati testes candidas manus ex utero matris tulisse:  
 Innocentis iustitiæ præsagium erat,  
 Quis neget iusti nomen Ludouico congruere?  
 Qui tunc candidas manus habuit,*



*Cum omnes habemus cruentas:  
Non debet hominibus Inſi titulum,  
Antequam homines imponerent,  
Natura iam dederat.*

## VIII.

*His dotibus à natura inſtructum,  
Virtutes alendum ſuſcepére:  
Vix vnquam meliorem alumnum fortitæ ſunt;  
Eam indolem ad omnia virtutis facinora præferebat;  
Vt dubium reliquerit an differret indoles à naturâ;  
Talis erat Diuus Ludonicus dum adoleſceret;  
Sola ætas vtrunq; diſcriminat:  
Si ambo ſimul vixiſſent, vix vtrumque diſtingueres:  
Vt ſimiles credas.  
Vtrique lethalis noxa tantum in ea ætate odium fuit,  
Vt ſi alterius morte ſcelus extinguendum eſſet,  
Hæc ſola inter eos fuiſſet contentio,  
Vter prior occumberet.*

## IX.

*Neque illud fortuito accidit,  
Vt alter alteri certo intervallo ſuccederet:  
Haſtenus vigefimus quiſque Rex ſanctitate floruit:  
Hunc non fortuito vigefimum eſſe:  
Amor ſanctitatis docet.*

## X.

*His Magiſtris ad alias virtutes uſus eſt,  
Fortitudinem Henrico Parenti debet:  
Hic ſanguinem generoſum dedit vt Pater,  
Præcepta fortitudinis vt Magiſter,  
Exempla, vt bellorum arbiter.  
Dicitur infantis adhuc Ludonici manibus  
Victorem enſem indidiſſe:  
Precatus vt eo Dei cauſam protegeret,  
Eodem Patriæ gloriam extenderet;  
Et miramur victorias Ludonici,  
Quid non vincat Dei cauſa,  
Patriæ gloria,  
Enſis Henrici,  
Et manus Ludonici.*

*Anno ætatis decimo in Regem consecratus est,  
Ante oleum iam sacer,  
Iam throno dignus erat,  
Cum adhuc in cunis esset.*

*Quis credat, quieuit in hoc rerum cardine,  
Tremefacta ab Henrico magno Europa;  
Stetere hostes Gallie, cum eam inuasuri credebantur:  
Puto timuisse adhuc vel Henricum mortuum,  
Vel in Ludonico rediuium:*

*Atque id vnum funeris acerbiter leniuit,  
Dum magno Parenti maior heres succederet.  
Nihil detrabo laudibus tuis Henrice dum laudo tua:  
Gloriosum est vinci ab eo filio, cui dedisti unde vinceret:  
Audeo dicere, Magnus es Tu omnibus titulis,  
Nullo titulo maior quam dum talem filium reliquisti.*

## X I I.

*Agebat annum ætatis decimum quartum,  
Cum Annam Hispanicam uxorem duxit.  
Vt designatam à Deo conjugem scias,  
Eodem anno, et mense, et hebdomade vterque in lucem prodit,  
Tantum vt Aurora Solem,  
Sic Ludonicum Anna paucis momentis antecessit.*

*Sed non illic æqualitas stetit:  
Ambo, sub eodem sydere libræ oriundi,  
Sub eodem æquale connubij iugum subière:  
Vide an iustus esse coniugium potuerit,  
Quàm dum ad cœlestem libellam,  
Ipsa etiam momenta librantur.*

*Neque inæquale connubium thalamus diu infæcundus facit,  
Ideirco diu Anna parturit,  
Vt parere Augustum aliquem possit.*

## X I I I.

*Vix alium Principem castius irretinit amor thori,  
Vix alium grauius occupauit studium belli,  
Ipsum connubium bello non caruit,  
Inter arma coniugium iniit,  
Ab eo tempore omnis ei annus militaris,  
Omnis dies Martius,*

*Et omnis mensis Augustus fuit.*

## XIV.

*Benearnenses haeretici novam Remp. meditabantur,  
Ut rem priuatam euerterent.*

*Et iam post eiurata fidem Romanam,  
Eiurare Regiam cogitabant:  
Oppressit rebelles celeritate sua Ludovicus:  
Et dum venari feras creditur,  
Omnem Prouinciam vna venatione cepit.*

*Miraculo ea victoria non caruit:  
Quinquaginta anni erant cum è Benearnia Missa exulabat,  
Eâdem die restituta est, quâ exulare coeperat.  
Quis non eam diem Iubilæi dicat.*

*Et mirare dignam hoc Iubilæo Regis pietatem,  
Circumferri solenni pompa Eucharistiam voluit,  
Ut periuram Prouinciam,  
Prius reconciliaret Christo quam sibi,  
Atque ut victoriam Deo acceptam referret,  
Triumphare maluit Christum quam Ludovicum.*

## XV.

*Nihil generosius est verâ pietate,  
Nec mirum si vincat, quæ cum Deo pugnat.  
Hæc pietas sanum Engeriacum obsedit, & cepit:*

*Si castra Regia spectâsses,  
Si propositum publicè in Eucharistia Christum,  
Dixisses esse Castra Dei,  
Eucharistiam arcam fœderis,  
Ludovicum alterum Dauidem,  
Contra Philistæos præliantem.*

*Tergeminam trium Regum obsidionem,  
Vrbs rebellis eluserat,  
Quartam obsidionem non tulit,  
Nec mirum si victa est,  
Quam cum Ludovico Christus obsedit.*

*Ne quid in posterum auderet vrbs periura,  
Nudata est manibus quæ Regibus suis occluserat,  
Et dum Pagus Ludovici vocabitur.  
Sentiet in pago iustitiam,  
Quam in vrbe contempsit.*

S. Iean  
d'Angely,

Bourg-  
Louys.

## XVI.

*Nec minus fortis mari quam terra Ludouicus,  
 Riam Insulam occuparat Sombifius,  
 Ea audacia ut collatis signis,  
 Pugnam cum Rege promitteret,  
 Adfuit Rex cum aequalibus copiis si numerum spectes,  
 Maioribus si virtutem numeres:  
 Rex ipse dum militis & Ducis partes implet,  
 Instar exercitus esse creditus est.*

*Adversam fluminis ripam tormentis hostis armanerat,  
 Necdum se in mare fluctus receperant,  
 Post sex horas redituri,  
 Graue periculum erat in adeunda Insula,  
 Grauius erat in mora.*

*Insinuauit se medias in aquas Ludouicus,  
 Immerfit se in fluuium cum Rege exercitus,  
 Et dum solo capite ex aquis eminet,  
 Dignum cælo spectaculum fuit,  
 Rex alter Neptunus,  
 Singuli milites totidem heroës apparere,  
 Creditur hæc audacia mare terruisse,  
 Cohibuit fluctus ne tam cito resfluerent:*

*Effluxere audaces vnde non hostes,  
 Oppressus est presentia Regis rebellis exercitus,  
 Et dum sanguine suo arenas Olonæas,  
 Et mare inficit,  
 Docuit exemplo suos  
 Nec terrâ prouocandum esse Ludonicum,  
 Vbi Mars alter est,  
 Nec mari, ubi est alter Neptunus.*

## XVII.

*Hæc victoria de subditis, quæ sequitur de externis,  
 Sedebat ad Ræam exhaustus Anglus,  
 Quam prateruolando rapere sperauerat,  
 Centum numerabat non tam nauigia quam castella,  
 Tam denso agmine per Oceanum disposita,  
 Ut solus auihus non nauihus iter mari patèret:*

*Et tamen viginti lintres Gallici,  
 Quos vna Nauis Anglica sorbere potuisset,*

Per effracta repagula, & per omnia clausa  
Inuenire viam:

Quam ipsis piscibus clausam Angli crediderant.

Nec felicior Angliis terra quam Oceanus fuit:  
Vtrumque Elementum equalis causa corruperat:  
Innumera Anglorum millia arcem oppugnabant,  
Nulla aliâ re nisi Toëraſij virtute munitam.  
Et tamen innumeros hoſtes, pauci,  
Recentes fatigati,  
Bene valentes penè mortui,  
Tandiu ſuſtinuerunt, dum accurrerent auxilio viui:  
Nemo querat quid fecerint viui,  
Vbi vicerunt mortui.

Schombergius, & Toëraſius duo duces vincenda orbi pares,  
Tot hoſtium corpora ceciderunt,  
Vt ſi penes mortuos eius terra quam occupant dominium eſſet,  
Totam Ream Angli poſſiderent mortui,  
Quam non cepere viui,  
Ex tot Anglorum millibus,  
Tam pauci in Angliam rediere,  
Vt redeuntium militum & nauium numerus,  
Pene equalis eſſet.

Eam victoriam ſic duo duces partiti ſunt,  
Vt vnus Anglos ſuſtinnerit,  
Vterque repulerit,  
Ludouicus vicerit.

### XVIII.

Oppugnanda Rupella Rea præluſum fuit:  
Tunc ſe Rupella ream Maieſtatis fecit,  
Cum Ream dedere Anglo cogitauiſſet.  
Fridebat tamen vrbs rebellis Regem ſuum:  
Dum euocabat alienum,  
Contemnebat vires Regias,  
Dum numerabat ſuas.

Si præteritas atates euoluereſſet,  
Non quot Reges habuiſſet numerabat,  
Sed quot viciſſet,  
Si ſaſtos ſuos conſideret,  
In illis hi dies ſacri erant,  
Quibus Sacramentum aliquod abrogaviſſet:  
Ij ſolennes & ſeſſi,



*Quibus de Rege suo victoriam aliquam reportasset.*

XIX.

*Hæc erat turbis insolentia, quam omnes capiendam,  
Nemo tentandam putabat:*

*Et certe inexpugnabilis Rupella videri poterat,  
Nisi arma Ludouici prouocasset.*

*Ille ut late vagantem furorem cohiberet,*

*Trium leucarum aggere coërcuit.*

*Hoc primum de insolenti urbe supplicium fuit,*

*Angustius tribus leucis imperium habet,*

*Quæ Gallias hostibus externis diuidebat.*

*Adhuc tamen se Reginam vocabat.*

La Digue' *Dum appellere manibus suis Oceanum veltigalem videbat.*

*Ludouicus operoso aggere mare franauit,*

*Nec aliud ex toto Oceano Rupella reliquit,*

*Nisi stagnum, & lacum, & mare captiuum.*

XX.

*Ne quere quâ arte mirabilis agger surrexerit,*

*Ille ipse qui extruxit Architectus artem nescit:*

*Stetit sine fundo firmissima moles,*

*Et solidus murus sine calce coaluit:*

*Principio iniecta sylua, & montes tumultuario opere:*

*Hic tumultus ars fuit.*

*Nam dum Oceanus iniectas moles dissoluere tentat*

*Composuit,*

*Dum euertere laborat*

*Fundauit.*

*Et dum hiasum aggeris sæpius ingreditur.*

*Luto, & arena compleuit:*

*Sic ipse carcerem sibi, & vincula*

*Imprudens Architectus extruxit.*

XXI.

*Denique medio in aëre visenda porticus stetit,*

*Et solidum ambulacrum supra Oceanum strauit:*

*In ea porticu miles obambulans,*

*Æstus tuos Neptune ridet,*

*Quos sub pedibus mori videt,*

*Ignes tuos Rupella spernit*

*Quos aqua diluit.*

*Relictus tamen est medio in aggere tolerabilis hiatus,  
Ne mare desperaret:  
Atque ut transeuntes per hanc labem procella,  
Rupellam admonerent,  
Cederet Regi suo libens,  
Cui natura cessisset:  
Nec recusaret compedes,  
Quas ipsæ procella admisisse.*

XXII.

*Cessisset iis monitis Rupella nisi rupes esset,  
Adhuc ab Anglis auxilium sperat,  
Nec videt hunc aggerem carcerem sibi,  
Anglis limitem esse,  
Nec transituras Anglorum acies,  
Quâ vix unda transire.*

XXIII.

*Geminum exercitum navalem Anglia conscripserat,  
Primus cum hunc aggerem tentare armis non auderet,  
Tentavit oculis:  
Promiserat Ammonam Rupellæ,  
Ostendit,  
Et fidem suam non famem alienam solvit:  
Venerat ut vinceret,  
Vidit nos inuictos esse, & fugit:  
Hæc fuga Rupellensis se Ræana iungatur,  
Testatum Anglia reliquit omnibus,  
Si vires manibus desuere,  
Non desuisse animos pedibus:  
Et si vincere in terra nesciret,  
Scire se in mari fugere.*

XXIV.

*Secunda Classis iis ignibus armata venit,  
Ut orbem incensura crederetur:  
Verum agger ignes non metuit, qui imperat Aquis:  
Atque id vnum Ludouici triumphis decrat,  
Ut post superatas cum terra Aquas,  
Quartum Elementum superaret.*

*Nec otiosus tamen hic secundus aduentus fuit,  
 Tardè ad suppetias Anglus venit,  
 Maturè ad exequias:  
 Vindex esse obsidionis non potuit,  
 Testis fuit deditionis:  
 Nec inutiles tamen Anglorum ignes fuere.  
 Præluxere Rupella exequiis,  
 Et triumphis Ludouici:  
 Ne sine numine id factum putes,  
 Anglorum ignibus Franci,  
 Diu ante candelabra parauerant.*

## XXV.

*Quid expectas infelix Rupella?  
 Disce toties superata semel vinci,  
 Iam te Elementa destituunt, iam natura deficit;  
 Quid sola rebellis expectas?  
 Nec te rerum vltima Regi tuo dedis?  
 Iam tredecim ciuium tuorum millia fames absumpsit,  
 Si longius resistis, breui hic te status excipiet,  
 In quo nec vinci poteris, nec seruari.*

## XXVI.

*Quis credat? post victa tria Elementa  
 Tandiu resistit, quamdiu quartum Elementum supersuit,  
 Et sufficere aërem putauit qui auihus ipsis non sufficit.  
 Denique corrupto peste, et morte aëre  
 Tunc desperauit, cum spirare vltra non potuit:  
 Quid primum admirer in ea victoria,  
 Vbi omnia miracula sunt?  
 An victoriæ annum?  
 Hic climatericus fuit,  
 Eo anno seruata est Rupella quo perire debuit,  
 An deditionis diem?  
 Victa est Cœlitibus omnibus sacro die,  
 Quæ omnes Cœlites execrata erat.  
 Sed pietatem Regis admirari placet:  
 Ille triumphantem in Eucharistia Christum,  
 Pedes tota vrbe prosequi voluit:  
 O Triumphum Cælo spectatore dignum!  
 Antiquos triumphos sequebantur Reges captiui,*

*Sequitur triumphantem Christum Victor, & pedes LVDOVICVS,  
Vix vnquam gloriosius triumphauit Deus.*

## XXVII.

*Admirare sociam pietatis LVDOVICI clementiam,  
Hæc cum iustam iram per tredecim menses collegisset,  
Iram cum Rupella vicit:  
Pepercit abiecta ad pedes Rupellæ,  
Dum eam calcare potuit:  
Nec viuis tantum hostibus pepercit:  
Libenter mortuos ad vitam excitasset,  
Vt omnibus ignosceret.*

## XXVIII.

*Obsignet hæc omnia mirabilis Aggeris illustris ruina,  
Hic Agger quem nec Rupella suis machinis,  
Nec Anglia suis flammis,  
Nec mare suis procellis euertere potuit:  
Hic Agger abeunte Rege sponte corrui:  
Vt probaret se solo eius imperio stetisse:  
Capta Rupella superesse noluit,  
Ne fideli noceret,  
Qui ideo tantum surrexerat  
Vt vinceret infidelem.  
Relicta est memorabilis valli pars exigua,  
Vt sciat posteritas quale hoc miraculum fuerit,  
Cuius adhuc reliquias Elementa reuerentur,  
Et ne vnquam rebellet Rupella,  
Dum ultimam ruinam minatur hæc ruina.*

## XXIX.

*Hic finis rebellis Rupellæ.  
Quis non post eam victoriam vincendi finem fecisset?  
LVDOVICO finis vnus triumphus gradus est ad sequentem:  
Dum captare quietem creditur, iam ad Alpes peruénit:  
Nec difficile arduas rupes conscendet,  
Cui ad ascensum Rupella substermitur.  
Obsidebat Casale Hispanus,  
Vt cadentis Rupellæ fragorem accepit è longinquo,  
Vt effracta Susa repagula audiuit è propinquo,  
Prudenter ei Victori cedendum putauit,  
Cui ipsa etiam natura cessisset.*

## XXX.

*Admiratus hanc victoriam Vates Romanus,  
Sudate, inquit, artifices foci,  
Et metalla in statuas animate,  
Si statua adhuc vocales non fuissent,  
Inciperent nunc primum his verbis loqui,  
Venit Iulius Caesar, & vicit quos vidit hostes,  
Venit Ludouicus, & vicit quas non vidit acies.*

*Admiratus hunc triumphum Poëta Gallus,  
Quale, inquit discrimen Anglos inter, & Francos  
Obsessa Rupella auxilio venere Angli,  
Videre obsessos fratres, non adinuere,  
Obsessi Casalís auxilio venere Franci,  
Obsessam urbem liberant quam non videre,*

## XXXI.

*Quid se eam victoriam ut spectarent,  
Noui apparueré Soles,  
Vix Alpium iuga LYDOVICVS ascenderat,  
Cum ecce sex Italian Soles illustrent,  
Quinque Roma numerabat,*

Ex Clau-  
dij Achil-  
lini libel-  
lo eà de re  
Regi in-  
scripto.

*Sextum adorabat Sufa,  
Sed huius sexti quinque alij Soles parelia erant:  
O nouum oculis sed maius ingeniis spectaculum!  
Quinque Soles apparent, vt maior solito numerus,  
Significet spectaculum supra naturam esse:  
Roma visuntur, ne quis de eo prodigio dubitaret,  
Quod credendum Roma proponeret,  
Media die in aëre consistere,  
Vt omnes oculos oblectarent,  
Per tres horas subsistere,  
Vt omnes aspectus satiarent.*

## XXXII.

*Quam pertinax malum barefis est!  
Ausu est Regi suo reluctari,  
Cui Alpium iuga cesserunt:  
Nec aduertit Ludouicum dum ad alta conscendit,  
Solo descensu posse rebellem obruere:  
Priuatim vrbs arte, & natura munita,*



*Obsidionis Regia laudem ambiebat :*

*Id affecuta est, ut ubi priuatum erat,*

*Nihil hodie nisi cadaver urbis, & priuatio sit.*

*Territum hoc supplicio Montalbanum*

*Vt primæ obsidionis memoriam aboleret :*

*Secundam expectare noluit :*

*Paruit urbs sapientissimis magni Cardinalis consiliis,*

*Spemque omnibus fecit,*

*Breui se Romano Pontifici credituram,*

*Quæ Cardinali iam credidit.*

*Nemausus hoc exemplo prouocatâ,*

*Munitiones nouas sponte destruxit,*

*Vt retineret antiquas,*

*Timuit arenæ suæ, & amphitheatro,*

*Ne ubi quondam fera luserant.*

*Ipsa rebellionis, & perfidiæ ludus esset.*

### XXXIII.

*Denique heresis citra omnem pretextum tunc paruit,*

*Cum nullas amplius arces pretendit :*

*Centum anni erant cum in hanc potentiam excreuerat,*

*Vno momento consenuit :*

*Gloriabatur trecentas sibi arces esse, totidem annis expugnandas,*

*Ludonicus totidem diebus eripuit,*

*Addebat posse se quinquaginta præliis cum Rege decernere :*

*Uno prælio victa est ne toties interiret.*

### XXXIV.

*Vix intra Galliam pax erat :*

*Cum Gallica arma iterum Casalis implorat;*

*Obsidebat Casale Spinola eâ rerum gestarum gloriâ,*

*Vt sola nominis fama captura urbem crederetur;*

*Et certe vicerat nisi cum Ducem opposuisset Ludonicus;*

*Quem æqualem sibi hostis ipse laudauit.*

*Dum vincere Annibalem Marcellus non potest;*

*Æquali vtriusque gloria*

*Casale vtrique diuisum est.*

*Tantique momenti urbs vna credita est;*

*Vt in altera eius parte,*

*Duo Reges triumphare se crederent.*

*Induciarum ea conditio fuit, ut nisi ad dictam diem*

*Armatus Francorum exercitus prælo esset,  
 Toto Casali excideret.  
 Adsuere audaces, & armati Franci,  
 Post victam famem, & pestem, & seipsos:  
 Veneratus fortunam Ludouici Hispanus,  
 Accedentibus ad Casale Francis,  
 Officiosè decessit è via,  
 Et dum depositam urbem restituit,  
 Non minus fidelem se, quam tenacem probauit.*

## XXXV.

*Eò gloriæ Ludonicus ascenderat,  
 Vt quò altius euaderet, post superatas Alpes non haberet:  
 Ausus est tamen morbus ad illud gloriæ culmen adrepere,  
 Scilicet id vnum Ludonico deerat, post omnia superata,  
 Vt de ipsa etiam morte triumpharet.*

*Tentaui eum Lugduni periculosus morbus,  
 Penè illic vitam exiit,  
 Vbi eam primum conceperat.*

*Vnde vigesimum voluebat ætatis annum,  
 Nec breuiorem vitam conquestus est,  
 Nec longiores annos optauit, sed æternos:  
 Mensis idem & dies erat quo lucem primum aspexerat,  
 Eum diem eodem vultu,  
 Et salutauit vt primum,  
 Et adorauit vt postremum.*

*Æquales tunc dies lucebant,  
 Nec mirum sol in cælesti libra erat:  
 Æqualis erat Ludonicus sibi ipsi,  
 Etiam dum Eclipsin expectabat.*

## XXXVI.

*Iacebat intereà afflicta mærore Aula Regiæ,  
 Et cum Rege suo tota Gallia laborabat:  
 Flere omnes,  
 Ille omnium lacrymas his verbis leniebat,  
 Quid fletis si eò pergo, ubi amplius mortalis non ero,  
 Regnum non amitto sed muto,  
 Nemini plus iuris in Cælo est, quam Regibus Gallia,  
 Illic lilia deesse non possunt,  
 Vnde olim venerunt.*

*Sed digniora cedro exempla quam verba,  
 Ignosci sibi ab omnibus voluit,  
 Qui neminem offenderat:  
 Generales conscientie rationes,  
 Apud Confessarium eâ seueritate posuit,  
 Vt iustus hoc etiam nomine videri possit.*

*Christum in Eucharistia,  
 Aspexit ut presentem,  
 Credidit ut latentem,  
 Excepit ut via ducem,  
 Adorauit ut eternitatis Regem.*

*Creduntur hæc omnia mortem terruisse:  
 Nunquam eam grauius poenituit,  
 Quam dum Ludonicum sic armatum tentauit:  
 Denique rediit ad sanitatem Ludonicus,  
 Reuixit cum eo Gallia,  
 Et mors ita territa recessit,  
 Vt diu speretur non reditura.  
 Viue, & de nostris Regi Deus augeat annos.*

Prosequi reliquam vitam Auctori non licuit.



## LVDOVICI DECIMI QVARTI,

### ADEODATI

#### ELOGIVM GENETHLIACVM.

**E**DERVNT primum nomen Parentes, & impetrarunt secundum:  
 Nec tamen dedissent primum, nisi Deus donasset secundum,  
 Non esset Ludonicus XIV. nisi esset Adeodatus.  
 Inter miracula natus est, inter vota conceptus erat:  
 Die Sancto Xauario sacra conceptus creditur,  
 Procurauerat Xauario honores sacros Ludonicus;  
 Procurauit Ludonico heredem Xauerius.  
 Orauerat sæpe Regina, & scuerat,  
 Et lacrymæ sæcundæ fuere,  
 Lacrymis suis seruntur Lilia.

Plini de  
 Liliis.

*Currente seculo natus est,  
 Ut totum cum Patre coronaret,  
 Mense Decembri in lucem editus est,  
 Ut mensis idem Parentibus, & liberis natalis esset  
 Ludonicus & Anna hoc mense in lucem exire,  
 Hoc mense inire coniugium,  
 Hoc mense Parentes fuere.*

*Nomis S. Victorino sacris in lucem prodit,  
 Ut nomen, & dies victorias prädiceret:*

*Horá de die undecima,*

*Penè dum nascitur meridiem attigerat:*

*Lucebat interea è Cælo signum Virginis,  
 Et Leonis ac Libræ rigorem temperabat,  
 Excipiebat hos influxus Ludonicus nascens,  
 Et generosis ac iustis spiritibus clementiam admiscebat,  
 Non potuit sub Astris melioribus nasci,  
 Nullum in ortu portentum est,  
 Nullum monstrum in Vita erit.*

*Plus tamen debet Ludonicus Deipara Virgini,  
 Quam signo cælesti:*

*Vix assumpta erat à Ludonico in Patronam Regni,  
 Cum Patrem fecit,*

*Adiuit oblatam hereditatem, & heredem dedit:  
 Idcirco inter Assumptam Virginem, & nascentem editus est,  
 Ut debeat nascenti vitam, & Assumpta coronam.*

*Timete hostes Galliam, si timetis Mariam,  
 Ex quo Ludonicus iustus denouit Maria Galliam,  
 Regnum Gallia est Regnum Maria,  
 Et Virgo Deipara est penè Regipara.*

## VOTVM PRO DELPHINO, VT SIT PARENTI SIMILIS.



*IVE, vale, & vince heroum purissime sanguis,  
 Et nostri fortuna cui: dum Te astra salutant  
 Progeniem venerata suam, dum publica vota  
 Cuique licent, votis vnum communibus addo:  
 Cresce Puer, Patremque tuis virtutibus æqua,  
 Nec possum tibi velle minus, nec fingere maius:*

*Cerne*

Cerne Patrem, Regesque omnes spectabis in vno;  
 Nec tamen impletur cunctis; versetur imago  
 Ante oculos tibi nota tuos, ne exempla require  
 Mortua, presenti viuunt in imagine Reges,  
 Maiores quam in se, ne quare per externa regna  
 Quod natale tenes, presens apparet Achilles,  
 Coram Casar adest, viuuntque domesticus Hector,  
 Gentiles in Patre tuo; sic splendet in vna  
 Pantarba gemma omnis honos, germana pyropo est,  
 Sed non tota rubet; credas viridem esse smaragdum,  
 Sed non tota viret, minor est carbunculus in se,  
 Maior in hac herede sua, quæ possidet vna  
 Quos aliis diues gemmis partitur honores,  
 Sed nullas ex asse beat; sic colligit omnes  
 Heroas Pater, & maior superaddit honorem:  
 Hunc Te equare decet, sic fies Gallicus Hector,  
 Sic iterum presens in Te visetur Achilles,  
 Sed tantum pars vna tui.

Et licet in Patris vultu spirantia viuunt:  
 Virtutis simulacra omnis; tamen eminet inter  
 Tot formas pietatis honos, amor amulus æqui,  
 Et virtus immota malis: sic nobilis Iris  
 Quamuis tota micet, nec opaca obnubilet vmbra,  
 Et nubes sit tota color; tamen anteit omnes  
 Caruleus, viridisque decor, flauique venustas,  
 Et triplex sit in arcu arcus; sic Patris in ore  
 Emicat omnis honos, tamen hæc tria lumina vincunt,  
 Fris in ore triplex: talem Te publica vota  
 Exoptant; cresce ergo Puer, virtutibus auctus,  
 Et patriis assuesce bonis non paruulus hæres;  
 Maturè propera, veloxque attinge Parentem  
 Vt possis Pater esse diu.

Non satis optauit, regalia crescite vota  
 Vt crescat per vota Puer, similem esse Parenti  
 Vovimus id magnum est, sed nunc maiora vouemus;  
 Vt maior sis Patre tuo; nec deprimam Patrem  
 Dum Natum attollo, non est ignobile vinci  
 Palmam à te dum victor habet, victoria nati  
 Vincentis sit palma Patris, communis virique  
 Crescit honos, gaudet vinci quia vincere fecit.  
 Ac velut in vacuo sol pulchra parelia format



*Luce suâ pictor, credas solem esse gemellum,  
Et dubium est, sitne ille Pater: spectatur imago,  
Nesciturque Author: duplex apparet & idem est:  
Si tamen Authorem pretiosa excedat imago  
Nulla Patri fraus est, superari in imagine gaudet  
Cui superare dedit, vincit quia vincit imago.*

*Tu quoque cresce Puer, nec magnum aquare Parentem  
Aut superare time: cresce, & crescetis uterque,  
Ille tua laudis confors, Tu sanguinis heres.*



# EDVCATIO REGIA

## LVDOVICI DECIMI QVÄRTI,

### AD EMINENTISSIMVM ECCLESIAE

### PRINCIPEM CARDINALEM,

### IVLIVM MAZARINVM.



AVIS Sapientiae Regiae Minister esse, quam Magister, (CARDINALIS EMINENTISSIME) imitatis eas stellas, quae circa Solem de nouo deprehensae appellantur comites Solis, & ministræ; eae lucem Solis è propinquo hauriunt, non tam tibi, quam orbi; propterea subtiles sunt ut radios Solis excipiant, fideles ne retineant, pellucidæ ut transmittant; ipsæ ministerio suo contentæ videri nolunt, ut per eas Sol videatur; sed dum non videntur separatæ, videntur coniunctæ; felices dum se cum suo Sole confundunt.

Nemo aprior est instituendo Regi quam Tu qui antiquæ. Sapientiae discipulus, Magister es nouæ; inuenisti nouam artem Sapiendi quam ipsa sapientia nesciebat; hætenus aliter sapiebant Itali, aliter Hispani, & Germani, confluisti ex pluribus sapientiis vnam, & fecisti Gallicam; miratur Italia sciri se à Galliâ, neque à se Galliam sciri; miratur Germania Gallos sapere Germanicè, nec tamen Germanos Gallicè; facit hoc ministerium tuum: Magister es Europæ, dum es Minister Galliæ.

O si Ideam Sapientiae tuæ dictare velles Mazarinè, quæ mysteria orbi detegeres! Da veniam si describo Ideam Sapientiae non satis similem tuæ, nemo Ideam Solis æqualem pinxit, nisi Sol ipse dum parelia facit; patitur tamen Sol alias imagines sui, & se libenter intuetur etiam dissimilem sibi: Agnosces forte in hac Idea mea umbram aliquam tuæ, amat

Sol umbras quas facit; felicem me putabo, si dum sol ingeniorum es, sim umbra aliqua Tui.



# EDVCATIO REGIA

LVDOVICI DECIMI QVARTI,

CHRISTIANA. ET POLITICA.

## PARS PRIMA.

### I.



GIS annum septimum LVDOVICE, & excedis; meretur ilios atas, tu atatem metiris, sequuntur te anni qui præcurrunt aliis, antecedis atatem virtute, sapis ante annos, & qui in aliis esset annus septimus, in Te est penè decimus quartus.

### II.

VI s ostendam tibi primos rationis radios quos iam vidisti? vis proponam futuram sapientiam quâ iam sapis? appello educationem Regiam Christianam, & Politicam, quia vterque esse debes Politicus, & Christianissimus; coniungo vtramque nec confundo, perfecit Deus virtutes politicas dum fecit Christianas.

### III.

DEVS REX EST.

ANTE omnes Reges est Deus, qui ut nobiles subditos haberet, fecit Reges; hic nunquam incepit Rex esse, & semper Rex fuit, hic ut hæredem Regni haberet, filium Regem genuit: vterque dum Regem se diligit amorem Regem produxit; sic intra Deum tres Personæ rognant, nec tamen sunt tres Reges: hæc prima lectio tua Ludouice, quam ut intra te discas, impressit illam intra te Deus; non eges Magistro ut Deum scias, Magister tui est intra te Deus, & Te intra Te facit Magistrum tui.

### IV.

QVALIS DEVS.

GERIT coronam Deus quam non accepit, nec debet alteri sceptrum suum, nec debet sibi; auctorem non habet, neque ipse est auctor sui; antiquissimus non habet originem, æternus non videt finem, infi-

nitus nihil acquirit, immutabilis nihil amittit, post omnia potest plura, scit aliquid ultra verum, amat aliquid supra bonum; ubique est sine loco, extensus sine spatio, præsens omnibus sine situ, mouens omnia sine motu: Deus est id quo nihil est melius, Deus Rex est, nec tamen Rex est Deus.

## V.

## REGES A DEO.

**I**MPRESSIT Deus aliquid sui Regibus ut penè sint Dij; humanum est quod cernimus, diuinum quod timemus, atque hoc appellatur Maiestas Regia: latet intra Deum Diuinitas & apparer; sentitur, & nescitur; vis definire Deum Rex est; vis definire Regem est personatus Deus: amat latebras Deus sed Regias; gaudet latère sub purpurâ, & premi se patitur sub coronâ.

## VI.

## REX SUM FRANCORVM.

**C**ÆTEROS Reges natura facit aut fortuna, Francorum Reges instituit Gratia: propterea è cælo Ampulla, & labarum venère donatiua gratiæ. Quales decet esse Reges Francorum quibus è cælo pluunt tot munera!

*Huic oleo mitis collum suppone Sicamber,  
Non aliis similis Regibus vnda pluit.*

Hæc olim Ludouico primo dixit Rhemigius, & prædixit decimo quarto.

## VII.

## SVCCEDO REGIBVS.

**A**VDIQ quid intra te dicas LVDOVICE, & si permittis explico: succedo Regibus sapientissimis, magna mihi imposita est necessitas sapiendi; hæres sum sanctissimorum Regum, virtus in aliis libera, in me est necessaria; Caroli, Philippi, Henrici, Ludouici Maiores mei sunt, & maiorem me volunt; idcirco dederunt vnde vincerem ut vinci possent: nec tamen hæc mea ambitio est victorem esse, satis mihi est non esse degenerem; nec degener ero, si similis sim, vel æqualis: & dum maior esse non possum, si non sim minor.

## VIII.

## SVCCEDO LVDOVICO.

**N**EPOS sum Ludouici Sancti, & filius Iusti, appellare potui vtrumque Sanctum, & vtrumque Iustum, sola ætas vtrumque distinguit non vita; vtrumque imitari volo, & si Sanctus esse non possum, ero iustus.

MATREM habeo ei similem quæ Ludouicum Sanctum peperit, & me format æqualem; nihil docuit BLANCH A quod ANNA non suggerat; & quod illa donauit, hæc restituit; plus aliquid tamen Matri debeo quam cæteri Reges: alij sanguinem debent, ego etiam lacrymas; viginti annorum lacrymis parturiuit me Mater, & votis peperit: liliorum hoc priuilegium est posse nasci è lacrymis.

## X.

## PATRVS.

PATREM mihi maturè mors abstulit, & reliquit; supplet Patrem fidelis Patruus, atque vt appareat amor & fides, partem aliquam honoris recusauit, & nullam oneris; Reginam ex lege Gallica Regentem esse voluit; ipse Regis gratiâ contentus Patrem mauult supplere quam Regem.

## XI.

## CONSANGVINEVS.

PARTEM alteram consilij ille facit, qui solus consilium implere posset; ille præterita nouit, & penè futura aspicit; ille obsequiis meis impendit seipsum & filium, vterque Aquilæ, & Leoni similis, nec Leonem amat, nec Aquilam, vt me amet.

## XII.

## MAZARINVS.

CONSILIARIAM habeo in MAZARINO Ecclesiam, & Europam; scit ille quid aperiant Clauæ Romanæ, & quid claudant, scit Europæ mysteria, scit Aquilam, scit Leonem, scit Apes, scit arma, scit Pacem, scit Reges & Principes; atque idem omnium Regum Magister esse posset, nisi vnus Minister esse mallet.

## PARS SECVNDA.

## I.

DELIBERANTIS naturæ Idea prima fuisse creditur de formando Rege, minorem se credidit; nisi Regem pareret, & post partum

*QUALIS ERGA NOBILITATEM.*

**H**Æc est Gallici Regis gloria plures numerare nobiles, quam multi Halij indigenas milites: Hi ad arma nati, aut alieno sanguine rubere amant aut suo; nulla fere est mundi plaga ubi non vicerint; Gallicus esset pridem orbis terrarum si hæc nobilitas semper pro Rege vicisset; Augenda est honoribus *LYDOVICE*, hæc nobilitas ad honores nata; quærendus illi hostis foris, ne inueniat domi: præeat illa Tibi semper, aut sequatur te; potes cum illa recuperare vtrumque imperium, quod olim fuit tuum.

## VII.

*QUALIS ERGA MINISTROS REGIOS.*

**M**INISTROS Regios eligi tales oportet, non tales nasci; meliores efficiet sapientia quam natura; Elige in illis virtutem, falli non potes si virtus seruiat; adde ingenium virtuti, satis illa non sapit si est sola: At Tu, Rex maxime, effice eos magnos ne velint crescere; nemo sit à quo sperent maiora, & quem velint maiorem Te: sciant se amari ne inuiti seruiant, sciant se videri ne fallant; dignus es cui purpura seruiat, etiam sacra; nulla est Eminentia quæ non sit Te minor.

## VIII.

*QUALIS ERGA POPVLVM.*

**F**RANCI sunt quibus imperas, amant libertatem quam donarunt orbi; id vnum nunquam didicere, iugum pati; sint primi inter populos dum Te faciunt primum; participant victoriis tuis, dum pro Te vincunt; ne sint miseri sub Te beato; crescant dum augent Te, & dum extendunt limites publicos, ne amittant suos.

## IX.

*QUALIS ERGA ECCLESIAM.*

**V**T Christianissimus esses quæsiuit Ecclesia oleum è Cælo, quo Te vngeret; collegit inter Altra flores quibus Te coronaret; donauit labarum sub quo Deus ipse pugnaret: addidit strumarum miraculum vt maior naturâ Rex esses; Nemo Ecclesiæ debet plura quam Tu, fac vt nemini plus debeat Roma quam Tibi: habeat apud Te ius Aſyli, inueniat intra Galliam alteram Romam; nec se exulem putet dum Tu illi Patronus, & Gallia Patria est.



*QUALIS ERGA EUROPA.*

**M**AIORES tui donarunt coronas, quas alij ambiunt; maluerunt populos habere fœderatos quam subditos; diuiserunt regna quæ confundere poterant, & cum facere vnâ domum ex Europa possent, maluerunt ex vna domo facere Europam; propterea tuum est tueri coronas quas dedisti, & tuum est seruire Regnorum limites quos olim fixisti: sciat se esse hostem Galliæ quisquis est hostis Europæ; tunc facti sunt Maiores tui Christiani orbis Patroni, cum noluerunt esse Domini.

## XI.

*QUALIS IN BELLO.*

**N**VLLVM Bellum honestum puta nisi sit necessarium; nemo Te hostem sentiat nisi nocens, & semper armet Te iustitia prius quàm vindicta: si bellum gerendum est, administret illud virtus non scelus: nolo Te victorem esse cum crimine: finiat victorias tuas hostis victus, cessa vlcisci post vindictam; nouum victoriæ genus est scire parcere: meretur veniam superatus hostis cum illam petit.

## XII.

*QUALIS IN PACE.*

**A**MA Pacem intra Galliâ; nullum bellum periculosius est quam Aciile: inuictus erit Francus quamdiu non vincetur à se: Ama pacem Europæ cuius es arbitet; nulli vult seruire nisi Tibi; nec Tu eam vis seruire, quam fecisti liberam: nec tamen otiosam pacem volo; necessarius est hostis Franco, ne fiat hostis suus: nec deerunt hostes dum non deerunt scelerati, quisquis est hostis publicus potest esse tuus.

**TERTIA PARS.***MORES REGII.*

**M**ORES Regij debent esse virtutes, cæteris hominibus singulæ ferè sufficiunt; pauciores Rex habet, nisi habeat omnes; implere non potest coronam vna virtus, nec regere sceptrum natura si est sola: nulli tamen virtus æque necessaria est ac Regibus Galliæ, facit eos Reges Dei Gratia; at hæc Regina est, & Gratiæ Aulicæ sunt virtutes.

FIDES

## FIDES REGIA.

**F**ECIT Deus nobiles fidei testes dum fecit Reges ; occultat se aliis Deus, Regibus se reuelat, sentiunt intra se Deum quem alij credunt, & fides in aliis cæca, in Regibus Gallix penè est oculata ; nemo tamen melior fidei testis est quam Reges Gallix : credunt alij miraculis, Reges Gallix miracula faciunt ; propterea fides in aliis libera, in Francis penè est necessaria.

## II.

## SPES REGIA.

**C**ADVCA esset Regum conditio, si semel tantum Reges essent : spectare debent alteram coronam post vnā ; & postquam delierint esse homines, adhuc erunt Reges : Nemo sperare plura potest in cælo quam Reges Gallix, & nemo iuris plus habet ; venit illis è cælo Auriflamma vna, & mansit altera ; florent etiam nunc lilia inter Astra : macte animo, **LVDOVICE**, post regnum liliorum potes esse Rex syderum.

## III.

## CHARITAS REGIA.

**A**MAT Deus Reges, & amari vult à Regibus, Deus vt nobiles amatores haberet creauit Reges, & solus amore Regum dignus est Deus : nemo tamen plus amatur aut amat quam Reges Gallix ; amarunt Deum Regum primi, & amabunt vltimi ; coronabit mundi vitam amor gallicus, atque eadem erit corona vltima quæ fuit prima ; Amavit te Deus **LVDOVICE** antequam esses, idcirco venisti in lucem tardante natura, vt donum esses gratiæ ; at gratia idcirco datur, vt amèris & ames.

## IV.

## PIETAS REGIA.

**A**LLOQVNTVR se duo Reges, cum Deus oratur, & Rex orat, placet Deo supplex purpura, & facile cælum audit preces coronatas : nulli tamen pietas promptior esse debet quam Regibus Gallix ; in iis ante virtutem ipsa ferè natura est pia : Inter tot Reges pauci minus boni, nulli fuèrè impij : Pepererunt Te vota **LVDOVICE**, vt parerent pium, lacrymarum & precum filius, potes à lacrymis appellari Pius.

## PRUDENTIA REGIA.

**V**IDERI debent à Regibus futura, dum alij vident præsentia: Atque hæc est prudentia Regia, studere futuris dum alij student præteritis; anteuertere euentus rerum, præoccupare res agendas, occurrere malis venturis, supplantare hostes futuros, pugnare ante pugnam, & ante quam vincas reportare victoriam: hæc debet esse prudentia tua **LVD OVICE**, anteuerte annos venturos, age antequam agas, absolue antequam incipias, & quidquid olim extra te futurum est, iam intra te fiat.

## VI.

## FORTITUDO REGIA.

**P**RIVILEGIUM Regum est nasci fortes; licet omnis sanguis concolor sit, non omnis tamen est æqualis; natat intra venas sanguis Regius, & plenus spirituum statim ut vivit iam Regem se probat: Nec ullus tamen sanguis generosior est quam Gallicus, nec ullus animosior quam tuus **LVD OVICE**; teneri non potuit statim ut lucem sensit; ebullit intra venas, atque ut pugnaret exitum petit; secunda fuit vena Infanti, roravit purpureo sanguine quæ vix in aliis maduisset lacte; quid facies post virum Ludouice, qui fortis eras ante puerum, teneri non poteris intra Europam, qui vix tenêris intra Galliam.

## VII.

## IUSTITIA REGIA.

**H**Æc virtus intra Deum tribunal habet, iudex est Orbis Deus, atque idem thronus Regi seruit, & iudici; hæc prima origo Iustitiæ; inde descendit ad Reges, quos Deus sedere nolle in throno nisi vellet esse iudices. Nulli tamen charior esse debet Iustitia quam Tibi, **LVD OVICE**, idcirco Patre iusto natus es, ut nascereris iustus; propterea servasti nomen Ludouici, ut retineres titulum Iusti.

## VIII.

## TEMPERANTIA REGIA.

**P**VILCHRVM est imperantem aliis, Regem esse sui; facit hoc Temperantia dum imperat libidini, & Regem regnare facit meliore parte sui: Quis cum Regem appellet qui seruit iræ, & amoris; turpe est extra se dominum esse, & intra se servum; id conare **LVP OVICE**, ut maior aliis non sis Te minor, nihil intra te serviat nisi pars inferior; sceperum gerat prius animus quam manus; corona prius rationem quam frontem;

atque imperaturus aliis, esto prius imperator Tui.

IX.

*HUMILITAS REGIA.*

**D**IGNVM Cœlo spectaculum Rex humilis sub purpurâ, & modestus sub corona; vulgare est sub sacco, & cilicio superbe non sapere; illud difficile, & heroïcum est sedere in throno, & humilem esse: Quam grata sit Deo hæc virtus ex eo collige, fecit se hominem Deus vt faceret humilem, & flere didicir, vt Deum celarer: Disce à Deo hanc virtutem, **LVDOVICE**, magnum te vult Deus, & humilem; nouum magnitudinis genus est, vnde decrevis, inde magnum esse.

X.

*CLEMENTIA REGIA.*

**H**Æc est virtus Cœlorum tonare nec lædere, vlcisci posse, & parcere, lædi injuriis hominum, & bene facere: sic agunt Planetæ & sydera, ludunt radiis, & vlciscuntur se beneficiis: altior est Planetis, & Sreclis hæc virtus, non alia est natura Dei quam Clementia, & benignitas; dum conderet Deus vniuersitatem rerum, partitus labores sex diebus requieuit septima die, quia inuenit cui parceret: Imitare hanc virtutem **LVDOVICE**, nemo est corona dignus qui nescit parcere, ille est corona dignus qui ignoscere mauult, quam punire.

XI.

*LIBERALITAS REGIA.*

**N**VLLA re propius accedunt ad Deum Reges quam liberalitate; non esset Deus nisi donare posset; neque vnquam dedit aliquid maius quam dum donauit Reges, quos idcirco facit diuites vt faciat liberales: natus es cum hac virtute **LVDOVICE**, dum à Deo datus es: propterea donum Dei es vt donare possis: existima hanc diem perisisse tibi qua nihil dederis: volo ramen Te liberalem esse non prodigum, da præsentis diuitias non futuras, inueniant Te anni sequentes diuitem vt inueniant liberalem.

XII.

*SCIENTIA REGIA.*

**I**NGENIORVM Te Regem esse oportet, non tantum corporum; nec ipotes regere ingenia nisi ea noscas, nec potes ea nosse, sine scientiâ, imitari te solem volo, illustrar' stellas quibus impetar, & prius est Rex radiorum quam syderum: dicant Te subdiri **LVDOVICE**, non doceant;

habeat Te Gallia Dominum & Magistrum; oculatum sit sceptrum tuum, videat quod imperat; neque apud Te Regem sit virtus ignara; experietur Te bellum Martem, & Pax Apollinem, vterque esse debes, vt feliciter imperes.

## XIII.

## CONSCIENCIA REGIA.

**H**Æc est Magistra Regum, & Domina; hæc intra Regem thronum habet dum Rex in throno sedet: hæc Reges admonet, hæc accusat, hæc laudat: hæc alloquitur purpuras sine rubore, hæc accusat coronas, & sceptrum non timet; hæc interest consiliis arcanis & publicis; hæc ostendit faciendâ, hæc examinat facta; hæc est quam nihil latere potest, quia quidquid latet intra illam est; reuerere conscientiam tuam *L V D O V I C E*, vt illa vereatur Te; neque illam celare aliquid potes; neque illa celabit Te: innocens es si illa non accusat, iustus es, si illa Te laudat.

DEUISES ROYALES, AV SACRE  
DV ROY LOVYS XIV.

## I.

Vne massuë d'Hercule.

*Et belli, & tessera pacis.*

## ECPHRASIS POETICA.



*VRMVR erat Superos inter qui traderet arma  
Alcidi, cui monstris terras purgaret, & orbem,  
Suppleretque Deos terris; ipse, inquit Apollo  
Arma dabo, splendentem arcum, celeresque sagittas,  
Et pharetram fato gravidam, tela ille vibrabit,  
Ipse oculos dextramque regam; Mars obtulit enssem,  
Et clypeum, fugiuntur ait, fugiuntque sagittæ,  
Hunc enssem mors nulla fugit; mea, Iuppiter inquit  
Progenies armanda mihi est; placet igne trisulco  
Hæredes armare manus, dumque ipse tonabo  
Æstra super, sub me ille tonet, Patremque Deosque  
Exhibeat terris, & tutum præstet Olympum,  
Securosque Deos.*

*O Pater, ô Diui meliorem sumite mentem  
Pallas ait, noui Alcidem, Alcidisque furorem,  
Si Martis gladium, si tractet Apollinis arcum,*



*Si patrium fulmen, postquam purgauerit orbem,  
Post domitos terrarum hostes, tentabit Olympum,  
Et Superis fiet peior Titanibus hostis:  
Arma tamen sunt danda homini, sed noxia monstris;  
Non Superis: nodosa mihi famulatur Oliva,  
Ex illa Clauam effingam, qua commoda belli,  
Et Pacis studiis viriusque inspiret amorem,  
Et Superis sit sacra Diis.*

*Assensere Di, mox grandi Pallas oliva,  
In Clauam versa Alcidem donauit inermem,  
Dum vino madidus frondente sub Arbore stertit,  
Pigmasque inter somnum vincere volentes  
Exterret flatu, & solo debellat odore:  
Euigilans ille, & plenam densa arbore dextram  
Miratus, sensit bellique & Pacis amorem,  
Agnoscentque Deam ex oleâ, dedit oscula Claua,  
Iurauitque fidem Superis.*

*Denique purgauit monstris horrentibus orbem,  
Restituit pacem terris, Cæloque pepercit,  
Et Numen post fata fuit.*

*Quam dedit Alcidi mendacem fabula Clauam,  
Hanc Tibi veracem Clauam tua Gallia tradit,  
Hanc Lodoice geres, erit hæc quoque cognita monstris;  
ET BELLI vindex, ET sacra TESSERA PACIS,  
Alcides Tu verus eris.*

## II.

*Vn Soleil formant des Parelies.  
Quos pinxit delere potest.*

## EPIGRAMMA.

**Q**UOS PINXIT DELERE POTEST, hæc Regia laus est;  
Possè sibi similes pingere, nolle pares.

## III.

*Vn Soleil couronné d'un Alo.  
Me nubila victa coronant.*

## EPIGRAMMA.

**I**NSIDIATA MIHI ME NUBILA VICTA CORONANT;  
Hostis erat qui nunc est diadema vapor.



# TROIS DEVISES

SVR LA MALADIE DV ROY  
LOVYS XIV.

I.

Vn Lys mourant sur son oignon.  
*Impediunt nec Regna mori.*

EPIGRAMMA.

**S***Uppositum calcat moriens flos Regius orbem,  
Nec florem IMPEDIUNT subdita REGNA MORI.  
Nec Te orbis, nec Te sceptrum Lodoice innabit,  
Ipse etiam morti subditus orbis erit.*

II.

L'œillet de Virgile languissant.  
*Nec iam Mater alit tellus.*

EPIGRAMMA.

**Q***Ualem Virgineo demessum pollice florem,  
Seu mollis violæ, seu languentis hyacinthi,  
Cui neque fulgor adhuc, nec dum sua forma recessit,  
NEC IAM MATER ALIT TELLVS, viresque ministrat  
Talis eras LODOICE, tua hæc languentis imago.*

III.

Vne Estoile qui semble tomber.  
*Frustra casura timetur.*

EPIGRAMMA.

**F***ixa est, & FRVSTRA cælo CASVRA TIMETVR,  
Stat globus, & firmo est insita globo.  
Tu quoque casurus frustra LODOICE timeris,  
Fixus es, & sato est Gallia fixa tuo.*

LVDOVICI DECIMI QVARTI,  
PERICVLOSE ÆGROTANTIS,  
PARÆNESIS AD FRATREM.



VDI Borbonides frater verba vltima fratris,  
Quo mea sit fortuna loco, quò vita redacta,  
Quid fuerit Regem esse vides: nec me arma tuentur,  
Nec victor miles: mors tela irridet, & arma,  
Et telis, armisque caret: datur vltima vite  
Linea, quam nulli fas est excedere Regi:  
Et Regum limes punctum est.

Hec est meta mei, repetit Deus ille coronam  
Qui dedit, hanc reddo & vitam: super altera vita est,  
Et melior: nec scepra illic, nec lilia desunt,  
Illa olim venere polo.

At Tu Borbonides frater succede coronæ,  
Mortali tamen, hanc centum gessere Parentes,  
Et centum amiserunt Patres: stat nobile Regnum,  
Et pereunt Regni heredes, & Tu quoque frater  
Cessabis quondam Rex esse, Tuique corona  
Non tu heres illius eris: Tibi commodat illam,  
Non illam donat propriam Rex publicis orbis,  
Francorumque Deus proprius: Te Gratia Regem,  
Et Regem facit ipse Deus.

Supple igitur regnando Deum, sac Gallia credat  
Intra hominem latitare Deum: sic scepra teneret,  
Sic ageret Rex ipse Deus: dum premia iustis,  
Dum pœnas statuis sceleri, timeatur, ameturque  
In Te ultor, iustusque Deus.

Audi iterum qualem poscat Te Gallia Regem,  
Pro-Regem vult esse Dei, similemque Tonanti,  
Non tamen æqualem: Regem me Gratia fecit,  
Nec potuit fecisse Deum. Tu te ergo minorem  
Credere Deo: constare potest ex puluere Reges,  
Et cinerem me penè vides.

Dixerat, & Cælo placuit reuerentia Regis,  
Paulatim vires membris rediere, colorque,  
Et Rex vicinus cineri sua funera vicit,

*Territa mors fugit iuuenem, nec sera redibit  
Ad Regem nisi forte Senem.*

LVDOVICO DECIMO QVARTO,  
OB REDDITAM SANITATEM,  
SOTERIA.



ABORAVIT tecum vniuersa Gallia, LVDOVICE, & tecum vniuersa conualuit; senserunt ætus tuos omnes populi, publicus fuit morbus tuus, & maculis febris tuæ omnis Aula purpurata fuit.

Quis esset priuatus omnium amor probauit amor publicus; nemo est qui vitam suam non vouerit vt seruaret tuam; perire voluit omnis senectus ne perires; obtulit omnis iuuentus annos suos vt augeret tuos; neque irritæ preces fuere; timuit mors vota tam publica, & pepercit vitæ tuæ, ne in vna vita omnes vitas extingueret.

Quis explicet affectus Reginæ Matris ægrotante Te, dedit illa lacrymas nec steriles; dicuntur lacrymis suis feri lilia, fleuit illa vt te conciperet, iterum fleuit vt seruaret Te; & Tu bis lacrymarum filius, bis illa Regina, & iterum Mater est.

Probauit fidem & sapientiam suam in hoc rerum cardine Minister Eminentissimus; stetit inmotus, etiam oppressus doloribus, sic egit auspiciis tuis quasi Tu ageres, diuinauit quid imperares dum siles, quid loquereris dum taces, quid velles si velle posses: auxit victorias tuas dum Tu penè vincereris à Te: prouidit securitati Regiæ & publicæ, fecit ne timerentur pericula Te periclitante; nec timuit præsentem fortunam, nec futuram, fidelis Regno futurus, etiam post Regis cineres.

Quis credat amauit Te hostis ipse, etiam dum vincitur à Te, indoluit ægritudini tuæ, & precatus salutem officiosis verbis, optauit vt viueres, & penè vt victor esses: scilicet adeo est amabilis virtus vt placeat hosti, etiam in hoste: Tu quoque amas virtutem in hostibus, neque vnquam intulisti bellum virtuti sed necessitati.

At Tu interea LVDOVICE, quo vultu aspexisti mortem penè præsentem? non excusasti iuuenem, & victorem & Regem: Agnouisti Te mortalem, maiorem aliis dum viuis, & æqualem dum moreris; dixisti sperare Te æternitatem non timere: superesse illic Regibus Galliæ alterum Regnum, nec deesse in Cælis lilia vnde olim venerunt; addidisti alia, & qualia sentire solent animæ è corporibus egressuræ; & visuses non tam loqui verba quam æternitatis oracula.

Nec

Nec longe aberas ab æternitate, quam vt inires purus purgasti animum à peccatis sine quibus non viuatur; sic expiatus impleuisti Te Deo hospes Dei; à mali breui videndum, & penè vidisti: micata mors hoc spectaculum, & territa fugit; non reditura ad Te nisi senem, quem iuuenem experta est immortalē.

Grande adiuisti periculum LVDOVICE, & prope fuit vt careremus Te; maturus eras æternitati, & volebat Te illa subtrahere tempori; magna æternitatis inuidia est perfecta virtus, & quidquid peruēnit ad summum festinat ad exitum: Annosum Te æternitas credidit dum merita vidit, & injuria erat reddere Te tempori, nisi esset erga nos beneficentia.

Restitutus ergo es LVDOVICE, non tam tibi quam nobis: Quantum amant Galliam Superi qui maturo ad cælum LVDOVICO, carere voluerunt, vt eum Galliæ iterum commodarent! Quantum amat Galliam LVDOVICVS, qui cū æternitatis metas attingeret, adhuc mortalis esse voluit vt Galliam redderet immortalē!

Nolo dicere quo euasuræ res erant si obiisses, malo dicere quo euadent Te bene valente, incipit nouos Triumphos sperare Gallia dum Te videt de morte triumphantem; nec Tu ob aliam causam vinci adhuc à morte noluisti nisi vt victorias de hostibus nostris absolueres; eos triumphos restituta tibi sanitas persuadet, quam Superi non reddidissent, nisi diuturnam esse vellent: nec diuturnam esse vellent, nisi Galliæ, & Europæ gloriosam esse decernerent.

## V O T V M PRO DELPHINO FUTURO.



*Hymenæe, ô hymen, non qualem fabula finxit  
Gentilem mentita Deum: sed quale Redemptus  
Proponit populis Ecclesia Sacramentum,  
Nexum hominis, nexumque Deis sub coniuge Verbo,  
Mortalesque inter sponfos durabile vinculum:  
Et nulli violandum homini: Te prouoco votis  
O hymenæe sacris! ades & connubia necesse  
Exoptata diu: pacemque & bella marita  
Coniugio sponzorū vno, plaudentia ducunt  
Astra choros, & quos sociali sœdere iunges  
Sunt stellæ, solesque duo: nec sola vouemus  
Gaudia, DELPHINVS votum est, & tessera voti:*



Hunc sacris concede thoris, & pignore magno  
 Tereſiam Matrem, & Lodoicum effice Patrem,  
 Et Reges centum Proavos: ſit imago Parentum  
 Filius, & ſimilis ſimilem demonſtret utrumque,  
 Et veteres demonſtret Avos: ſpectentur in vno  
 Permixon heroës, Galluſque, & ſanguis Iberus  
 Heroëm genereant, animos ex Matre trahentem,  
 Atque animos ex Patre ſuo: ſit liliger heres  
 Qualem BLANCHA dedit SANCTVM, qualem edidit ANNA,  
 Æqualem det uterque Parent: hæc gloria Patrum eſt:  
 Hæredes genuiſſe pares: ſit maior imago,  
 Hæc quoque laus Patrum eſt hæredibus eſſe minores,  
 Maioresque aliis: gaudent ab imagine vinci,  
 Et vincunt in Prole Patres.

Dixeram, & oppreſſis irrepſit ſomnus ocellis,  
 Et ſomnos induxit hymen: tum illuſtria ſpectra  
 Viſa mihi: ſtabant centum gemino ordine Reges,  
 Liligera gentis Reges, & gentis Ibera,  
 Ollis diſſimiles vultus, diuerſaque forma,  
 Maieſtas ſimilis: vidi Regalia ſceptra,  
 Et timui penè eſſe Deos: at tu optime vates  
 Ne timeas ſubruiſit hymen, commercia Pacis  
 Inter ſe Reges agitant, olim hoſtibus hoſtes  
 Nunc poſitis odiis vno certamine certant  
 Eſſe pares: maiora animis ego ſuggero vota  
 Eſſe vnos, atque eſſe duos: ſi ſanguis Iberus,  
 Et Gallus ſocij iungantur fœdere lecti,  
 Et magno coëant diuortia Sacramento.  
 Audi tractantes connubia Regia Reges,  
 Infantis, Regiſque ſacri: dum fœdera firmant,  
 Interea Regum vultus, animoſque latentes  
 Inſpiciam, & varios Piſtor miſcebo colores,  
 Umbraſque & radios, & pulchra in imagine pingam  
 Incluſos centum heroës heroë ſub vno.  
 Hic DELPHINVS erit, manibus da lilia plenis,  
 Dixit, & excuſſis ſomnum deterſit ocellis,  
 Euigilo admirans, & vota, & ſomnia narro:  
 Et vates ventura ſciunt.

# HOROSCOPIVS DELPHINI, EX PARENTVM ASPECTV.

**N**ON ego vos stelle, non vos interrogo Parca  
Delphini sors qualis erit, vos fabula vatam,  
Non Regum fortuna estis: sibi sydera Reges,  
Et Reges sunt Parca sibi: tamen astra tueri.

Si placet, Augustum est Mater THERESIA sydus,  
Tuque Astrum LODOICE Pater, vos nobile fatum,  
Vos Pueri fortuna estis: Delphinus vtrumque  
Ore, oculis, & fronte refert: Theresia tota,  
Totusque est in prole Pater, ne Gallia quere  
Delphini sors qualis erit, Matremque, Patremque  
Aspice, talis erit qualem miraris vtrumque.

At qualis quantusque Pater! spectantur in vno  
Quacunque heroës olim fecere beatos,  
Et que olim fecere Deos: olli ardua forma,  
Maestas capitis, radiorum innata corona,  
Et toto Rex ore patet: decepta videtur  
Natura humanos homini dum fingeret artus,  
Et pinxit sub Rege Deum. Quid corporis hospes  
Humanis oculis si mens diuina pateret?  
Quos animis, oculisque sui generaret amores?  
Inuitum traherent ad se Regna omnia Regem,  
Et posset satis esse vnus.

Coniugis est narrare tuas Theresia dotes,  
Illi tota places, vobisque placetis vterque:  
Tu tamen affectusque tuos, animique vigorem  
Totum impressisti Delphino, & Regia proles  
Reginam, Regemque refert: hæc Matris imago est,  
Illa tamen plus Patris habet.

Parue & Magne Puer permitte vt stamina vite  
Aspiciam, non quæ fatales nêre sorores,  
Finguntur mendace colu, sed quæ auspice dextrâ  
Et volente Deo, magni nêre Parentes:  
O quales video sortes! & qualia fata!  
Longæum aspicias olim Regnare Parentem.  
Exemplisque Puer discas regnare paternis,  
Et regnare voles: ne desint patria regna

*Antiquas repetes patrias, fuit orbis eous  
 Gallicus, & per te quondam vult Gallicus esse:  
 Iam captiua diu implorat Te Turcica luna,  
 Et solem vult esse suum, iam regia Memphis  
 Et Tyrus, & Solyma expectant, & Persicus ignis  
 Vult radiis lucere tuis, iam cerno cohortes  
 Liligeras, partim terris, totoque volare  
 Oceano, sed cerno alias Cælo ire cohortes,  
 Liligerumque Ducem, toto patet ore beatus,  
 Et nonum se prodit Anum: quæ verba loquatur  
 Non licet ore loqui, at vultu dextrâque loquaci  
 Ostendit terris palmas, Cæloque coronas.*

*Macte ergo generose Puer, tecum omnia pugnant,  
 Et coniurati Cælum Tibi militat armis.*

*Nec frustra natiua dies, & festa Beatis  
 Est natiua Tibi: nec inani nasceris hora,  
 Ascendente die medijs fastigia Cæli,  
 Et Sole incumbente tibi: Solemque decebat  
 Nascentis testem esse tui, Solemque orientem  
 Fraternis radiis & toto lumine vultus,  
 Et pleno illustrare die.*

*Cresce Puer Patri confors, Hoc tibi præstat  
 Sit sydas, satumque tuum: sunt tibi Parca,  
 Et Parca est, & stella Pater.*

## MOMMEDII CAPTI, PROSOPOPEIA.



*OMMEDI moles, & inexpugnabile Castrum  
 Ecce ruo, exemploque meo, illustrique ruinâ,  
 Inuictum nihil esse probo: mibi fundamentum  
 Immanis rupes, & præceps undique saxum  
 Vallum erat, & murus: rupem natura crearat,  
 Et castrum de rupe fui: sed maior ab arte  
 Fama mibi, victrix natura industria castrum  
 Adiecit castris, & primis noua mœnia maris,  
 Et circum turre, & propugnacula septem,  
 Lunasque, & luna bis sex fragmenta, nouumque  
 Imposuit montem monti: vix vlla per orbem  
 Arx erat exequanda mibi: secura sedebam*

*Intra arces Regina meas, grandique tributo,  
 Vicinos late populos, vrbesque premebam;  
 Et Reges olim, & Caesar mibi prada fuere;  
 Nec bene ab euentu maledicti nomina montis  
 Inuidia imposuit, victrix à Cesare victo,  
 Et felix dici merui; sed grandia liuor  
 Non minuit dum dente terit, iuuat umbra colores,  
 Et prosunt maledicta mibi.*

*Talis eram cum me audaces cinxere phalanges,  
 Principio rixi Gallos, & Gallica castra;  
 Tunc capiar dixi cum gens armata volucrum,  
 Ascendet per inane volans, nec inania dixi  
 Nam pennas & Gallus habet, vidi impete facto  
 Ire leues Gallos per pendula, & ardua montis,  
 Camiesque, & rupes, & precipitantia saxa;  
 Scilicet obstupui, & capere noua bella timere;  
 Opposui flammam, ignes, tormenta, globosque,  
 Obieci teli omne genus; per tela per enses,  
 Per flammam fecere viam, penè esse Gigantes;  
 Penè videbantur Diui, nisi vulnera, mortesque  
 Arguerent non esse Deos; post funera viuui  
 Pugnant tamen, aut egressè è corpore mentes  
 Bellum exercebant; minus est quod Græcia finxit,  
 Quam quod gesserunt Franci, mendacia vatum  
 Inuenere fidem, fuit olim fabula Troia,  
 Nunc est Mommedij historia.*

*Nec minus audaces pellebant moribus hostem  
 Dux, milesque meus; capta est, & sæpè recepta  
 Pars eadem valli, & turris, lunæque bicornis;  
 Quod passus totidem pugne, vestigia montis  
 Singula victori, & victo certata fuere;  
 Pugnarunt Elementa mibi, flammæque, globique;  
 Saxaque; quin etiam vt toti in mea tela patrent,  
 Neue legi possent, Francis se terra negauit;  
 Post tela effossi proiecti viscera montis,  
 Nec tamen impatis turbaui rupibus hostem,  
 Nec monte oppressi toto, totisque Elementis;  
 Per rupes, montesque, elementaque victa, volatu,  
 Aut saltu inuenere viam.*

*Denique naturam Franci vicissis, & artem,  
 Mommedium captum est, post insuperabile castrum  
 nuncium nihil esse potest: Rex maxime Regum*

*Ingredere in castrum quod sub te milite captum est,  
Et sub Te Duce, paucorum est ea gloria Regum  
Exemplo superare suo: mihi Regia laus est  
Regali cecidisse manu.*

# DEVISE SVR LE MESME SVIET.

*Des Lys naissans des fentes d'un Rocher.*

*Vbique seruntur.*

## EPIGRAMMA.

**I***N mediis saxi rimis, & VBIQVE SERVNTVR,  
Et saxum, & rupes est genitale solum.  
Scilicet hos flores terris quondam astra pluerunt,  
Et ne deficiant, semen vbique pluit.*



# ARAVSIO CAPTA. ELOGIVM.



**O***VVM victoria genus  
Obsidere oculis vrbes & capere,  
Sic obfessa est Arausio, & expugnata.  
Vrbs erat intra Galliam hostis Gallie,  
Receptaculum falsæ doctrine, & propugnaculum nouæ,  
Soror Geneuæ, & altera Caluini coniux:  
Audacem faciebant intra arcem vnam plures arces,  
Addebant animos fœderatæ vrbes, ne vinci vellet:  
Offerebant auxilia ne vinci posset,  
Venit LVDOVICVS vidit, & vicit.  
Nec dedecus est victam esse à Rege victore,  
Et Pacem admisisse quam admisit orbis.  
Redi Arausio ad fidem quam olim propugnasti,  
Gemina synodus tua damnauit antiquos errores.  
Damna nouos, & damnabis antiquos:  
Fefellit te nouus Pelagius,  
Falle nouum quæ damnasti antiquum.  
Falsa est fides de Deo, si est noua.*

## STA VIATOR, ET LEGE.

*Hic vbi mons nudus fuerat, castra ardua stabant,  
Arx ruit, & mons est, mons vbi nudus erat.*



## PROSOPOPEIA DVNKERKAE.



*N* loquar an sileam de me ludentia fata,  
 Et sortem Dunkerka meam? dudum alea belli,  
 Et dudum fortuna sui: ter capta, recepta,  
 Ter victrix, ter victa simul, ter amica, ter hostis,  
 Mutavi dominos dominis, atque hostibus hostes,  
 Atque inter tot fata steti.

*V*nde tamen laus ista mihi meruisse tot hostes,  
 Et Regum tot bella trium? quid denique sperant,  
 Quid de me tria Regna timent? tamen vna ruine  
 Hac est causa mea, veteris mihi gloria fame,  
 Et noua fama nocet: sedes mihi commoda bello,  
 Et Paci, statio externis malefida carinis,  
 Et secunda meis: fortis sine manibus essem,  
 Oceanus mihi pars muri: pars altera stagnum,  
 Pars effusa palus, hostilibus inuia castris,  
 Et Solis accessu auibus, populoque natantum.

*M*e tamen, & turrets, & propugnacula cingunt,  
 Et praecepta artes, intus defensor, & extra:  
 Et duplex Dunkerka vocor.

*H*ac seges inuidia est, per me tria Regna timentur;  
 Et per me tria Regna timent: per me arduus olim  
 Albiacae victor Caesar penetrauit in oras,  
 Et per me victor rediit: per me Anglia triplex  
 Nuper erat terror Gallis, & terror Iberis,  
 Et poterat metus esse maris: per me acer Iberus  
 Europa, & mundi fines terrebat utrosque,  
 Terror ego terroris eram: nunc Gallia per me  
 Non timet affines populos, populisque timendam  
 Causa facit triplex, soror est Grauelina Caleti,  
 Et soror est Grauelina mihi: nec me illa carere,  
 Nec consanguineâ possum ipsa carere sorore,  
 Antiquis Gallus titulis inhiabat utrique,  
 Nunc illam superatam armis, me possidet emptam:  
 Vna soror, pluresque sumus.

*N*unc ergo ad veteres dominos euicta reuertor,  
 Et qualis quondam fueram nunc Gallica fio:  
 Ne dominos olim mutem, sua iura Britannus

*Vendidit, admirans pactis consensit Iberus  
Dum tacuit; Gallus nummis præsentibus emit:  
Ipsa libens emor: & ne unquam me deserat emptor,  
Emptorem dum vendor emo.*



SERENISSIMÆ, POTENTISSIMÆ QVE  
PRINCIPI AC DOMINÆ

D. CHRISTINÆ,  
SVECORVM, GOTHORVM,  
VANDALORVM REGINÆ,  
MAGNÆ PRINCIPI FINLANDIÆ, DVCISSÆ ESTHONIÆ,  
DOMINÆ INGRIÆ.

### ELOGIUM.



ENISTI in Regnum natale tuæ Indoli, & penè sanguini, REGINA SERENISSIMA, tanta est affinitas inter ingenium tuum, & genium Gallicum vt non magis Suecia corporis tui, quam Gallia animi Patria appellari possit.

Tria in primis Te Gallicam faciunt, puritas linguæ, elegantia ingenij, & generositas Indolis.

Ac lingua quidem Gallica in Te adeo est pura, vt puriora non sint ipsa lilia; non illam corrumpit singultus, non hiatus non halitus, pronuntias verba molli ore non gutture; & accentus omnis virgineus est, & tamen masculus; nec tantum linguam calles, sed delicias linguæ, non mollius loquitur Aula non nobilius; didicisse linguam vidèris Parisiis, aut Blæsis non Stokolmij; quod admirabilius est loqueris Gallicè etiam Germanicâ linguâ, temperas austeritatem accentus suauitate Gallicâ; mirantur octo Nationes pronuntiari à Te verba quæ sciunt, & accentum quem nesciunt.

At nihil in Te magis Gallicum est quam ingenium; facile est, & subtile, amœnum & solidum, atque eæ ingenij dotes sunt Gallicæ; Gallica quoque est eruditio tua, dum amplectitur omnia: satis est plerisque ingenij scire pauca, vt credant se scire omnia: Tu id omne nosti quod pauci sciunt, & omne quod nesciunt: scis nouem Musas & posses esse decima; scis Palladem intus erudita, & foris armata; scis Herculem, & Apollinem & vterque te nescit; de Te verum est quod de illis est fictum, ver-

aces

races facis Poëtarum fabulas, & in Te figmenta sunt vera.

Illustrius est ad laudem ingenij tui quod adjicio, emendasti fabulas dum legisti; reuclasti quod tegebant, purgasti quod corruperant, eruisti mysteria ex mendaciis, & sacras literas ex profanis: ex Poëtis progressa ad Patres Græcos & Latinos hausisti veritatem ex fontibus ipsis, deprehendisti errores tuos, & tuorum, & Magistra Tui ex mala aliorum fide veram fidem collegisti.

Ingeniosa in exploranda fide, generosa fuisti in amplectenda; hæc quoque generositas Gallica est; emisti regno integro, & tribus coronis seruitutem Christi, secuta es nobilis exul veritatem fidei ex patriâ tua exulantem, quæsiuisti illam apud Cathedram Petri vnde olim in Sueciam venit; mirata est Italia nouum spectaculum, Reginam per calcata diademata ad fidem properantem, & capta toties à Gothis Roma gauisa est Gothiam venisse in Regina captiuam.

Et nunc reportas in Patriam exulem fidem, cris illic Magistra veritatis vbi olim Regina fuisti, facies illic Carolum fidelem quem fecisti Regem; credent populi Reginæ Christianæ qui crediderunt Christianæ, & Tu popularibus tuis cris rediuiua Brigitta, & noua Catharina.

Perge igitur nobilis hospes, & Augusta Regina, non amisisti Regnum sed mutasti, nec minuisti tria diademata sed auxisti; nouo titulo Regina es dum Regnum spreuisti: nemo melius coronam meretur quam qui deposuit; nemo dignior est throno Regio, quam qui ex throno sponte descendit.

Perge Regina per Galliam amicam tuæ familiæ regnum, expectat Te Reginam Regina Mater, expectat Christianam Rex Christianissimus, fecit Te Roma Christianam, facere Te Gallia potest Christianissimam.

## DE VISES SVR LA REINE DE SVEDE.

### I.

*La Gerbe de Suede.*

*Terræ retinacula soluit.*

### EPIGRAMMA.

**H**ÆREBAT, TERRÆQUE SEGES RETINACVLA SOLVIT,  
*Nec Te Terra, triplex nec diadema tenet.*

### II.

*Vne Nacre depouillée de ses Perles.*

*Exuvius suis heret honos.*

### EPIGRAMMA.

**E**XVVIIS SVVS HÆRET HONOS, & diues, & orba est,  
*Gessit, & amissum nunc quoque stemma gerit.*

## III.

Vn Lys dépouillé de ses feuilles.

*Adhuc in stipite regnat.*

## EPIGRAMMA.

**E**Xcussit flores, & ADHVC IN STIPITE REGNAT;  
Quod superest, sceptrum floribus esse potest.

## IV.

Vn Lys sur son oignon.

*Subiectum possidet orbem.*

## EPIGRAMMA.

**S**UBIECTVM non impositum flos POSSIDET ORBEM,  
Calcas Regali subdita sceptrum pede.

## V.

L'Etoile Polaire attirant l'aimant.

*Vis arcana trahit.*

## EPIGRAMMA.

**V**IS ARCANA TRAHIT, tacitumque inspirat amorem,  
Et Tu sponte trahis proxima regna polo.

\*\*\*\*\*

HENRICI BORBONII  
PRINCIPIS CONDÆI.  
EPITAPHIVM.

STA VIATOR VBI PRINCEPS STETIT.



Editabatur heroem natura dum hunc Principem fecit,  
Dedit ingenium regium dum dare sceptrum non potuit;  
Nobilissimus Principum, eruditissimus Regum fuit,  
Europam quasi familiam, orbem quasi urbem scivit:

Intus eruditus, foris armatus:

Palladem equavit, & Martem,

Vicisset omnia, si victorias ingenium daret non fortuna.

Expertus sæpe utramque fortunam,

Sub adversa sapere didicit, sub prospera docuit:

Virtutes ut nobiles faceret, omnes principes fecit,

*Hareſeon boſtis, nonorum dogmatum aduerſarius fuit:*

*Conſilij Regij primarius Adminiſter,*

*Si dicebat primus omnes ſententias rapiebat,*

*Si ultimus ſapè omnes mutabat.*

*Denique principem vitam clauſit principe morte:*

*Accuratas vite rationes poſuit apud hominem iudicem:*

*Et vitauit iudicem Deum, dum præuenit:*

*Veniendi in Euchariftia Chriſto præmiſit principes filios,*

*Quaſi honorarios aulicos:*

*Ipſe ita Deum excepit quaſi uideret, non crederet:*

*Et nunc quem Viator coluit, adorat poſſeſſor.*

*Obiit anno Ætat. 59.*

**ABI VIATOR, ET MORI DISCE.**

*Mors neque Regibus parit, nec Principibus.*

## ITER GERMANICVM ANGVYENI DVCIS.



**Q**UIS iſte pugnandi ardor trecentis milliariis quærere hoſtem quem ferias? quæ audacia currere vltra Galliam, vt pro Galliâ vincas? quæ celeritas opprimere hoſtem, cum centum leucis abeſſe te putat? ſic currunt planetæ & ſydera, ſic deuolat ex aëre fulmen, & dum adhuc in nube tonat, iam terras verberat.

Sic iuiſti, ANGVYENE, penè velocius quam ire te dixi; anteuertiſti famam, & quæ aliis præcurrere ſolet, vix potuit te ſequi: veniſti ante nuntios tui, vidit te hoſtis improuiſum & volaſſe te credidit; nec diu poſt dum pugnantem te ſenſit miratus eſt Francos, & tam leues eſſe dum premunt, & tam graues dum opprimunt.

Vix in Germaniam perueneras, & iam cum hoſte pugnas: ſcilicet hæc longi itineris quies, nouus labor; hæc recreatio pugna; hic ludus victoria; ſic detergis ſudorem viæ dum mutas in ſanguinem, ſic excutis puluerem Gallicum dum in hoſtem projicis; quid facias his militibus quos centum leucæ diſponunt ad pugnam; fabulam eſſe Germania diceret, niſi Anguyenus hiftoriam hoſtili ſanguine obſignafſet.

Cæperat Friburgum hoſtis gemino exercitu militum, & arborum; poſt captam urbem vicinum collem vallauerat cæſâ ſyluâ, ne quis niſi volatu perueniret; ibi incluſerat victoriam ne tranſiret ad nos; ibi



inaccessum se putabat Francis nisi deuolarentè Cælo: Quis credat? per omnia clausa Franci inuenêre viam, per impeditas arboribus arbores, per fossas, per valla, per aggeres, aut saltu, aut volatu transiêre; atque introgressi collein strauerunt obuia quæque, aut in fugam verterunt.

O nouam pugnandi rationem, & nouam vincendi artem! opprimere hostem antequam sentiat, prostertere priusquam resistat, obruere antequam se colligat; collegit se tandem pars numerosi exercitus, redinregrauit pugnam, & tu victoriam; post cæsum hostem, & victum permisisti urbem fami, & pesti, & dum ad maiora pergis, vtraque pugnauit pro te, & suppleuit absentem.

Multi vincere, pauci victoria vti sciunt, scis vtrumque Anguyene, vicisti primam victoriam altera, & vtramque tertîâ; perrexisti eadem celeritate quâ veneras, deduxisti victoriam per omnem Rhenum, vix ille plures vrbes alluit quam Tu cepisti; probabat olim hic fluuius Gallos nudos, nunc probauit armatos.

Philippopolis æmula Brisaci, Domina Rheni, clauis Imperij, digna erat decennali obsidione, decem diebus expugnasti; ceperat eam Suecus vndecim mensibus, Tu diebus; contraxisti annos, & menses; æquales facis horas diebus, & ferè velocius agis, quam loquantur alij. Increpauit Vienna tarditatem famæ nuntiantis obsidionem post victoriam; dum rediit, inuenit tot vrbes captas, vt nuntiare Viennæ timuerit; vix audeo ipse percurrere singulas, dum vnâ describo plures cepisti.

Spira, Vormatia, Moguntia tres vrbes, & tres Prouinciæ præuenêre victoriam ne experirentur pugnam; maluerunt te victorem quam hostem, agnouerunt in te Proauos Reges, ostenderunt tibi antiqua lilia, veneratæ noua; miratæ sunt respondentem Latine, & triumphantem Gallicè: inter admirationes publicas salutarunt Te Gallicè, & præbiberunt Germanicè.

Cessasti inuitus recedente anno, quem si inchoare maturius aut extendere longius licuisset, reparasses anno vno iacturas plurium seculorum, reddidisses Ludouico quod diuisere Ludouici, restituissets Galliam vbi olim Gallia erat; distinxisses Regna linguis, & quisquis Gallicè loquitur Gallus esset.

Hæc sunt præludia tua Anguyene, vbi alij quiescerent; ascendis per magna ad maiora, & primum vestigium tuum aliorum fastigium est; impleuisti seculum duobus annis, prælusi Rocroyum, Theonvillæ, hæc Friburgo hoc Philippopoli, hæc aliis vrbibus; debellares breui Europam, si singulis annis tot vrbes caperes, & breui metiretur per Te Ludouicus orbem, si ita curreres.

# ATREBATVM CAPTVM, SVB LVDOVICO XIII.



*C*APIENDVM iactabatur Atrebatum cum à muribus feles caperentur s  
Scilicet non nisi per cuniculos penetrari vrbs poterat, & penè per mures:  
Penetrarunt tamen urbem Galli, & ceperunt s

*Et puto si terra viam negasset, iuissent per aërem:*

*Circumuallabant urbem Galli maiori urbe:*

*Circumuallabat Gallos hostis ampliori aggere:*

*Obsidebat exercitum unum alter exercitus:*

*Et Gallus inter hostem & urbem medius erat, & obsessus.*

*Quis non putares eum exercitum capiendum, qui iam erat captivus.*

*Quis non crederet enecandum fame, cui deerat unde viveret:*

*Et tamen vicit exercitus qui credebatur victus,*

*Idcirco medius inter hostem & urbem, ut utrumque vinceret:*

*Ex duodecim commeatibus undecim inuenire viam, aut secere s*

*Trahebant singulos tria currum millia, nec retineri potuerunt s*

*Dicerem volasse per aërem si currus, & equi alas haberent.*

*Denique suffossa mania subterraneum muribus iter secere:*

*Ii sunt armati mures, qui ex fato ceperunt feles:*

*Speſtante hoste deditio facta est, ut esset illustris s*

*Eodem teste obſignata est, ut esset stabilis.*

*Nec tamen hostibus laus sua neganda est, fecerunt fortiter, sed minus feliciter:*

*Pugnassent felicius nisi inſatis fuisset, ut Ludovicus vinceret.*

*Vt ſcias Cælum militasse Ludovico:*

*Dies Laurentio ſacra fortunata tunc ſuit, quæ olim fatalis fuerat:*

*Ea die altaria Iulii ornabantur ex veteri celebritate, ut ſauèrent noua:*

*Miſſa Regia canebatur, venit Ludovicus ut aſſiſſeret.*

ABI VIATOR, ET CARMEN HOC LEGE.

*Inſtituta hoc ſeculum eſt, ſua iura Europa requirit,*

*Atrebatum recipit Gallia, pignus erat.*

# ATREBATVM SERVATVM, SVB LVDÖVICO XIV.



*E Atrebato quasi de Imperio duo Regna certabant s  
Pendēre ab vna vrbē credebatur libertas, multarum urbium:  
Conuolabant ad victoriam septem Nationes vincendi cupida:  
Iamque inter eas hoc certamen erat, quā prima vinceret:*

*Præerat exercitui Princeps Ducum primus,*

*Si pro suo Rege pugnasset,*

*Intra urbem pauci milites erant, sed omnes herōes:*

*Iam circumuallata vrbis erat alterā vrbē:*

*Jam triplex linea solo volatu superatūdi erat:*

*Iam putei circumfossi irruentibus equis naufragia:*

*Iam interfixi pali repagula erant, aut præcipitia:*

*Iam opus lunare captum & receptum,*

*Iam penē dirutum, & adhuc inuictum erat:*

*Eheu talibus assultibus superari poterat Turrica lūna.*

*Denique imminuto obsessōrum numero, non tamen animo,*

*Capiendum Atrebatum timebatur, & fama iam ceperat:*

*Hæc est gloria tua Ludouice, seruasse urbem penē captam,*

*Hæc gloria Francorum victores esse penē iam victos:*

*Hoc dedecus hostium triumphasse ante victoriam,*

*Hoc probum cepisse Atrebatum intra Romam,*

*Et amisse intra Galliam.*

*Ne quere quā arte seruatum sit Atrebatum,*

*Miraculum fuit virtutis, & prodigium fortitudinis:*

*An transilierint lineas Galli, an transuolarint incertum est:*

*An ausugerint hostes, an euolarint æque ambiguum:*

*Illud certum est transisse Francos per præcipitia,*

*Effugisse hostes per naufragia,*

*Luisse utrosque per inuia.*

*Captum est aut casum quidquid euolare non potuit:*

*Vt citius fugerent, multi fugere seminudi:*

*Relictus est exercitus sarcinarum pro exercitu hominum.*


*Denique Atrebatum seruatum, & iterum Gallicum est.*

*Nunquam obsidendum post hanc hostium fugam:*

*Nunquam euincendum post hanc Ludouici victoriam.*

## ABI VIATOR, ET LEGE.

*Viciſſus Galli, tamen eſt ſua gloria viciſſus,  
Penè negat viciſſos nobilis ordo fuga.*



# CASALE TER SERVATVM,

## SVB LVDOVICO XIII.



VLLA vrbs ſapius tentata, nulla ſapius ſeruata fuit:

Toties euasit, vt non immerito appelletur Caſale Euaſij.

Obſideri captum eſt cum Ludouicum Rupella occuparet,

Creditus eſt accurrere non poſſe quem Rupes retineret:

Vicit Rupellam Ludouicus præſens, & Caſale ſeruauit abſens:

Audiuit hoſtis aduentare Regem, & famam non tulit:

Venit Ludouicus, & vicit hoſtes quos non aſpexit.

Alteram obſidionem tentauit Spinola, cui vrbs omnis Caſale erat:

Capere vrbes docuerat, niſi Toëraſius ſeruare docuiſſet:

Inter inducias mori voluit, vt inuiſſus obiret:

Nec tamen inducie excluſerant malum, ſed ſuſpenderant:

Ludouicus Lugduni decumbens ſperauit ſalutem Caſalia, cum deſperares ſuam:

Exercitus Gallicus ſub tribus Mareſcallis oſtendit ſe Hiſpanis, & vicit:

Tertia obſidio tota hyeme apparatus erat, vt eſſet vltima.

Iam argenteus lituus deditionem popoſcerat, quaſi deſperata vrbs eſſet,

Iam circumductâ foſſâ caneatur ad cytharam clades ſuiuras

Interea accurrit Harcurtiſ, pugnavit, & vicit,

Atque hæc audacia temeritas erat, niſi viciſſet:

Nunquam maioribus animis pugnatum eſt, nec maioribus æmulis:

Dixiſſes rediſſe heroum certamina, niſi hoc maius eſſet:

Nullibi grauiores Hiſpani, eodem in veſtigio mori voluere:

Perierat integer exercitus ſi Hiſpanus fuiſſet:

Ne futura cladis ſigna extarent, reliquerant Valentia:

Nec tamen ſine vexillo periére:

Quotquot Hiſpani occiſi ſunt, totidem fortitudinis inſignia fuére:

Neque alibi Franci leuiores ad pugnam, & grauiores ad victoriam:

Incutrebant in hoſtem, irrumpebant in caſtra,

Fuére qui aggeres tranſuolarent, cum tranſilire non poſſent:

Fuére qui deicelli tertia pugná, quarto volatu tranſiére:

Fuére qui pugnauére membris alienis, mutilati ſuis:

Fuére qui ſtetiſſe poſt mortem,

*Et pugnasse post vitam crediti sunt :  
Ipse hostis pugnasse se cum demonibus dixit , ne heroës diceret.*

ABI VIATOR , ET LEGE.

*Hæc est tergininâ clara obsidione Casalû ,  
Ter fuit excidio proxima , terque stetit.*







# LIBER QVARTVS. ELOGIA EMINENTIA.


EMINENTISSIMO ECCLESIAE PRINCIPI,  
CARDINALI DVCI

ARMANDO RICHELIO.  
EPISTOLA SAPIENTIAE.



ON facile iudicium est plusne debeas Sapientiae, quam illa Tibi, CARDINALIS EMINENTISSIME, experitur illa in te quid tota possit, hoc ipsum ei debes quod te elegerit, in quo ostenderet quid tota posset: obtulisti capax ingenium quod impleri posset: infudit se illa totam, nec minor est hospitio quia immensa, nec maior quia hospitem inuenit æqualem; sic DIVITIS LOCI facta est inquilina Sapientia, quia amavit diuitias nominis tui, & locum ingenij: vocarem Te compendium Sapientiae, nisi se totam explicaret in te; appellarem discipulum, nisi ubique sapiendi artem doceres: Sub LVDOVICO Galliam sapere docuisti non inuitam, sub eodem hostes Galliae sapere cogis vel inuitos: decolorasti externas Sapientias quia fucos deterfisti; timeri per te desierunt hostes Galliae quia coeperunt agnosci; docuisti nec tam religiosos esse, qui id efficiunt quod in aliis arguunt; nec tam graues, quos toties fugere compulisti, nec tam tenaces quibus tot provincias eripis: miratur orbis umbram esse quod timuit, & eruditus à te nunc demum videt nihil magnum esse quod sola fama magnum est. Placet proponere aliqua Sapientiae tuae ænigmata nisi tu ea factis explicares: hætenus præterita scire, nec falli in præsentibus tota rei politica doctrina erat; coëpisti ubi alij desierunt, versaris in rebus futuris, & dam alij præ-

terita discunt, tu futurarum rerum historiam scribis, quia facis. Vt eam efficias percurris orbem tetra- rum consiliis tuis, ubique præsens quia ubique consulens; numeratas habes omnium Nationum opes, ostendis quid singulae possint, addis ingenium tuum ut posse velint; partiris agenda omnibus, mirantur singuli laborare se in patre operis, dum tu in toto ludis: idcirco immobilis in orbe, quia orbem moues. Per ea populorum bella pacem quaeris, quâ tunc potiturum orbem doces, cum liber erit, tunc erit liber cum seruitutem non metuet, tandiu seruitutem non metuet, quamdiu Ludouicus Europæ Arbitet, & Armandus Minister erit; hæc pars aliqua Sapientiae tuæ, dicent partem alteram Academiae.



## EIDEM EMINENTISSIMO CARDINALI ACADEMIAE.



**E**XTRVIS Academias quia ipse omnium scientiarum Academia es, CARDINALIS EMINENTISSIME, sed pulchrior est ea quam mente geris quam quæ extruitur foris; laudatur in ea octauum miraculum, sed in te primum; describi illa potest quia potuit extrui, ea quam animo geris omnibus ingeniis maior est, & tamen te minor.

Mirabilis sanè Academia in qua omnis humana Sapientia habitat, nec tamen impleret te nisi accederet diuina; vtrique locus est apud te tam capax, ut miretur Sapientia contineri se totam vno ingenio, nec in angusto esse quia **DIVES LOCVS**, & penè immensus est: Hactenus se in partes Sapientia diuiserat, nemini obtigerat tora; ille sapientior habebatur, cui pars maior obuenerat; inuenit in te hospitium æquale sibi, habitat apud te omnis antiqua eruditio, & adhuc locus est nouæ.

Hactenus in singulis ingeniis singulae fetæ artes solitariae erant, ne vna excluderet alteram, si essent plures; propterea Theologia inculta, Philosophia barbara, Mathematica vacua, Eloquentia eneruis, Ethica sterilis, Politica imbellis erat; inuenerunt in re vnde se omnes perficerent; in re Theologia eloquens, Philosophia elegans, Eloquentia mascula, Mathematica solida, Ethica efficax, Politica genetosa, in te singulae scientiae se corrigunt quia in re inueniunt Magistrum.

Noua laus, sed erudita Magistrum esse sapientiae quæ aliorum Magistra est; docere antiquam sapientiam, & inuenisse nouam; scire quod præteritæ ætates nescierunt, erudire præsens seculum, proponere futuris annis vnde sapiant; eo euexisse sapientiam quò nunquam ascenderat, fecisse diuites scientias ne vnquam egeant, fecisse eminentissimas ne vn-

quam iaceant, & cum omnium Magister esse possis, sub Ludouici Sapientia non nisi discipulum esse vel Ministrum.

Quod admirabilius est ipsi hostes Galliarum ex te sumunt exempla sapiendi, æmuli gloriofi, & inuiti discipuli; mirantur præsciri à te consilia sua, penetrari quod occultant, præueniri quod excogitant, & quidquid decernunt faciendum, iam à te esse factum: coguntur imitari quod docere mallerent; vtuntur sapientia Gallicâ, discunt à Gallis maturitatem quam olim docuerant; conqueruntur inuersas esse sapiendi vices, & sub te Magistro Gallos euasisse graues, & se leues; talem oportebat esse Cardinalem Ecclesiæ, & Ministrum Galliarum; tali sapientia opus erat, diuinâ vt oracula Dei exciperet, humanâ vt imperia Regis proponeret, fideli vt vtrique seruiret, generosâ ne hostes timeret, erudita vt Europam instrueret; probauit amorem suum erga Galliam Deus, dum talem Ministrum ptouidit, probauit sapientiam suam Ludouicus dum talem elegit: nec mirum si res Gallicæ feliciter fluant sub auspiciis Christi, sub imperiis Ludouici, sub consiliis eius Ministri cuius sapientia orbi regendo par esset, nisi Ludouico parere mallet.

\*\*\*\*\*

## EIDEM CARDINALI DVCI, FIDELITAS.



VND E M in re Politica locum amat fidelitas, quem fides in re Christiana: Dux CARDINALIS, reddidisti huic virtuti locum suum dum Eminentissimus Ecclesiæ Cardinalis fecisti fidelitatem Cardinem vitæ tuæ; nec extolli à te sublimius poterat fidelitas quam comparari fidei, nec eminentiorem polum spectare quam Ludouicum, dum fides tua aspicit Deum: ij duo cardines vitæ tuæ Deus & Ludouicus; imo nec duo cardines quos eodem oculo spectare potes: vides vnum in altero, vtrique seruis dum vnt; nec diuersum exigit vterque obsequium, quia commune est vtriusque præceptum; si diuersa essent vtriusque imperia, nolles placere huic vt displiceret illi, nolles fidelitatem tuam esse regiam nisi esset diuina, nolles fidelis esse si fideli tuæ aduersari posset fidelitas tua; audiatur orbis miraculum fidelitatis, nolles fidelis esse Ludouico si peccandum esset, nollet Ludouicus te fidelem esse si peccares.

Nec facio iniuriam fidelitati tuæ si eam cæcam appello, dum fides ipsa cæca est; ignoras tua & te ipsum vt Ludouicum scias ignorares; tuos si Ludouicum nescirent; audeo dicere quod tu auderes facere, ignorares Galliam si Gallia Ludouicum ignorare posset.

O cæcam sed perspicacem fidelitatem tuam! in eo similem fidei quod utraque cæca, & oculata est, cæca est fides dum non videt quod credit, oculata est dum hoc ipsum videt credi debere quod nescit: Et tua fidelitas idcirco oculata est quia cæca, idcirco maxime Ludouicum videt quia præter eum nihil videt; nemo eum melius nouit quam Tu, quia nemo ultra eum intuetur minus; aspicias ipsum solum ut videas totum; hoc vnicum studium tuum studere vni, hæc fidelis sapientia scire Ludouicum, & nescire teipsum.

Ita tamen studes Ludouico Domino, vt simul studeas Ludouico Magistro, discis à Ludouico quod doceas, & sub eodem Magistro gaudes te habere collegam sapientiam! Non antecedis ergo nutus Ludouici sed sequeris, non præfers lucem sed accipis; agnoscis Ludouicum solem esse, te stylum; accendit ille diem Gallicum tu ostendis, designat horas tu indicas; percurrit orbem, tu assistis; perlustrat vicina hemisphæria comitaris; fidelis sanè stylus qui cum diem illustrare posset, mauult ostendere; mauult umbra esse quam radius, atque ex tot splendoribus solis sui, nihil assumit sibi nisi stylum umbræ, & umbram styli.

Denique vt fides inter pericula & mortes, & sanguinem crescit; ita & fidelitas tua, toties parata sanguinem pro Rege fundere vt tu sæpè purpuratus, & plusquam semel Cardinalis appellari possis; verum vt fides damnis crescit, tu quoque creuisti periculis, & dum Ludouicus ascendit ultra victorias, Tu fidelis Minister ultra inuidiam, & supra pericula euasisti.

## EIDEM CARDINALI DVCI, MYSTERIVM POLITICVM.



Oc Tu ipse Mysterium es, CARDINALIS EMINENTISSIME; aspicit Te Anglia nec agnoscit, legit te Germania nec intelligit, studet tibi Italia, nec te capit, explorat te Hispania, nec detegit, meditatur Europa Te, & te nescit: Mysterium es.

Pates omnibus & lates, sentiris & nesciris, occultus & publicus, negotiosus & vacuus, absens & præsens, otiosi vidêris vbi es, negotiariis vbi non es; moues Europam, & quiescis, exerces omnia ingenia, & ludis: Mysterium es.

Permitte vt te legam quia liber publicus es; non attingam eos mysterij gradus qui latent, euoluam eos tantum quos experientia publicos fecit vt paterent; nec tamen omnes numerabo, quia omnem calculum su-

perant præter tuum: imo neque tu ipse omnes nosti, quia Tu ipse te totum non capis.

Primus mylterij gradus infimus est, & supremus; cœpisti vbi alij ante te Ministri Regij desierunt, rudimentum ingenij tui est quiddid in aliis fuit summum; collegisti sparsas per singulos sapientiæ diuitias, & inde cœpisti diues esse; debes illis primum gradum sapientiæ tuæ, debent illi incrementum suæ; viuunt in te singuli sed minores te; vigent in te omnes sed tantum pars tui; apparet in te omnis antiqua sapientia, & tantum est basis nouæ; non rejicis superiorum ætatum sapientiam cuius *DIVES LOCVS ES*, sed eam primum gradum fecisti vnde posses assurgere: Mylterium es.

Inde progressus eò assurgis quo alij nunquam aspirarunt; eò euehis sapientiam quo illa nunquam alcenderat; dubium tamen est an præcat illa Tibi, an Tu illi; præire videris, & illa sequi, si tamen non præit sapientia quomodo ascendis sapienter? simul ire vos puto, aut vicissim præire; ducers & ducis, illustras sapientiam, & illa prælucet; doces illam & discis ab illâ; mutua doctrina est & alterna disciplina; Itis tamen & vias nouas detegitis quas ipsa sapientia nesciebat; idcirco noua est sapientia tua quia nunquam fuit antiqua; idcirco est tua quia nunquam fuit aliena: Mylterium es.

Hic secundus mylterij tui gradus supra alios sapientes; tertius ferè est supra te ipsum: parum est tibi superasse alios nisi vincas teipsum, euadis vltra Te victor tui, excedis hodiernam sapientiam, cras superaddis nouam: crescit illa in dies, non inuenis finem sapiendi, quia non inuenis finem Tui: exèris vires ingenij tui, excogitas noua principia sapiendi; ex illis deducis alia, eò sæcundior quo plura parturis; exhauris omnia nec exhauris te, maior omnibus & semper te minor; quæris aliquid post omnia, & occurris tibi, quæris teipsum vltra te, & dum attigisti fines rerum nondum attigisti limites Tui: Mylterium es:

Siste tamen aliquando, *RICHELI*, excedis omnes, excedis teipsum; eò ascendisti quò neque iuère Maiores, nec sequentur posterì; si pergis ascendere, periculum est ne cum excesseris omnia non possis te sequi: Mylterium es.

Et sistis, & descendis ad opus, specularis vt agas, quiescis vt moueas, moues vt quiescas; inde illa consilia formidata hostibus Gallia, & amata Gallis; anteuertis hostium consilia quia ingenia nosti, metiris ingenia quia excedis; scis eò progredi posse, scis non posse excedere; impedis ne eò veniant si excessum times: expectas dum venerint si progressum rides; sic eludis insidias quia detegis; sic euitas pericula quia emendas, sic supplantas facienda quia prior facis: Mylterium es.

Ita tamen detegis aliena consilia vt occultes tua, sumis ea ex rebus su-




turis, ne hostes videant, sectaris vias quas ignorant, aggredieris quâ parte non expectant; mirantur hostes ignorari à se consilia tua, reuelari sua, impediri se ne agant, retineri ne currant, inuadi ne impetant, supplantari ne decipiant, superari ne vincant; miratur hostis pati se eamala quæ parabat nobis, armari in se suos, quos armauerat contra nos; diuidi Prouincias suas, qui nostras diuiserat, vinci se vbique, qui vbique triumphabat; atque hæc fieri consiliis tuis: *Mysterium es.*

Neque hic finis *Mysterij* tui, septimus eò subtilior est quò aperior; exeris partem vnâ sapientiæ, & alias suppressis, ostendis digitum, & subducis manum, apparet effectus, & causa nescitur, sentitur plaga, nec videtur dextera, magnum est quod ostendis, sed maius quod regis: *Mysterium es.*

Quod admirabilius est partiris sapientiam temporibus, occupas iam vnâ partem, mox alteram, diuidis eam negotiis, nunc sublimiter, nunc populariter sapi; aptas eam Nationibus, aliter sapi Hispanis, aliter Italis; atque hoc fallit hostes tuos, putant videri à se sapientiam Gallicam, vident Germanicam; spectant popularem, & ignorant sublimem, credunt esse totam, & particula est: *Mysterium es.*

Vt subtilius sapias mutas partes sapientiæ, nec mutas sapientiam, turbas ordinem sapiendi non artem; ostendis eandem partem, & eandem regis; educis eandem & apparet altera; eadem est, & diuersa, vna & multiplex, occulta & publica, particula est, & tota penè Europa hac particula sapit: *Mysterium es.*



## IVDICIVM EVROPÆ,

DE MORBO CARDINALIS DVCIS RICHELII.



LABORAVIT tecum Gallia & penè Europa, CARDINALIS EMINENTISSIME, publicus fuit morbus tuus, senserunt tumorem brachij tui omnes manus, & vno abscessu omnis penè orbis intumuit.

Sed non idem de te omnium sensus fuit, doluerunt tecum omnes boni; extulere caput vitia laborante virtute, apparuerunt in te amores & odia populorum, speravit victoriam hostis si brachium Galliæ defecisset; inchoarant de te homines malæ fidei tragœdiam, fecisti comœdiam dum lato exitu actores fescellisti.

Placet percurrere affectus Nationum, & conualescenti tibi exhibere fabulam quam Tu ipse fecisti.

Primus affectus Galliæ fuit; hæc si res gestas aspiceret amabat

authorem, si res futuras dolebat esse mortalem: quis aiebat retinebit fortunam Galliæ cui Richelius trabs erat, & Cardo ne caderet? quis prosequetur victorias nostras, & reparabit iacturas? quis euoluet eas artes quibus Europam implicuit? quis anteuertet hostium consilia ne priores sapiant? quis præoccupabit agenda vt desit quod agant? quis inuitabit populos ad libertatem? quis ostendet quid possint? quis adiuuabit vt posse velint? quis eadem fide exequetur imperia Regia? quis æquali sapientia Minister erit Galliæ, & Magister Europæ?

Longe alius erat de Te hostium sensus, ex iis qui boni sunt optabant te citò beatum ne tu eos miseros efficeres; iidem precabantur tibi æternitatem ne tu totum hoc seculum Gallicum faceres; qui minus boni erant, paulo asperius de te sentiebant; hic vouebat vt diu male haberes, & gloriabatur vouere se bene; ille vnus Prouinciæ iactura mortem tuam emeret, ne tu plures Prouincias superares.

Fallor dolebant de Te etiam hostes tui; laudabant te exteri populi etiam subinuiti, fatebatur Hispania ægrotasse tecum sapientiam, Italia industriam, Germania fortitudinem, Anglia fidelitatem: magna vis est, & mira virtutis, extorquet etiam ab hostibus laudes sui; nec verius elogium esse potest quam quod ab hostibus venit; non assentatur hostis dum laudat, nec mentitur dum id tantum dicit quod extorquet veritas.

Hic erat de Te Europæ sensus, Richeli, exercuisti populorum iudicia dum exerceris; probasti Te Cardinem Galliæ dum nutans omnia succussisti: agnouimus Te solem ex Eclipsi, & Tu quàm salubre sydus esses, nunquam probasti melius quam dum æger fuisti.

Omitto aliorum læticias vt explicem gaudia Ludouici; triumphauit gaudio Ludouicus te conualecente, quo bene valente toties triumphauit; non iucundior ei nuntius accidisset; recuperatæ alicuius Prouinciæ quam valetudinis tuæ, in quâ tot recuperandæ Prouinciæ vertebantur; visere te non videre voluit Ludouicus, & ardens amore tui, occurrit vltro valetudini tuæ, quam venientem expectare non potuit. Quam suauis illi amplexus Regij: aperire poterant sinum vlcis si nondum paruisset; quam gloriosæ laudes illæ Regiæ, & publicæ: quam fidelis illa responsio tua, recusaturum te vitam nisi vt eam Ludouico consecrares: nec ingrata vox illa militaris inter amplexus vestros, benè valete ambo, & nostris ensibus cætera permittite.

Restitutus ergo es RICHELII non tam tibi quam Regi; reuixit Gallia te valente, quæ te ægrotante laborabat; gratulantur tibi omnes boni, gratulantur nobis hostes etiam irati, & gaudent de te etiam qui te timent.

Id vnum precamur omnes, parce tibi, & nobis RICHELII, age lentius vt diutius agas, moderare vires ingenij tui; vt ere parte tui, & non te toto; satis est particula vna sapientiæ tuæ, vt per eam omnis Europa sapiat.

EMINENTISSIMI PRINCIPIS ECCLESIAE  
CARDINALIS DVCIS  
ARMANDI RICHELII,  
TESTAMENTVM CHRISTIANVM.



ATHOLICVS fide, Cardinalis dignitate, Minister Regius munere, reddo rationes publicas vitæ meæ, & conscientiam explico coram Sole, vt legi ab omnibus possit quod Sol ostendit.

De fide mea id testor, idcirco purpuratum me credidi vt fidem tuerer; obfignassem eam libenter meo sanguine, & maluissem hac secunda purpurâ rubere quam primâ; hanc volui esse cardinem vitæ meæ, hanc secutus sum Duce[m] etiam cæcam; nec tamen in me cæca penitus fuit, cò ferè ingenio attingi quò fides præiuit, sciui penè quod credidi; nec tamen credidi quia sciui; pluris feci cæcam fidem quam oculatam sapientiam, & plus ignoranti mihi credidi quam videnti.

Quid fecerim pro fide diuina testari potest fides humana; abstuli hæresi trecentas arcas, ne esset rebellis; auerti aliena auxilia ne esset infidelis, eripui arma ne esset hostis, emendaui mores vt fidem corrigerem, conciliaui animos Regi vt Deo subjicerem, erudiui conscientias, tentauit libertatem; cò redegi hæresin vt quæ vim timebat cogi iam velir.

Nec minus extra Galliam Catholicus fui; prius egi cum fœderatis de Religione Germaniæ quam de libertate; vtriusque me Patronum professus sum, excepi Ecclesias à lege armorum, docui politicum esse bellum non Ecclesiasticum; si quid detrimenti passa est Religio, ille non intulit qui prohibuit.

Cardinalis amaui Ecclesiam Romanam vt matrem, & Gallicanam vt filiam; illius alumnus, huius Patronus, illius iura, huius priuilegia tueri volui; sciebam quid Gallia deberet Romæ, quid Roma Galliæ, mutuos est amor, & alterna beneficia; seruiui vtrique dum seruiui vni, & quidquid addidi Galliæ, addidi Romæ.

Nec nocet Aula Ecclesiæ, nec Ecclesia Aula, neutra decolorat alteram quia vtraque est purpurata: administraui Galliam vt Ecclesiam, seruiui Ecclesiæ dum seruiui Galliæ: ij duo Cardines vitæ meæ Ecclesia & Gallia, Deus & Ludouicus; imo nec duo poli, quorum vnum in altero semper vidi; noluisset me Gallia ministrum si peccassem in Ecclesiam, noluisset me Ecclesia Cardinalem si peccassem in Galliam.

De me

De me ministro id tertium testor, volui ministerium meum Christianum esse & politicum; conciliaui utrumque, quia me Ministrum putavi Regis & Dei; sciebam Regem Galliarum esse Ludovicum, & Regem Ludovici esse Deum; imitari volui Providentiam Dei quia Regnum Galliarum est Regnum Providentiæ; exploravi quod præiret Deus, huc sequi volui; neque antecessi nutum Ludovici sed observavi; neque attuli lucem sed accepi: inde illa felicitas mea sub utraque fortunâ; neutra cæca fuit quia Deus utrique præluxit; neutra temeraria quia prosperam dedit Deus, & correxit adversam.

Hæc gemina virtus ministerij mei, fides erga Deum & fidelitas erga Ludovicum: de utraque id asserere possum, nihil prætuli Ludovico nisi Deum; utrique studui, utrumque sciui, & penè utrique credidi: hæc duplex regula vitæ meæ Deus revelans, & Ludovicus imperans; agnoui utrumque ut Dominum & Magistrum; didici ab utroque quod docerem, atque ut essem Minister orbis, prius fui discipulus Dei, & Ludovici.

Ut fidelis essem Ludovico imitari volui iustitiam Ludovici; de qua id testari audeo, penè offendi alias virtutes ne offenderem iustitiam; time-ri volui ut amaretur Ludovicus; severus in paucos fui, ut essem omnibus bonus; nullius tamen hostem me putavi nisi esset hostis Ludovici; amavi iustitiam non vindictam; nihil egi nisi iustum quia Ludovicus nihil imperavit nisi rectum.

De cæteris virtutibus id vnum dico; amavi omnes quia omnium ministerium me credidi; didici omnes vel docui, & dum Ludovicus virtutes omnes facit regias, feci omnes purpuratas; ob eam causam Eminentissimus esse non renui, ut virtutes extollerem; idcirco Cardinalem me putavi ut eas fulcirem; propterea aulam non fugi ut eas in aulam inducerem; inde illa sanctitas utriusque aulae, prima Regia, altera Ecclesiastica, utraque aula virtutum fuit.

Hæc de virtutibus; de honoribus id profiteor, admisi dignitates non ambiui; mereri eas volui prius quam assequi; nec tamen post meritum honores admisissim, nisi ut honorarem Ludovicum; honorificum est Soli coronari radiis, pertinet ad maiestatem oceani derivari in fontes nec imminui: Idcirco Dux, Par, & Cardinalis esse non recusavi, ut sciret orbis qualis & quantus est Ludovicus, cuius radius, & riuus fuit Richelius.

Et nunc eos honorum titulos æquè depono libenter, atque gero: tam facile morior Cardinalis quam homo; sciui sub purpura mortalem fuisse me, quia sciui me esse hominem; assuevi æternitati intra tempus, atque ut mortem fallerem mori cœpi adhuc vivus; captus sinistro brachio dex-



trum obtuli morti & vulnere; circumductus gestatorio ferculo, assuevi feretro quasi lecto; destitutus usu dexteræ, deosculor dexteram Dei; vidi me per partes mori, & didici morituros.

Et nunc vivus, & moribundus testor sub Ludouico Christianissimo fuisse me ministrum in omnibus Christianum.

## EIVSDEM TESTAMENTVM POLITICVM.



**A**BITVRVS è vita vera dico eo momento quo nemo mentitur; vicinus æternitati quasi æternus loquor: Audi posteritas verba penè ultra vitam prolata, & vera; lege testamentum penè ultra tempus scriptum ne fallat, penè intra æternitatem, ne pereat.

Electus in primarium Regis mei Ministrum, id primum intendi vt Regem meum facerem Regum primum; volui Christianissimum esse & Potentissimum; volui primogenitum esse Ecclesiæ, & Europæ; volui esse iustum vt sua orbi restitueret, & orbem sibi.

Hæc prima mea cogitatio Maiestas Regis, altera magnitudo Regni: inueni Galliam minorem seipsa, decreuerant omnia præter linguam; hæc quoque excedebat Galliam, & erat Gallica: populi olim pars Galliæ negabant se esse nostros linguâ nostra; Galli erant & hostes Gallorum; armabatur Gallia in seipsam; utebatur hostis nobis in nos ipsos; & victus & victor Gallus erat; idem fortis in alienam gloriam, & perniciem suam.

Hic igitur ministerij mei scopus, restituere Galliæ limites quos natura præfixit, reddere Gallis fratres suos, addere Galliam Galliæ, & linguam linguæ; confundere Galliam cum Francia, & ubicunque fuit antiqua Gallia, ibi restaurare nouam.

Tria se opponebant votis meis; obsistebat Gallia ipsa hostis sui; obstabant hostes Galliæ, ne Gallos haberent æquales sibi, vel maiores; obstabant finitimi populi, idcirco amici externæ potentiæ, quia non poterant esse hostes.

Vt perrumperem hos obices, conciliaui Galliam sibi, ne intra se hostis esset; occupavi hostes domi, ne bellum gererent foris: ostendi sociis libertatem, & coëgi aliquos, etiam inuitos, esse liberos.

Duo mala male habebant Galliam, hæresis, & libertas; emendauit vtrumque malum Ludouicus armis suis, & consiliis meis.

Primum malum adeo excreuerat, vt intra vnum regnum censerentur



plura regna; tolerata à Regibus Religio, legitimum Regem vix tolerabat; ex ducentis arcibus securitatis, totidem effecerat propugnacula rebellionis: intra centum vrbes, centum conflarat respublicas; intra Rupellam incluserat rebellionem & seipsam: inde imperabat mari, inde necessebat fœdera cum hostibus Galliæ; inde partiebatur auctoritatem Regiam, & ne vni Regi parêret, pluribus dominis seruiebat.

Aggressus sum hoc monstrum quod alij ante me Ministri irritare metuebant; expugnauit Rupellam Ludouicus, & intra vrbem vnam omnia elementa vicit; recepit trecentas arces anno vno, & singulis ferè diebus triumphauit: intra Galliam superauit alterum Regnum, & bis Regem se fecit; & ne quis de pietate causæ dubitaret, pugnavit armis Ludouicus, & Deus miraculis.

Alterum Galliæ malum erat libertas, amabatur Regia dignitas non potestas; timebantur subditi, & peccabant vt timeri possent; emebantur obsequia quæ gratis debebantur: redimebantur auro offensiones suppliciiis dignæ; attribuebantur pensiones ne quis rebellis esset; libertas erat conscientiarum, & necessitas criminum; leniebatur malum muneribus, & crescebat lenitate.

Vt mederer huic malo volui amari Ludouicum Pium, & timeri Iustum; volui imperium esse penes vnum, & penes omnes obsequium; volui deberi amorem Regi, non emi; volui aurum virtutis præmium esse non sceleris: volui fidelitatem necessariam esse, non liberam; volui obedientiam oculatam esse, ex parte imperantis, cæcam ex parte subditi.

Post erectam maiestatem Galliæ deprimenda erat maiestas externa, quæ tot annis Galliam deprefferat: dux res fundabant hanc maiestatem externam, consilij grauitas, & Regni potestas.

Aded sanctum erat maiestatis externæ consilium, vt illud virtutes omnes componere crederentur; præsidebat Religio consultationibus vt eas consecraret; assistebat sapientia vt illas erudiret; comitabatur fidelitas, vt eas tegeret, & tunc tantum reuelabantur facienda cum erant facta.

Perturbauit externam sapientiam dum arcana detexi; reuelauit mysteria quæ nondum tlexerant, euulgauit consilia quæ nondum ceperant, præoccupauit agenda ne inciperent; obieci res factas ne faciendas decernerent; supplantauit consilia dum materiam subtraxi: docui artem sapiendi, quam hostes nesciebant; mirati sunt doceri se à Gallia, quam ipsi semper docuerant.

Alterum externæ Maiestatis fundamentum erat potentia; hæc maiestas oriri intra fines suos videbat solem & occidere; hæc eos mundos inuenerat quos Alexander cogitabat; hæc tribus orbis partibus quærant patrem, & veteri mundo addiderat nouum: Ex eo orbe nouo tantum metallorum exportabat, vt rarius ferè autum esset vbi nascitur, quam

vbi venditur: eo auro emebat Prouincias, aut obligabat; amabant populi hoc metallum, vel timebant; eo primum amicos, deinde socios mercabatur; nulla ferè Societas erat, cui non commodaret, quod deinde repeteret.

Nullibi tamen studiosius miscebat hoc venenum quam intra Galliam; eo auro corrumpebatur fides subditorum, tentabatur fides Nobilium, sollicitabatur amicitia hæreticorum; & quorum displicebat fides, eorum emebatur fidelitas; vernalis erat magna Galliæ pars: hæc si empta esset, vernalis erat Europa.

Vt mederer huic alteri malo, diuisi hanc externam potentiam ne semper cresceret: interrupti commercia, ne semper emeret; ingressus sum Patriam ipsam, & inueni fortiorem foris esse quam domi: emi ipse vrbes aliquas, mercatus sum Prouincias; vici quod non potuit emi; & nunc auctior Gallia bona parte sui, ostendit quid acquisierit, & quid hostis amiserit. Nec Galliam tantum auctiorem feci, sed affines adiuiui: deferebant Galliam socij, quia eos Gallia deferebat; siebant amici hostium, ne serui essent; emebantur promissis, onerabantur titulis, & omnis hæc amicitia honesta seruitus erat.

Ostendi Europæ libertatem dum ostendi Regem, fortem vt amicos protegeret, iustum ne aliena retineret; amicum vt gratis beneficus esse veller; ostendi Italiæ Galliam tueri velle quod dedit non repeteret; ostendi Germaniæ liberam esse posse, si neutra esse veller; ostendi Electoribus quis eligi posset, & quis eligi noller; ostendi Protestantibus placere eorum libertatem non fidem; obtuli Angliæ amicitiam si amari veller, & amare; obtuli Lusitaniæ portum intra Galliam, & Galliæ portum intra Lusitaniam.

Sic correxi timorem orbis dum ostendi quid timeret; sic docui superari posse quod victum est; sic obtuli libertatem gratuitam, dum ostendi Ludouicum Patronum Europæ esse velle, non Dominum.

Perge LVDOVICE vt cæpisti, absolue victorias quas inchoasti; ostendi quo progredi posses, & vbi desinere; ostendi aliena nunc regna, & quondam tua: ostendi quid debeas Europæ, quid illa Tibi; quid possis repeteret, quid illa reddere: quid sit alienum, & quid tuum.

Accipe LVDOVICE hunc librum quem Tu ipse dictasti; habes in priore parte artem belli quam ex Te desumpsi; habes in altera parte Ideam Pacis quam ex te didici; habes in tertia parte exemplar Regis quod ex Te Rege descripsi: habes vbique artem Ministri Politici, quem Tu ipse formasti.

# ARMANDI RICHELII

CARDINALIS DVCIS

## EPITAPHIVM SORBONICVM.

STA VIATOR, ET LEGE.




IC jacet ARMANDVS RICHELIVS, Cardinalis Dux:  
*Abi Viator in vno nomine Epitaphium legisti,*  
*Redi viator, audi aliquid minus quam legisti.*  
 Hic oriundus à Regibus, aut pro Regibus ortus fuit:  
 Futuræ Magnitudinis signa adhuc Puer dedit:  
 Et parvus etate iam erat sapientiæ DIVES LOCVS,  
 Alumnus Sorbonæ implevit eam ingenio, eâ tota non plenus:  
 Propugnauit in ea Theses, breui ipse mundi Thesis futurus:  
 Romam profectus Paulum V. ex Papa Prophetam fecit.  
 Ostendit se qualis erat, & visus est qualis esset futurus:  
 Redux exhibuit Romam Gallie, qui Galliam exhibuerat Romæ.  
 Henricus Magnus appellabat Præsulem suum, idest magnum:  
 Et facturus erat si vixisset, qualem fecit LVDOVICVS:  
 Electus in Ministrum Regium, inde incepit vbi alij deserunt:  
 Superauit antiquam sapientiam, dum ei addidit nouam:  
 Superauit seipsum maior aliis, & semper se maior:  
 Nemo sub eo bis errauit, vix ipse errauit semel:  
 Idcirco geminata habuit organa cerebri, vt bis sapiens esset:  
 Sapere docuit volentem Galliam, & Europam nolentem:  
 Magister Europa, dum docuit nouam artem sapiendi:  
 Fecit seculum sapientiæ, Ludouicus iustitiæ:  
 Primum illi bellum cum hereticis fuit, inde incipere debuit Cardinalis,  
 Alterum bellum pro Galliâ, contra Galliam gessit:  
 Tercio bello fecit maiorem Galliam, & minorem Hispaniam:  
 Post tot victorias superari à morte vix potuit:  
 Aggressa est hominem per partes, non ausa totum aggredi:  
 Decepta tamen est, inuenit immortalem dum peremit:  
 Scilicet dum toties moritur, immortalem se fecit ante mortem.  
 Quid moraris Viator, interiit Richelij vita, non sapientia:  
 Viuit intra Sorbonam, intra quam nihil totum moritur:  
 Reparauit ruentem, & facere voluit DIVITEM LOCVM:

*Recusavit opes Sorbona ne sapientiæ nocerent.*

ABI VIATOR, ET PARA TE MORTI.

*Quæ Richelio non pepercit, non parceret tibi.*



EMINENTISSIMO PRINCIPI ECCLESIAE  
CARDINALI ET ARCHIEPISCOPO LVGDVNENSI  
ALPHONSO LVDOVICO DV PLESSIS  
DE RICHELIEV.  
ELOGIVM.



BTEMPERO modestiæ tuæ, CARDINALIS EMINENTISSIME, abstinco laudibus tuis, & ne te offendam non Te laudo; non assero Eminentissimi fratris testimonium, cuius ingenium, cum penè humano sit maius, fatetur tamen Te etiam in hac parte natu esse maiorem: Non appello Romanam curiam, cuius hoc oraculum fuit, post audita oracula tua, dignum Te esse vna Clauæ Petri, fratrem altera; & vtrumque gemina. Non commemoro recusatas à te dignitates, & ministeria etiam Regia: hæc omitto & plura; hæc etiam pauca dixi te inuito.

Vnum est quod tacente me, & nolente Te, Lugdunum clamat, & laudat: substitisti Lugduni grassante peste; non fugisti urbem cum vrbs ipsa se fugeret: lustrabas quotidie ciuitatem penè vacuum, & te ipsa plenam; & dum vnus omnia exerces munia, diu solus Lugdunum effecisti.


Impleuisti omnes boni Pastoris numeros; nulla ouis periit ignota Pastori; numerasti gregem tuum & pauisti; nihil aliud aspexit Pons nouus per aliquot menses, nisi euntes ad te miseras nostras, & redeuntes Eleemysynas tuas; nulla ouis interiit fame, etiam dum periret peste.

Neque obtulisti tua tantum, sed te ipsum; mirati sunt afflati lue adiri se abs te eo tempore quo vitabantur à suis: singulare facinus est quod commemoro, dignum Carolo Mediolanensi, & Alphonso Lugdunensi; ingressus es tugurium in quo duo viri Religiosi, & cum illis pestis inquilina erat; non expauiisti morbi præsentiam, cuius aspectum alij timuissent; credidit vterque vir Religiosus illapsum Angelum, & erat si solum animum aspexissent: affatus es vtrumque iis verbis quæ sanitatem afferre poterant, nisi mori maluissent: excepit idem locus verba vitæ, & anhelitus mortis; expiasti peccata vtriusque quæ iam pestis deleuerat; vterque ouibus tuis vitam suam consecrarat, tu vtriq; tuam: cuius Eminen-



tiam pestis venerata, ex eo tempore languere cœpit, & tecum vrbs tota periclitata, tecum euasisse se credidit.

Audacior effecta lues dum vrbi parcit, domum ipsam Pastoris aggressa est; nec tu eam timuisti domi, qui eam foris prouocaras; non aula Pastorem lædere, abscessit denique, & gregi parcere coacta est, & Pastori.



LVGDVNI ET MASSILIAE  
DE ALPHONSO RICHELIO,  
SVB NOMINE ARISTI,  
AMABILIS PVGNA.  
ECLOGA.



*P*VGNAT Lugdunum de te, & Massilia pugnat,  
Vtra magis sit Ariste tua: & dum pugnat utrumque  
Neutra minus, plus neutra tua est: amat utraque totum,  
Vtramque, & tu totus amas.

*Me, Lugdunum inquit, non te meus ardet Aristus;*  
*Nec tuus hic Pastor, nec tu Pastoris ouile;*  
*Huic ouis est meus ipse leo, sub voce Magistrâ*  
*Dedidicit rugire ferox, & amore regente,*  
*Iam didicit balare Leo; quæ signa fauoris*  
*Expectare potes? totum se Pastor ouili*  
*Præbuit, & ne aliquod speres à diuite donum,*  
*Nil ultra quod donet habet; mihi sanguis Aristi*  
*Ægrote medicina fuit, mihi purpura vestis,*  
*Et vestis Pastoris amor; si totus Aristus*  
*Est meus, vnde aliquam speres Massilia partem?*  
*Nec partes admittit amor.*

*Lugdunum Soror, & chara minus aqua Sorori,*  
*Cur Solem vis esse tuum, si publicus orbis*  
*Est oculus; cur non fiat communis Aristus*  
*Si commune bonum est? quid non opponeret orbis*  
*Si vellem retinere mare? & tua flumina currunt;*  
*Et quidquid commune bonum est, excurrere debet;*  
*Nec fiat proprium; currat communis Aristus,*  
*Ille tuus, sit & ille meus; sat amoris verique;*



Sat lucus sol dives habet : si pergis obesse,  
 Incipiam fieri ipsa nocens : si privabere iure,  
 Partiri si iura negas : remorabor Aristum  
 Ne possit tuus esse redux : tentabo coronis,  
 Imperium donabo maris : si munera volet,  
 VICTOREM dabo : vincetur VICTORIS amore,  
 Vilius erit, victorque meus.

O pugnam elogiis dignam ! sic amula signa  
 Solstitij pugnant, uter amplius ignis ardeat,  
 Qui solem plus ignis amet : si vincere posset  
 Alteruter, reliquis solem subduceret astris,  
 Et fieret sol puncti hospes : sed publicus orbis  
 Arbitor, inuisti puncta, & postquam oscula fixit,  
 Zodiaci per signa redit, fidebasque figurat,  
 Et veras sub sole facit : nisi iustus amores  
 Divideret, pars una orbis splendore periret,  
 Altera pars tenebris : dum menstrua signa pererrat,  
 Equalem facit hospitibus equalibus annam,  
 Dumque amat, est communis amor.

Et Tu ignes parire tuos equalis Aristo  
 Nec te Lugdunum, nec te Massilia totum  
 Possideat : sat lucus habes, & amoris varique  
 Zodiaci percurrere vias, & publicus orbi  
 Da populis, omnibusque tuis de Te esse beatos  
 Et radius lucere tuis.

EMINENTISSIMO PRINCIPI  
 ECCLESIAE CARDINALI  
 IVLIO MAZARINO,  
 ANAGRAMMA.  
 MASARINI.  
 ARS ANIMI.  
 ELOGIVM.

**A**rs artium est scire quid possint humana ingenia, & quid velint  
 flectere illa quam in partem velis, ita moderari ut tecum velint :  
 dominum esse libertatis alienae & suae ; & dum alij dominantur in corpo-  
 ra esse rectorem animorum.

Noliti

Nosti hanc artem vel ex nomine tuo, MAZARTNE: calles principia huius artis quasi inuentor, exeres illam quasi author; idcirco habes illam pro nomine, quia in aliis disciplina, in te doctrina, & penè natura est.

Placet explicare artem verbis quam tu explicas factis; proponam te ipsum tibi ut sis spectator tui; utar principijs artis tuæ ut pingam te similem tui; describet seipsam ars tua; idem eris pictor, & imago; idem eris ars, & artifex tui.

Primum artis tuæ principium est, nosse ingenia; efformasti intra te characteres animorum, resident intra te Italus & Germanus, Hispanus & Gallus; nulla natio apud te peregrina est, fecisti omnes domesticas; viuunt intra te infinitæ animorum imagines, nec se confundunt; habitant intra te dissimiles populi nec se excludunt; extra te hostes, intra te amici, extra te bellum gerunt, intra te pacem colunt; placet hospitium singulis quia placet hospes; scis placere ingenijs quia scis artem ingeniorum.

Atque hoc est alterum principium artis tuæ, aptare se ingenijs, & placere; aliter agis cum Italis, aliter cum Germanis, aliter cum Gallis; adhibes maiestatem Romanam cum Romanis, grauitatem cum Venetis, venustatem cum Florentinis, elegantiam cum Neapolitanis; agis prudenter cum Mediolanensibus, magnificè cum Genuensibus; popularem te putant omnes populi dum in Te se vident.

Longè aliter te habes cum Hispanis, assumis maiestatem oris quam natiuum habes; pronuntias oracula, loqueris mysteria, reuelas arcana; mirantur Hispani eminentem sapientiam, & credunt suam; nec putant te ita sapere posse, nisi Hispanus esses.

Hispanus es adscita prudentia, & Gallus natiua; duo te Gallum efficiunt, propensio indolis tuæ erga Galliam, & propensio Gallie erga indolem tuam; elegisses Galliam in Patriam, si eligere potuisses antequam esses; elegisset te Gallia in alumnum si eligi possent in natos nondum nati; amasti Galliam statim atque amare potuisti; creuit ille amor crescente Te; inde illa officia tua erga Galliam, antequam officia gereres; ministrasti diu pro Gallia antequam eligereris in Ministrum; fuisti manus Richelio dum ille brachio laboraret; & nunc repræsentas illum rediuuium, & Gallico anagrammate penè ipse Armandus es.

*Iules Mazarin,*

*Je suis l'Armand.*

Vt apte te ingenijs excedere debes ingenia; atque hoc est tertium principium artis tuæ: deprehendis ingenia si astuta, peruadis si solida, percellis si subtilia, scrutaris si lateant, excutis ultra si pateant, ascendis supra si emineant; penetras dum aspicias, examinas dum alloqueris; ponderas dum audis; scis ubi deficiant, vides quò pertingant; inuenis terminos si habeant, præfigis si non habeant; metiris ingenia ut aptes te ingenijs, nec metiri posses nisi excederes.

Nec tantum excedere debes alios vt aptes te aliis, sed teipsum vt aptes te tibi; atque hoc est quartum principium artis tuæ; fieri debes maior te, & te minor; debes assurgere vltra te, debes descendere iufra te; debes æquare te summis, debes aptare te paruis; nec potes aptare te aliis, nisi aptes te tibi; nec scire artem alieni ingenij, nisi scias artem animi tui. *ARS ES ANIMI TVI.*

EMINENTISSIMO CARDINALI  
I V L I O M A Z A R I N O,  
NOVA POLITICA.



OVVM Politicæ genus quod ignoravit antiqua ætas, & ignorat nostra; quod omnes Politici quærunt, & omnes nesciunt; quod ille solus novit qui inveniit; hæc est Politica tua CARDINALIS EMINENTISSIME, idcirco noua quia incognita aliis, & nota tibi.

Placet explorare rem ignotam; dicam de Te quod Europa dicit, nec te dicam; percurram omnes politicas nec inueniam tuam; imo inueniam dum dicam esse nouam; cognoscam, dum dicam esse incognitam, & dum probabo illam esse quam omnes nesciunt, illam sciam.

Experiri voluit Anglus ille politicus politicam tuam, certastis diu vter plura abjiceret, vter plura refelleret; enumerastis bella præterita, & ostendistis futura; dixistis antiquas victorias, & antiquas iacturas; quas vrbes & Prouincias intra Galliam Anglus ceperit, & quas amiserit; quid fecerit dum esset Galliæ Cliens, quid peccauerit ne esset amplius Cliens; quid possit Anglia si iungatur hostibus Galliæ, quid posset Gallia si iungatur æmulis Angliæ; quid si Anglia se adiungat Gallis hæreticis, quid si Gallia addatur Anglis Catholicis; quam pauca timenda à Rege iuvene, quam pauciora à Rege exule: denique contentionum hic exitus fuit; euoluit Anglus politicam suam, nec explicuit tuam; exhaustit artes suas nec didicit tuas: abruptit certamen politicum dum vinci timet; & quod bellum minabatur Galliæ indixit Hispaniæ.

Percurro alias politicas quæ te nesciunt, & quæ tu nosti; decennium est cum Hispania meditatur politicam tuam, nec illam attigit; tentauit illam Germania, & nondum intelligit; admiratur illam Italia, & adhuc nescit; quod admirabilis est, videt politicam tuam Gallia, & illam ignorat; videt artificem & nescit artem, videt effecta non causas; sentit beneficia, nec satis agnoscit authorem.

Vt tegas politicam tuam, sumis illam ex rebus futuris quas omnes

nesciunt, non ex præteritis quas omnes norunt; vides incunte anno annum totum; vides intra annum decennium; ex ea scientia digeris consilia, disponis facienda, & penè facis futura; nectantum vides annos nostros sed cernis externos; expendis ingenia hominum, & penè metiris; exploras arbitria & penè penetras; examinas vires hostium, enumeras opes, scis quid singuli possint, & penè quid velint; atque hæc dum vides, eludis consilia hostium dum detegis; anteuertis facienda dum prior facis; supplantas insidias dum in hostem vertis; mirantur hostes falli se artibus tuis, & penè superari à seipsis.

Hæc est politica tua soli perspecta tibi, atque Regi; nouit ille sapientiam tuam, cui tu sapis; & tu ab illo habes vnde sapere possis: ac velut primarius ille solis administer, & Phosphorus haurit à sole vnde præluceat Soli, sic tu à Rege tuo accipis lucem & reddis; lucem illi & lucem ab illo, & lucem radiis Regiis, vt luccas tuis.

Dixi politicam tuam dum illam non dixi; probaui esse nouam dum probaui incognitam, ostendi esse incognitam aliis, & soli notam Regi, & Tibi.

### TROIS DEUISES SVR LE MESME SVIET.

#### I.

Le Nil, duquel on ne sçait pas la source.

*Parte sui meliore latet.*

#### EPIGRAMMA.

**P**ARTE SVI MELIORE LATENT *miracula Nili;*  
*Nascitur, & nondum Patria prima patet.*  
*Et Tu parte tui nescis meliore videri;*  
*Facta patent orbi publica, causa latet.*

#### II.

Vne Grenade à demy ouuerte.

*Nobiliora latent.*

#### EPIGRAMMA.

**Q**UOT grana ostentat, tot sydera punica malus;  
*Sydera sub granis NOBILIORA LATENT.*  
*Magna licet pateant de Te, maiora teguntur;*  
*Dum te aperis, intus nobiliora tegis.*

#### III.

Vn Ver à soye.

*Ars pretiosa latet.*

## EPIGRAMMA.

**A**RS PRETIOSA LATET, quâ bombix viscera voluat,  
 Deque suo textor serica fila neat.  
*Ars pretiosa latet, quâ Tu hosti retia texis;  
 Et pacem, & nobis serica fila facis.*

EMINENTISSIMO CARDINALI,  
 ET PRINCIPI ECCLESIAE  
**IULIO MAZARINO,**  
 ELOGIVM.  
 VICTORI INVIDIAE.



**V**ICTORIARVM vltima victoria est superasse inuidiam; primus Eminentia gradus est facere inuidiam sui; alter & superior scire inuidiam pari; supremus & vltimus eò ascendisse quò inuidia nec auder sequi, nec potest.

Eò accendisti, **CARDINALIS EMINENTISSIME**, fecit initio virtus tua inuidiam sui; sciisti illam pati dum te illa ferre non posset; & nunc eò extulisti merita tua, quò inuidia sequi non potest nisi per laudes.

Illustre Elogij genus laudari ab ipsa inuidiâ vel inuitâ; audire retractantes se linguas, & fatentes eam famam dignam esse elogiis, quam onerarent probis; nemo negabit eas laudes esse veras quas inuidia asserit; fallere potest hostis dum accusat, nunquam scellit dum laudat.

Nolo dicere quid de te mentiretur inuidia, malo dicere quâ Tu illam arte vicisti; obiecisti fabulis Historiam magnarum rerum; & refutasti iniurias non verbis sed factis: illustre defensionis genus tueri se fortibus factis, & nobilis Apologia est innocens vita.

Placet admirari vitam ministerij tui, & fines intueri quos tu ipse praefixisti tibi; primus ministerij tui scopus fuit, finire bellum quod tu inuenisti non fecisti, & pacem stabilire quam semper propositam habuisti; ignorat mysterium politicæ tuæ quisquis de hoc mysterio dubitat; eæ ipsæ conditiones quibus impeditam à te pacem mentiebatur inuidia, rationes erant sancienda pacis si eas admisisset hostis qui nunc eas requirit: Quid ais inuidia? vter pacem noluit, qui rationes pacis proposuit, an qui reiecit? iustas fuisse probat ipse hostis, dum illas nunc expetit.



Alter ministerij tui scopus fuit supplere annos Regis dum minor erat, & probare omnibus Maiestatem Regiam nunquam iuuenem esse, & regnum in ætate immaturâ posse esse maturum; quam gloriose id præstiteris testatur Europa, & experitur: nemo est extra Galliam Rege maior, nemo intra Galliam qui non sit minor, nemo est primus nisi vnus, nemo secundus & tertius qui non sit subditus; nemo ciuis est hostis; nulla vrbs est intra Galliam quæ non sit Gallica, & multæ extra Galliam sunt Gallicæ.

Tertius ministerij tui scopus fuit extendere regnum, & reddere Galliæ limites quos natura ipsa donarat: promouisti opus, & absoluisses nisi inuidia obstitisset; sed interrupit illa consilium tuum, non corrupit: addidisti Regno centum arces aut vrbes; addet cæteras pax publica quam meditaris, aut bellum euincet quod nunc geris.

Post tantas præclare res gestas, nihil arrogas tibi ex tot victoriis nisi nomen fidelis ministri, & Mercurij vices, non iouis; explorasti semper mentem Regis, obseruasti nutus, & fortiter executus es motus: agnoscis Ludouicum Solem esse te radium, pendet à sole radius, & lucet aliena luce non sua; & tu pendere te agnoscis à Rege, & luces accepta luce non tibi sed Regi.

Molliuit inuidiam modestia tua, vicit fidelitas, & clementia triumphauit; nullas vnquam iniurias vltus es nisi Regias; pepercisti inuidis tuis dum ipsi vix parcerent; scilicet difficile parcit qui læsit, facilius ignoscit qui læsus est; & tu aliquando lædi voluisti vt posses ignoscere; atque hæc est eminentia magnæ mentis, & posse & velle parcere: nulla metamorphosis nobilior est quam ex hostibus amicos, ex inuidis facere laudatores: Laudat Te superata Inuidia, MAZARINE, & fatetur falsum esse quod dixerat, dum affirmat verum esse quod laudat.

## DEUX DEUISES SVR L'ENVIE.

### I.

Vn Soleil faisant de grandes ombres en son leuer:

*Spargit longas dum nascitur vmbras.*

### EPIGRAMMA.

**S**ol oriens LONGAS SPARGIT DVM NASCITVR VMBRAS:  
*Inuidiam quiuis nobilis ortus habet.*

### II.

Le Soleil ne faisant quasi plus d'ombre en son Auge.

*Vmbras vix spargit in Auge.*

## EPIGRAMMA.

*P*rouentius sublimè VMBRAS VIX SPARGIT IN AVGE,  
Nec te audet, nec te linor adire potest.

EMINENTISSIMI CARDINALIS  
IVLII MAZARINI,  
IMAGO VITÆ.



VLIVS MAZARINVS ortu Romanus, origine Siculus, multis nominibus Gallus appellari potest: fuderunt sanguinem suum illustres Proavi pro causa Gallica intra Siciliam; fudit nuper generosus Nepos intra Galliam, sæpè ipse per annos viginti vitam exposuit pro salute Regni, & diu ante gessit purpuram Gallicam, quam Romanam.

Vt paternum erga Ludouicum animum gereret, vices gessit Patrini; vt necessariam Regni curam susceperet vnus ex sex Consiliariis necessariis fuit; credidit illi Ludouicus voluntates vltimas, & si diutius vixisset, credidisset publicas: imitata Ludouicum Regina primarium Regni Ministerium esse voluit, atque vt necessarium probaret, etiam inuitum retinuit.

Qua felicitate Ministerium obierit probant plurium annorum res secundæ, quâ fide, testantur paucorum annorum res aduersæ; totis octo annis crescebant victoriæ crescente Ludouico; numerari poterant anni Regij, à captis urbibus, & captæ vrbes à Regiis annis: iam auctior sextâ sui parre Gallia recuperabat sua, & restitui curabat aliena; decrefcebat intereâ hostis, & felicitas nostra damnum illi, & iactura erat.

Interripit cursum prosperitatis nostræ per hostes domesticos hostis externus; diuisit familiam Regiam vt diuideret Galliam; armavit Provincias in seiphas; fecit hostes ex ciuibus, & ciues ex hostibus; atque vt regeret artes suas, damnabat Ministerium vt accusaret Regnum; ipse interea auxiliaris & hostis adiunabat clades nostras, vt restauraret suas.

Nulla est virtus quam intereâ fidelis Minister non adhibuerit ad auxilium Regni, & sui; adhibuit sapientiam, præuidit res futuras, antevertit pericula, & obuiam iuit malis venruris; adhibuit fortitudinem dum capiti suo nihil timuit, etiam vœnali; adhibuit prudentiam dum exiuit è regno, & fidelitatem dum rediit; exiuit vt odia publica secum exporteret, rediuit vt probaret reditu suo quinam essent hostes priuati, & quinam publici.

Quam necessarius fuerit hic reditus, probant hostes dum illum improbant; interea cessauit bellum domesticum & ciuile: nemo ciuis est hostis, nemo hostis est ciuis, nulla vrbis intra Galliam est quæ non sit Gallica; nulla tessera nisi amica; nulla funda nisi Regia; nemo intra Galliam est primus nisi vnus, nemo est extra Galliam Ludouico maior, nemo intra Galliam qui non sit minor.


## D E V I S E.

Vne Estoile qui semble tomber.

*Dum radiat cecidisse putant.*

## E P I G R A M M A.

**D**V M RADIAT CECIDISSE PUTANT; *scintillat imago*  
*Syderis, & sydus creditur umbra cadens.*  
*Tu quoque fulgebas dum Te cecidisse putabant,*  
*Interea si quid decidit, umbra fuit.*



## M Y S T E R I V M P A C I S,

AD EMINENTISSIMVM CARDINALEM

I V L I V M M A Z A R I N V M.



**M**YSTERIVM Pax erat antequam eam efficeret, CARDINALIS EMINENTISSIME, & postquam illam fecisti adhuc mystetium est: sentimus illam, & nescimus; tenemus & dubitamus; adeo opotusum erat negotium Pacis, vt penè nege-  
 mustactum quod desperabamus faciendum.

Desperabamus citram iraculum, & Tu eius miraculi administer persuasisti pacem Regi etiam victori, & docuisti optimum genus vincendi esse; imponete modum victoriis: scilicet non æquè in bello atque in ludo fortuna se gerit, qui vincit ludo nihil amittit, & penès victum totam dispendium est; at in bello vincuntur populi dum vincunt, exhauriunt vires alienas, & suas; & dum inter pares cettatur æqualis penè iactura est victoris & victi; agnoscit iacturas suas Gallia etiam victrix, videt se exhaustam victoriis, & fatetur penè se victam esse dum vincit; optimum igitur victoriæ genus est vincere victoriam ipsam, & cessare à bello victorem.

Decennium est cum meditararis hanc pacem, nec citius capi hæc Troia potuit; tentasti Monasterij negotium Pacis, sed adhuc expertus immaturum, diuifisti rem arduam, & partem aggreffus quæ matura erat;

fecisti pacem Germaniæ & Galliæ, olim facturus Europæ: sic prelulisti Paci parte altera Pacis; sic partitus difficultatem nunc denique absolulisti diuifum opus, quod totum fimul abfolui non poterat: atque hæc eft pars prima Myfterij.

Admirandum planè Myfterium Pacis, fed admirabilior adhuc modus myfterij: duo homines examinant iura Regnorum, & Regum; duo capita capiunt orbem terrarum; duo Miniſtri Regij conſultant de orbe qualiſ orbis adminiſtri: nec plura ingenia adhibenda erant: ſcilicet ingeniorum quoddam bellum eſt, nec tantum armorum, & sæpè ingeniis acrius pugnatur quam armis: difficilis eſt idem ſenſus à pluribus, ſapiunt diuerſa dum ſapere volunt, & ne nihil dixiſſe videantur dicere idem nolunt, etiam verum; tuentur deinde quæ dixerunt, & dum pro ſententiâ pugnant, nocent paci priuatæ, & publicæ: at duo ingenia facilius conueniunt, propinqua ſunt quæ parum diſtant, & facile accedunt ad vnum quæ vno numero differunt.

At qualis & quam myſticus ſilentij modus! duo Miniſtri ſciunt myſterium Regis ſui, & ſenſum illud reuelant, vt ſenſim conſentiant; nec vterque totum ante ſciuit, quàm vterque conſenſit: nemo alterius arcanum ſciuit, nemo coniecit: mirabile planè, & nouum ſilentium! duo homines quotidie ſpectabiles ſe omnibus exhibent, nemo interea agnouit ex vultu quid ſentirent, nemo ex verbis quid dicerent: Spectatores colloquij & penè auditores, id neſciunt quod penè audiunt; ſubtiles aulici coniectores rerum futurarum ignorant hodieque non futura ſed præterita, nec dicenda ſed dicta: nec paucorum dierum ſilentium fuit ſed plurium menſium: toto eo tempore ignorauit orbis quid agitaretur de orbe: atque hic ſilentij modus adhibendus erat; inſectum eſſet etiam nunc negotium Pacis, niſi fuiſſet ignotum.

Nec minus admirabilis fuit vtriuſque Miniſtri mutua vrbanitas, & vtriuſque Aulæ familiaris beneuolentia; dixiſſes eandem aulam eſſe, & eandem familiam; crederes omnes Hiſpanos Gallos, & Gallos Hiſpanos niſi accentus falleret: hic quoque tam eleganter fingebatur, vt natiuus videretur etiam fictus; nec verbola tantum amicitia fuit; certatum eſt inuicem mutuis donis, & epulis: biberunt Gallicè Hiſpani, & Galli Hiſpanicè: inter hæc amoris argumenta, aut nunquam fuiſſe hoſtes, aut nunquam futuros diceres.

Fouebat amicitiam æqualitas, æqualitatem amicitia; id vnum ambiebat vterque Miniſter, ne alter aut minor eſſet aut maior; omnia inter verumque paria, niſi vnitas, hæc quoque ex paribus conſtata paritas erat: ipſe locus colloquij vt eſſet æqualis inſula erat partim Gallica, partim Hiſpanica; tentoria æqualia, par apparatus, ſedes ad colloquium ita diſpoſitæ, vt neutra eſſet ſecunda, vtraque prima: ingreſſus æqualis, par exitus:

exitus : colloquium cum nisi alternum esse non posset, forte non arte primum fuit: æmulati eandem æqualitatem Aulici certabant inter se quis secundas obtineret non primas; & dum nemo vult esse maior omnes erant æquales.

Neque hæc æqualitas maiestatem imminuit, sed illam auxit; apparebat in utroque Ministro Rex uterque, & vultus & gestus, & sermo supplebat absentes Reges, & exhibebat; sic ageret, aiebant omnes, uterque Rex præsens, sic sentiret, sic loqueretur, sic vellet: Ornabant eam maiestatem Aulici quibus elegantior elegantia ipsa non erat; reuerbantur Hispani Gallos, & Galli Hispanos; placebat utrisque maiestas aliena & sua; imo neutra erat aliena, confundebatur utraque, & confusio ipsa maiestas erat.

Audiuit eam maiestatem Europa & amavit: credidit duobus Ministris quasi duobus arbitris iura & iniurias suas; nemo ulli hostis esse voluit sine alterutro Rege: nemo satis potentem se credidit, si uterque Rex hostis esset; nemo sequi recusavit quò uterque iret: sic inita est inter duos Reges pax libera, inter cæteros necessaria: O rem miraculo similem! duo homines intra breuem insulam totam administrant Europam.

Claudit negotium Pacis coniugij Regij negotium, & utrumque negotium mysterium fuit; destinati sunt in cælo coniuges antequam nati, ambo æquales meritis, ambo annis pares, ambo amarunt se inuicem antequam amare scirent; ambo inter arma amarunt imagines suas, & nunc idcirco Pacem amant, ut se inuicem diligant: taceo cætera amoris mysteria, vnum illud tacere non debeo: Mysterium esse debuit negotium Pacis ut esset sacrum; Mysterium est negotium coniugij dum est Sacramentum.

AD EMINENTISSIMUM  
CARDINALEM MAZARINUM,  
FUTURA POST PACEM.



EDITARIS futura dum nos studemus præteritis, & admiramur præsentia, CARDINALIS EMINENTISSIME; iam intra Te sunt facta quæ nos expectamus facienda; antequam tuentis eventus futuros, præoccupas lapsura tempora, fluxere apud Te anni venturi, vides initia rerum & fines; vides exitum currentis seculi, & ortum futuri.

Ne augere res videat, produco experientiam testem præsentis tem-



poris, & vadem futuri: decennium est cum vidisti hunc annum; iam feceras ab eo tempore quod videmus hunc fieri; iam scripseras articulos Pacis quos hic annus descripsit; iam veneras Aquas sextias; iam Massiliam, iam Arausionem cogitabas; exequitur hic annus antiqua consilia; iterum facis quod ante iam feceras; annosum est quod apparet novum; & annus nobis sexagesimus, intra Te est septuagesimus.

Illustris enimvero sapientia, & politicæ doctrinæ eminentissimus gradus, sapere experientia futuri temporis, antequam tempus sapiat, & venturos annos tradere dum alij erudiuntur præteritis; hæc est Politica tua, CARDINALIS EMINENTISSIME, proponis Regi futurarum rerum consilia, & expectas imperia; ostendis quid possit, & exploras quid velit; exequeris deinde nutus Regios, neque aliud arrogas tibi ex victoriis Regis, nisi obsequium fidelis Ministri, & prudentis meritum.

O si liceret introspicere animum tuum! quales futurarum rerum Ideas intra Te intuerer! audaſter dico viderem illustria facinora, facienda olim, & iam facta; viderem FUTURA POST PACEM, & narrare si scirem quæ vidi, dum alij scribunt historiam præteriti temporis, scriberem historiam futuri; & scribi potest futurarum rerum historia, quam Tu intra te facis.

Permitte ut ex innumeris futurarum rerum Ideis quas intra Te geris paucas revelem, & dicam aliqua futura post Pacem; erit hæc pars altera mysterij Pacis, erit mysterium mysterij, nec tamen erit merum vaticinium, sed historia rei faciendæ, & iam intra Te factæ.

Prima post Ideam Pacis Idea, est Idea Religionis & fidei: nec vera esse potest fides nisi sit una; nec Deus ipse verus nisi esset vnus; destruit veritatem fidei qui illam diuidit, & totum Deum negat qui totum non credit: pugnarent inter se Numina si essent plura, nec bello abstinere populi quamdiu sunt diuersa credituri: Stare diu Pax Regni non poterit, si desit Pax fidei? magnum argumentum vnus fidei sunt Reges Christianissimis, idem omnes hætenus crediderunt; fuere inter Reges aliqui minus sancti, nulli fuere impij: Cur recusent credere Christiani, quod credunt Reges Christianissimi? ne fallantur, aut fallant sunt omnes Thaumaturgi.

Taceo lapsa ex cælo Lilia, Aurisflammam, & plenam miraculis Ampullam; hæreditarium est Regibus Galliæ miraculum, insanabilem Strumarum remedium, non alia arte quam vera fide; succedunt Reges huic miraculo dum succedunt Sceptro; & Ludouicus Decimus - Quartus quinquaginta Regum hæres est, & mille miraculorum.

Altera mentis tuæ Idea est Majestas Regni; auxisti illam bello, auxisti Pace, quam Tu adeo gloriosam fecisti ut appellari possit Pax Augusta & Julia; ceteræ Paces Gallicæ penè fuerunt iacturæ; hæc Pax nihil ademit Galliæ, & multum addidit: restituti sunt Galliæ antiqui limites; Pyrene & Rhenus sunt fines Gallici, crevit Gallia magna parte sui; nunquam maior vnico Regi paruit, nec maior vnquam Ludouico Rex fuit: hæc fuit industria tua MAZARINE tractare de Pace victorem; vicit hostes & bellum Ludouicus dum pugnavit; vicit victoriam ipsam, & pretium victoriæ AVGVSTAM TERESIAM.

At hæc iam sunt penè præterita, & maiora sunt post Pacem futura, cognita Tibi & nobis adhuc ignota; scimus publicos Pacis articulos, ignoramus arcanos; scimus coniugij Regij promissam dotem, nescimus speratam; scimus conditiones præteriti temporis non futuri: nescimus quid evenitet si hoc accideret; hæc scientia tua est, MAZARINE, præparas causas ut agant, & iuvas effectus ut fiant; nec mirum est si prænotis futura, qui illa intra te facis antequam fiant.


Tertia mentis tuæ cogitatio est felicitas Regni post Pacem futura; fabula penè est seculum aureum, historia erit sub Ludouico Rege & Te Ministro; restitues Galliæ opes antiquas & adicies novas; exhaust nos bellum triginta annorum, vicimus hostes, & penè victi sumus dum vicimus; ditabit victores & victos libertas commercij, & Tu huic libertati iam intra Te prouidisti; nulla penè regio est opportunior commercij quam Gallia, coronatur utroque mari ut exportet opes Gallicas, & importet externas; plenum est mare nauibus alienis, & nautis Gallicis; nostra esset pars magna orbis si nauigassemus nobis non aliis.

Quarta magnæ mentis Idea est reparatio publicæ æquitatis; corrumpit hanc virtutem temporum malignitas, creuere lites inter arma quæ cessare debuerant; sæpè, exegit debitor quod creditori debebatur; sæpè pecunia forum corrumpit, & forum pecuniam: deterior adhuc est status iustitiæ vindicis, peccatur à sceleratis impune, quia flagitia tolerantur; crevit inter arma insolentia, armantur scelera ut timeantur, & inermis iustitia eos timet à quibus timeri debuerat; pars tamen aurei seculi est iustitia, fortunatum esse non potest nisi sit iustum, nec iustum esse potest nisi reddatur iustitiæ libella ut examinet iura, & gladius ut puniat flagitia.

Quinta post Pacem cogitatio est delectus superior Magistratuum qui res publicas gerunt; eligatur in illis virtus magis quam pecunia aut natura; nemo sit hæres muneris nisi sit hæres virtutis; nunquam scelus bene seruiuit; facile decipit Regem qui Deum fallit, nemo est bonus alteri, si est malus sibi.

Hæc sunt futura post Pacem, & iam intra Te facta CARDINALIS

EMINENTISSIME, hæc pars aliqua consiliorum tuorum; cætera intra te latent, & intra Regem: ignosce Pictori non satis erudito ut diuinet arcana, nec satis eloquenti ut explicet; hæc certe culpa mea est sed non tota, pars aliqua tua est qui dum omnem artem excedis, omnem opprimis.



## EMINENTISSIMO CARDINALI IVLIO MAZARINO, AEGROTANTI.

OPTAT VALETVDINEM CORPORIS EX REMISSIONE  
INGENII.



Ix aliud est quod possimus optare tibi præter valetudinem corporis, CARDINALIS EMINENTISSIME, vicisti inuidiam dum vicisti fortunam; vicisti quidquid extra te vinci potest; procurasti pacem Europæ vel inuitæ; id vnum superest ut vincas te ipsum, & pacem procures intra te: Scilicet intra te est domesticum bellum, & hostis tui tu ipse es: cessa pugnare tecum, & frui pace quam procurasti aliis; laborat Gallia te ægrotante; publica est inualetudo tua, & pax Europæ integra esse non potest, si desit tua.

At vnde illa inualetudo corporum in magnis viris? similes esse oportet motricibus cælorum intelligentiis primarios regnorum administratos, nec minus operosum est mouere regnum quam cælum; at præsidet illi cælorum genij imprimunt motum cælestibus sphaeris, nec mutant locum; diuidunt subiectis elementis influxus astrorum, nec sentiunt; patiuntur ætates & annos nec senescunt; fallor, sentirent impressiones cælorum si carne constarent; mouerentur dum mouent, & dum patiuntur annos, ipsi senescerent.

Hæc origo inualetudinis tuæ, CARDINALIS EMINENTISSIME, inæquale est immortalis animo mortale corpus, minus est ingenti hospitio nobile licet hospitium; nec tolerat ingentes animi curas debilis caro, nec sensus satis spirituum magnæ menti sufficiunt, nec caput quamuis capax totum ingenium capit: agitat se intra hospitium generosus animus & penè egreditur; retinere vult abeuntem corpus aut sequi; inde ille organorum conatus, & labor, & dolor; obnituntur interea dolori animosa membra, & pugnant ut dolorem excutiant; excussus dolor ad pedes defluit, & dum ulterius ire non potest, ibi aliquamdiu sistit.

Permitte vt dicam aliquid de vtraque hac parte tui, de viribus ingenij & doloribus corporis: verum quis explicet capacitatem mentis tuæ nisi Tu ipse: imo neque Tu explicare te totum potes, qui te totum non capis; vides magnitudinem mentis tuæ non vides finem; vides mensuras non metas; vltra te tendis capaxior te; supra te assurgis eminentior te; quæris te extra te; & postquam te inuenisti vltterius pergis, sic semper anterior & semper sequax, nunquam te apprehendis dum semper excedis; non ita effugiunt res cæteræ extra te; apprehendis illas, & anteuertis; sequuntur te negotia non tu illa; maius negotium tibi tu ipse es; experiris te nec te totum metiris; adhuc nescis limites tui, & dum attigisti fines alienos, non attigisti tuos.

Quis igitur dicat quo ire ingenio possis, imo quis dicat quo iueris? adeo mirabilis est Historia ministerij tui, vt superet omne ingenium præter tuum: experiri te voluit vtraque fortuna, & tu ingenio vtramque vicisti: mutasti vtriusque vices, & neutra mutauit te; stetit volente se rota, & fuisti penè rota rotæ, & fortuna fortunæ; quod admirabilius est, rexisti eodem ingenio fortunam Gallia & penè Europæ, & regni vtriusque administer omnium penè regnorum fortunas tractasti.

Placet distinguere triplicem Ministerij tui statum; primus decem annorum fuit, & plurium victoriarum; crescebant illæ crescentibus annis Regiis, & dum plures eodem anno crescerent vincebant annos Regios, & ab illis vincebantur; mirabantur hostes Gallia vinci se à Rege infante, & metuebant annos viriles qui impuberes tolerare non poterant: at tu interea supplebas ætatem Regiam, addebas experientiam sapientiæ, & minores annos in puero iam exhibebas maiores; ostendebas Regi quid posset, proponebas quod eligeret, exquebaris quod veller; pugnabatur consiliis tuis, & regiis auspiciis vincebatur; nec tu aliud ex tot victoriis arrogabas tibi, nisi laudem fidelis radij emanantis à Sole, & soli præeuntis.

Alter ministerij tui status turbulentus, nec minùs tibi gloriosus fuit; secessisti volens ex aula & regno, & tecum penè aulam & regnum traxisti; ibant ad te maiora negotia, & consilia ad Regem redibant; absens eras & præsens; extra aulam & intra illam; nec minùs interea vilis regno extra regnum, necebas fœdera cum externis Principibus, & futuræ pacis fundamenta iaciebas; agnouit breui Gallia necessitatem tui, dum te diu carere non potuit; probauit sapientem constantiam suam Regina Mater, dum te etiam absentem primarium Ministrum retinuit; probauit amorem Ludouicus dum amanter reuocauit; & tu probasti fidem erga Regem dum pro Gallia extra Galliam gloriose laborasti; obstupuit ad reditum tuum inuidia, & quas in te virtutes oderat amare cepit, aut timere.

Intertuperant intereà victoriarum, cursum tumultus ciuiles; pugnabant secum Prouinciæ, & Gallia victrix seipsam vincebat; at tu redux expulisti bellum extra Galliam, pugnasti intra fines hostium, renouasti antiquas victorias, & addidisti nouas; miratus hostis mutatas tam citò fortunæ vices, expugnari arces suas, capi vrbes, periclitari Prouincias, decrescere regna, cogitare serio cœpit de pace quæ impedita fuerat; & tu amplexus occasionem quam sæpè quæsieras persualisti pacem Regi, etiam victori; & nouo victoriæ genere fecisti vt vinceret victoriam ipsam, dum volens cessauit vincere, & maluit triumphos interrompere quam augere.

At quàm admirabilis illa Pax tentata diu, & tandem absoluta! mysterium adhuc est publicum & arcanum; sentimus illam omnes, & pauci capimus: Quis neget pacem illam maturæ sapientiæ opus esse, quam decem annorum consilia peperere? quis neget mirabilem quam sub duobus Regibus duo capita conclusere? quis neget vtilem esse, quæ Galliæ nihil abstulit, & arces, & vrbes, & Prouincias integras dedit: cæteræ pacis superiorum ætatum penè à nobis emptæ, hæc penè à nobis vendita fuit; audeo dicere AVGVSTAM TERESIAM huius pacis pretium esse, malo dicere victoriæ ipsius esse victoriam; quid si addam sciri à nobis publicos pacis articulos, nesciri occultos: patebunt illi in dies, & gloriøse pacis mysteria reuelabunt; quâ etiam in reapparet ingenium sapientiæ tuæ, obstruere poteras omnia ora si omnia pacis arcana simul detexisses, mauis partiri illa annis venturis: & sic nouam pacem singulis ferè annis distribuis: tacete linguæ maleuolæ, nunquam sub Rege vno Gallia maior extitit; nunquam Rêx maior Ludouico fuit.

Post eos pacis & belli labores quis quietem non caperet? quis eâ pace quam aliis procurauit frui nollet? quis non sisteret prouectus ad summum? at Tu ibi non siltis, MAZARINE, præludium est ingenij tui quod aliis fastigium esset, extendis te vltra te; meditaris altiore adhuc Galliæ fortunam, excogitas nouas victoriæ vias, & vltra fines gloriæ nouos gloriæ tramites quæris: ac velut præsides cœlestium sphaerarum genij, nec quiescere orbem sibi creditum sinunt, neque ipsi quiescunt; ita tu maiora meditaris post magna? cum hoc tamen discrimine, remetiuntur orbis cœlestes idem iter, tu nouas gloriæ vias, & nouos victoriarum limites quæris post vltimos fines.

At quis explicet eas ingenij tui vias nisi tu ipse? ô si intueri liceret ideas mentis tuæ? viderem intra te digestos plurium ætatum successus & euentus; viderem annos futuros iam præsentis, viderem facienda iam intra te facta; viderem florere lilia vbi olim florebant; viderem antiquos Galliarum limites, & viderem nouos; viderem quid sentias te Angliâ, quid cogites de Hollandiâ, quid mediteris de Germaniâ, quid moliaris de



Europa; viderem decreſcentem lunam, & ſolem creſcentem; viderem reſtitui fidem Romanam vbi olim erat, viderem eò inferri vbi non fuerat; viderem quid cogites de Italia, & quid cogitet de te Roma; viderem plura, nec inuenirem fines ingenij tui, quos tu ipſe non inuenis.

Ij ſunt ingenij tui ludi, & labores corporis MAZARINE, ire eodem grefſu non poſſunt corpus & animus; & tamen amant ſe inuicem, & vellet partem vnā ſequi pars altera, & ire neutra vult ſola; ſed eunt ambo non æquis paſſibus; ludit ingenium tuum etiam dum excurrit, luſtrat Prouincias, explorat regna, percurrit Europam, & Aſiam; poſt tot itinera redux ad corpus fatigatum inuenit, & penè exhaustum: ſcilicet conatur ire cum animo, & dum ſequi non poteſt ſe exhaurit: atque hæc eſt inualetudinis tuæ cauſa, MAZARINE, tolerare ingenium tuum corpus non poteſt, niſi tu ipſe te adiuues.

Moderare igitur ludos ingenij tui, & labores corporis: nec tamen volumus vt ſiſtas, ſed vt lentius eas; exhaustiſſet ſol vires ſuas ſi tecum curreret; at ille æquali grefſu per ſigna Zodiaci graditur, & per monſtra: & Tu æquali grefſu incedis nec minus celeri: Eget valetudine tua Gallia & Europa; & vtraque gratulatur reſtitutam Tibi partem ſanitatis, & precatur totam: Ego felicem annum ſexageſimum opto, & ab illo centeſimum.

EMINENTIÆ TVÆ,

Addiſſimus & humiſſimus ſeruus, PETRVS L'ABBE.

EMINENTISSIMO CARDINALI  
PRINCIPI ECCLESIAE  
IVLIO MAZARINO,  
VOTVM DIVTVRNÆ VITÆ.



ERMITTE vt longos voueam tibi Neſtoris annos;  
Vna Tui Regno & Regi non ſufficit ætas,  
Optamus tria ſæcla tibi; tot ſtamina vite  
Fatidice hero; Pyllo neuere Sorores,

Et breuius meritis filium fuit; ille Pelasgus  
Principibus belli ſocius, magnique Miniſter  
Atride, pacem & bellum tractabat inermis:  
Parebant Reges monitis; mittebat Achillem  
Et renocabat iter; magniſque Aiatis Ajax,  
Et Ducibus Ducis inſtar erat; ſine Neſtore Troia

Staret adhuc ; Priamusque Asia Regnator , & ingens  
 Gloria Dardanidum ; mendax est fabula Pallas ,  
 Includentque acies equus , insidiaeque Sinonis ;  
 Vendidit Antenor Patriam ; Aeneasque Penates ,  
 Nestor utrumque emit ; Regnumque Asiamque Mycenae  
 Transtulit , & longe vidit tria secula vitae ;  
 Et meruit vix posse mori .

Hac umbra est , MASARINE TVI , Tu Nestore maior ,  
 Et geminis tuus est maior Lodoicus Atridis ,  
 Nec magni Aiaces desunt ; & maior Achilles ,  
 Et centum Troiane arces , & Pergama centum ,  
 Consiliis cecidere tuis ; si vincere pergis  
 Europa iunges Asiam ; nec inutile votum est ;  
 Imperium Francis quondam serviuit eum ,  
 Et Francos noua luna timet ; nec vana Sibylla  
 Eois iterum promisit lilia terris ,  
 Et poterant ferri , si Flandria victa Damascus ;  
 Si Dunkerka Rhodus , Sidon Grauelina fuisset ;  
 Pacanda est Europa prius , Regique marito ,  
 Et Matri , & Francis vngendus Liliger heres ;  
 Tunc belli socius Francis heroibus ibis ,  
 Aiacesque novos , veteresque videbis Achilles ,  
 Et veterem Nestor Troiam , & noua Pergama vinctes ,  
 Iam triplex etate senex .

## TROIS DEVICES SVR LES ARMES DE L'EMINENTISSIME CARDINAL MASARIN.

### I.

Vne Hache Romaine droite.

*Nulla inflexere procellae.*

### EPIGRAMMA.

**R**omanos fasces NVLLÆ INFLEXERE PROCELLÆ ;  
*Non Aquilo , & quidquid flaminis auster habet .*  
 Hoc animi est Emblema tui , stetit integra virtus ,  
 Et dum nutaret Gallia ; Roma stetit .

### II.

Vne Hache Romaine éleuant sa pointe en l'air sous vne bande.

*Ne noceat sublime micat .*

EPI-

## EPIGRAMMA.

**N**E NOCEAT SVBLIME MICAT Romana securis,  
*Et timet vlcisci quos violare potest.*  
 Frustra illam retinet sublimis fascia rectam:  
*Sponte sua vt posset parcere, recta foret.*

## III.

Trois Estoiles.

*Prudentia triplex.*

## EPIGRAMMA.

**V**Na aliis, innata tibi est PRVDENTIA TRIPLEX,  
*Et tota hec virtus est MASARINE TVA,*  
*Praluces Regno, & Regi, fideique Minister,*  
*Vnica stella aliis, est tibi stella triplex.*



NOBILISSIMI DOMINI  
**D. PAVLI MANCINII,**  
 NEPOTIS CARDINALIS MAZARINI.  
 EPITAPHIVM.

STA VIATOR.



**B**I nobilis juvenis fortuna stetit:  
 Hic est PAVLVS MANCINIVS,  
*Equestris turma leuioris Præfectus:*  
*Origine Italus, animo & voto Francus fuit:*  
*Non satis dixi,*  
*Et Gallus est sanguine quem pro Gallia fudit:*  
*Nec minus est donare sanguinem Gallia, quam debere:*  
*Ad Stampas cadere sub se Equum vidit, nec cecidit:*  
*Ad Lutetiam plumbea glande perfoßus mori vix potuit:*  
*Diu intra viscera retinuit glandem, & mortem,*  
*Superauerat illam, nisi inter intestina latuisset.*  
*Iniussit egrotantem LVDOVICVS, & amavit:*  
*Ipse id vnum innuebat ostensâ sanguinis purpurâ,*  
*Mori se Nepotem Cardinalis pro Rege purpurati.*


Obiit anno ætatis decimo-septimo.  
*Ostensus tantum terris, si fata tulissent,*  
*Qualis erat? florem maluit esse Deus.*

EMINENTISSIMO CARDINALI  
 ET PRINCIPI ECCLESIAE  
 FRANCISCO DE LA ROCHEFOUCAULT,  
 EPISTOLA PHILOSOPHICA.



Vod Philosophamur hoc vivis, quod speculamur hoc agis, quod profitemur hoc sapis, CARDINALIS EMINENTISSIME, vita tua vera Philosophia est, quia idem semper putasti, vivere, & sapere: nemo ferè hoc seculo diutius quam tu sapuit, quia nemo sapere incepit prius: cœpisti sapere, cum cœpisti vivere: & vix addiscenda à te fuit sapientia, quia vix in te differt à naturâ; crevit illa tecum, & quæ præcedere vitam, non potuit, superavit ætatem, diu ante infusâ dignâ, & purpurâ, quam palleres sub illâ, & sub istâ ruberes: Hic est vitæ tuæ status privatus, alter est publicus: amavit te adhuc Episcopum Claromontensem Henricus Magnus, optavit tibi purpuram Romanam, & dignum putavit qui occupares Cathedram; approbavit hoc iudiciû Romanæ curiæ pars melior, maior probatura erat, si omnes Baronij aut Bellarmini fuissent; sentiebat uterque de Te quod tu de utroque sentiebas; optabat uterque tibi eam dignitatem quam nolebat sibi; digni omnes sede Petri dum se arbitrantur indignos. Quanti æstimavit hoc paternum & Romanum iudicium probavit Ludovicus, dum te primarium Ministrum Consiliis Regiis præesse voluit; præfuit aliquamdiu, sic administrans Galliam quasi Ecclesiam; & brevi consecrasses aulam, si sequi illam voluisses diutius, cum illa vellet te sequi: sed nimirum fugisti honores Gallicos, qui recusaras Romanos; neque ea est laboris fuga quem semper ambiisti; testis illa vox tua dum diocesim Episcopus peragrasses, sic ibat Abraham terras lustrans, & astra numerans. Et nunc præludis æternitati intra tempus; auspicas vitam futuram; mereris aras quas aliis excitas; Illustras Patronam Parisiensem Genouefam, olim ipse inter Patronos futurus; interea implorat patrociniû tuum mea Philosophia, vel hoc nomine quia tua est, dum liberalitatis tuæ est alumna.





EIDEM EMINENTISSIMO  
CARDINALI  
FRANCISCO DE LA ROCHEFOUCAULT,  
ELOGIUM LIBERALITATIS.



LV MNVS liberalitatis tuæ, non facio arroganter si beneficia laudo quibus uiuo, CARDINALIS EMINENTISSIME, id etiam homini erga Deum licet, adorare beneficia quæ exæquare non potest: Tecum nata est liberalitas, & vix in te differt à natura, tecum creuit sed maioribus augmentis quam ætas tua; iam magna erat in te cum puer esses, robusta cum adoleres, mascula in viro; matura in te sene; adhuc integra est post tot annos; adhuc diues post effusas diuitias; adhuc plena postquam impleuit omnia; similis fonti qui post omnes effusiones sui adhuc seipso plenus est, breui exhauriendus si effunderet alienum, semper plenus quia effundit seipsum; hæc liberalitas magnum te Galliarum Eleemosynarium creauit, qui ante creationem iam talis eras; & nunc post abdicatum sponte officium adhuc talis es, sed hoc discernere; præsidebas antè largitionibus Regiis, nunc præfectus es tuis; & dum elargiris tam multa, qualis semper fuisti, nunc etiam magnus rerum tuarum Eleemosynarius es. Quis numeret occultas Eleemosynas tuas? quas tu idcirco arcanas esse voluisti vt soli Deo paterent; id satis publicum ratus quod Deus videt: De publicis hoc vnum dico, nullus est ordo pauperum qui te non agnoscat vt Patrem, nulla domus Religiosa quæ te non amet vt protectorem: fundasti literarum seminaria; vt sapientia tuis stipendiis viueret; crexisti pauperibus Xenodochia, vt miseriarum hospes esses; extruxisti agris insanabilibus Nosocomia, vt mortem ipsam cogeres viuere; ipsæ ædes tuæ dum omnibus egenis patient, quid aliud sunt quam charitatis domicilium? & dum quotidiana mendicis alimenta subministras, nonne habes quotidie domesticum & conuictorem Deum? nec clauditur limitibus Galliarum liberalitas tua; penetrauit in nouum orbem, quasi hic sit angustior, peruasit externas Prouincias, & dum vno in regno resides, omnium regnorum popularem te facis: illic solaris lacrymas quas non vidisti, emollis gemitus quos non audiisti, adiuuas egestatem quam ignorasti: mirantur externi homines amari se & ignotos esse, videri se ab absente, adiri à remoto; in-



struuntur exemplis quorum authorem non vident, discunt credere ex fide tua, excitantur ut ament Deum in te, cui se vident amabiles propter Deum; sed prouehitur alius largitas tua, dum erga ipsos Cœlites liberalis es; debet tibi aliquid Genouefa cui tantum debet Lutetia; restaurasti collabentis templi ruinas, reparasti sacratia, ornasti aras; reddidisti Abbatem Ordini, restituishti disciplinam Claustris, & tot ac tantis beneficiis Genouefam cumulasti, ut quam Parisienses agnoscunt Parronam, tu eius ferè Patronus appellari possis: Soli immortales Cœlites norunt quot illis altaria extruxeris, quot calyces consecraris, quot donaria obruleris; atque haud scio an ab alio libentius aras admittant, quam ab eo quem nunc ita spectant mortalem, ut olim immortalem dignum altaribus videant: Neque otiosè viuis inter sanctorum Reliquias, olim ipse sacer futurus; honoras Cœlites, & honorem mereris; excitas altaria aliis & fundas tibi; attingisti annos Genouefæ, & virtutes imitaris. Miratur Gallia Cardinalem octogenarium ire rectum sub tot annis, agere Cardinalem ea ætate quâ alij vix agunt hominem; fulcire Ecclesiam dum alij sunt fulciendi; scribere libros dum vix alij legunt; impugnare hæresim ut eam sepeliat, quam nasci vidit; præsidere Gallicanis Synodis eo iudicio quo poterat toti Ecclesiæ præsidere; domum suam perpetuam Synodum facere, in qua viri eruditi de virtutibus deliberant, & post multa consilia vincuntur à liberalitate tua, quæ plura exequitur quam illi consulant.

Hæc laus aliqua liberalitatis tuæ, cuius & nos pars aliqua sumus; indigna quidem beneficiis tuis, sed non ingrata; idcirco laudamus beneficia quibus viuimus; amamus authorem, & gratias agimus non quales debemus sed quales possumus.



INNOCENTII DECIMI  
SUMMI PONTIFICIS,  
ELOGIVM.

## I.

**D**IGNVS eras Pontificia Tiara antequam gereres P. M. destinabaris hohori supremo adhuc priuatus; fuêre qui de te discerent, post aliquot annos hic Papa erit; fecisti vbique Prophas tui, visus es diu antè qualis eras futurus; antecessit vox populi vocem Dei; si vtraque tempora iungas superabis annos Petri; antequam Petro succederes, diu antè successor fuisti.

## II.

**P**REPAREDVNT te huic dignitati magna priuilegia naturæ, & maiora gratiæ; Columba, Oliua, Lilia gentilitiæ tessera, nomen ipsum Pamphilij, virtus, scientia, experientia, destinant te Sedi Romanæ antequam sedêres; elegerunt te vota ante suffragia; agnouêre te oues nondum Pastorem; coronatus es ante Tiamam; & penè antequam esses iam Papa eras.

## III.

**S**ANCTITATIS symbolum columba est penè ipsa sancta; emissâ à Noëmo libera esse noluit periclitante mundo: rediit ad arcam fidelis, reditura ad Ecclesiâ; nec hospitari voluit intra mundum adhuc sceleribus madidum: Altius ire cum columbâ placet, hæc diuini spiritus signum & penè sigillum est; deuolauit ad Christum Deo plena, incubuit Deo, & impressit Deum: Diuinitatis penè Vicaria est, & Tu Vicarius, obrulir Noëmo oleæ ramum, offert tibi Pamphilio ramum, & Innocentio Deum.

## IV.

**D**EBEBATVR temporibus nostris olea tua vt pacem afferret Europæ vel inuitæ; hæc est tempotum nostrorum conditio, omnes pacem volunt, omnes nolunt; impedit eam victoria & iactura; nemo vult esse minor etiam victus; Procuratores Pacis examinant iura priuata, non publica; pugnant Ministri ne pugnent Domini; nec minus opotum est conciliare seruos quam Dominos; debetur Pax oleæ tuæ, & Columbæ; vtraque repressit antiquum diluuium, & arcebit nouum.

E c iij

**N**ihil habes inter tesseraria symbola nobilius quam Lilia; venerunt olim è cœlo in Gallias, nec mutarunt originem dum transierunt ad te: ne frustra sit hæc communitas florum, gentilitia habes Lilia Gallica, habeant te Lilia Gentilitium; pars magna tui Gallica est, talis esse debet pars magna tui: ama flores è cœlo lapsos, ama Lilia Innocentius, quæ amasti Pamphilus.

## VI.

**P**amphilus amabile nomen prælusit Innocentio dum Innocentem te fecit; amasti semper omnes, amabilis omnibus; fecisti delicias tuas genus humanum, & te generis humani delictum; nec mirum si te elegit orbis in Pastorem, quem iam amor Pastorem fecerat; paucis orbem Pamphilus, & nondum Innocentius; mutaisti nomen non officium; imo neque mutaisti nomen, nemo potest esse Innocentius nisi sit Pamphilus.

## VII.

**F**undarunt hunc amorem indoles & virtus, si tamen indoles à virtute differt; attulisti tecum semina virtutis; auxisti ea cum indole; crevit tecum innocentia, & nulli minus nocuere vitia quam tibi; talem oportebat eligi Pontificem qui ante consecrationem sacer, & ante sanctissimi nomen iam sanctus esset.

## VIII.

**N**ec minor esse debet Pontificis scientia quam probitas; scire orbem debet ut orbem regat, & Vicarius diuinæ potentia, debet penè esse Vicarius scientia; hæc est scientia tua, Innocenti sapientissime; didicisti antiquas disciplinas, addidisti novas; scis jus vtrumque quasi inueneris, & posses inuenire vtrumque si nullum esset; scis illustrare vnum altero; scis emendare vbi fallit, scis supplere vbi deficit: scis interpretari vbi obscurum, scis conciliare vbi contrarium, scis facere, vbi nullum; euoluisti totam sapientiam quasi Rotam: diu auditor Rotæ diu Magister fuisti: audiuit illa te adhuc Pamphilum, nunc audit Innocentium.

## IX.


**N**ec sterilis sapientia tua sed negotiosa fuit quasi Rota; rexisti diu orbem consiliis tuis antequam regeres imperiis; circuiuit Europam experientia tuæ salutaris Rota; vidisti Galliam, lustrasti Hispaniam, expertus es ingenia, didicisti mores, fuisti Auditor orbis, fuit orbis Auditor tui: explorasti oues nondum Pastor, & futurus Pastor populorum fecisti Te omnium regnorum popularem.

**D**ENIQUE ascendisti per omnes gradus ad supremum; proximus eras TIARÆ cum attigisti; Innocens eras ante Innocentium, nonus ante decimum; addita est tibi autoritas non dignitas, & penè declaratus es Papa non factus.

## X I.

**T**ALIS debebatur orbi Pontifex qui repræsentaret omnes, & vnus esset; talis eras adhuc Pamphilius, talis nunc es Innocentius; apparet in te antiqua Roma, & videtur noua, viuunt in te nouem Innocentij, & gaudent esse pars decimi; reuiuiscunt in Te Vrbani, Clementes, Pauli, Pij; erant omnes amici in Te Pamphilio, nunc sunt Collegæ in Innocentio.









# LIBER QVINTVS. ELOGIA ILLVSTRIA.

ILLVSTRISSIMO DOMINO  
D. PETRO SEGVIER,  
GALLIARVM CANCELLARIO.

## ELOGIVM GENTILITIVM.



NVENI artem laudandi Te, & tacendi de Te;  
CANCELLARIE ILLVSTRISIME; abſtinebo  
laudibus tuis, & illas dicam; laudabo te etiam no-  
lentem laudari; offendam modestiam tuam, & il-  
lam non lædam, obſequar tibi, & morem non ge-  
ram, & Tu laudari voles dum laudes prohibes.

Ad laudem tuam pertinent Maiores tui; inter-  
iit eorum vita non fama; vixiſti in illis omnibus  
ſed non totus; viuunt in te omnes ſed tantum pars Tui; antecedunt me-  
rita tua, & ſequuntur; Maiores ſunt, & minores te, nec dedignantur mi-  
nores eſſe, vt ſint Maiores tui.

Nec laudari igitur poſſunt ſine te quia ſunt portio tui: nec tu eorum  
laudes odiſſe potes, quibus hoc ex parte debes vt laudabilis ſis: laudat  
te eorum gloria, & tu illiſgloriam addis; creſcunt ex te, & ex illis;  
mutua laus veſtra eſt, & alternum elogium inuicem eſtis.

Nec tamen numero omnes Maiores tuos, ne plures ætates enume-  
rem; intra hoc vltimum ſeculum tot florüere antecceſſores tui, vt ex Se-  
guteriis Conſiliariis, ſi ſimul viuerent, Senatus integer, ex iſſdem ſup-  
plicum libellorum Magiſtris Conſilium publicum ſub te capite; ex om-

nibus Zodiacus Iustitiæ constari posset sub Te sole.

Auus tuus **PETRVS SEGVIER**, Regius in Curia Aduocatus Iulij III. summi Pontificis, & Henrici II. causam sic egit, vt vtriusque Patronus, vtriusque Clienſ, pro vtroque vicerit, dum neuter vicit: mirata est Gallia in eodem oratore vigentem antiquam eloquentiam, & nascentem nouam; debet illi antiqua Eloquentia quod non perierit, debet illi noua quod cum eo nata sit; Electus in Præsidem Henrico II. & Carolo IX. graciosus fuit: persuaserat vtrique magna si longius vixissent, additurus triumphos si addere annos potuisset; ipse dum mori Reges videt quæsiuit Dominum qui mori nesciret: addixit se torum Deo dum librum edidit de rudimentis cognitionis Dei & sui: probauit se eruditum dum de Deo magna scripsit, probauit se humilem dum rudimenta appellauit, probauit se pium dum eam scientiam liberis testamento reliquit; inde illa **SEGVIERII**s familiaris Pietas, quia hæreditaria, inde illa domestica Sapientia, quia Gentilitia.

Ex iis liberis primus ita expressit Patrem, vt diu penè cum Patre confusus sit: ex Consiliario Præfex diu Parentem repræsentauit in Senatu; amabatur in Patre filius, in filio Patet, spectabatur absens, loquebatur mutus, audiebatur rediuius, numerabantur duo, & erant vnus: pretiosa fraus, innocens mendacium sic imitari Patrem vt esse videaris, sic lucere vt dubitetur vter Sol, aut imago sit Solis.

Alter liberorum **PETRVS SEGVIER**, ex Consiliario-Prætor, ex Prætoris Præfex Curia, Maiestatem Senatus ita sustinuit vt ipse penè esset instar Senatus; sæpe ad Reges Senatus nomine verba fecit, quasi publica Senatus lingua; sæpe pro Curia pugnavit quasi Curia dextera: dissidebant Senatus Gallicani de dignitate, ipse Maiestatem Curia Parisiensis sic defendit vt primatios aliorum Senatum Præsides subiecerit postremis Parisiensibus, docueritque & Lutetiam esse urbium maximam, & Senatum vrbi esse æqualem: Nec est obscurum illud Seguierij Elogium, Senator amavit Senatum æquè ac domum; Præfex administravit rem publicam pari fide ac suam; nec oblitus est se esse iudicem dum egit Patrem.

Tertius fluminum & saltuum Regionum Præfectus aptauit vitam officiis, & inde collegit sanctitatem; arbitratus se fontem esse debere dum aquis regis præest, inuitabat omnes vt ex se haurirent tanquam ex fonte; nequo abiisset ab eo pauper si omnes ditare potuisset; dixisset Præfectum esse miseriarum non fluminum; deleuisset omnes si deleri aquis potuissent; ex Præfectura saltuum collegit amorem solitudinis, vivebat extra Aulam inquilinus Aula, publicus erat & solitarius; inueniebat Deum in Rege, Cælum in Aula, solitudinem in turba, prælibabat æternitatem intra tempus, & mortalis adhuc vitam auspicabatur immortalē.

Quartus Ecclesiæ Parisiensis Decanus, & primi Conclauis Senator Clericus, diuisit se duobus officiis, nec officia confudit; sociauit pietatem iustitiæ vt sociaret virtutes; egit Senatorem in templo dum Curiam administrauit quasi Ecclesiam; egit Sacerdotem in Senatu dum Senatum mutauit in templum; vtroque pius & iustus, Senator & Sacerdos, arbiter & iudex; vtroque diuersus, & tamen vnus: vt scias pretium hominis, audi qualis non fuerit, non fuit Abbas, non fuit Episcopus, id totum non fuit quia esse recusauit, imo id totum fuit dum esse noluit, scilicet hæc vera magnitudo est velle humilia; & mereri summa.

Quintus Antonius Seguier per omnes Togæ gradus ascendit ad summum, tunc dignus supremo Magistratu cum exerceret infimum; ex Patrono publico Aduocatus Regius, ex illo Consiliarius, ex Consiliario supplicum libellorum Magister, ex eo Præses in Senatu totum Themidis cælum adeò gloriose decurrit, vt nulli debeat incrementa sua nisi sibi: Æstimator magnus meritorum Henricus magnus accersitum ad se laudauit his verbis: Et tu, inquit, eadem arte Regem possides quâ ego Regnum, ego ense meo, tu meritis tuis: sic laudatum legauit ad Venetos, idcirco vices Regias ei committens quia dignum inuenerat quem compararet sibi: miratæ sunt Venetiæ in vno capite omnium virtutes Nationum, & magnitudinem Henrici veneratæ sunt in dignitate legati: temperauit eam Maiestatem amore pauperum, ex quibus eos maxime amauit in quibus nihil erat amabile præter Deum. Parum habuit solari præfentes absentibus, nisi prospiceret; audiuit eorum gemitus qui gemere adhuc non poterant; deterisit eorum lacrymas qui flere adhuc nesciebant; impediuit eorum interitum qui nondum vitam ingressi erant; prouidit exponendis Infantibus matres, patrociniū viduis, asyllum puellis; fundauit domos futuris etiam miseriis profuturas; nec plura de eo homine cuius elogium miseriæ ipsæ prædicant, scilicet fecit eas eloquentes cum fecit felices.


Sextus fuit Ioannes Seguier Cancellarij Pater, hic stetit in gradu verrente se rotâ, tunc immobilis cum nutaret fortuna; probauit fidem erga patriam dum seruiuit iratæ; probauit amorē erga Reges cum amauit minus felices; secutus est Henricum III. penè fugientem; adhæsit Henrico IV. cum sperare nihil ab eo poterat nisi periculorum Societatem: arbitratus ibi exilium esse vbi Regem non videret, carere sponte voluit Parisiensi Præturâ, quia Parisij carebant Rege: Henricus cum diuidere suis nihil adhuc nisi pericula posset præfecit eum S. Dionysio, vt inde Parisios regeret, nec ipse Regem fecellit, exul Parisiis Seguerius Parisios rexit; dixit ius ciuibz vbi ciues non erant; euocauit ad se Lutetiam cum eam adire non posset; conciliauit Patriam Regi; adiunxit Henrico Galliam dum adiunxit Lutetiam, & dum induxit in urbem triumphantem Regem;

ipse pars aliqua triumphi fuit : nihil deerat vitæ tam gloriøsæ nisi corona ciuica, meruit illam dum mortem obiit pro Patria ; successerat bello pestis, quam idem extinguere voluit qui bellum extinxerat ; afflauit cum pestis halitu mortis, & odore immortalitatis, obiit Prætor Lutetiæ, & sæpe Pater Patriæ.

Hi sunt Maiores tui, CANCELLARIE ILLVSTRISIME, non parum ad prolis laudem pertinet nasci ex bono semine transit in liberos cum sanguine imago Patris, & licet omnis sanguis concolor sit, sæpè tamen in eo imagines apparent discolors : successisti Maioribus iustis vt iustus esses, domesticam habes iustitiam quam alij habent accersitam ; cœpisti bonus esse antequam esses, & postquam extitisti ferè necessariò es bonus : dum es Seguicrius.

Ita tamen succedis magnis Maioribus vt illis sis maior, debes illis primum gradum magnitudinis tuæ, debent illi tibi supremum suæ, viuunt intra te omnes sed non implent te, collegisti sparsas per singulos virtutes, & inde cœpisti maior esse.

Nec plura de te quia prohibes plura ; inuēni tamen artem laudandi te, & tacendi de te, dixi alienas laudes & dixi tuas ; dicam tuas, nec alienas cum cessabis prohibere.



ILLVSTRISIMI DOMINI  
D. CAROLI DE CREQVY,  
DVCIS, PARIS, ET MARESCALLI  
GALLIÆ.

ELOGIVM FVNEBRE.

STA VIATOR.



*D sonitum ruina, & mirare, vel time.  
Tormento bellico CREQVIVS occubuit: minori telo non poterat :  
Eminna mors peremit, non ausa è propinquo ferire ;  
Priori ictu puluerem excitauit, vt insidias tegeret,  
Altero globo peremit, dum caueri ictus non potest ;  
Abruptum est corpus in membra, ne integrum mori non posset ;  
Quod colligi potuit hic jacet, magnitudo cladis vbique est :  
Nec tamen incautum mors oppressit,  
Ea die æternitatis studuerat ;*

*Ante horam sacramentis se munierat, ne imparatus obiret ;  
Horam alteram non subtraxit aternitati, dum impendit Regi ;*

*Sed audi aliquid prodigio simile, vel miraculo :  
Appensam è collo crucem fatalis globus impressit cordi ;  
Sensit cor adnotum sibi Deum, & amauit ;  
Emendauit amores humanos hic amor vltimus,  
Clausit vitam in vulneribus propriis, & in vulneribus Christi ;  
Reperiri vltra in terris cor ereptum non potuit ;  
Duae res sursum extulerant, crux quam attigit, amor quo arsit ;  
Postquam attigerat Deum tegi humo non debuit :*

*Nec ignotus aternitatem ingressus est ;  
Ad quam tot opes pramiserat :  
Vt festiue beneficus esset  
Premittere se aiebat ad cælum diuitias, ne illic pauper esset.*

#### ABI VIATOR.

*Et prouide aternitati.*

#### REDI VIATOR.

*Et discè qualis Crequius fuit dum vixit ;  
Centum heroum nepos, omnium virtutes suas fecit,  
Gentilitio clamore bellico dignus.*

*A Crequy, Crequy le grand Baron, nul ne s'y frotte ;  
Domesticis titulis Ducem, Parem, & Marefcallum addidit :  
Comestabilis de Lesdiguières Gener,  
Comes omnium pugnarum merebatur honores stabili Comitiss  
Nulla est Prouincia Gallia ubi non pugnarit, & vicerit ;  
Apud Subalpinos eo propugnante Verruca vna non periit ;  
Eo impugnante Verruca vna non stetit :  
Legatus extraordinarius apud Romanum Pontificem,  
Ostendit Roma quid Roma posset si Gallia protegeret ;  
Quid non posset, si Gallia desereret :*

#### ABI VIATOR, ET LVGE.

*Vir ille quem Roma suspexit  
Apud Bremam interiit.*



PROSOPOPEIA BREMAE,  
AD MARESCALLVM  
CREQVIVM.

**B**REMA meis famosa malis, mea funera ploro  
Dum funus deploro tuum: tecum inclyta starem,  
Staret adhuc si vita Tibi: fugisset Iberus  
Præsentem Crequium, qui sæpe ad nominis umbram  
Palant, & fugit quem non aspexerat hostem:  
Armata facilis servasset mœnia Brema,  
Qui nuper Verruca hostem defendit inermis  
Et nunc Vincendi limes Brema esset Iberis,  
Et via Vincendi Francis: sed ô aspera fata!  
Fata tibi, dira atque mihi! mors invida laudis,  
Absentem Crequium immaturo funere merfit,  
Et funus me mergit idem: mællem esse Mapale  
Exiguum, vel qualis eram sine nomine vicus,  
Et sôli notus pecori, quam Martia Brema,  
Aut soror, aut hostis nimium vicina Casalis  
Magna mihi fortuna nocet, claresco ruina,  
Et damnis sum nota meis: servire duobus  
Impellar Dominis, captiva utrique futura,  
Et neutri mansura cliens, dum victus uterque  
Et victor succedet Herus: sic semper egena  
Alternas mutabo vices, ut præda prioris  
Et Domini sim præda novi: sic carnis egenum os  
Mussantes rodunt catuli, retrahuntque, trahuntque,  
Hic prædam nunc fauce rapit, nunc eripit alter,  
Mutat præda vagas fauces, nec vulnera mutat:  
Iamque offi vacuo solus vix nidor adhaeret,  
Ipse etiam mordetur odos: hæc fabula Brema est.

ILLVSTRISSIMI HEROIS  
IOANNIS TOERASII,  
GALLIÆ MARESCALLI,  
EPITAPHIVM.

STA VIATOR VBI TOERASIVS STETIT.



*He eas virtutes habuit, quas in heroibus antiquitas finxit  
Et quod in illis fabula, in hoc historia est.*

*Fecerant ea virtutes Regi amabilem, quia fecerant similem,  
Præfektus Reane Insula virtutem instar arcis esse docuit,  
Dum urbem sine muribus, & arcem sine arce defendit:  
Victus est ad Raam duplex exercitus navium & hominum  
Mirata Anglia victam se à nullo penè milite,  
Desperavit Rupellam in Ra, & Galliam in Rupellâ:*

*Datus Casali propugnator, Spinolam hostem habuit, non victorem  
Ille vrbes capere docuerat, nisi docuisset iste seruare:  
Dum vincere vterque vult, & neuter potest  
Casale vtrique diuisum est, vt vterque vinceret:  
Inter inducias Spinola mori maluit, vt inuictus obiret  
Maior Toërasio futurus, si eum vicisset,  
Nec tamen minor dum post mortem victus est.*

*Post eas victorias Marescallus à Rege creatus,  
Dum gloriam vincit, non vicit inuidiam  
Extulit tamen hæc inuidia Toërasium non depressit:  
Stetit in gradu vertente se rotâ  
Et probauit amorem Patriæ, dum seruauit iratâ  
Nec inutilis fuit Gallie, dum inberetur esse:*

*Euocatus Romam meruit admirationem vrbis, & Vrbis  
Representauit Roma Camillos, Scipiones, Marcellos  
Et spectasse omnes in vno Roma credidit.*

*Restitutus gratia Regiæ, & militia:  
Victurus omnia sperabatur sub Principe VICTORES  
Inuidit mors homini, cui fortuna inuiderat  
Transfixit incautum inglorio vulnere quem armatum timebat  
Id vnum peccauit vir magnanimus,*

*Procedere ad vulnera nudus non debuit,  
At hac heroum fiducia est, nihil timere.*

ABI VIATOR.

*Et mortem ne time, sed caue,  
Et ne te illa fallat, illam falle.*

EPISTOLA VRBANI VIII.  
SVMMI PONTIFICIS  
AD ILLVSTRISSIMVM TOERASIVM,  
POST SERVATAM RÆAM.



VRBANI generosus amor fortissime fili,  
Virtutis fama alia tue, & par dextera fama  
Digna est in laudes cui Musa Urbana labores,  
Et Patrie modulentur Apes.

*Fumantem Anglorum Romano ex Tybride Classem  
Vidimus, implevit Capitolia nostra sonorus  
Flammarum crepitus, vicina per equora late  
Stridet adhuc cladis murmur, clamatque Britannus  
Ad Ræam cecidisse reos: Tua dextera fili  
Vicit, lo vicit, diuina & Regia tela  
In manibus tonnere tuis: communibus armis  
Contemptas Petri clauas, & Regia iura  
Vltus es: & fortis Regi tutela fuisti,  
Defensorque Petro: sed non hoc Anglica Classis  
Sperabat, dum fœta viris, armisque superba,  
Iactabat veteres titulos, & lilia quondam  
Sub Dominis captiua Rosis: & nunc quoque florum  
Delapsam cælo triadem violare parabat,  
Partiri que sibi sed nescit vulnera Cælum,  
Nec patitur segmenta Trias: temeraria Classis  
In puncto perit dum Regnum, & lilia teneat.*

*Vidimus infirmas crebris assultibus arces  
Pulsari: raros homines morbusque, famesque  
Fecerat, at Tu vnus morbumque, Anglumque, famemque  
Viciisti, & triplex in laudem proficit hostis.*

*Vidimus infestis acies concurrere signis,  
Incubere Anglis Franci, totidemque leones*

*Vt pardos pepulere Anglos ; Toërasius instar  
Fulminis , vrgendo punctim , casimque metendo  
Obuia quæque rapit ; fugiuntque , caduntque Britanni ,  
Et breuior patet ora fuga.*

*Ergo age cum nostris accrescat laurea vittis ,  
Quæ fidei accrescit , LODOICI applando triumphis ,  
Et meritis dilectæ tuis ; tua gloria , fili  
Viuet , io viuet , dum Musa Urbana vigeat ,  
Et memori obscuram celebrabit carmine Ream.*

*Sperabant Angli Regna , inuenère sepulcra ;  
Ad Ream periere rei ; cepere sepulci  
Quam non ceperunt viui ; digna Insula nomen  
Sortiri melius , iusta est quæ lilia seruat ,  
Et quam Toërasius seruat , Toërasia terra est.*



ILLVSTRISSIMI POTENTISSIMIQUE DOMINI  
CAROLI DE NEVFVILLE,  
DOMINI D'HALINCOVRT,  
MARCHIONIS DE VILLEROY,  
LVGDVNENSIVM PRO-REGIS.  
ELOGIVM FVNEBRE.



AROLVS de Neufville magni Villaregij filius , vt totum Patrem exprimeret vnigenitus fuit ; anno 1567. natus , anno 1642. mortuus , superioris seculi & præsentis virtutes ita coniunxit , vt vir duorum seculorum appellari possit.

Vt Regus ministeriis innutriretur alumnus Regum fuit ; idem illi sapiendi Magister & Pater , idem quatuor Regibus Minister exitit ; hæc tantum in parte non satis Secretorum Regiorum tenax , dum omnem sapiendi artem communem filio fecit : inde illa Halincurtij sapientia quæ nunquam errauit , etiam dum error publicus fuit ; inde ille Regum fauor , à Carolo IX. susceptore Carolus appellatus est ; successoribus Regibus carus idem nomen pluribus debet.

Ne Gallice tantum sapiens esset , missus in Italiam sapientiam Italicam sic didicit vt Gallicam non corruerit ; omnium vrbiū hospes ex singulis optima quæque collegit , & se sapientiæ Italicæ thesaurum fecit ; neque aptior Legatus extraordinarius ad Clementem VIII. ordinarius



ad Paulum V. Honorarius ad omnes Italiae Principes destinari potuit quam qui vbiq; hospes, & vbiq; popularis esse videbatur; propterea Venetos conciliauit Pontifici quia Romanus & Venetus; Henrico magno statum Equestrem Romae crexit, & Romam Gallicam fecit; Sfortia & Vrsino Regionum Ordinum torquem tradidit; vt illic Equites crearet vbi Regem crexerat: denique ita publicus, priuatusque rem gessit, vt quod Pater erat Gallia, hic penè esset Italia.

Fortitudinem adiecit sapientia, Palladem imitatus quæ intus sapiens, & foris armata est: sub Marscallo Matignonio Gallicum vexillum protulit, & dum illud hostili sanguine eruentauit, tunc maxime candidum fecit: Montem Acutum sub Duce Mayenio cepit, & signa victoriæ ad Regem tulit; sub Duce Ioyeusio cataphractæ Equestri turmæ sic præfuit, vt meruerit habere propriam, dum sic regit alienam; sub his bellorum Magistris euasit ipse Magister Bellandi; nullum per ea tempora bellum gestum est in quo Mars ipse aut Mercurius non fuerit; omnium certaminum particeps, omnium victoriarum pars fuit.

Sed præcipuum ei bellum cum hæreticis fuit: Pontæciam duobus exercitibus dedere recusauit vt seruaret fidei, seruaturus diutius nisi glans ferrea fregisset animos ciuium dum fregit brachium Ducis, & fecit Martyrem manum; amauit eam manum Henricus Magnus & regendam Pontæciam Catholicus ei tradidit, qui eam seruaret Catholicam.

Sed angustior erat Pontæcia tantæ virtuti; debebatur Lugduno Prorex Villaregius qui Lugdunum efficeret regiam urbem: Et verò vt erat magnificus armauit Lugdunum propugnaculis ad securitatem, ornauit publicis monumentis ad maiestatem, instruxit amœnis ambulacris ad voluptatem, totamque urbem sic immutauit, vt Neouillam de suo nomine appellare posset, nisi maluisset mutare vetustatem vrbis quam nomen: nemo ingreditur Lugdunum nisi per eius beneficia; ambulamus inter eius monumenta, viuimus inter decora; vbiq; prostant tesseraria Halincurtij insignia, quia vbiq; extant benefacta.

Neque ibi stetit magnificentia hominis; liberalitatem suam sacram esse voluit vt æterna esset; nullum reliquit templum vbi aureas preces non fuderit; nullum penè altare quod tesserariis crucibus non ornaret: Monialibus à Carmelo dictis Monasterium ac templum extruxit; vbi etiam sepeliri voluit, vt quiesceret in beneficiis suis.

Ibi sepulcrum posuit sibi adhuc viuus; & diu ante mortem mori didicit: superstat imago sepulcro; imo sola imago sepulcro regitur; imago ænea est quia animus imperterritus fuit; torquati Equitis insignia gerit, hæc decora meretur mortuus, quæ decorauit viuus; aduoluit genua, & manibus supplicat, hic gestus est æternitatem ambientis.

Neque alia imago, aliud Archetypum fuit; præuidit diu ante aduen-




tum mortis, & ne rudis æternitati se sisteret, sæpe æternitatem animo voluit; denique armavit se Sacramentis Christianis, vt ante mortem sacer iam esset.

Sic armatus non ex palluit ad nuntium mortis, quam ipse prior nuntiauerat sibi; surrexit ea die quæ postrema illi fuit, quasi longum iter aggressurus; torquati Equitis cæruleam vittam induit, torquatus & concolor ad cælum iturus: excepit aduentantes amicos, & docuit fidelem amicitiam nunquam mori; tractauit res publicas, & moriturus Proregem egit; scripsit ad Marchionem filium moribunda manu, & pene post mortem; commendauit Abbatibus vt familiam regerent quasi Ecclesiam; disposuit agenda post vitam, quasi adhuc post mortem victurus.

Monitus vt conscientie prouideret, accusauit illam, inquit, ne me illa accuset; inuitatus vt decumbens mortem expectaret, quid interest ait; sedens ne an erectus moriari; rogatus pronuntiare nomen IESV, pronuntiauit, adorauit, amauit; denique eo vultu mortem aspexit quem illa non mutauit: impacto pede percussit terram, & collecto impetu ad æternitatem euolauit.

Abi Viator non est mortuus Halincurtius viuit in liberis, immortaliter victurus, si tales semper succedant hæredes.



ILLVSTRISSIMO ET REVERENDISSIMO DOMINO  
**D. CAROLO DE NEVFVILLE,**  
 LVGDVNENSIVM ARCHIEPISCOPO,  
 PRIMATI GALLIARVM ET PROREGI LVGDVNENSIVM,  
 AMARI ET TIMERI

ELOGIVM POLITICVM.



**I**NVENISTI artem sociandi res duas quæ sociari vix possunt, amorem & timorem, ARCHIPRÆSVL ILLVSTRIS-  
 SIME, excludere solet amorem timor, & timorem amor; ille ad rem amatam currit, hic fugit; ille apprehendit bonum, hic deserit; vterque alas habet, sed ille quibus veniat, hic quibus fugiat.

Mutauerunt in te naturam suam affectus gemini; in aliis oppositi in te amici sunt; distinguis vtrumque & confundis; amat te timor, & timet te amor; vterque in aliis diuersus, in te est simplex, & vnicus:

Ac facile quidem dictu est vnde nascatur amor, non ita facile est di-

cere vnde nascatur timor; amabilem te facit indoles tua, amabilem affabilitas, amabiliorem beneficentia; hæc ego tria cum dixero, dicam vnde oriatur timor.

Et quidem indoles tua adeo bona est vt vix in te bonitas differat à natura; quam illustis laus illa bonitatis tuæ; nullum hominem esse, etiam malum cui bonus non fueris; nullum esse cui nocueris, etiam hosti; nullum esse hostem tuum qui non sit publicus, nullum esse publicum qui non sit tuus.

Auget amorem tui affabilitas tua, communicas te omnibus, & nulli te negas; alienum bonum es magis quam tuum; omnis hora tua publica est, & nulla domestica; consuleris quasi Athenæum, respondes quasi oraculum, nemo excluditur à te etiam miser, nemo antefertur etiam diues: audis omnes quasi Echo publica, hac tantum in re dispar, respondes interrogantibus dicenda non dicta.

Nec verbosa est tantum eloquentia tua, sed benefica; placet dicere de te quod tu facere mauis quam dicere; nulla est calamitas publica quam non subleuaris, nulla priuata quam non minueris, nulla fortuna beata quam beatiorum non feceris: viuimus per te securi inter ruinas publicas, & malorum inspectores non participes, solis oculis infelices sumus; inuident nobis vicinæ Prouinciæ felicitatem, & si liceret inuiderent auctorem.

Dixi vnde nascatur amor tui, dicam paucis vnde oriatur timor; ex Te Pastore nascitur & Prorege.

Blandum est Pastoris nomen, sed idem terrificum, ingenerat hoc nomen amorem & timorem; amant oues Pastorem & timent; & pera & fistula, & pedum, & sagum instrumenta sunt amoris & timoris: amant oues hæc insignia & illa timent; fallor totus Pastor est amor, & amor est Pastor; timent oues amorem dum timent Pastorem, atque amor ille est timor.

Minus blandum est nomen Proregis, & forte in aliis Proregibus terribile est, sed in Te amabile; vt mollires hoc nomen miscuisti Abbatem Proregi, & postea Præfulem; & nunc regis Lugdunum vt Episcopus non vt Præfectus; nec minuis timorem Proregis dum addis amorem Præfulis, nec confundis vtramque dignitatem, & vtramque distinguis.

Ac vide quàm hæc laus tua sit vera non ficta; oblitus est iras suas sub te Pastore & Prorege Leo Lugdunensis; rugiebat olim sub aliis Proregibus & pene Regibus, & rugitum Lugduni audiebat Lutetia, & timebat Gallia: & nuper inter factiones si Lugdunum rugiisset, turbare poterat uniuersam Galliam & excitare Europam: mutasti in ouem leonem Lugdunensem; siluit sub te Pastore & Prorege, & prouocatus licet minis & tmiis balare maluit quam rugire.

Fecit hoc amor tui & fecit timor; fecit hoc vterque affectus, & fecit

vnus ; inuenisti artem sociandi amorem & timorem ; mifces vtrumque , & vterque fe auget : amor eft timor tui , & timor eft amor , vterque multiplex , & vterque simplex.

DEVX DEUISES SVR LE MESME SVIET.

I.

Le confluent du Rhofne & de la Saone.

*Mifcentur in vnum.*

EPIGRAMMA.

**L**entus Arar , Rhodanusque celer MISCENTVR IN VNVM :  
Ille amor , hic timor eft : lentus hic , ille celer.

II.

Vn fep de Vigne en Prouence perçant le corps d'un Oliuier , faifant du vin qui fent l'huile , & l'Oliuier de l'huile fentant le vin.

*Mixtus vtrique fapor.*

EPIGRAMMA.

**N**afcitur ex Bacebo Pallas , de Pallade Bacchus :  
Hac amor , hic timor eft , MIXTVS VTRIQUE SAPOR.

ILLVSTRISSIMO AC REVERENDISSIMO  
**CAMILLO DE NEVFVILLE**  
LVGDVNENSIVM ARCHIEPISCOPO  
AC PROREGL.

ANNVS NOVVS.



**P**RECAMVR Tibi fortunatum annum qui tot annos nobis fortunatos fecisti , ARCHIPRÆSVL , ET PROREX ILLVSTRISIME , gratulamur annum quinquagesimum sextum , & vouemus centesimum ; cœpisti penè cum hoc seculo noster esse , & nos esse tui ; absolue hoc seculum quod inchoasti , nec te illud absoluat ; imo supera ætates omnes , nec vllus annus sit tibi vltimus nisi sit æternus.

Ac vide quam sint publica vota nostra, optamus felicitatem publicam dum optamus tuam; vouemus ouibus quod vouemus Paltori: pendet ex salute tua felicitas nostra, nec tu vis esse felix nisi ut nos felices efficias.

Placet percurrere præteritos annos felices Lugduno te felice, fuere pacifici inter arma, securi inter pericula, quieti inter factiones politicas, nec satis regias: stetit immotum Lugdunum dum Gallia moueretur, stetit fidele etiam tentatum de fide, retinuisti ne caderet, firmasti ne titubaret; animasti ne metueret; steteret exemplo nostro finitimæ Prouinciæ, secuturæ Lugdunum quasi centrum quocunque se verteret.


Nolo dicere quod euasura res erat si Lugdunum vacillasset: malo dicere debere nos sapientiæ tuæ quod tunc steterimus cum Lutetia ipsa vix stetit; nimirum gubernabas Lugdunum eadem fide qua frater tuus Ludouicum; & vterque sapienter monebat pugnandum semper esse pro Rege, nunquam de Rege.

Placet comparare felicitatem nostram cum sorte alienâ; dum exortes disciplinæ militaris Legiones in vicinis Prouinciis non tam exigenter hyemem quam vbiq; facerent; dum Prædones non milites, dum hostes non hospites, dum quæ damna non intulissent alienigenæ barbari, ea inferrent indigenæ Galli, dum omnia rapinis, cædibus, sacrilegiis miscerentur, sola malorum fama Lugdunum peruenit: spectauimus incendium è propinquo, & solus flammarum odor nos læsit; stetit Lugdunensis Prouincia sine damno, & penè sine periculo; transiuerunt Lugduno milites, alibi hostes, apud nos hospites, alibi raptores, apud nos emptores; viguit commercium inter tumultus bellicos, & bellum quod cæteris Prouinciis nocuit, Lugduno vtile fuit: Cui debemus hanc felicitatem nostram nisi sapienti tibi, & felici?

Nec fortunatos tantum annos præstas Lugduno verum etiam sacros: agis Gubernatorem & Præfulem; coniungis vtrumque munus non confundis; socias vtramque potestatem; adiuuas vnam altera, & vtramque consecras: atque ut verbo dicam repræsentas Lugduno Ambrosium patriam Lugdunensem; egit ille Mediolani Episcopum adhuc Præfectus; egit Præfectum iam Episcopus, & tu exerces vtrumque munus, & Camilli nomen apud te sacrum simul, & politicum est.

Agit tibi gratias Lugdunum nouo Eucharistici genere, fatetur se esse in ære tuo, nec exire velle; agnoscit debere tibi quod non vult soluere; imo enumerat antiqua beneficia, & exoptat noua: idcirco precatur tibi felices annos, & multos; ut crescat felicitas nostra Te diu felice.

Nec plura audemus dicere ne erubescas ad laudes tuas: imo vt altius erubescas id precamur vt breui rubor tuus fiat purpura, & viola rosa.



ILLVSTRISSIMO DOMINO  
D. ABELI DE SERVIENT,  
COMITI DE LA ROCHE,  
MARCHIONI DE SABLE,

ET BOISDAUPHIN, &c.

MINISTRO POLITICO, ET REGII ÆRARII

SVPREMO PRÆFECTO.

IMAGO VITÆ.



SCENDISTI per omnes honorum gradus ad eum quem geris, VIR ILLVSTRISSE, ex Procuratore Generali, Magister libellorum supplicum, ex illo variis in Provinciis iuri dicundo Præpositus, ex illo legatus Regius, ex illo Præses primarius, ex illo à Secrētis Regiis & mandatis: ex illis plenissimi iuris de Pace legatus; ex illo Minister Politicus; ex illo denique Regij Ærarij supremus Præfectus.

Nec ascendisti præcipiti saltu, sed emerito gressu; gradus fuit honor vnus ad alterum; prælusisti secundo dum gerebas primum; exercuisti quartum in tertio; sextum in quinto; meruisti octauum in septimo, & nonum in octauo: accessisti ad singula ministeria veteranus non nouus; penè iam gesseras antequam gereres: propterea superasti officia dum gessisti; neque adæquant ingenium tuum singula, neque implent vniuersa.

Placet relegere officia vitæ tuæ, & proponere tibi imaginem tui; miraberis te eundem & multiplicem, similem & diuersum, vnum in pluribus & plures in vno: expresse imaginem corporis tui ingeniosus sculptor, ego animum pingo, vter feliciori stylo iudex erit quicunque te nouit.

Procurator Generalis in Senatu Delphinatensi, fuisti asyllum legum; iustitiæ propugnaculum, suator rerum bonarum, & censor malarum: Nemo publice sceleratus fuit qui te censorem non senserit: nemo leges damnauit innocens, neminem leges damnarunt innocentem; nemo iustitiam contempsit impune, neminem iustitia oppressit inique, arbitra-



tus rationes Regias esse publicas, & publicas Regias, egisti Procuratorem Regis, Patronum Regni, & Patrem populi.

Alligari non debuit vni Prouinciæ vir omnibus aptus; minores erant res forenses ingenio tuo, & te ad res Politicas natura formauerat; admissus ad supplicum libellorum Magisterium statim dignum te probasti cui ardua quæque negotia committerentur, nec te implicata rerum difficultates terruerunt, illustrasti illas instar solis per Zodiaci monstra gradientis, & docuisti difficultates sæpè astra esse non monstra; vicisti aliquando ingenia vt monstra superares, & sæpè superasti difficultates vt ingenia vinceret; ita gessisti hoc alterum munus, vt non tam libellorum supplicum quam difficultatum Magister esse videreris.

Præpositus juri dicundo per Aquitaniam, difficilem Prouinciam adeò demerueras Regi, & Tibi, vt nec alium Principem vellet nisi Regem, neque alium judicem, nisi te Præsidentem; & tu donatus à Rege gratuita dignitate Primarij Præsidis in Senatu Aquitanico, retinueras Prouinciam in officio si retinere officium voluisses: præuenisses seditiones futuras, non expectasses; parasses antidorum malis futuris, sanasses morbos nondum natos, & nouo genere medicinæ politicæ, ne orta rebellio inualeceret, fecisses ne oriri posset.

Missus à Rege trans Alpes, semel exercitui Gallico præpositus judex, semel atque iterum Legatus extraordinarius, representasti Italiæ Maiestatem Gallicam, & gemino fœdere apud Seculum, & Cherascum penè iterum Alpes Gallicas, & Galliam fecisti transalpinam. Paucis attingo quæ tu multa & magna fecisti, & penè ea confundo quæ tu tam aptè distinxisti: Per te effectum est ne Mantuanus opprimi posset, & ne Sabaudus posset opprimere: spectauit Rex Christianissimus in illo societatem, in hoc affinitatem, diuisit se vtrique, erga hunc Ludouicus, erga illum iustus, erga vtrumque vterque fuit.

Per te Rhetia in libertatem vindicata laqueos seruitutis effugit: Per te Ratisbonensis negotiatio correxit intra Italiam quod intra Germaniam peccauerat; per te Casale neutrum esse voluit, vt esset liberum: per te Mantua Domino suo restituta est præter opinionem publicam & priuatam. Per te Pignerolium redditum est Sabaudis vt seruaretur fides publica, & receptum vt seruaretur arcana.

Dignu eras Secretis Regiis qui noueras secreta facere, & seruare: placeat describere radios solis vt munus hoc tuum describam: nihil secretius est radiis solis, vident omnia & vix videntur, apparent & latent, per eos sentimus omnia, & vix ipsi sentiuntur; nihil subtilius iisdem radiis, peruadunt soliditatem cœlorum nec franguntur; permeant ignem nec exuruntur; percellunt aërem nec læduntur; immiscent se aquis nec merguntur; insinuant se terris nec obruuntur; nihil eisdem radiis efficacius, sœcundi

cundi sunt in terris, salubres in aquis, illustres in aëre, purpurei in igne; argentei in Stellis, discolors in Planetis, omniformes in gemmis; denique nihil eisdem radiis fidelius, pendent à Sole neque ab iis sol pendet, eunt ad imperium, redeunt ad nutum, adhærescunt Soli, & perirent nisi adhærescerent: talem oportet esse Ministrum à secretis & mandatis Regiis, & Tutalis fuisti.

Talem te esse oportebat ut plenissimi iuris de pace Legatus in Germaniam mittereris; & breui probasti te esse radium solis, secretum ut regeres arcana Gallica, subtilem ut explorares aliena, eloquentem ut persuaderes, efficacem ut ageres, fidelem ne fallere velles, sapientem ne falli posses.

Longum esset dicere quid cum Collegis Legatis feceris; placet ea discernere quæ solus fecisti; digressus à Germania in Hollandiam persuaseras Hollandis reciprocam defensionis cum Gallia fœdus; cuiceras ne aliam pacem vellent quam publicam, monueras si aliter facerent læsuros libertatem publicam, nec empturos priuatam; neque inane vaticinium fuit; dolent hodieque id euenisse quod prædixeras euenturum.


Regressus ex Hollandia conciliasti Germaniam cum seipsa, & Galliam cum Germania; atque id fecisti dum Gallia secum ipsa pugnat; & dum Lutetia obsidetur à seipsa; tunc temporis per te victrix fuit Gallia intra Germaniam, dum vincitur à se intra seipsam: nec exiguus fuit Pacis Germanicæ fructus, per illam gemina Alsatia loqui Gallicè didicit, per illam Philisburgum, & Brisacum olim clauēs Germaniæ ut aperirent Galliam, nunc clauēs sunt Galliæ ut illam claudant, & recludant Germaniam.

Dum absens hæc geris designatus es Minister Politicus, & eras antequam esses, dum extra Galliam administrabas res Gallicas: nemo ad ministerium ascendit per altiores gradus, fuisti prius Minister Europæ ut esses Minister Galliæ, didicisti arcana Regnorum, & Legatus Regius; examinasti quid possent, explorasti quid vellent, distinxisti virtutes Nationum, collegisti mores Gentium, confluisti ex pluribus sapientiis vnam, & per hanc lapis sapientiæ omnium; atque inde fit ut si magnum aliquid cum externis populis pertractandum sit, si fœdus ineundum, si pax sancienda, omnes te itatim appellent, omnes te optent quasi Ministrum Galliæ, & Legatum Europæ.

Post exercita tot ministeria vnum decrat Ætarij Regij Ministerium; & illud nunc geris; difficile sane ministerium, & te dignum; Præfectum esse ætarij non famulum, Dominum Auri non seruum, retinere decolores manus inter metalla, & pauperem esse posse inter diuitias; similem esse Soli qui aurum parit, & purus est, imitari terram quæ parurit argentum & reddit, æmulari ignem qui perficit metalla nec se inficit, in-

star esse sigilli, quod autem se implet ut Regem imprimat, & se exhaurit ut restituat; talem te miramur, & maiorem; scis ærarium Regium sanguinem publicum esse, distribuis illum sapienter non effundis; impendis bono publico, & restituis venis unde fluxit; putas Regem satis diuitem esse si regnum sit diues, & paupertatem publicam tunc tantum commendam doces, si priuati omnes sint pauperes.

Non abdicasti cetera officia dum istud geris, collegisti omnia in vno, & Præfectus Ærarij omnes præfecturas in vnâ geris: Agis Procuratorem generalem dum procuras regium bonum & publicum; agis supplicum libellorum Magistrum dum libellos supplices admittis & expedis: Præpositus es iuri dicundo variis in Prouinciis dum protegis iura prouinciarum non opprimis; dicis ius exercitibus Regiis dum stipendia militi assignas non prædas; scribis mandata regia dum scribis aurea; administras pacem & bellum dum administras ærarium; denique omnium rerum ministeria simul geris, dum aurum omnium rerum ministrum fidelis minister distribuis.



EIDEM ILLVSTRISSIMO DOMINO  
**D. ABELI DE SERVIENT,**  
 VITA PRIVATA ET PVBLICA.



LLVSTRE viuendi genus priuatum & publicum; vacuum & negotiosum, solitarium & aulicum, VIR ILLVSTRISSIME, vixerunt hanc vitam Politici antiqui & tu illam viuus; partiris te aulæ & solitudini; diuidis te vrbi & ruri, viuus duplicem vitam, & vnâ efficis.

Capacis ingenij necesse est te esse quem totum Aula non capit; quem negotia totum non occupant, & quo omnes curæ minores sunt; scilicet subdis tibi negotia non te illis, Dominus curarum es non seruus; commodas te rebus non donas, tradis te illis & retrahis, partiris ingenium tuum, & dum vna pars tui magnis in rebus laborat, altera penè vacua est, & solitaria.

Fallor nec vna pars tui otiosa est, nec tu solitarius es, etiam dum es solus; trahis tecum quocunque pergis totam politicæ rei doctrinam, sequuntur te magnæ virtutes & scientiæ; latere non potes quem omnia faciunt publicum: Non satis dixi, inuenis Aulam extra Aulam, & regna intueris in symbolis; vides in Rosa Angliam, in Tulipa Hispaniam, in Imperiali Germaniam, in Lilio Galliam; & quod Lilium est floribus hoc vides Ludouicum esse Regibus: ex orto progressus in porticum metiris



in orbis mappa interualla regionum, examinas antiqua iura regnorum & noua; reuifis prouincias quas olim Legatus obiifti, & nouo Legationis genere percurris orbem terrarum & immotus manes.

Neque adhuc fatis dixi; erudiri ingenij est fcire præterita, prudentis intueri præfentia, fapientis meditari futura, hoc ftudium tuum eft vacare futuris, & fpeculari facienda non facta: vis vt renouam aliquid ex iis quæ animo voluis, hac arte, inquis, terreri Aquila potest ne ad Alpes volet, hac arte impediri Leo fi cum Leopardo pugnet; hac arte iniri pax ftabilis fi nemo vincere velit, & nemo vinci; hac arte dirari fifeus fi populus diues, & regnum fit locuples: hac arte victrix effe potest Gallia fi feipfam non vincat.

Plenus his meditationibus politicis, & redux in Aulam rogaris fententiam & effata dicis; respondes de legibus imperij quafi interpreter, de factionibus Italicis quafi fequefter, de myfteriis externis quafi myftes: loqueris de rebus futuris quafi de præfentibus, de agendis quafi iam actis, de negotiis alienis quafi de Gallicis; nec dicis tantum res ipfas fed caufas rerum, & initia & fines, & curfum & exitum: nihil à te quæritur quod non præuideris, nihil obijcitur quod iam non folueris.

Ex Aula redis in hortum; nec Regiam deferis dum ad lilia redis ex liliis; fic mifces priuatam vitam, & publicam, fic viuis aliis & tibi; nec illuftrior vita effe potest quàm quæ omnibus eft vtilis; vixere hanc vitam Scipiones & Lælij, Cicerones & Attici; viuus Meudoni inter ftatuas virorum illuftrium, & tu aliquando inter ftatuas & imagines eris.



## DEUISES SVR LE MESME SVIET

D'VNE VIE PRIVEE ET PVBLIQUE.

I.

Les fontaines de Paris.

*Quod bibimus de rure venit.*

EPIGRAMMA.

**Q**UOD BIBIMVS DE RVRE VENIT; postquam alluit urbem,  
Mobilis ad patrios vnda recurrit agros.  
Tu quoque post Aulam, & fiscum, & myfteria regni,  
Vnde nouus redeas ad noua rura redis.

II.

Le Nauire de la Ville de Paris.

*Reditura perambulat orbem.*

Hh ij

## EPIGRAMMA.

**V**T *gazaras referat REDITVRA PERAMBVLAT ORBEM,*  
*Et quas collegit diuidit orbis opes.*  
*Regius est Nauis fiscus; Tu nauita fisci:*  
*Diuidit allatas Te Duce Nauis opes.*

## III.

La Seinc.

*Exit nec deserit urbem.*

## EPIGRAMMA.

**Q**UAM *properare vides, EXIT NEC DESERIT VRBEM,*  
*Et fluit, & semper mobilis vnda manet:*  
*Tu quoque Meudonum repetis, nec deseris urbem*  
*Et procul, & presens nobile flumen ades.*

## IV.

Vn Compas.

*Centro pes alter adheres.*

## EPIGRAMMA.

**P**ES *alter graditur, CENTRO PES ALTER ADHÆRET,*  
*Ni foret immotus non numeraret iter.*  
*Tu quoque terrarum fines Legatus obissi,*  
*Et centrum, & semper circulus Aula tibi est.*



EIDEM ILLVSTRISSIMO DOMINO  
**D. ABELI DE SERVIENT,**  
 POLITICA ET CHRISTIANA  
 QVÆSTIO.

AN SOLITARIVS ANIMVS POSSIT ESSE SOLVS.



**P**OLITICA & Christiana quæstio, an ingens & excelsus animus possit esse solus dum est solus. Te spectat hæc quæstio, VIR ILLVSTRISIME, permitte vt de Te apud te disputem, an Meudoni sis solus etiam dum es solus: orator eroditæ causæ, tu iudex, priuata controuersia erit, nemo nos audiet



nisi solitudo; fallor si solus esse non potes audient nos quicunque sunt comites.

Videtur excelsus animus posse esse solus dum solus est, qui potest priuatus esse etiam dum publicus est; abesse potest ab urbibus etiam intra vrbes, & subtrahere se multitudini etiam cum est præsens: scilicet maior negotiis commodat se illis non se donat; nec totum se rebus impendit sed partem sui; atque hanc ita emittit à se, vt eandem retineat: igitur repetere se à negotiis potest, quibus tradidit se non vendidit; igitur dicere cum Philosopho potest publicis curis, ite curæ placet vacare & solum esse, at vos non estis solæ.

Neque extra se tantum sed intra se ipsum excelsus animus Dominus est; fecit illum Deus dominum sui cum illum condidit; emancipauit dum liberum fecit; velle potest, & non velle; emittere actus suos & suspendere, agere & cessare; & ne otiosus sit dum otiaitur, agit aliquid dum nihil agit, vritur arbitrio dum vult non vri, & dum libere cessat tunc Dominum sui se esse probat: potest igitur solus esse qui potest carere cæteris rebus, & penè carere se: admittere potest hospites curas, & illas ejicere, potest sibi ipsi inquilinus esse, & sui hospes.

Aliunde ingens & capax animus, nec solus esse potest nec vacuus; plenus est imaginibus rerum quas intra se pinxit; intra se vrbes & Pro-uincias & regna gerit, quæ lustraui; intra animum Germanus & Italus, Hispanus & Anglus, Suecus & Danus, Polonus & Moschus bellum tractant & pacem: meditatur hæc omnia politicus animus, & penè exequitur: quis dicat eum animum esse solum cui mundus est socius.

Quod admirabilius est præsentes sunt animo solitario res præteritæ; viuunt quod præterit, sistit quod fluxit; illi omne tempus præsens, omnis dies hodiernus, omnis antiquitas nouitas est; habitant intra illum magni viri olim mortui nunc rediuiui declamant apud illum Cicerones, philosophantur Platones, speculantur Aristoteles; quis dicat eum animum esse solum, cui omnis ætas socia est, & comes omnis antiquitas.

Non satis dixi, exit extra se ingens animus, & ad res futuras se procul extendit; meditatur res olim venturas, diuinat, conijcit, consulit & antequam fiant penè illas facit; atque hæc est ingentis animi nobilis occupatio studere rebus futuris, & adhuc nullis; interesse rebus faciendis quasi iam factis, scire historiam temporis futuri, & penè scribere: eruditi ingenij est didicisse præterita, vulgaris scire præsentia: politicus & sagax animus anteuertit annos venturos; viuunt vitæ futura, & senex annis elapsis iuuenescit lapsuris: Quis eum solum esse dicat cui homines olim futuri iam adsunt socij?

At hæc politica sunt quæ sequuntur Christiana, solitarius, & pius animus retractat ætatem præteritam, & emendat; recognoscit annos

clapfos, & meliores facit dum facit pios: neque ibi pietas liftit, affuefcit mortì olim moriturus; experitur artem moriendi ne ibi erret, vbi nemini errare bis licet; atque vt mortem ludat incipit immortalis eſſe dum viuit: vt pergat vltcrius auſpicatur æternitatem intra tempus, ponit rudimenta vitæ venturæ, præmittit merita ad cælum quibus coronetur, & felix olim futurus, præludit felicitati ne ad illam accedat ignarus.

Egi oratorem, & penè decepi te, V I R ILLVSTRISſIME, deſcripſi te, & de te tacui; laudauì etiam nolentem laudari, ſumpſi ex te exempla ſapiendi; neque aliud dixi quam quod tu facis: neque tamen omnia dixi, vincis eloquentiam factis, & minus eſt quod illa dicit quam quod tu agis.

ILLVSTRISſIMI ET REVERENDISſIMI DOMINI  
**D. ARTHI DE LYONNE,**  
**EPISCOPI VAPINCENSIS,**  
**EPITAPHIVM.**

STA VIATOR, ET LEGE.



*Quum. Elogij genus*

*Dicere de eo quem laudas, qualiù non fuerit:*

*Dominus Arthus de Lyonne,*

*Non fuit Episcopus Nemaufensis,*

*Non fuit Episcopus Valentinus,*

*Non fuit Episcopus Massiliensis,*

*Non fuit Episcopus Baiocensis,*

*Non fuit Archiepiscopus Ebrédunensis,*

*Id totum non fuit quia eſſe recusauit:*

*Fallor id totum fuit dum eſſe noluit:*

*Scilicet hac vera dignitas eſt nolle honores & mereri.*

*Ex Conſiliario Sacerdos*

*Conſecrauit vita genus non mutauit:*

*Ante Sacerdotium pius, & penè ſacer iam erat:*

*Admiſſit tandem Vapincenſes inſulas, ſed inuitus*

*Fleuit ne Episcopus eſſet:*

*Et tandiu eſſe noluit, quandiu fuit:*

*Retinuit tamen minores inſulas, vt recuſaret maiores.*

*amauit gregem, & ſapè pauit de ſuo:*

*Paſto.*

*Felix ouile id vnum timebat ne Pastorem amitteret:  
Et saepe insidias tetendit ne clam aufugeres.*

*Nulla vita innocentior, nulla tranquillior fuit:  
Temperabat curas publicas privatis studiis:  
Excellens Mathematicus mundum aestimabat vt punctum,  
Extendebat lineas vltra tempus,*

*Et pulchrum ex aeternitate circulum faciebat:  
Denique octogenarius vltimo puncto vitam clausit:  
Quam piè obierit ex eo collige  
Biennio ante obitum exiit insulas quas inuitus induerat:  
Interea ante mortem mori didicit:  
Et obiit ea morte quæ potest esse ars bene moriendi.*

*Adfuit Episcopo morienti successor Episcopus,  
Et quæ omnes imitari possent vidisse se dicit:  
Excepit Illustrissimus filius exeuntem vitam Parentis,  
Et superstes in filio Pater vixit:*

*ABI VIATOR ET DISCE MORI.  
Mors neque ouibus parcat, nec Pastori:*

*Posuit filius Parenti, & ouis Pastori.*

ILLVSTRISSIMI DOMINI  
D. NICOLAI DE BALLEVI;  
EPITAPHIVM.  
STA VIATOR, ET LVGE IACTVRAM PVBLICAM  
SI ES PARS PVBLICE:



*Hic jacet, VIR ILLVSTRISSIMVS D. NICOLAVS DE BALLEVI;  
Præses Insulatus Senatus Parisiensis,  
Alumnus Henrici Magni, & Ludouici Iusti,  
Didicit ab illo præstare magna, ab hoc iusta:  
Donatus ab illo dignitate Consiliarij, ab hoc Præsidij  
Quas dignitates non emerat, nulli vendidit:*

*Nemo ab illo damnatus est nisi reus,  
Nemo iniuriam accepit, etiam inimicus:  
Nemini inimicus fuit, etiam læsus:*

*Legatus trans Alpes penè illas iterum Gallias reddidit:*


*Cancellarius Regine omnem ceram beneficam fecit,  
 Præpositus Erario publico ditavit regnum, non domum;  
 Urbani Prætor populosam Lutetiam quasi familiam rexit;  
 Præfectus Nefocomio pauperes aluit quasi alumnos Dei;  
 Denique publico bono natus magis quam suo;  
 Pertasus vite inter mortes civiles;  
 Mori voluit ne sub se Præside pax publica interiret.*

## ABI VIATOR.

*Et luge plures Magistratus in vno periisse;  
 Obiit anno Domini 1652. Etat. 63.*

## REDI VIATOR.

*Vinit superstes in filio præside,  
 Pars erat Patris dum viueret,  
 Nunc totus est Pater.*



ILLVSTRISSIMI DOMINI  
 D. NICOLAI DE MESGRIGNY,  
 EPITAPHIVM.

## STA VIATOR.



*Acet sub hōc marmore vir magnus,  
 Sub quo marmor iacere debuit.*

*Dominus Nicolaus de Mesgrigny,  
 Non fuit Marchio, non fuit Præses,  
 Non fuit Abbas, non fuit Episcopus,  
 Id totum non fuit quia esse recusavit:  
 Fallor in Patre Marchio, in fratribus Eques, & Præses fuit;  
 In vno primarius, in altero insulatus, illustris in omnibus:  
 Ex Aduocato generali concionator Ecclesiasticus,  
 Consecrauit Eloquentiam non mutauit;  
 Popularis cum sublinia diceret, sublimis dum popularia;  
 Temperabat vtramque eloquentiam, & bis eloquens erat.  
 Nec facundior illi lingua quam vita,  
 Omnis eius viuendi ratio sermo eloquens fuit;  
 Canonicus primarie Ecclesie Parisiensis,  
 Regularem vitam egit sine viciis,*

Inter



*Inter diuitias pauper,  
Inter equales subditus,  
Inter subditos penè equalis vixit.*

*Tres prioratus pauperum vñibus admisit non suis,  
Recusaturus titulos, nisi fructus donare potuisset:  
Reparauit sacras ruinas, ornauit aras de suo:  
Et tribus beneficiis quartum ipse beneficium fuit.*

*Præpositus primario Nosocomio,  
Confundens sua cum Egenis,  
Sæpè illos diuites, sæpè se pauperem fecit:  
Sectabantur illum pauperes quasi honorarij affectu,  
Quinquagenis quotidianam portionem distribuit,  
Neque vnquam solus, aut sine Deo cenauit.*

*Denique ne alios heredes haberet quam pauperes,  
Erogata egenis vtraque suppellectili,  
Vix lectulum reseruauit sibi in quo mori posset.*

*Obiit anno Domini 1652. Etat. 37.*

*Dignus longiori vita nisi dignior fuisset æternas:  
Meditabatur æternitatem intra tempus,  
Premiserat ad illam res suas, & seipsum,  
Idcirco mature peruenit quia celeriter iuit.*

#### ABI VIATOR.

*Et propera ad æternitatem  
Nihil esse stabile potest sub fugaci tempore.*

ILLVSTRISSIMI DOMINI  
D. PETRI LE GOVX  
DE LA BERCHERE,  
PRIMARII PRÆSIDIS IN SENATV  
DELPHINATENSIS.

### ELOGIVM FVNEBRE.

#### STA VIATOR.



*T lacrymis publicis adde tuas,  
Meretur vtrasque iactura publica.*

*Hic jacet Illvstrissimus D. PETRVS LE GOVX DE LA BERCHERE:*



Ignorat historiam Gallicam qui hanc familiam nescit :  
 Pars est historiae Gallica nobilis domus,  
 Armata in Marchionibus, Ducibus, Marefcallis,  
 Togata in Conſiliariis, Præſidibus, Cancellariis,  
 • Infulata in Præſulibus, & Archiepiſcopis,  
 Facere de ſuo poteſt illuſtrem hiſtoriam:  
 Nepos auorum illuſtrium domeſticis virtutibus addidit ſuas;  
 Nec fuit minor magnis Maioribus.  
 Sapientia in illo Præſes, & Præſes ipſe ſapientie fuit :  
 In utroque iure didicit Magiſtrum Pacium, & docuit :  
 Deduxit illum Patauiſ in Galliam,  
 Et uterque Romanam ſapientiam Gallicam fecit :  
 Vno Senatu maior duorum Senatum Princeps fuit :  
 Bis ad eum prima purpura venit,  
 Diuioni data, Gratianopoli reddita :  
 Iuſtum ſe probauit Ludouicus cum dedit,  
 Iuſtiorẽ cum reddidit.  
 Interea nec ſe exulem putauit extra Patriam,  
 Nec accuſauit aduerſam fortunam dum relegauit,  
 Nec laudauit proſperam dum reſtituit :  
 Equalem vultum oſtendit vtrique fortuna :  
 Et dum Sex-tu caruit egit Præſidem ſuis :  
 Secute ſunt omnes virtutes euntem, & omnes reducem :  
 Iuſtitiam amauit ſemper ſed virginem,  
 Omnem eius partem caſtam eſſe voluit, nullam læſit :  
 Non facile iudicium eſt iuſtiorne fuerit, an clementior :  
 Nullam vindictam amauit niſi publicam :  
 Vnius rei immemor iniuriarum ſuarum,  
 Aiebat nihil diuinus eſſe quam poſſe parcere,  
 Nihil humanius eſſe quam velle.  
 Intra Senatum iudex, extra Senatum Pater erat :  
 Nemo ab eo reiectus eſt, etiam miſer,  
 Nemo excluſus domo etiam pauper,  
 Nemo ab eo receſſit iratus,  
 Iis etiam placuit, quos aliquando damnauit :  
 Inuidit hominem æternitas tempori,  
 Et maturus erat meritis, non adhuc annis.  
 Obiit anno Domini 1653. Ætat. 52.  
 Admonitus rogari votis publicis longiorem vitam,  
 Reſpondit nihil videri ſibi longum niſi eſſet æternum.

ABI VIATOR ET IRASCERE MORTI.

*Parcere ei debuit, qui sepe illi pepercerat.*

REDI VIATOR.

*Vivit superstes in liberis,**Et successor purpure frater, vix est alter.*

ELOGIUM FVNEBRE  
D. RENATI DE VOYER,  
D. D'ARGENSON.



*Aciret sub hoc marmore novem seculorum gloria  
Si mori posset.*

*Heres erat gloria tam annoſe*

D. RENATVS DE VOYER, D. D'ARGENSON.

*Ex familia Vicecomitum de Panmy*

*Inter palmas natus,*

*Numerabat centum illuſtres Maiores, nec erat minor,*

*Primus inter ſuos togam armis prepoſuit;*

*Nec decoloravit vnā purpuram, dān addidit alteram;*

*Nullus eſt honor toga quē non meruerit;*

*Ex Senatore ſupplicum libellorum Magiſter,*

*Ex illo Conſiliarius politicus,*

*Ex veroque variis in Prouinciis iuri dicundo prepoſitus,*

*Exhibuit vbique præſentem Regem, & ſuppleuit abſentem:*

*Nec bello abſtinuit vir togatus,*

*Sexdecim expeditionibus bellicis præſectus iudex,*

*Fecit vbique victorem exercitum dum ſecit iuſtum,*

*Lotharingæ perſuaſit vt vellet eſſe pars Gallie,*

*Rheno vt vellet eſſe limes,*

*Alpibus vt vellent eſſe Gallie,*

*Taurinenſibus induciis victoriam præparauit,*

*Glorioſus intra Mediolanum, etiam dum eſſet captiuus.*

*Tumultuanti Catalonia perſuaſit ſædus Gallicum,*

*Murmuranti Aquitania diſſuaſit externum;*

*Vtilis Regi dum acquirit nouas Prouincias,*

*Fidelis dum conſeruat antiquas.*

*Poſt tot vitæ medicatus nouum vitæ genus,*

*Inauguratus Miniſter diuinus, qui fuerat Regius,*

*Consecrauit officia non mutauit ;  
 Libellorum supplicum Magister fuit dum preces Deo obtulit ,  
 Consiliarius dum animos ad pietatem instituit ;  
 Iudex dum conscientias absoluit.*

*Carere diu tali Ministro Aula non potuit ;  
 Destinatus est Venetias Legatus Regius ,  
 Atque vt legatio illustrior esset ,  
 Legato Parenti substitutus est Legatus filius.  
 Nec inani consilio additus est filius Patri morituro ;  
 Vix ingressus erat Venetias priuatus ,  
 Breui ingressurus publicus ,  
 Eheu dum solennis illi paratur ingressus ,  
 Oppressus morbo mutauit Legatum Regium in diuinum :  
 Fallor non mutauit mors legationem , sed diuifit ,  
 Agit Pater legatum in cælis , & filius Venetiis ,  
 Senatus Patri pompam luctuosam ,  
 Filio Regiam ,  
 Vtrique legato ornavit publicam.*

~~~~~  
 ELOGIVM FVNEBRE  
 D. IOSEPHI DV BERNET.

STA VIATOR.



*Acet sub hoc marmore magni viri exiguus cinis ;  
 Hic est Illustrissimus D. IOSEPHVS DV BERNET ,  
 Senatus Aquitanici Princeps.  
 Olim futurus Præses , adhuc puer prælusit Præsidi ;  
 Inter coetaneos primus , & penè semper præses fuit :  
 Anno ætatis 20. Theses publicas de vtroque iure  
 Non tam sustinuit quam docuit ;  
 Ita discipulus vt Magister dici posset.  
 Aduocatus Generalis cum per ætatem esse non posset ;  
 Suppleuit annos maturâ eloquentiâ ,  
 Dixit publicè , & suffragia extorsit ab inuitis :  
 Ex magno Consilio Præses apud Burdegalam ,  
 Eloquentiæ Oratoris addidit Maiestatem Præsidiis ;  
 Sensit hanc eloquentiam tumultus Aginensis , & conticuit.  
 Apud Salyos Princeps Senatus ,  
 Officio primus , primum se probauit ingenio ;*

Inde illa autoritas nulli secunda nisi Regi's  
 Jnd: inuidia creuit, vnde fauor nasci debuerat:  
 Iussus priuatam vitam agere apud Biturigas,  
 Negabat vllam virtutem pulchriorem esse quam exulem:  
 Renocatus Burdegalam primarius Præses,  
 Diu seruauit patriam, etiam perire volentem:  
 Denique dum apud Lemonicas exulem Senatam colligit,  
 Euocatus est ad cœlestem Senatam quem nulla bis diuidit:  
 Nec imparatus iuit vir cœlo maturus,  
 Semel moriturus quotidie mori didicerat:  
 Stationes lubilæ sic obuiuit quasi iturus ad cælum:  
 Et Sacramentis Christianis expiatus,  
 Egit iudicem sui, ut iudicem Deum prænerteret:  
 Obiit anno Ætat. 63.  
 A B I V I A T O R.  
 Hic magni viri exiguus cinis  
 Olim magnum resurget in virum.

## ELOGIUM FVNEBRE D. LVDOVICI GIRARD.



PERFVNCTVS magnis honoribus,  
 Superauit honores quos gessit,  
 Meruit quos non gessit,  
 Dignus sigillis Regiis quæ intra familiam geri vidit,  
 Ex Senatu Redonensi translatus ad Parisiensem,  
 Per vnâ purpuram transiit ad alteram,  
 Ex Senatore supplicum libellorum Magister,  
 Ex illo apud Piſſaunos, & Xantones juri dicundo Præpositus;  
 Representauit Regem duabus Prouinciis,  
 Et solus instar Senatus fuit.  
 Ad Rupellam ne diffuienti militi es deesset,  
 Oberauit nomen suum, & suppleuit ærarium:  
 Victus hac arte Soubisius prælusit vincende Rupellæ,  
 Author victoriæ Montmorancius, Girardus adiutor fuit.  
 Extincto fratre Regiarum rationum Procuratore generali,  
 Succesit dignitati qui successerat meritis,  
 Arbitratus Regem esse diuitem cum regnum est diues,  
 Temperauit rationes regias & publicas;



*Et sic egit Procuratorem Regium,  
Ut non omitteret publicum.*

*Et se quoque credidit Procuratorem Dei,  
Nec segnius curavit rationes divinas quam regias:  
Procuratus more Christiano vltimis Sacramentis:  
Ex fisco regio translatus est ad cœlestes thesauros,  
Illic futurus locuples ubi nullus est pauper.*

ABI VIATOR.

*Et da lacrymas magno cineri,  
Publica iactura est cum vir magnus sit cinis.*



## ELOGIVM FVNEBRE D. TALON, ADVOCATI GENERALIS.

STA VIATOR, ET AVDI.



*ACET sub hoc marmore, & adhuc loquitur,  
Magnus Gallicæ eloquentiæ Patronus Regius,  
Hic est Illustrissimus DOMINVS TALON,  
In Senatu Parisensi Regiarum causarum generalis Patronus,  
Actor causarum publicus antequam Regius,  
Meruit Patronus Regius esse dum fuit publicus:  
Nec confudit vtrumque munus dum miscuit:  
Patronus Regij iuris erat, & Pater publici:  
Nemo eo actore Maiestatem regiam contempsit impunè,  
Neminem Maiestas regia oppressit iniuste:  
Ratus nihil equale esse Regi nisi regnum,  
Dicere se pro Rege putavit dum pro regno dicit:  
Omnium iurium defensor,  
Omnium iniuriarum actor,  
Omnium bonarum rerum suasor,  
Omnium malarum censor fuit.  
Nec Regis tantum sed Advocatum Dei se credidit:  
Vtriusque cliens, vtriusque Patronus,  
Protegebat regia iura divinis, & diuina regis:  
Nemo Romanum forum & Gallicum sapientius miscuit,  
Nemo vtrumque sapientius distinxit,  
Certus infallibilem esse Cathedram Romanam, non rotam,  
Credidit dogmata Cathedra non examinavit,  
Examinavit decreta Rote non credidit:*



*Neno fidei Romane observantior,  
Neno libertatis Gallicane tenacior fuit.*

*Triginta annis egit Patronum Regium & publicum:  
Ut vidit armari Lutetiam in seipsam,  
Inter imperia Aula, & preces Lutetia medius,  
Inter dissidia negotiator perpetuus,  
Idem representabat Senatum Regi, & Regem Senatui:  
Idem rogabat Senatum ne opprimi vellet,  
Idem orabat Regem ne vellet opprimere,  
Et fecerat pacem, si saepe auditus,  
Audiri adhuc postremo potuisset.*

*Denique siluit inter arma vox publica & Regia,  
Dedit lacrymas ruina publica,  
Daturus sanguinem si prodesse potuisset:  
Interea intumuit lacrymis magis quam aquis,  
Duorum annorum hydropsis  
Extinxit hominis vitam non gloriam.*

*Obit ann. ætat. Domini.*

*Nec tamen totus interijt  
Vixit eloquentia Patris in filio:  
In vxore constantia,  
Apud Regem fidelitas,  
Apud Senatum integritas,  
Apud omnes fama.*



## ELOGIVM FVNEBRE NOBILISSIMI EQVITIS HENRICI DE LA VIEVVILLE.

STA VIATOR VBI EQVES GENEROSVS STETIT.



*IC EST HENRICVS DE LA VIEVVILLE  
Nobilis Eques Melitensis*

*Formauerat illi corpus elegantia vt Aula placéret,  
Nemo illum oderat etiam hostis  
Nemo illi inuidebat etiam maiori,  
Placebat nobilis indoles etiam inuidis:  
Patri imprimis amabilis fuit,  
Natura filius, penè consilijs Pater erat.*

Splendorem generis probavit Melita dum Equitem fecit :  
 Nec unum Equitem tantum illustris prosapia dedit :  
 Augere ordinem consanguinei possent, si omnes viverent :  
 Nec indocta Equitis nobilitas fuit,  
 Ornauit illam polioribus literis, ut his nobilis esset :  
 Lustrauit populos, collegit omnium virtutes non mores,  
 Didicit omnes Aulas, & perfectum Aulicum fecit :  
 Placere poterat externis Regibus  
 Nisi Ludouico placere maluisset.

Apollini similis intus eruditus, foris armatus erat :  
 Praefectus castrorum, imperij parcus,  
 Exempli prodigus fuit.

Erumpens hostis ex obsessis Stampis  
 Arbitratus militem, laesit Ducem :  
 Vulnerauit eminentiam pedis,  
 Non ausus ferire maiestatem capitis :  
 Achilli similis hac sola parte corporis mortalis fuit :  
 Sensit hoc vulnus omnis Aula,  
 Solus qui accepit vix sensit.

Ab eo vulnere mutatus in Aulicum caelestem  
 Placere cepit aeternitati qui placuerat temporis :  
 Momtus illam ex momento pendere,  
 Momenta singula aeterna fecit, ne vllum periret :  
 Mactus peruisse sibi quidquid caelo non dederat :  
 Correxerit morbo sanitatem, & compensauit damna virtutibus :  
 Doctus caelum venale esse si quis doloribus emeret :  
 Inter acerbos cruciatus audis patiendi,  
 Augeri petebas vires, ut dolor cresceret.

Denique creuit corrupti vulneris & amoris ignis,  
 Exarsit, amauit, poenituit,  
 Et ne quis de poenitentia dubitaret, publicam fecit.

ABI VIATOR.

Es sapere disce ex nobili iuvene.

ELOGIVM FVNEBRE  
D. FRANCISCI VAVTIER,  
PRIMARII MEDICI REGII.

STA VIATOR VBI STETIT ILLVSTRIS MEDICVS.



**L**ATA mors quod illustres sibi prædas eriperet ;  
Perculit hominem ignoto morbo ne medicina sanaret :  
Fuit diu primus Medicus antequam esset primarius ;  
Representavit Aulæ antiquam medicinam & addidit nouam :  
Creditus est cum eo redire Hippocrates, & Galenus,  
Vtriusque discipulus, vtriusque Magister,  
Inuenit aliquid quod Græciam latuit, & quod Roma nesciuit:  
Addidit politicam Medicinæ, ut bis Medicus esset ;  
Sanauerat Reginam Matrem si Medico credidisset,  
Eruptit sepe in has voces, Cur tibi Vauteri non credidi ?  
Timuere hunc Reginæ Medicum qui Reginam timebant :  
Inclusus est carcere Regio, non quia nocuerat,  
Sed ne noceret,  
Et reus sine crimine,  
Luit pœnas culpa futuræ, & nondum suæ ;  
In eo secessu meditatus nouam artem medicinæ ;  
Et Stellas & gemmas, & pene omnem naturam Medicam fecit ;  
Et debuit esse naturæ Medicus ut esset Regius.  
Postulatus extra Galliam à Reginæ matre,  
Exiuit ut iret, atque idèd non iuit quia exiuerat ;  
Mysterium fuit carcer, & libertas enigma:  
Expetitus à Ludouico Iusto moribundo,  
Sanauerat morbum, si curare cœpisset :  
Electus in Medicum primarium qui primus iam erat ;  
Breui ostendit in filio quid in Patre fecisset ;  
Seruauit vtrique vitam priuatam, & publicam ;  
Facturus immortales si arti natura respondisset :  
Irata mors homini immortalitatem cogitanti,  
Dum Regem balneo admouet nec reformidat solem,  
Perculit obuium caput tot telis quot radiis ;  
Et ne ardor sanabilis esset, venenum feбри admiscuit :

*Sensit insidias vir sagax & curare neglexit ;  
 Arbitratus ardorem pretiosum quem pro Rege conciperet ;  
 Passus est Solem etiam ladentem ne Regem defereret :  
 Nec impunè mors vicit, nec sine certamine ,  
 Superauerat illam nisi intra Meseusterium latuisset :  
 Ne imparatus aeternum iter susciperet ,  
 Sacramentis Christianis, & diuino Viatico auctus ,  
 Decem dierum itinere ad aeternitatem peruenit :*

## ABI VIATOR.

*Et discè nullum Aphorismum veriore esse:  
 Morimur temporì, & nascimur aeternitati.*

## TVMVLVS

DVORVM AMANTIVM,  
APVD LVGDVNVM ERECTVS.

*ACENT intra hunc tumulum duo Amantes,  
 Et adhuc se amant ;  
 Extincta est vtriusque vita, non flamma ;  
 Adhuc viuit ignis sub cinere,  
 Erupturus foras nisi tegetetur hoc lapide :  
 Fluxerunt decem etates cum amare coeperunt ;  
 Perierunt mille anni, amor non periit ;  
 Viuit adhuc & pendè vrit ,  
 Nec obruit illum lapis sed tegit ,  
 Ipse intra hoc sepulcrum quasi intra sacellum est.  
 Hoc primum amoris miraculum, audi alterum,  
 Iacent intra hunc tumulum duo amantes sed virgines,  
 Inuenit coniugium castos & effecit ;  
 Primo nuptiarum die vouerunt amorem sed virginem ;  
 Idem thalamus coniunxit vtrumque & diuixit :  
 Coniugium fuit animorum, & diuortium corporum :  
 Nunc quoque idem mortuis thalamus est ,  
 Idem coniugium cinerum & diuortium ,  
 Iacent contigui coniuges, & impermixti ;  
 Et quorum amores virgines fuere ,  
 Virgines quoque sunt cineres.  
 Extra urbem conditi sunt,  
 Minus secura est intra vrbes virginitas ;*

*Ad ripam araria situs est tumulus,*

*Hic quoque fluvius virgineus est :*

*Nubis Arar Rhodano, & uterque coniux est castus :*

*Idem utrique alveus est, & quasi thalamus,*

*Volunt contiguas aquas, & impermixtas :*

*Intrant Oceanum coniuges, & manent virgines :*

*Nec Herodis hic tumulus est, nec Herodiadis :*

*Adulterium utriusque fuit non connubium,*

*Uterque ante obitum corruptus,*

*Integer esse non potest post cineres,*

*Nec Romani fuere hi duo amantes, neque Ethnici :*

*Sciri vellet Roma si esset patria :*

*Neque essent casti si essent Ethnici :*

*Ne quere quoniam sint ? latere voluerunt :*

*Declarant tamen nomen suum, dum dissimulant :*

*Christiani sunt coniuges, & virgines,*

*Nec ignoti esse vellem nisi essent Christiani :*

*Nec tam fidelis esset amor nisi esset coniugalis,*

*Nec tam diuturnus nisi esset purus.*

*Substitere Lugduni nobiles amoris exules,*

*Advena Lugdunenses dum viverent,*

*Post mortem indigenae :*

*Aruernos fuisse hos amantes coniectura est.*

*Tenacis indicij sunt Aruerni, & tenacis virtutis,*

*Aut amantes ipsi, aut eorum amor Aruernus est.*

*Facis Lugdunenses Moyrone dum adibus donas,*

*Accipis ab illis nomen, & reddis,*

*Hospes es duorum amantium, & amas tertius,*

*Et solitudo olim duorum amantium,*

*Nunc est trium.*



ILLVSTRISSIMO DOMINO  
 D. IACOBO MOYRON,  
 BARONI DE SAINT TRIVIER,  
 EX PRÆTORI LVGDVNENSI, ET SVPREMI  
 CONSILII REGII CONSILIARIO.  
 DOMVS DVORVM AMANTIVM DOMINO  
 ELOGIVM.



RVSTRA solitudinem, & latebras quæris, VIR ILLVSTRISSIME, nec latere potes, nec esse solus, quia publicum oraculum es: trahis tecum quocunque pergis totam vtriusque iuris doctrinam, sequuntur te omnes scientiæ & virtutes, priuato tibi esse non licet, quem tot ornamenta faciunt publicum; nec duo amantes totum te possidere possunt, qui amor es omnium, nec vllus locus est capax tui nisi sit publicus; frustra igitur urbem fugis qui urbem facis vbicunque es: ex quo secessisti in suburbium Lugdunense; aut suburbium intra urbem, aut magna pars vrbis intra suburbium est.


Nec te Lugdunum tantum sed Aula ipsa quærit etiam latentem, amaris vbi es, desideraris vbi non es, æstimaris vbique; audiuit Rex qualis esses, & dignum putauit quem adhiberet omnibus Consiliis Regiis; nec capacior adhiberi potuit consiliis priuatis, nec sincerior politicis, nec innocentior ærariis; nullum est Consilium cuius non merearis esse arbiter, nullum ministerium cuius non possis esse Magister; fuisti hactenus oraculum publicum, potes nunc esse regium.

Capras tamen solitudinem quantum potes, & illa te captat; reddis te tibi qui tandiu dedisti te aliis; oraculum priuatum esse vis, qui tandiu fuisti publicum; consulis te ipsum & respondes tibi; examinas rationes tuas qui toties examinasti alienas, statuis intra te tribunal iuridicum vbi testis & actor, & iudex tui, anteuertis diuinam sententiam dum te accusas, & absoluis; sic præparas te alteri vitæ intra istam, sic mortem fallis dum incipis æternus esse adhuc viuus.

Patere, Vir Illustrissime, vt adiungam me solitudini tuæ, non interpellabo silentium tuum dum silebo; si tamen loqui aliquando velis, loquar dum loquæris, dicam quod dices, agam quod ages. Sic eris solus

etiam me comite, sic erimus plures, & vnus, sic erimus duo amantes, sed tu amicus, ego seruus

Addictissimus PETRVS L'ABBE'.



ELOGIVM FVNEBRE  
D. DE CHASTEAVNEVF,  
REGII SIGILLI CVSTODIS.

NOVVM ELOGII GENVS  
FACTIS LAVDARE NON VERBIS.

874. 61

STA VIATOR, ET LEGE.



ILLVSTRISSIMVS, Excellentissimusque Dominus Carolus de Laubespine, Marchio de Chasteauneuf, Baronum, Marchionum, & Præsidum sanguis, collegit omnia Maiorum decora, & fecit sua: natus anno 1580. & mortuus anno 1658. duarum ætatum Nestor fuit: anno 1602. Senator in Curia Parisiensi, & plusquam Senator fuit: anno 1606. Legatus in Hollandiam, anno 1609. ter in Belgium missus utrobique de pace egit: anno 1617. Principes Regi, & Principibus Regem conciliauit: anno 1620. Legatus ad Imperatorem, & Principes Germaniæ docuit Germaniam liberam esse non posse nisi germana sit Galliæ: anno 1626. ad Principes Italiæ, ad Venetos, ad Rhetos, & Heluetios missus, ostendit Galliam populorum fœdera ambire non iura: anno 1629. Legatus in Angliam probauit tria regna stare diu non posse, si sint tria: Post lustratam variis legationibus Europam, Turonum Prorex, & Regij sigilli custos creatus est: quam benec hoc vtrumque munus gesserit, ex inuidia collige: anno 1633. exulare iussus inculcæ docuit nullas virtutes nobiliores esse quam exules: anno 1643. restitutus est libertati publicæ, qui nunquam priuatæ caruit: anno 1650. redditus est sigillis Regiis: anno 1651. adhibitus est primario Ministerio. Anno 1653. secedere Leuillam iussus abduxit secum virtutem ne solus irret: hæc semper illi intra Aulam, & extra illam comes fidelis fuit. Hæc denique anno 1653. clausit hominis vitam, & magnarum rerum historiam.

Legisti Viator vitam prosperis rebus, & aduersis permixtam: expertus

est vir magnus vtramque fortunam, & eodem vultu, mutata est saepe illa,  
non ille; emendabat vtramque virtute, & Dominus semper non scruus,  
stetit erectus cadente fortuna, & rotam fecellit dum sola cecidit.

ABI VIATOR, ET TV QVOQVE

*Fortunam virtute rege.*

NOBILISSIMI HEROIS  
DOMINI CAHEVSACII,  
LEVIORIS TVRMAE,

EMINENT. CARDINALIS ARMANDI RICHELII DVCTORIS.

EPITAPHIVM.

STA VIATOR, ET LVGE HANC MORTEM.



*Quam Mars ipse fletet, si flere sciret.  
Vt scias qualis hic fuerit, ex eo collige,  
Flevis eius mortem Cardinalis Richelius,  
Fleri ius lacrymis gloria vellet, si mori posset.*

*Merebatur eius lacrymas hic heros,*

*Quem Anglus, Germanus, Hispanus lugerent, nisi hostes essent.*

*Obsesso apud Rcam Insulam Toërasio,*

*Scapharum 29. commeatum inuexit ea viâ,*

*Quae solis piscibus patere potuit;*

*Iuit per omnia clausa, eadem arte ad Regem rediit:*

*Eadem auxiliaribus copiis dux vice fuit;*

*Icturus per aërem, si maria desuissent:*

*Per aërem ferè venisse crediderunt Angli,*

*Dum eos es D. Christophori insula momento expulit.*

*Nec minus illustre est quod adiungo,*

*Oppugnabantur omnia Elementa in vna Rupella,*

*Ipse vnum Elementum ex parte clausit,*

*Dum ad aggerem maritimum pugnans,*

*Instar aggeris alterius fuit.*

*Gloriosum est quod attexo,*

*Victoria quae Casalæ obsidionem soluit, pars magna fuit:*

*Electus à voluntariis ductor spontaneus,*

Solo aspectu & gestu hostem terruit;  
 Et Toërasium semel ad Ream,  
 Iterum ad Casale victorem fecit.

Maius aliquid heros hic gessit,  
 Lenioris turma Em. Card. Praefectus  
 Totidem heroës in Germaniam duxerat,  
 Si duxisset immortales:  
 Cum hac Equitum manu in Croatarum agmen irrumpens,  
 Tot facinora edidit ut Mars alter haberi posset, nisi cecidisset:  
 Numerofo exercitu obsessus includi non potuit,  
 Signifero vexillum Aquile vulneratus eripuit,  
 Hoc trophæo se obuoluens, & moriens,  
 Heroïcam sibi in Aquila Apotheosin erexit:  
 Sic extinctus adhuc timebatur,  
 Mortuus pugnare creditus est,  
 Territi hostes hoc facinore victoriam nostris cessere,  
 Rati pugnare se cum heroibus qui nescirent mori,  
 Aut qui pugnarent mortui.

Iturus in hostem, Marchionem de Moüy amplexus,  
 Eamus inquit, & fidem Deo probemus, & Regi,  
 Inère ambo, pugnarunt viui; & vicerunt mortui,  
 Miratus heroës Cardinalis Richelius,  
 Vtrique lacrymas amoris testes impendit.  
 Lugendus vterque heros sed laudandus,  
 Hac morte vterque periit, qua moriuntur heroës.

# ELOGIVM FVNEBRE D. PHILIPPI DE TORSI,

D. DE LA TOVR,  
 ATREBATENSIVM GVBERNATORIS  
 STA VIATOR ET IRASCERE MORTI.



VA non ausa heroëm palam aggredi,  
 Per insidias occidit.  
 Hic per omnes militia gradus accesserat ad supremum;  
 Marefcallus futurus qui Mars alter iam erat.

Missus trans Alpes ad Galliam olim Cisalpinam,  
 Mantuam Gallicam reddidit, & pene Cremonam;  
 Gubernator Casali datus,  
 Evertit castas obsidentis exercitus, & Casale servauit.  
 Post servatum Casale datus est seruando Atrebato,  
 Tradere se dixit Ludovicus gloriosam urbem fidei Gubernatori,  
 Et fidelem Gubernatorem gloriosa urbi:  
 Ut ageret Gubernatorem Patrem egit, & iudicem;  
 Temperabat pœnas amore, & crimen puniebat non hominem;  
 Inde ille amor Gubernatoris quasi Patris,  
 Et metus quasi iudicis:  
 Imperij tenax si inisset, abstinens ne inberet,  
 Nullum imperium sterile sensit,  
 Nullum obsequium difficile.  
 Nemo seueriorem appellauit dum puniret,  
 Nemo molliorem dum parceret.  
 Ut subditos haberet homines, erat ipse subditus Deo,  
 Amabatur in illo Deus & timebatur,  
 Nemo imperantem spernit, ne sperneret Deum.  
 His occupatum curis Apoplexia oppressit,  
 Non tamen imparatum:  
 Sepe tales insidias mors heroibus struit,  
 Dum palam non audet aggredi.

ABI VIATOR.

Et mortem falle, ne illa te fallat.

TVMVLVS  
 DOMINORVM DE BOURLON.  
 STA VIATOR.

AD NOVVM TVMVLI GENVS,  
 DOMVS EST HIC LOCVS, NON TVMVLVS.



ACENT sub eo tres nobiles fratres,  
 Et iacebit olim tota fratrum familia.  
 Ij sunt,

D. Nicolaus Bourlon, Eques de Lyons, & de Chally,  
 D. Ioan. Bourlon, Actuarius primarius Curie Rationum,  
 D. Math. Bourlon, Rationum Magister, & Consil.

Neque



*Neque hos fratres vita diuisit,  
Nec mors diuidere potuit,  
Idcirco eodem tumulo condi voluere,  
Vt quorum mores indiuidui fuere,  
Indiuisi sint cineres.*

*Primus ex illis sine liberis vixit,  
Alter sine uxore,  
Tertius decem liberos sustulit,  
Ex lectissima coniuge D. Christina de Bally,  
Nobilis D. de Bally, Præsidis Computorum filia.*

*Ij sunt liberi,*

*D. Nicolaus Bourlon, Consil. in Senatu Parisensi,  
D. Carol. Bourlon, Coadiutor Sueffionensis,  
D. Ioan. Bourlon, Consil. in Senatu Metensi,  
D. Math. Bourlon, Rationum Magister.*

*Quintus Ordinis S. Augustini Regularis Canonicus,  
Ex quinque filiabus tres Deo Virginitatem vouerunt,  
Vt scias omnes Paternæ concordia heredes esse,  
Tredecim sunt si numerum spectes,  
Vnus si animum:*

*Fouet hanc concordiam annosa virtutis Mater,  
Viuunt omnes eodem spiritu matris,  
Et decies viuit Mater in singulis.*

*Nec noua est hæc concordia quæ seculum videt,  
Et erit semper noua dum erit æterna,  
Fouebunt illam venturi nepotes,  
Tandiu heredes illustris familia,  
Quandiu heredes paternæ concordia.*

*ABI VIATOR.*

*Et discere concordiam immortalitatis causam esse,  
Mors ipsa nihil aliud est nisi vitæ discordia.*



ELOGIVM FVNEBRE  
DOMINI GASTONIS DE RANTY.  
STA VIATOR AD NOBILEM TVMVLVM.



*ACERET sub eo virtus si mori posset,  
Audi qualis fuerit GASTO DE RANTY.  
Nobilis sanguine, nobilior fuit virtute:*

*Bellum gessit heroū more non prædonum,  
 Correxerat duellum dum vitare non potuit;  
 Pugnavit ut parceret non ut vinceret;  
 Et victor celavit victoriam suam, & sui iniuriam:  
 Coniugium coluit quasi nexum animorum non tantum corporum.*

*Ad altiores vocatus sanctitatis gradum,  
 Omnes vocantis gratia gradus efficaces reddidit;  
 Nulla est virtus quæ in eo summa non fuerit;  
 Amabat in viâ Deum amore patriæ,  
 Amabat proximum amore gratiæ, non naturæ:  
 Benignus erga omnes, benignior erga miseros fuit,  
 Ut sublevarer miseras, sæpe se miserum fecit,  
 Ut solaretur egenos, sæpe ipse egere voluit.*

*Potior illi tamen animorum cura fuit quam corporum,  
 Neminem allocutus dicitur, quem meliorem non fecerit,  
 Sæpe etiam meliorem frugem persuasit inuitæ,  
 Nullum est crimen quod non emendarit, vel fleverit,*

ABI VIATOR, CÆTERA NOSTI.

*Tota hominis vita publica historia est,  
 Illud omnibus elogiū dignum,  
 Professus est palam virtutem,  
 Ne quis eam inhoneſtam putaret,  
 Docuit facilem esse inter arma,  
 Et pulchram sub purpura.*


ET TU VIATOR DISCE.

*Generosi animi esse amare virtutem,  
 Ignavi timere.*

---

## NOBILIS DOMINI NICOLAI DE BOESSAT, EPITAPHIUM.

STA VIATOR ET MIRARE  
 NOVVM AVDACIÆ GENVS.

 *NSOLENS Parca ausa est aggredi Spiritum, & occidit,  
 Is est Nobilis D. N. DE BOESSAT, agnomine Spiritus,  
 Hæcenus Spiritus extra mortis aleam erant,  
 Nec videri poterant expertes coloris,*

Nec apprehendi expertes molis,  
 Nec vulnerari expertes corporis,  
 Boëssatus spiritus erat, & tamen occubuit:  
 Quæsiuit mors vulnere locum, & inuenit  
 Oppressit hominem Apoplexia ne vulnus sentiret,  
 Obstruxit meatus sensuum, & spiritum intercepit.  
 Fallor non intercepit spiritum sed emisit:  
 Hospes corporis animus, & indigena cæli,  
 Indignatus obstrui sibi vias sensuum,  
 Penetrauit clausos aditus, & exiuit:  
 Et facilis fuit exitus dum caro non sentit:  
 Hac arte dum mors parabat fallere, mortem sefellit.  
 ABI VIATOR ET IMITARE SI POTES,  
 Boëssatus nomine spiritus erat,  
 Et poterat appellari virtus.  
 Mutauerat penè carnem in spiritum,  
 Et spiritum in virtutem,  
 Tu si spiritus esse non potes,  
 Esto virtus.



EPITAPHIUM  
 DOMINI IULIANI BRODEAV,  
 ILLVSTRIS CAVSARVM PATRONI  
 STA VIATOR,  
 VBI VIR ELOQVENS STETIT.



D dicendum natus adhuc Infans eloquens erat,  
 Addidit artem nature & bis eloquens fuit,  
 Omnes scientias eloquentes fecit, dum didicit.  
 Admirare tamen modestiam hominis,  
 Interpres alterius esse maluit quam Magister,  
 Equauit tamen aut vicit, dum vinci voluit.  
 Omnium causarum actor, omnium victor,  
 Nullam causam admisit nisi probabilem,  
 Nullam reliquit incertam, dum probauit,  
 Persuadebat ut actor, concludebat ut iudex.  
 Decreta dictare videbatur dum diceret.

*Vna tamen est causa cui victus succubuit,  
Causa mortis.*

*Sciebat Dei decretum esse, & vinci voluit.*

ABI VIATOR.

*Te quoque hoc decretum manet  
Morieris.*

REDI VIATOR.

*Totus non interiit vir magnus,  
Viuit pars hominis in libris, & pars in liberis.*

## EPITAPHIVM NOBILIS INFANTIS FRANCISCI FOVQVET.



IC jacet FRANCISCVS FOVQVET,

*Infans erat trium annorum si etatem spectes,*

*Maior Infante si merita numeres:*

*Formauerat illum elegantia ut omnibus placet,*

*Omnium oculorum Ocellus,*

*Omnium amorum amor erat,*

*Nihil in illo puerile nisi aetas,*

*Ipsa fletus amabilis,*

*Ipsa risus grauis,*

*Ipsa gestus serius,*

*Ipsa sermo maturus fuit.*

*Sic crescebat ad magna annis maior,*

*Iam representabat annos venturos,*

*Iam spes domestica erat, & penè publica.*

*Eheu quam citò interiit flos maturus!*

*At hec maturarum rerum conditio est, citò mori.*

*Eripit se ex oculis perfecta virtus,*

*Et quidquid ad summum peruénit currit ad exitum:*

*Ostensus est puer tempori, & redditus aternitati,*

*Neque hec aternitatis iniuria est,*

*Commodauerat illum Parentibus non dederat,*

*Postquam ostendit, quod suum erat repetiit:*

*Imo hoc aternitatis beneficium est,*

*Filium datura, sed non diu*

*Qualis futurus erat statim dedit.*

ABI VIATOR ET LEGE HOC SYMBOLVM.

Hemerocallis.

*Vix obiit quæ non vixit.*

EPIGRAMMA.

**V***Na dies nasci videt, & videt vna perire,  
Fallor vix obiit, cui neque vita fuit.*

\*\*\*\*\*

# ELOGIVM FVNEBRE ILLVSTR. D. D'ANCIER.

STA VIATOR

AD MONIMENTVM NVNQVAM CASVRVM:

*Quæ alia monumenta deterit,  
Hoc monumentum posteritas conseruabit.*



**D**OMINVS Franc. Antonius Gaulrhiet, Dominus d' Ancier, &c. cum hæredes morituros nollet, eos sibi hæredes adsciuit qui nunquam mori possent; Societatem Iesu ad bona vocauit, eruditam vt beneficium sciret, religiosam vt eam memoriam votiuam haberet, nunquam perituram, ne pretiosa hæreditas vnquam periret.

Vis nosse beneficæ in societatem voluntatis aliquam causam; Collegium instituendæ iuuentuti magnificum amplissimi Gubernatores Ventionensis Ciuitatis extruxerant, decrat membrum aliquod vt totum ædificij corpus perficeret, templum decrat vt totum opus consecraret; successit opportune in partem sumptuum vir patriæ amantissimus, absolui Collegij extructionem ære suo voluit, vt liberalitatem suam publicam faceret; extrui templum imperauit vt opes suas consecraret; sacellum in eo templo sibi destinauit, vt publicas simul preces, & priuatitas haberet.

Vnum vno in loco sacellum voluit, & plura vbique habebit, nam Societas toto pene orbe diffusa quot sacerdotes vbique & socios alet, tot piæ voluntatis alumnos esse credet: Imo vt semel dicam erit sacellum in quo votiue pro eo preces, templum erit in quo amicæ gratiarum actiones, gymnasium erit, in quo eruditæ ei persoluentur laudes.

Obsignauit breuiorem hominis vitam hoc vltimum facinus, desinere



Illustrius vita non potuit; Romæ hoc testamentum scripsit; voluit in publico orbis theatro illustre facinus edi; longè à Patria sejunctus ei beneficus fuit, vt sciat patria quam ei cara fuerit, quam vt viuus & præsens suis consiliis, sic absens & moribundus suis beneficiis auxit; infirmâ valetudine firma, & sana mente eas tabulas scripsit, vt scias & piè illas ac sponte scripssisse.

Dicerem nobilitatem hominis nisi eam sparsæ toto Burgundiæ Comitatu affinitates scutis ac tessæ gentilitiis abunde loquerentur: vnum dico, hoc ipse Maioribus debet quod familiæ suæ splendorem ad eum transmiserint; hoc ei Maiores debebunt quod eum ille splendorem efficit immortalẽ.

Dicitur & bellum in Palatinatu gessisse honorarius Eques, vbi etiam illic didicit artes homines vincendi, sed hanc postea artem homo mitis ingenij scire maluit quam exercere: ne quid in homine nobilissimo elegantiarum requiras, nobiliter eruditus fuit: quantopere bonas artes amarit ex eo collige, nobile Gymnasium scientiis absoluit ex parte, & Magistros Gymnasij hæredes suos ex asse scripsit.

Abi Viator, & pro eo preces, vel ei laudes offer, qui tibi & tuis gymnasium & templum ornauit, gymnasium vbi laudes discas, templum vbi preces fundas.

ELOGIUM FVNEBRE  
ILLVSTRIS. D. DE BRVILLART,  
BARONIS DE COVRSAN.

STA VIATOR ET DISCE

QVALIS COVRSANVS FVERIT, EX EO QVOD NON FVIT.



OMINVS BARO DE COVRSAN,

*Non fuit legionum tribunus,*

*Non fuit castrorum Præfectus,*

*Non fuit ductor exercitus,*

*Id totum non fuit, quia esse recusauit.*

*Fallor id totum fuit dum esse noluit,*

*Legiones rexit sed sine Tribuni nomine,*

*Castris præfuit sed sine Præfecti munere;*

*Exercitum duxit sed sine Marscalli dignitate.*


*Admisit onera titulorum reiecit titulos,*

*Timuit præesse militi, cum rapine timebantur,*

*Tunc presuit dum nihil timebatur nisi hostia,  
 'edebatur ei acies quasi alteri Marti,  
 'ictoriam sperabat Miles, si Coursanus impetaret.  
 Nullum sub Henrico Magno bellum gestum est,  
 Vbi Coursanus non vicerit:  
 Adhuc fortitudo & conscientia Coursanij prouerbiū est,  
 Palliati Coursanij aut vincere sciunt aut mori,  
 Conscientia Coursanij timet aurum, non ferrum.  
 Hec cogitatio eum recreabat maxientem,  
 Pugnavi, ne alieno discederem,  
 Vici Henrico Magno nec sum maior,  
 Vixi priuatus etiam dum fui publicus,  
 Hic circulus vita mea Rex & Deus.*

ABI VIATOR ET DISCE.

*Neque armis noſtre virtutem,  
 Neque arma virtuti.*



# ELOGIUM FVNEBRE

## ILLVSTRISSIMÆ DOMINÆ

### D. CAROLÆ DAMASCENÆ,

### BARONISSAE DE COVRSAN.

STA VIATOR.

**H**ic jacet Mulier fortis  
*Alibi inuentu difficilis.*  
 Hec est CAROLA DAMASCENA,  
 Nomen ipsum Maiestatem sapit.  
 Ex Regibus oriunda, omnes regias virtutes collegit in semina;  
 Inde illi omnia Regia prater fortunam,  
 Suppleuit illam virtute, & imperauit sine sceptro:  
 Feminarum animos rexit quasi feminis superior,  
 Nobilium Virorum duella composuit quasi virum maior,  
 Popularium lites diremit quasi iudex,  
 Pluribus Prouinciis ius dixit quasi praeses.  
 Nemo ab ea discessit nisi beneuolus,  
 Nemo abiisset pauper si omnes ditare potuisset,  
 Eos omnes censabat domesticos qui domo carebant,

De Thym-  
 ges des Rois  
 de Sicile, &c  
 de Damas.

Armes de la  
Maison de  
Thyanges,  
vne Croix  
de Damas.

Deuise de la  
Maison de  
Courfants  
court sans  
ecclie.

*Pietatem domesticam habuit, & iesserariam crucem,  
Similis erat nobilis domus Religiosa familia;  
Seruabantur in ea vota sine votis,  
Et pietas sine regulis regula erat,  
Ipsa imperio & exemplo dux ad virtutem & comes erat,  
His operibus intenta ibat ad virtutem continuo cursu,  
Et ire debebat ex domestico lemmate.*

#### ABI VIATOR

*Et tu quoque ad aternitatem curre,  
Sed ad illam non itur nisi per virtutes.*



## ILLVSTRISSIMI DOMINI D. ANTONII DE GILBERTES, ECCLESIAE LVGDVNENSIS COMITIS, ET ARCHIDIACONI EPITAPHIVM.



*Ic jacet D. ANTONIVS DE GILBERTES,  
Eius Ecclesia Canonicus in qua omnes sunt Comites,  
Et Canonici aliqui Reges.*

*Accepit ab ea Societate splendorem,  
Et splendorem dedit:*

*Virtutum Comes quas omnes possedit:  
Humilitas in eo nobilis, honor humilis fuit,  
Ex dignitatibus eas tantum admisit, quas augere posset,  
Recusasse insulas dicitur, ne illis cresceret.*

*Ambiebant Magnates eius gratiam,  
Ipse nullius gratiam ambiebat,  
Idcirco omnibus gratus, quia nihil egit ex gratiâ.*

*Nemo amicus eo melior, quia nemo constantior:  
Amicum nunquam mutauit, etiam dum amari desiit,  
Spectabat in amico Deum qui semper est similis.*

*Vt scias puritatem amoris,  
Amabat pauperes in quibus nihil est amabile præter Deum,  
Ex æna quotidianum ferculum iis trans mittebat,  
Nec vnquam sine Deo cœnauit:  
Maiores tamen erant Eleemosynæ priuatae quam publicæ,  
Id satis publicum dicebat quod Deus afficeret:*

*Maturus*

*Maturus erat aternitati, cui assueerat adhuc viuus :  
 Tam facile ad eam migravit vt mutasse hospitium diceret,  
 Imo neque hospitium mutauit,  
 Eo imit quo ire consueuerat.*

*Et tu quoque Viator assuesce aternitati,  
 Nec ad illam hospes, sed hares accede.*



ELOGIVM FVNEBRE  
 ILLVSTRISSIMÆ DOMINÆ  
 D. GABRI. DE GADAGNE,  
 COMITISSAE DE CHEVRIERES.

STA VIATOR THESA VRVS HIC LATET,  
 MVLI ER FORTIS DIVES THESA VRVS EST.



*ALIS est D. GABR. DE GADAGNE, Com. de Chevrieries,  
 Nosti nobilitatem si es Gallus,  
 Mirare virtutem si pius,  
 Imitare si Christianus.*

*Hæc post Mariti & filij vnici funus,  
 Cæpit nihil amare nisi Deum,  
 Quæ prius Deum amabat & filium:  
 Nullus vnquam filius materno amore dignior fuit:  
 Elegancia ei pro corpore, virtus pro indole erat,  
 Fecerant hæc omnia Regi amabilem, quia fecerant similem.  
 Nec dubium quin ea merita compensasset Ludonicus Iustus,  
 Quæ iam amauerat pius.*

*Anteuerit regia munera Deus,  
 Remunerari prior voluit qui prior amauerat,  
 Subtraxit Matri delicias, & fecit suas.*

*Tot lacrymas expressit Matri tanta iactura,  
 Vt nunquam gauisuram crederes:  
 Tot gaudia postea creauit, vt nunquam fleuisse diceret:  
 Centies de morte Isaaci sui Deo gratias egit:  
 In eo Sara generosior, risit illa oblato filio,  
 Hæc etiam risit ablato.  
 Celandum fuit Sara sacrificium filij,  
 Hæc centies Isaacum immolauit.*

ILLVSTRISSIMO DOMINO  
 D. IACOBO MOYRON,  
 BARONI DE SAINT TRIVIER,  
 EX PRÆTORI LVGDVNENSI, ET SVPREMI  
 CONSILII REGII CONSILIARIO.  
 DOMVS DVORVM AMANTIVM DOMINO  
 ELOGIVM.



**F**RVSTRA Solitudinem, & latebras quæris, VIR ILLVSTRISSIME, nec latere potes, nec esse solus, quia publicum oraculum es: trahis tecum quocunque pergis totam vtriusque iuris doctrinam, sequuntur te omnes scientiæ & virtutes, priuato tibi esse non licet, quem tot ornamenta faciunt publicum; nec duo amantes totum te possidere possunt, qui amor es omnium, nec vllus locus est capax tui nisi sit publicus; frustra igitur urbem fugis qui urbem facis vbicunque es: ex quo secessisti in suburbium Lugdunense; aut suburbium intra urbem, aut magna pars vrbis intra suburbium est.

Necte Lugdunum tantum sed Aula ipsa quærit etiam latentem, amaris vbi es, desideraris vbi non es, æstimaris vbique; audiuit Rex qualis esses, & dignum putauit quem adhiberet omnibus Consiliis Regiis; nec capacior adhiberi potuit consiliis priuatis, nec sincerior politicis, nec innocentior ætariis; nullum est Consilium cuius non merearis esse arbiter, nullum ministerium cuius non possis esse Magister; fuisti hæcenus oraculum publicum, potes nunc esse regium.


Captras tamen solitudinem quantum potes, & illa te captat; reddis te tibi qui tandiu dedisti te aliis; oraculum priuatum esse vis, qui tandiu fuisti publicum; consulis te ipsum & respondes tibi; examinas rationes tuas qui toties examinasti alienas, statuis intra te tribunal iuridicum vbi testis & actor, & iudex tui, anteuertis diuinam sententiam dum te accusas, & absoluis; sic præparas te alteri vitæ intra istam, sic mortem fallis dum incipis æternus esse adhuc viuus.

Patere, Vir Illustrissime, vt adiungam me solitudini tuæ, non interpellabo silentium tuum dum silebo; si tamen loqui aliquando velis, loquar dum loquæris, dicam quod dices, agam quod ages. Sic eris solus



etiam me comite, sic erimus plures, & vnus, sic erimus duo amantes, sed tu amicus, ego seruus

Additissimus PETRVS L'ABBE.



# ELOGIVM FVNEBRE D. DE CHASTEAVNEVF, REGII SIGILLI CVSTODIS.

NOVVM ELOGII GENVS  
FACTIS LAVDARE NON VERBIS.

678. d

STA VIATOR, ET LEGE.



LIVSTRISIMVS, Excellentissimusque Dominus Carolus de Laubespine, Marchio de Chasteauncuf, Baronum, Marchionum, & Præsidum sanguis, collegit omnia Maiorum decora, & fecit sua: natus anno 1580. & mortuus anno 1658. duarum ætatum Nestor fuit: anno 1602. Senator in Curia Parisiensi, & plusquam Senator fuit: anno 1606. Legatus in Hollandiam, anno 1609. ter in Belgium missus utrobique de pace egit: anno 1617. Principes Regi, & Principibus Regem conciliauit: anno 1620. Legatus ad Imperatorem, & Principes Germaniæ docuit Germaniam liberam esse non posse nisi germana sit Galliæ: anno 1626. ad Principes Italiæ, ad Venetos, ad Rhetos, & Helucios missus, ostendit Galliam populorum fœdera ambire non iura: anno 1629. Legatus in Angliam probauit tria regna stare diu non posse, si sint tria: Post lustratam variis legationibus Europam, Turonum Prærex, & Regij sigilli custos creatus est: quam benè hoc vtrumque munus gesserit, ex inuidia collige: anno 1633. exulare iussus inculisimæ docuit nullas virtutes nobiliores esse quam exules: anno 1643. restitutus est libertati publicæ, qui nunquam priuatâ caruit: anno 1650. redditus est sigillis Regiis: anno 1651. adhibitus est primario Ministerio. Anno 1653. secedere Leuillam iussus abduxit secum virtutem ne solus iret: hæc semper illi intra Aulam, & extra illam comes fidelis fuit. Hæc denique anno 1653. clausit hominis vitam, & magnarum rerum historiam:

Legisti Viator vitam prosperis rebus, & aduersis permixtam: expertus

est vir magnus vtramque fortunam, & eodem vultu, mutata est saepe illa,  
non ille; emendabat vtramque virtute, & Dominus semper non seruus,  
stetit erectus cadente fortuna, & rotam fecellit dum sola cecidit.

ABI VIATOR, ET TV QVOQVE

Fortunam virtute rege.



# NOBILISSIMI HEROIS DOMINI CAHEVSACII, LEVIORIS TVRMAE,

EMINENT. CARDINALIS ARMANDI RICHELII DVCTORIS.

## EPITAPHIVM.

STA VIATOR, ET LVGE HANC MORTEM.



*Q*uam Mars ipse fleret, si flere sciret.  
*Q*uod scias qualis hic fuerit, ex eo collige,  
Fleuit eius mortem Cardinalis Richelius,  
Fleri iis lacrymis gloria vellet, si mori posset.

Merebatur eas lacrymas hic heros,

*Quem* Anglus, Germanus, Hispanus lugerent, nisi hostes essent.

Obsesso apud Ream Insulam Toërasio,

Scapharum 29. commeatum inuexit ea viâ,

Quæ solis piscibus patere potuit;

Init per omnia clausa, eadem arte ad Regem rediit:

Eâdem auxiliaribus copiis dux viæ fuit;

Iterum per aërem, si maria desuissent;

Per aërem ferè venisse crediderunt Angli,

Dum eos es D. Christophori insula momento expulit.

Nec minus illustre est quod adiungo,

Oppugnabantur omnia Elementa in vna Rupella,

Ipse vnum Elementum ex parte clausit,

Dum ad aggerem maritimum pugnans,

Instar aggeris alterius fuit.

Gloriosum est quod attexo,

Victoria quæ Casalæ obsidionem soluit, pars magna fuit:

Electus à voluntariis ductor spontaneus,

*Solo aspectu & gestu hostem terruit,  
Et Toirasium semel ad Ream,  
Iterum ad Casale victorem fecit.*

*Maius aliquid heros hic gessit,  
Leuioris turma Em. Card. Praefectus  
Totidem heroës in Germaniam duxerat,  
Si duxisset immortales:  
Cum hac Equitum manu in Croatarum agmen irrumpens,  
Tot facinora edidit ut Mars alter haberi posset, nisi cecidisset:  
Numeroso exercitu obsessus includi non potuit,  
Signifero vexillum Aquila vulneratus eripuit,  
Hoc trophæo se obuoluens, & moriens,  
Heroicam sibi in Aquila Apotheosin erexit:  
Sic extinctus adhuc timebatur,  
Mortuus pugnare creditus est,  
Territi hostes hoc facinore victoriam nostris cessere,  
Rati pugnare se cum heroibus qui nescirent mori,  
Aut qui pugnarent mortui.*

*Iturus in hostem, Marchionem de Moüy amplexus,  
Eamus inquit, & fidem Deo probemus, & Regi,  
Iuere ambo, pugnarunt viui, & vicerunt mortui,  
Miratus heroës Cardinalis Richelius,  
Vtrique lacrymas amoris testes impendit.  
Lugendus vterque heros sed laudandus,  
Hac morte vterque periit, qua moriuntur heroës.*

\*\*\*\*\*

ELOGIVM FVNEBRE  
D. PHILIPPI DE TOR SI,  
D. DE LA TOVR,  
ATREBATENSIVM GVBERNATORIS  
STA VIATOR ET IRASCERE MORTI.



*Væ non ausa herbem palam aggredi,  
Per insidias occidit.  
Hic per omnes militia gradus accesserat ad supremum,  
Marescallus futurus qui Mars alter iam erat.*

Missus trans Alpes ad Galliam olim Cisalpinam,  
 Mantuam Gallicam reddidit, & pene Cremonam;  
 Gubernator Casali datus,  
 Euertit casus obsidentis exercitus, & Casale seruauit.  
 Post seruatum Casale datus est seruando Atrebato,  
 Tradere se dixit Ludouicus gloriosam urbem fidei Gubernatori,  
 Et fidelem Gubernatorem gloriosa urbi:  
 Vt ageret Gubernatorem Patrem egit, & iudicem;  
 Temperabat pœnas amore, & crimen puniebat non hominem,  
 Inde ille amor Gubernatoris quasi Patris,  
 Et metus quasi iudicis:  
 Imperij tenax si iussisset, abstinens ne inbéret,  
 Nullum imperium sterile sensit,  
 Nullum obsequium difficile.  
 Nemo seueriorem appellauit dum puniret,  
 Nemo molliorem dum parceret.  
 Vt subditos haberet homines, erat ipse subditus Deo,  
 Amabatur in illo Deus & timebatur,  
 Nemo imperantem spreuit, ne sperneret Deum.  
 His occupatum curis Apoplexia oppressit,  
 Non tamen imparatum:  
 Sæpe tales insidias mors heroibus struit,  
 Dum palam non audet aggredi.

ABI VIATOR.

Et mortem falle, ne illa te fallat.

TVMVLVS  
 DOMINORVM DE BOURLON.  
 STA VIATOR.

AD NOVVM TVMVLI GENVS.  
 DOMVS EST HIC LOCVS, NON TVMVLVS.



ACENT sub eo tres nobiles fratres,  
 Et iacebit olim tota fratrum familia.

Ij sunt,

D. Nicolaus Bourlon, Eques de Lyons, & de Chally,  
 D. Ioan. Bourlon, Actuarius primarius Curia Rationum,  
 D. Math. Bourlon, Rationum Magister, & Consil.

Neque



*Neque hos fratres vita diuisit,  
Nec mors diuidere potuit,  
Idcirco eodem tumulo condi voluere,  
Vt quorum mores indiuidui fuere,  
Indiuisi sint cineres.*

*Primus ex illis sine liberis vixit,  
Alter sine uxore,  
Tertius decem liberos sustulit,  
Ex letiffima coniuge D. Christina de Bally,  
Nobilis D. de Bally, Præsidis Computorum filia.*

*Ij sunt liberi,*

*D. Nicolaus Bourlon, Consil. in Senatu Parisiensi,  
D. Carol. Bourlon, Coadiutor Sueffionensis,  
D. Ioan. Bourlon, Consil. in Senatu Metensi,  
D. Math. Bourlon, Rationum Magister.*

*Quintus Ordinis S. Augustini Regularis Canonicus,  
Ex quinque filiabus tres Deo Virginitatem vouerunt,  
Vt scias omnes Paternæ concordia heredes esse,  
Tredecim sunt si numerum spectes,  
Vnus si animum:*

*Fouet hanc concordiam annosa virtutis Mater,  
Viuunt omnes eodem spiritu matris,  
Et decies viuunt Mater in singulis.*

*Nec noua est hæc concordia quæ seculum videt,  
Et erit semper noua dum erit aterna,  
Fouebunt illam venturi nepotes,  
Tandiu heredes illustris familie,  
Quandiu heredes paternæ concordia.*

*ABI VIATOR.*

*Et discere concordiam immortalitatis causam esse,  
Mors ipsa nihil aliud est nisi vitæ discordia.*



## ELOGIVM FVNEBRE DOMINI GASTONIS DE RANTY.

STA VIATOR AD NOBILEM TVMVLVM.



*ACERET sub eo virtus si mori posset,  
Audi qualis fuerit GASTO DE RANTY.  
Nobilis sanguine, nobilior fuit virtute:*



*Nec apprehendi expertes molis,  
Nec vulnerari expertes corporis,*

*Boëssatus spiritus erat, & tamen occubuit:*

*Quæsiuit mors vulnere locum, & inuenit*

*Oppressit hominem Apoplexia ne vulnus sentiret,*

*Obstruxit meatus sensuum, & spiritum interceptit.*

*Fallor non interceptit spiritum sed emisit:*

*Hospes corporis animus, & indigena cali,*

*Indignatus obstrui sibi vias sensuum,*

*Penetrauit clausos aditus, & exiuit:*

*Et facilis fuit exitus dum caro non sentit:*

*Hac arte dum mors parabat fallere, mortem fefellit.*

*ABI VIATOR ET IMITARE SI POTES,*

*Boëssatus nomine spiritus erat,*


*Et poterat appellari virtus.*

*Mutauerat penè carnem in spiritum:*

*Et spiritum in virtutem,*

*Tu si spiritus esse non potes,*

*Esse virtus.*



EPITAPHIUM  
DOMINI IULIANI BRODEAV,  
ILLVSTRIS CAVSARVM PATRONI.

STA VIATOR,

VBI VIR ELOQVENS STETIT.



*D* dicendum natus adhuc Infans eloquens erat,

*Addidit artem nature & bis eloquens fuit,*

*Omnes scientias eloquentes fecit, dum didicit.*

*Admirare tamen modestiam hominis,*

*Interpres alterius esse maluit quam Magister,*

*Aequavit tamen aut vicit, dum vinci voluit.*

*Omnium causarum actor, omnium victor,*

*Nullam causam admisit nisi probabilem,*

*Nullam reliquit incertam, dum probauit,*

*Persuadebat ut actor, concludebat ut iudex,*

*Decreta dictare videbatur dum diceret.*

*Vna tamen est causa cui victus succubuit,  
Causa mortis.*

*Sciebat Dei decretum esse, & vinci voluit.*

ABI VIATOR.

*Te quoque hoc decretum manet  
Morieris.*

REDI VIATOR.

*Totus non interiit vir magnus,*

*Viuit pars hominis in libris, & pars in liberis.*

## EPITAPHIVM NOBILIS INFANTIS FRANCISCI FOVQVET.



IC jacet FRANCISCVS FOVQVET,

*Infans erat trium annorum si etatem spectes,*

*Maior Infante si merita numeres:*

*Formauerat illum elegantia ut omnibus placeret,*

*Omnium oculorum Ocellus,*

*Omnium amorum amor erat,*

*Nihil in illo puerile nisi etas,*

*Ipsæ fletus amabilis,*

*Ipsæ risus grauis,*

*Ipsæ gestus serius,*

*Ipsæ sermo maturus fuit.*

*Jam crescebat ad magna annis maior,*

*Iam representabat annos venturos,*

*Iam spes domestica erat, & penè publica.*

*Eheu quam citò interiit flos maturus!*

*At hæc maturarum rerum conditio est, citò mori.*

*Eripit se ex oculis perfectæ virtus,*

*Et quidquid ad summum peruénit currit ad exitum:*

*Ostensus est puer tempori, & redditus æternitati,*

*Neque hæc æternitatis iniuria est,*

*Commodauerat illum Parentibus non dederat,*

*Postquam ostendit, quod suum erat repetiit:*

*Imo hoc æternitatis beneficium est,*

*Filium datura, sed non diu*

*Qualis futurus erat statim dedit.*


ABI VIATOR ET LEGE HOC SYMBOLVM.

Hemerocallis.

*Vix obiit quæ non vixit.*

EPIGRAMMA.

**V***Na dies nasci videt, & videt vna perire,  
Fallor vix obiit, cui neque vita fuit.*



# ELOGIVM FVNEBRE ILLVSTR. D. D'ANCIER.

STA VIATOR

AD MONIMENTVM NVNQVAM CASVRVM:

*Quæ alia monumenta deterit,  
Hoc monumentum posteritas conseruabit.*



OMINVS Franc. Antonius Gauthiot, Dominus d' Ancier, &c. cum hæredes morituros noller, eos sibi hæredes adsciuit qui nunquam mori possent; Societatem Iesu ad bona vocauit, eruditam vt beneficium sciret, religiosam vt eam memoriam votiuam haberet, nunquam perituram, ne pretiosa hæreditas vnquam periret.

Vis nosse beneficæ in societatem voluntatis aliquam causam; Collegium instituendæ iuuentuti magnificum amplissimi Gubernatores Versonnensis Ciuitatis extruxerant, deerat membrum aliquod vt totum ædificij corpus perficeret, templum deerat vt totum opus consecraret; successit opportune in partem sumptuum vir patriæ amantissimus, absolui Collegij extructionem ære suo voluit, vt liberalitatem suam publicam faceret; extrui templum imperauit vt opes suas consecraret; sacellum in eo templo sibi destinauit, vt publicas simul preces, & priuatas haberet.

Vnum vno in loco sacellum voluit, & plura vbique habebit, nam Societas toto pene orbe diffusa quot sacerdotes vbique & socios alet, tot piæ voluntatis alumnos esse credet: Imo vt semel dicam erit sacellum in quo votiua pro eo preces, templum erit in quo amicæ gratiarum actiones, gymnasium erit, in quo eruditæ ei persoluentur laudes.

Obsignauit breuiorem hominis vitam hoc vltimum facinus, desinere

illustrius vita non potuit; Romæ hoc testamentum scripsit; voluit in publico orbis theatro illustre facinus edi; longè à Patria se junctus ei beneficis fuit, ut sciat patria quam ei cara fuerit, quam ut viuus & præsens suis consiliis, sic absens & moribundus suis beneficiis auxit; infirmâ valetudine firma, & sana mente eas tabulas scripsit, ut scias & piè illas ac sponte scripsisse.

Dicerem nobilitatem hominis nisi eam sparsæ toto Burgundiæ Comitatu affinitates scutis ac tessæ gentilitiis abunde loquerentur: vnum dico, hoc ipse Maioribus debet quod familiæ suæ splendorem ad eum transmiserint; hoc ei Maiores debebunt quod cum ille splendorem efficiet immortalem.

Dicitur & bellum in Palatinatu gessisse honorarius Eques, ubi etiam illic didicit artem homines vincendi, sed hanc postea artem homo mitis ingenij scire maluit quam exercere: ne quid in homine nobilissimo elegantiarum requiras, nobiliter eruditus fuit: quantopere bonas artes amavit ex eo collige, nobile Gymnasium scientiis absoluit ex parte, & Magistros Gymnasij hæredes suos ex æsse scripsit.

Abi Viator, & pro eo preces, vel ei laudes offer, qui tibi & tuis gymnasio & templum ornauit, gymnasium ubi laudes discas, templum ubi preces fundas.

---

ELOGIUM FVNEBRE  
ILLVSTRIS. D. DE BRVILLART,  
BARONIS DE COVRSAN.

STA VIATOR ET DISCE

QVALIS COVRSANVS FVERIT, EX EO QVOD NON FVIT.

**D**OMINVS BARO DE COVRSAN,

*Non fuit legionum tribunus,*

*Non fuit castrorum Præfectus,*

*Non fuit ductor exercitus,*

*Id totum non fuit, quia esse recusavit.*

*Fallor id totum fuit dum esse noluit,*

*Legiones rexit sed sine Tribuni nomine,*

*Castris præfuit sed sine Præfecti munere;*

*Exercitum duxit sed sine Marscalli dignitate.*

*Admisit onera titulorum reiecit titulos,*

*Timuit præesse militi, cum rapina timebantur,*



Tunc præsuit dum nihil timebatur nisi hostia,  
 edebatur ei acies quasi alteri Marti,  
 victoriam sperabat Miles, si Coursanus imperaret.  
 Nullum sub Henrico Magno bellum gestum est,  
 Vbi Coursanus non vicerit:  
 Adhuc fortitudo & conscientia Coursanij prouerbiū est,  
 Palliati Coursanij aut vincere sciunt aut mori,  
 Conscientia Coursanij timet aurum, non ferrum.  
 Hæc cogitatio eum recreabat morientem,  
 Pugnauit, ne alieno ditiſcerem,  
 Vici Henrico Magno nec sum maior,  
 Vixi priuatus etiam dum fui publicus,  
 Hic circulus vita mea Rex & Deus.

ABI VIATOR ET DISCE.

Noque armis noſcere virtutem,

Neque arma virtuti.



## ELOGIUM FVNEBRE

ILLVSTRISSIMÆ DOMINÆ

D. CAROLÆ DAMASCENÆ,  
 BARONISSAE DE COVRSAN.

STA VIATOR.

**H**ic jacet Mulier fortis  
 Alibi inuentu difficilis.

Hæc est CAROLA DAMASCENA,

Nomen ipsum Maiestatem sapit.

Ex Regibus oriunda, omnes regias virtutes collegit in sæmina;

Inde illi omnia Regia præter fortunam,

Suppleuit illam virtute, & imperauit sine sceptro:

Fæminarum animos rexit quasi fæminis superior;

Nobilium Virorum duella composuit quasi viris maior;

Popularium lites diremit quasi iudex,

Pluribus Prouinciis ius dixit quasi præses.

Nemo ab ea discessit nisi beneuolus,

Nemo abiisset pauper si omnes ditare potuisset,

Eos omnes censebat domesticos qui domo carebant,

De Thyan-  
 ges des Rois  
 de Sicile, &  
 de Damas.



Armes de la  
Maison de  
Thyanges,  
voc. Croix  
de Damas.

Deuise de la  
Maison de  
Courfants  
court sans  
ecile.

*Pietatem domesticam habuit, & iesscrariam crucem,  
Similis erat nobilis domus Religioſe familie  
Seruabantur in ea vota sine votis,  
Et pietas sine regulis regula erat,  
Ipsa imperio & exemplo dux ad virtutem & comes erat,  
His operibus intenta ibat ad virtutem continuo cursu,  
Et ire debebat ex domestico lemmate.*

ABI VIATOR

*Et tu quoque ad eternitatem curre,  
Sed ad illam non itur nisi per Virtutes.*



ILLVSTRISSIMI DOMINI  
D. ANTONII DE GILBERTES,  
ECCLESIAE LVGDVNENSIS COMITIS,  
ET ARCHIDIACONI  
EPITAPHIVM.



*Ic jacet D. ANTONIVS DE GILBERTES,  
Eius Ecclesie Canonicus in qua omnes sunt Comites,  
Et Canonici aliqui Reges.*

*Accepit ab ea Societate splendorem,  
Et splendorem dedit:  
Virtutum Comes quas omnes possedit:  
Humilitas in eo nobilis, honor humilis fuit,  
Ex dignitatibus eas tantum admisit, quas augere posset,  
Recusasse insulas dicitur, ne illis cresceret.*

*Ambiebant Magnates eius gratiam,  
Ipse nullius gratiam ambiebat,  
Idcirco omnibus gratus, quia nihil egit ex gratia.*

*Nemo amicus eo melior, quia nemo constantior:  
Amicum nunquam mutauit, etiam dum amari desiit,  
Speſtabat in amico Deum qui semper est similis.*

*Vt ſcias puritatem amoris,  
Amabat pauperes in quibus nihil est amabile præter Deum,  
Ex cæna quotidianum ſerculum iis tranſmittebat,  
Nec vnquam ſine Deo cœnauit:  
Maiores tamen erant Eleemoſynæ priuata quam publica,  
Id ſatis publicum dicebat quod Deus aſpiceret:*

Maturus

*Maturus erat aeternitati, cui assueverat adhuc vivus :  
 Tam facile ad eam migravit ut mutasse hospitium diceret,  
 Imo neque hospitium mutavit,  
 Eo inis quo ire consueverat.*

*Es tu quoque Viator assuesce aeternitati,  
 Nec ad illam hospes, sed hares accede.*



ELOGIVM FVNEBRE  
 ILLVSTRISSIMÆ DOMINÆ  
 D. GABRI. DE GADAGNE,  
 COMITISSAE DE CHEVRIERES.

STA VIATOR THESAURVS HIC LATET,  
 MVLIER FORTIS DIVES THESAURVS EST.



ALIS est D. GABR. DE GADAGNE, Com. de Chevrieries,  
 Nosti nobilitatem si es Gallus,  
 Mirare virtutem si pius,  
 Imitare si Christianus.

*Hec post Mariti & filij vnici funus,  
 Capis nihil amare nisi Deum,  
 Quæ prius Deum amabat & filium:  
 Nullus unquam filius materno amore dignior fuit:  
 Elegancia ei pro corpore, virtus pro indole erat,  
 Fecerant hæc omnia Regi amabilem, quia fecerant similem.  
 Nec dubium quin ea merita compensasset Ludovicus Iustus,  
 Quæ iam amauerat pius.*

*Antevertit regia munera Deus,  
 Remunerari prior voluit qui prior amauerat,  
 Subtraxit Matri delicias, & fecit suas.*

*Tot lacrymas expressit Matri tanta iactura,  
 Ut nunquam gauisuram crederes:  
 Tot gaudia postea creavit, ut nunquam fleuisse diceret:  
 Centies de morte Isaaci sui Deo gratias egit:  
 In eo Sara generosior, risit illa oblato filio,  
 Hæc etiam risit ablato.  
 Celandum fuit Sare sacrificium filij,  
 Hæc centies Isaacum immolauit.*

*Vt gravior Victimam esset filium immolabat, & Deus;  
Vt haberet ubi immolaret extruxit templa de suo,  
Tres religiosas domos fundavit;*

*Quartam ipsa præstabat ubicunque esset.*

*Singulos dies unius horæ meditatio,  
Singulas horas Dei amor consecrabat;  
Sic nulla ei hora peribat,  
Sic omne momentum æternitas erat.*

*Nec tantum in animo Deus sed in manibus erat,  
Quibus vel altaria, vel pauperes,  
Et Deum in utrisque vestiebat.*

*Abdebat se aliquando apud Moniales ab Annuntiatione dictas,  
Ibi in asceticis muniis ita omnibus pralucebat,  
Vt non tam Monasterij quam instituti fundatrix videretur:  
Includi non debuit cœnobio quæ in seculo religiosa erat:  
Singulis mensibus diem unum,  
Singulis annis octiduum ita Deo impendebat totum,  
Vt temporis oblita frui æternitate videretur;  
Et erat æternitas nisi tempus successisset.*

*Contineri domo unâ non poterat nobilis zelus;  
Mittebat subinde ad subditos doctores salutis,  
Non tolerasset in subditis hæresin, quæ ignorantiam non ferebat,  
Breui omnes urbes hæresi carerent,  
Si Dominos haberent tam Christianos.*

*Nec suos tantum hic zelus, sed amplectebatur alienos;  
Erga egenos propensior, diuitem se illis putabat non sibi,  
Reddere se illis stipem aiebat non donare;  
Inuisebat frequens Nosocomium, etiam infirma;  
Addixerat se eius ministerio si Confessarius permisset;  
Prohibita est ne paucis tantum egenis seruiret foris,  
Quæ domi omnibus ministrabat.*

*Tot operibus charitatis intenta flebat otium suum;  
Quasi efficacior esse charitas possit, quam dum omnes iuuat;  
Excidit illi tamen aliquando vox illa;  
Viginti anni sunt cum meis commodis non seruui;  
Quam purè seruiebat Deo, quæ non meminerat sui:*

*Vt puriorem adhuc amorem efficeret,  
Quotidianas noxas quotidiana serè confessione expiabat,  
Breui maculas non haberent,  
Si se toties Sol & astra purgarent.*

*Agebat annum ætatis quintum & sexagesimum,  
Matura erat gloriæ, & satur vitæ,*

Biennium erat cum anniuersario funere sibi parentabat :  
 Quinto ante obitum die designauit locum sepulchræ :  
 Aptauit altaribus funebrem vestem quam ipsa consecerat,  
 Nemo officiosior est quam quisque sibi ;  
 Prudentis hospitii est lustrare ante domum quam incoleres  
 Et premittere supellestem, ne in vacuo habitet.  
 Eam diem quæ præcessit obitum sic totam impendit Deo,  
 Vt dubites an pertineat ad hanc vitam vltima,  
 An ad alteram prima.

Ex tribus eius diei meditationibus tertia fuit amoris diuinis  
 Non interrupit mors eum amorem sed extendit,  
 Et ne vnquam cessaret æternum fecit :  
 Extrema noctis sopor penè extasis fuit,  
 Circa auroram surrexit, orauit, amauit,  
 Aspexit cælum, salutauit nascentem diem,  
 Et sibi eternitatem.

Excitatis ad vltimum agonem domesticis,  
 Stans & inambulans obiit :  
 Extinxit calorem vite grauis humor, non amoris  
 Inter amica suspiria spiritum exhalauit :

Semihoram vix occupauit hæc pugna,  
 Tam facile mortem vicit, quia mori didicerat,  
 Stans obiit vt fortem mulierem scias,  
 Inambulans peruenit ad eternitatem,  
 Ad eam semper perrexerat.


Sic transit ad felicitatem quæ beata esse iam cœperat :  
 Sit septima octidui die cœlitibus sacri.

Auxit cœlitum numerum,  
 Digna iis altaribus quæ sanctis erexerat :  
 Hæredem scripsit Illustrissimam Marchionem de S. Chamond ;  
 Amanit in eo paternas virtutes, & proprias,  
 Vt amor hæredem faceret, virtus fecerat filium.  
 Sepeliri voluit in templo Minoris Collegij Lugdunensis S.I.  
 Vt quibus animæ curam tradiderat viuâ,  
 Is curam corporis traderet mortuâ :

Sed admirate dignam omnibus honoribus humilitatem.  
 Prohibuit pompam funebrem,  
 Ne honores admitteret mortua, quos viuâ contempserat ;  
 Quos etiam vt calcaret, sepeliri in vestibulo templi optauit ;  
 Vt calcari ipsa ab omnibus posset :  
 Sed Collegium venerabitur semper vt fundatricem,  
 Et Societas vt beneficam Matrem :

*Et quia Societas vbique terrarum socios habet,  
Habebit hæc vbique terrarum filios:  
Quia Lugduni habet alumnos.*

ABI VIATOR INVENISTI MULIEREM FORTEM.  
*Tu nisi es fortis, minor sæmina es.*



# ANTONII LABBÉ, CANONICI SILVANECTENSIS, ET PHILOSOPHI VESONTIONE MORTVI. EPITAPHIUM.



Oc totum est quod vobis remitto, mæsti consanguinei, mortui fratris titulum & Epitaphium; cætera quæ intèrre potuerunt pestis absumpsit. Crudele malum pestis, ex quâ quidquid spiratur venenum est, quidquid emititur telum, quidquid atrectatur contagium.

Funesta hæc lues Antonium Labbé fratrem meum sic affixit, vt ex eo toto nihil reliquerit, nisi triste in hac charta Epitaphium, & in me seruato penè miraculum.

Ne quærite quis casus hoc infortunium inuexerit; malum fuit quod nec prævideri à sano, nec agnosci ab ægroto, nec sanari ab vilo potuit: Alia sunt quæ nec silere testis, nec celare frater debeo. Adfui ægrotanti testis infortunij, particeps doloris, conscientix arbiter, morum Magister, vbique frater; & testari possum, eam pestem quæ corpus corrumpit, nec afflauisse animum, nec mores attigisse.

Eo biduo quod illi extremum fuit, accuratas conscientix rationes apud probatum Sacerdotem sic posuit, vt in re arcana optarit me habere testem, vbi alij reformidant iudicem. Id vbi non impetravit, eo ferè momento quo extinctus est, postremos vitæ calculos apud me & fratrem & iudicem numerare voluit, de quibus id tacere non teneor, eos satis fuisse ad graue testimonium, vix satis ad leue iudicium.

Nec plura vt sacerdos, vt Magister eam semper in eo indolem probaui, quæ vt modice loquar ad nullam vel artem vel virtutem inepta erat, charitate certe, & pietate erga suos illustri fuit; constitutus in extremis Auunculi de se optime meriti, memoriam in fine vitæ retinuit, & æternam fecit.

Me quidem fratrem sic dilexit vt quamdiu me sibi, & pesti suæ vicinum habuit nihil sibi abesse crediderit: Ei certe cum ego amorem re-



pendi ut nihil unquam in eo nisi pestem oderim; à cuius etiam Societate, nec me pestis, nec periculum mortis exclusit.

Denique & Sacerdos, & Magister, & frater, & testis id affirmare possum, eo in statu vitam clausisse qui etiam cum peste amari potest. Amate cum statum, mæsti consanguinei, & deflete, sed ea lege doloris, ne vestris lacrymis hoc Epitaphium deleatis, quod illi solum à peste servatum est.

## INTERITVS FRATRIS, ET PRO SE A MORTE SERVATO. CARMEN VOTIVVM.



ENDEAT hoc carmen votivæ anathema *Thalia*  
*Ex aris Loyola tuis, servataque vita*  
*Auctori grates redimuo carmine soluat.*

*Labbeum fratrem huc longis mens ignis ab oris*  
*Duxerat: ut mores sub me, Sophiamque Magistro*  
*Disceret: heu sortis male conscia corda futura,*  
*Et Sophiam pestemque hausit! Vespontia labe*  
*In ciues grassata suos tandem improba tela*  
*Torsit in externos, & fratrem afflauit acerbo*  
*Ulcere, sic saepe externis quæ Patria non est,*  
*Aut odium aut peste nocet: secesserat vrbe*  
*Ut pestem & mortem fugeret, sed nescius urbem*  
*Et secum pestem traxit: vel perfida rura*  
*Sæpe agris plus vrbe nocent: huic dum omnia desunt,*  
*Ne frater quoque deficeret: presentia morbi*  
*Et fratris non lentus amor rus ire coëgit:*

*Hic ego ut ignoto vidi tabescere morbo,*  
*Et flamma pasci internâ, quot munera solus*  
*Sustinui? Medici, & fratris, sociique fidelis:*  
*Ars amor & medicamen erat: sed fortior arte*  
*Vix morbi fuit, & tandem mens sola medela*  
*Apta erat: hæc hominis pars prima, & nescia lesbi:*  
*Huic ego sollicitus prouidi, huic ultima verba*  
*Suggepsi, & fratrem prope sum comitatus euntem.*

*Hic mihi fons morbi, tractateque alea pestis:*  
*Scilicet hæc inter curas, vigilesque labores:*  
*Noxius irrepsit membris languentibus ardor,*  
*Sive is amor, sive ignis erat: quam pestifer esset,*

*Jam nigra, mox vda alba vestigia lingua  
 Prodebant nocui fuligo aut spuma veneni;  
 Hinc Medicis atque inde metus: iam publica iura  
 Interdicta mihi, tellusque & publicus aër  
 Privatum tantum esse meus: sic cuncta timentur,  
 Tabusque, aspectusque mali, spirataque verba,  
 Ipsa etiam pestis prope formidatur imago.*

*Moni Charitum est, Nymphis sedes, & amata Lyao,  
 Effugium tunc pestis erat, Nymphisque fugatis,  
 Et morbum metuente Deo; pars imminet urbi  
 Pars alitè laqueos & publica crimina spectat,  
 Pendere, & literis homines rarefcere longis.*

*Hic medio mihi colle domas, domus arctæ diei,  
 Et nocti tantum, ac lento satis ampla sepulchro;  
 Sol verius pura ne lucida tela diei,  
 Labem aliis ex me traherent, vix luce malignâ  
 Scissuras antri, & radiis spargebat anaris.*

*Hic ego ut angusto clausum me carcere vidi,  
 Et solum in tenebris captivæque aëris umbra  
 Cum morbo superesse Deum; satis, ô satis inquam,  
 Si præsens mihi Numen ades, dum cetera desunt  
 O felix jactura hominum, pretiosæque rerum  
 Alea, cui lucrum Deus est, versuraque celum,  
 Magne orbis Rector, rerum fortuna mearum,  
 E manibus suspensa tuis mea stamina pendent,  
 Diuide, volue, secas, placet esse volubile filum,  
 Dum digiti sint Parca tui: tamen altera fratrum  
 Si satis esse potest placando victima cælo,  
 Eurrat adhuc aucto subtemine longior ætas,  
 Criminibusque meis forfex hoc pignore parcat,  
 Ut redimam lapsos annis melioribus annos,  
 Dilata exemplum pœne; post vulnera cautus,  
 Post virgas melior; neu fallat debile votum  
 Te prædem LOYOLA meam, partæque salutis  
 Sponsorem esse volo, si tela nocentia pestis  
 Devoto capiti placas, & Numinis iras,  
 Tum mihi nona tuas morietur victima ad aras,  
 Et memori virsus testata hoc carmine vives.*

*Dixeram, & afflicta paulatim assurgere vires,  
 Deleri gaudio sensim vestigia lingua,  
 Denique post obitum, plorataque funera viuo,  
 Et memori grates votivas carmine solvo.*



LIBER SEXTVS.  
 ELOGIA HISTORICA  
 LVGDVNI ANTIQVI.  
 LECTORI BENEVOLO.



ACTENVS scribendi Historiam triplex ferè methodus fuit ; prima explicandis rebus singulis & minutis sic inhæret tota , vt multum Mercurij habeat , parum Apollinis : Altera in enarrandis rebus gestis quid actum male , quid bene , accusat , & laudat , & sic agit testem vt exerceat iudicem : Tertia ex rebus præteritis futuras instruit , & venturi temporis penè Historiam facit , dum ostendit facienda ex rebus factis. Addi fortasse potest quartum historiæ genus per Dissertationes , & Epistolas Historicas quarum exordium aliquid eruditum habeat , epilogus aliquid Ethicum , pars media Historiam rei narret si certa est , probet si dubia , exornet si sicca , & sic Historicum agat vt misceat Oratorem & Philosophum ; atque vt sit perfecta ex aliis sumit vnde se perficiat ; hac quarta methodo Historiam veteris Lugduni Historiam scribo ; si placuerit hæc methodus , erit Historia prima ; si minus placuerit , erit sola. Vale.

NOBILISSIMO POTENTISSIMOQUE DOMINO  
**D. NICOLAO DE NEVFVILLE,**  
**DVCI DE VILLEROY, PARI,**  
**ET MARESCALLO FRANCIE,**  
 LVGDVNENSIVM GVBERNATORI, &c.



**E**XAMINATAM à multis, nec satis adhuc discussam de or-  
 tu Lugduni difficilem controuersiam, cur tibi offeram sub  
 Philarchi nomine, non leues sunt causæ, Marescalle me-  
 ritissime.

Scire debes ætatem eius vrbis cui præes, nec potes scire  
 natales infantis, nisi scias parentes; agnoscere te vellet primus Parens  
 Lugduni si viueret, nec tu succedere debes ignoto; ordinis quidam ne-  
 xus inter vos est; neque ille esset antiquissimus, nisi tu illi succederes,  
 nec tu esses centesimus Gubernator, nisi ille præcessisset.

Neque ordinis tantum, sed amoris & beneficiorum vobis cum Lugdu-  
 no communitas est; debet illa fundatori suo quod sit antiquissima, de-  
 bet tibi quod penè sit noua; tot ornamentis publicis ornauit illam illu-  
 strissimus Parens tuus, & tu tot addidisti Patri, vt Neapolis ex vestro no-  
 mine appellari possit.

Addo aliquid illustrius, debet Planco Lugdunum quod inter ciui-  
 les Romanorum motus Iulia semper fuerit, & Augusta; Et tibi debet  
 Lugdunum quod inter nuperas factiones Regia fuerit, non neutra, nec  
 altera.

Scilicet Gubernator eras Ludouici, & Lugduni, & Prorex vigilantif-  
 simus frater tuus, eadem fide gubernabat Lugdunum qua tu Ludouicum:  
 stetit exemplo vestro fidelis Arar, & Rhodanus, & vicina Prouinciæ  
 immobili Lugduno quasi centro, immotæ steterè, si centrum cecidisset,  
 casuræ.

Dixi quid debeat tibi Lugdunum politica, dicam breui quid debeat  
 Fratri Lugdunum sacra.

MAGNITVDINIS TVÆ,

Humillimus seruus PATRYS L'ABBE'.

DISSER-

# DISSERTATIO PRIMA, DE ORTV LVGDVNI.

**R**OGASTI quod imperare poteras Philarche, vt scribam ad te de natalibus, & ortu Lugduni; scilicet interesse putas vt Lugdunum annos suos & parentes sciat; turpe est prolem esse, & nescire patrem; nec minus indecotum est percurrisse tot secula, & nescire numerum, dum ignoras primum.

Obtempero precibus, vel imperiis tuis, sed alitet quàm expectas, scribo originem Lugduni, & illam taceo; scio illam & ignoro; atque hoc ipsum persuadere conabor tibi, scire te illam, dum tu illam nescis; nimirum hæc prima laus est antiquitatis carere principiis, æteta laus habere principia & nescire: hæc ego duo si persuafero dicam originem Lugduni dum illam non dicam.

## PRIMA ANTIQVITAS NON HABERE PRINCIPIA AVT NESCIRE:

**A**SSVRGE mecum Philarche, & primam antiquitatis Ideam ex eo adisce qui solus antiquissimus est; extitisse ante tempora, & fundare tempus; antiquissimum esse genere, & Maiores non habere, Patrem esse & carere Patre; hæc primæ intra Deum Personæ nobilitas est: semper genitum esse, & semper gigni filium esse, nec esse post patrem; nihil habere minus Patre nisi punctum originis, hoc Verbi diuini elogium est. Terminare eum amorem qui nunquam incepit; exhaustire eum qui nunquam desinit; ardorem esse duorum & ardere tertium, hic Tertiæ intra Deum Personæ caractet est.

Altius te euexi, Philarche, intra mundum te reuoco; incepit aliquando hic mundus, & nescit quam-primùm inceperit; finiuit primam æternitatem, & ignorat finem; inchoauit tempus & initij non meminit; id vnum nouit nihil præfuisse sibi nisi inanitatem sui.

Vis aliquid dicam de origine Oceani? nescit an sit pater fluuiorum an filius; crescit ex fluuiis, ex illo fluuij crescunt; plenus semper est, & se semper effundit; breui exhaustiendus si effunderet alienum, semper plenus quia effundit seipsum: ignorat tamen vnde id acceperit quod semper effundit.

Ex fluuiis eos nobiles voco, quorum originem natura quæri maluit quàm inueniri; nobilior est Nilus quàm parte nescitur, quàm quàm aspici-




tur; riuus sunt quorum origo saltu transmittitur, nobiles fluij in orbem currunt dum ex oceano in oceanum redeunt: propterea ignorant originem suam; quia difficile inuenitur principium ubi nihil est primum.

Vis ex fluminibus ad regna te & vrbes traducam? tam incerta est prima Francorum patria quam secunda certa; an ex Troianis venerint ut aliqui putant; an ex Germanis ut plures existimant; an potius Franci non vnius populi nomen sed plurium, ita appellati quod excusso Romanorum iugo in libertatem se vendicarint; quasi idem sit Francum esse & liberum, incerta res est; propterea antiqua est Francorum patria quia dubia.

Audire quid tacitus insusurret, quid nobilior Româ, & origo patet? hic te expectabam, Philarche, nobilior esset origo Romæ si latêret; adhuc Romanos pudet originis suæ; idcirco consecrarunt Lupam ne decori esset; propterea fecêre Romulum Deum quem hominem non ferebant; atque ut dissimularent historiam fecêre fabulam.

Percurre vrbes, lustra familias, intuerê Solem & Lunam: ex vrribus æ antiquissimæ sunt quæ nunquam creuêre, ex familiis æ maximæ quæ nesciunt se fuisse paruas: idcirco Sol antiquissimus est quia nihil aspexit se prius; scilicet hæc vera antiquitas est non habuisse principium nascendi, aut nescire.

Atque hic est illustris ortus Lugduni, nescire originem suam, scit se aliquando natum, & olim casurum; nescit initium ortus sui, & ignorat exitum; media ætas est quidquid aspicit, ignorat extrema: nimirum hæc ætas Deorum est nescire infantiam & senectutem non timere: participat æternitatem Lugdunum dum nescit ortum suum, & ignorat occasum.



## LVGDVNVM POST PLANCVM.



ACTENVS Oratorem egi, placet nunc dialecticum agere, & stricta manu loqui; problema est ortus Lugduni, vtrunque calculum verto, & dum neutram opinionem accuso, vtramque laudo.

Polybius Author illustris stylo & ferro, ut Annibalis in Italiam iter certiùs describeret, lustrauit oculis; Arar inquit, & Rhodanus ex arduis, & inaccessis montibus decurrentes insulam efficiunt, ei parti Ægypti similem quæ Delta vocatur, illac transiit Annibal. Rogo te Philarche, cur oculatus testis describit insulam intra quam Lugdunum est, & de vrbe tacet? Deinde qui sunt ij montes ardui & inaccessi? an illi qui Lugduno incumbunt? at illi plus vallis quam collis habent; præterea quænam hæc insula Ægyptiaco Deltæ similis quod totam inferiorem Ægy-

ptum continet, an vrbis nomen est, an potius amplæ regionis? quam si Vegesio monte vbi Arar nascitur, & Alpibus vnde Rhodanus oritur delinces, & fluminis vtriusque confluuiio definias, secundum Delta describes æquale primo; igitur ante Annibalem & Polybium Lugdunensis insula fuit, non Lugdunum. Titus-Liuius Author æqualis Romanæ maiestati, postero die, inquit profectus Annibal aduersâ Rhodani ripa mediterranea Galliæ petiit; non quia rectior ad Alpes via esset, sed quantum à mari recessisset minus obuiam fore Romanum exercitum credens, cum quo priusquam in Italiam ventum foret, non erat in animo manus conferere; quartis castris ad insulam peruénit vbi Arar, & Rhodanus amnes diuersis ex Alpibus decurrentes agri aliquantum complexi confluent in vnum, mediis campis insulæ nomen inditum. Iterum te ad examen voco, Phylarche, magnus Author eundem locum describit vbi nunc Lugdunum est, & vrbis non meminit; igitur vrbis ante non fuit; deinde mediis campis insulæ nomen inditum, igitur vbi nunc Lugdunum est nihil tunc nisi campus fuit.

Vis addam Plutarchum amabile nomen Apollini & Musis; Annibal, inquit, castra mouit, & per ripam Rhodani aduerso flumine profectus, paucis diebus peruenit ad locum quem insulam vocant Galli; ibique nunc Lugdunum est celeberrima Galliæ vrbis, quam longis postea temporibus Plancus condidit: igitur ante Plancum Lugdunum non erat, aut non est à Planco conditum.

Produco grauius testimonium, & maiorem virum, Iulius Cæsar homo est de quo meritò dubites meliorne imperator an scriptor fuerit, hic de se vno historiam fecit, idem testis & historicus sui, idem scribenda fecit & scripsit, idem alios ferro superauit, & seipsum stylo, hic Galliam explorauit vniuersam, & Lugdunum nesciuit; hic Ararim & Rhodanum, & vtriusque confluentem alpexit, & Lugdunum non vidit; hic Cabillonem, Matisconem, Viennam, Massiliam, & impositas vtrique fluuiio vrbes descripsit & Lugduni non meminit; igitur temporibus Cæsaris Lugdunum non fuit.

Teneo te Philarche non euades, Caietæ in Æde Saturni, nunc turris Rolandi est, marmori albo inscripta leguntur hæc verba.

*L. Munatius. L. F. N. L. Pron. Plancus Cof.*

*Ex Rhetis adem Saturni fecit de manubiis,*

*Cof. Imp. Iter. VII. vir. Epul. Triumph.*

*Agros diuisit in Italia Beneuenti, in Galliam*

*Colonias deduxit Lugdunum, & Rauricam.*

Attende, Philarche, vim argumenti; deducere Coloniam Lugdunum est fundare Lugdunum; deinde tam fundauit Lugdunum quam Rauricam; igitur ante Plancum nec Raurica fuit, nec Lugdunum.

Audio te etiam tacentem, Philarche, numerare soles authoritates & ponderare rationes; afferro vnam, & persuadeo, intererat Gallia ante Plancum nullum esse Lugdunum, fuit è re Romanorum temporibus Planci ædificare Lugdunum; igitur ante Plancum Lugdunum non fuit: Erat ante Plancum Vienna Gallia quod postea Lugdunum fuit; erat Europæ centrum, Galliarum meditullium, domina Araris & Rhodani, Massiliae soror, Emporium orbis: si Gallia vicinam urbem Viennæ adiungeret præuidebat breui faciendum quod videt factum, ingentes duas urbes vicinia non capit, aut fiet vna maior aut vtraque minor; æqualia diu esse non possunt quæ inuicem certant, quidquid superatur fit minus, & quidquid vicinum est accedit ad vnum.

Premiò argumentum, Romanos penè necessitas impulit ædificare Lugdunum; Allobroges nec amici Romanorum, neque hostes, dum Romani orbis victores, seipso bellis ciuilibus vincunt, faciendum id putarunt Romanis, quod Romani fecerant Gallis; occasione vsi Viennam occupant non alio iure quam armorum, & ne Viennenses pæniteret mutasse dominos, ex municipio Romanorum Viennam constituunt Metropolim Allobrogum.

Dis simulanda fuit Romanis ea iniuria quæ tunc impediri non poterat; ne tamen clientes suos despiciere viderentur, imperant Planco vt nouam urbem exulibus ædificet antiquâ meliorem; sic illatam iniuriam dissimulant, & emendant; sic armantur in hostem sine armis, sic Lugdunum bellum sine bello Allobrogibus intulit; si ante Plancum Lugdunum fuisset inuasissent illud Allobroges nondum Romanum, & duabus urbibus Viennâ, & Lugduno clausissent Galliam Romæ, & aperuissent Romanam Gallia; igitur ante Plancum Lugdunum non fuit.

## LVGDVNVM ANTE PLANCVM.

### PARS SECVNDA.



Enè assentiris, Philarche, & credis inexpugnabiles esse rationes quas tam facile est dissilare quam cineres; Polybius Lugduni non meminit igitur Lugdunum non fuit, quale argumentum! Polybius historicum agit non Geographum, secutus est properantem Annibalem ipse festinus, idcirco urbium non meminit quia ad eas Annibal non diuertit; de Tito-Liuio, & Plutarcho idem dico, vterque iter Annibalis non obuias urbes describit; propterea neuter ibi morari debuit vbi exercitus Annibalis non stetit; possem addere vtrumque Lugduni meminisse dum meminit insulæ; nimirum insula nomen est non regionis tantum sed urbis; auxit urbem lucius Plan-

cus, & insulæ montem addidit; idcirco Lugdunum appellauit, ex se & monte.

Ad Cæsarem quam facilis responsio: Cæsar Lugdunum omisit, igitur ante Cæsarem Lugdunum non fuit, leue argumentum, nec Cæsarem; non extant apud Cæsarem, Nemausus, Druentia, Vigenum Antipolis, Brigantium, Auenio, Gernum, Valentia, Ruscinum, Vasio, Arausio, Aëria, Oxibium, Olbia, &c. quæ tamen apud Strabonem & Ptolomæum sunt nobiles vrbes; non ædificat arces & vrbes Cæsar dum meminit, neque euertit dum omittit; erant temporibus Cæsaris intra Galliam octingentæ vrbes, ex iis Cæsar octoginta vix nominat; erant quadringenti populi, ex iis Cæsar quadraginta vix laudat: scilicet eas. sed vrbes describit quas obsedit, eos fere populos recenset quos amicos habuit, aut sensit hostes: nimitum scribit commentarios rerum suarum non Gallicarum, & Romanas victorias enumerat non vrbes Gallicas; sic descripsisset triumphatam Italiam Brennus, neque illustrius esset apud eum Mediolanum, quam apud Cæsarem Lugdunum.

Nec difficilius est contra Plancum defensio, deduxit Colonias Lugdunum & Rauricam, & neutram fundauit; deducebantur sæpe Colonie vbi vrbes iam erant; retinebantur antiqui Ciues, & addebantur noui: mutabantur leges non homines; qui vt pretiosius seruirent ornabantur nouis privilegiis, & spoliabantur antiquis; mutauit statum Lugduni Plancus, nec fundauit Lugdunum.

Aliò te deduco, Philarche, quid si dicam Lugdunum trecentis ante Plancum annis à Iugdo Rege esse fundatum? ita affirmat Berosus; nec si aliquando fabulas admiscet quidquid asseuerat fabula est.

Addo grauioris authoritatis virum; Plutarchus eo libro quem de fluuiis & montibus scripsit, ait Momorum Principem in Gallia virum oraculo monitum vt ad confluentem Araris & Rhodani urbem extrueret, eundem à coruis circumuolantibus edoctum, quo loco vrbs condenda esset; ab hoc augurio coruorum quos Celtæ lugos vocant, & à monte quem Dunum appellant, Lugdunum nominatum esse.

Neque contraria loquitur Plutarchus, dum ait Lugdunum intra insulam conditum; reliquit Plancus antiquam urbem in monte, alteram sub monte condidit; retinuit idem nomen, ne augurium mutaret, nec mutauit locum vt seruatet oraculum: confecta res esset, si vnus Plutarchus esset non geminus, vetus non falsus, atque hic esset illustris ortus Lugduni, oraculum, & augurium, gemini Parentes, & duæ origines.

Dubitare incipis, Philarche, & persuaderi velles Lugdunum Planco antiquius esse, vt tu esses antiquior, scilicet antiquitatem publicam arbitraris tuam, & te æternum putares, si patria tua sine ortu esset: afferro aliquid fortius & te conuincio, Strabo Augusto & Planco penè coæta-

ncus, Lugdunum celebre orbis Emporium, Seneca opulentam ciuitatem, & ornamentum Prouinciarum vocat: Oro te, Philarche, quomodo Lugdunum orbis Emporium esse potuit si adhuc orbi ignota vrbs fuit? quis nuntiauit Europæ Lugdunenles nundinas si adhuc Lugdunum vix erat? quomodo tam celeriter duci aratrum, attolli mœnia, ædificari ædes, muniri officinæ potuerunt? an simul Lugdunum nasci, & crescere, simul vrbs parua & adulta, simul obscura & publica esse potuit? vix ipsa nundinarum fama ire tam citò per Europam, & redire potuit; ipsæ aues si mercaturam facerent inuitari ad nundinas, & venire tam propere ex toto orbe non potuissent. Non ita res crescunt, Philarche, nihil magnum simul, & exiguum est, ad magnitudinem per gradus itur, & lentius adhuc adolefcunt vrbes quam arbores.

De literarum studiis idem dico atque de nundinis: quis nuntiauit orbi Lugdunensem Aram? quis Athenas tam celeriter in Athenæum transfudit? quis prouocauit ingenia ad certamen? an simul doceri scientiæ, & addisci potuere? an iidem discipuli esse & Magistri? Musæ ipsæ prius alumnæ fuere quam Magistræ, nemo nascitur eruditus, si Mineruam excipias quæ ex cerebro Iouis prodiit intus erudita, & foris armata: floruerunt temporibus Planci Athenæ Lugduni, igitur ante Plancum Athenarum fuit: inuenit intra insulam Druydes Plancus non induxit, debet illis sapientiam Gallia non Romanis, & diu ante sapimus Gallicè quam Latine.

## LVGDVNI ORTVS PROBLEMA.



**I**N **D**IS Philarche originem Lugduni controuersiam esse non historiam; neutra pars vincitur, neutra vincit; problema est ortus Lugduni, & primæ natiuitatis nostræ mater opinio est.


Placet claudere Epistolam more Senecæ, & ne indonatus abeas hoc te symbolo dono. Quid interest, Philarche, quando Lugdunum inceperit, pluris refert quando desitutum sit; ex te ipso rem probo, quid interest quos Maiores habueris si es minor, quo ex sanguine fluxeris si es decolor, quo ex genere veneris si degeneras: mallet antecessores tuos minores esse, & te maiorem, mallet augeri in te quam decrescere, & nollem te Augustulum esse sed Augustum: Quid prodest scrutari cineres unde venisti? Omnis cinis ab Adamo, atque hic à nihilo est: cur emendas alienam nobilitatem, si cares propria? mallet te ex tuo diuitem esse; nemo bene triumphat alienâ gloriâ: cur exploras alienos cineres si tui fœrent? Nullus cinis principem olet; nemo Regem agnouit ex cinere: cur distinguis inter cineres? omnis cinis æqualis, & omnis san-



guis concolor est: Cur quæris originem sanguinis? periculum est ne in fonte fallaris, omnis princeps ab ignoto venit, & omnis plebeius à nobili est.

Ante bis mille annos Lugdunum non fuit, & tã ante seculum non eras: cur eò pergis vbi non eras? cur te ante te quæris? quo longius progredieris eo longius à te recedis, cinis eras antequam esses, si aliud quæris, ante cinerem eras nihil.

Crede mihi Philarche, stude rebus futuris non præteritis, minorem te præterita faciunt, & futura maiorem; decrescis ex præterito, crescis ex futuro; additur tibi quidquid aduenit, & quidquid præteriit, perit tibi: hæc nobilis disciplina est, studere futuris; æternus non fuisti, fac te perpetuum, auspicare æternitatem intra tempus, incipe immortalis esse dum viuis, cœpisti aliquando, fac ne vnquam desinas, ego hic cesso.



## DISSERTATIO DE ANTIQVO SITV LVGDVNI.

ILLVSTRISSIMO REVERENDISSIMOQVE DOMINO  
**D. CAMILLO DE NEUVVILLE,**  
ARCHIEPISCOPO LVGDVNENSIVM;  
ET PROREGI MERITISSIMO.



**Q**UOD cuncti ad Mediolanensem Præfecturam Ambrosio commendauit Probus Romæ Præfectus, vade, age non vt iudex sed vt Episcopus; id sine commendatione, & sponte facis, ARCHIPRÆSVL ILLVSTRISSE, agis vt Antistes non vt iudex, repræsentas Ambrosium Lugdunensem Lugduni, & partes Archipræsulis diu ante impleuisti quam Præsul esses.

Tria te geminâ dignitate dignum efficiunt, Nobilis indoles, eximia virtus, illustis eruditio; nec pauciores dotes exigit vtraque dignitas, nec potest optare plures.

Aque indoles quidem tua adeò nobilis & magnifica est, vt dicere verius quam ille possis, enumeravi populos gubernationi meæ commissos, nulla ouis ignota pastori, nulli pastor ignotus fui; nulla est miseria quam non subleuarim, nulla felicitas quam non auxerim: Idcirco me Proregem putavi vt haberem quibus bene facerem; alluunt Lugdunum duò

illustres fluuij, ego tertium flumen me esse putavi, vt Lugdunenses meos beneficiis alluerem, & sæpe omnes inuitavi vt ex me haurirent tanquam ex flumine.

Addidisti nobilitati indolis splendorem virtutis, vt bis nobilis esses; nulla tibi ex virtutibus deest, & tu nulli; nec facile iudicium est quænam in te virtus emineat, dum omnes sunt eminentes, olim futuræ Eminentiſſimæ; præcellere tamen videtur cæteris morum suauitas & affabilitas; hæc te omnibus amabilem facit, & tibi omnes amabiles; per hanc pates omnibus miseriis instar aſyli, omnibus precibus instar templi, omnibus dubiis instar oraculi: per hanc neminem excludis & omnes allicis; per hanc quasi Echo Lugdunensis omnes audis, & omnes alloqueris.

Neque incrudita est virtus tua, vidit te Lugdunum Rhetorem, Luteſtia Philoſophum, Roma Theologum: iunxiſti Gallicam ſapientiam Romanæ, temperaſti vnam alterâ, & collegiſti magnarum nationum virtutes non errores: Inde illa excellens prudentia tua, non lenta nec præceptis, non aſtuta nec incauta, non facilis vt fallatur, non infidelis vt fallat; inde illa facilitas in rebus agendis; vides initia rerum & progressus, vides ordinem & finem, vides circuitum rerum & centrum; & dum alij per lineas currunt iam attigiſti punctum.

Ex ſunt dotes quæ te vtrique dignitati Proregis, & Archipræſulis partem efficiunt, & maiorem; ſuſtines geminum onus, nec minor es; iungis vtrumque miniſterium, nec confundis; conſecras vnum altero; idem ſeruis Deo, & Regi; idem concilias vtriuſque obſequium, & diſtinguis præceptum.

Atque hæc eſt cauſa cur tibi offeram geminum Lugduni ſitum ſub Ariſti nomine, id eſt viroꝝ optimi. Fuit olim Lugdunum in monte, & ſub monte, vterque ſitus eſt tuus, habes vtrobiſque ciues gubernator, & oues Paſtor, ego vbique ſum, ſi annuis,

MAGNITVDINIS TVÆ,

Addiſſimus ſeruus PETRVS L'ABBE'.

## DISSERTATIO SECVNDA, DE SITV LVGDVNI.

### PRIMA PARS.

#### LVGDVNVM IN MONTE CONDITVM.



Is ſcire, Ariſte, quod ſciri vix poteſt, an in monte Lugdunum; an vbi nunc eſt, à Plano ſit conditum; hæc quæſtio ad alteram pertinet vbi condi debuerit, hæc aliam appellat quis ſit optimus magnarum vrbium ſitus: hæc ego duo ſi probauero, quæſtionem tuam ante ſoluam, quam eam attingam.

Vide-

Videtur optimus vrbium situs in montibus esse, inde propiores cœlo sumus vnde venimus: inde alloquimur Numen è propinquo, & fere aspicimus; inde intuemur patriam olim futuram; inde imperamus Elementis; & cœli ciues penè iam sumus; inde altiores sumus rebus caducis etiam dum cadimus: qui plana camporum incolunt & depressa terrarum, minores sunt rebus humanis & seipsis; calcant eos elementa quæ calcari debuerant, opprimit eos terra, & ferè iam tegit, & sepeliendi olim, iam penè sepulti sunt.

Non dubitabis vt putò, eum situm optimum esse quem Deus elegit; placuere semper montes Deo: hic sæpe audiri voluit, hic videri, hic sæpe amicis conuiuia posuit, hic sæpe ipse conuiuia fuit: hic sæpe templum habuit, & semper templi instar mons fuit; Vrbs illa nobilis Ierusalem idcirco altera Dei patria fuit quia in montibus erat; descendebat ad illam Deus ab cœlesti Ierusalem, gemina illi patria, & duplex Syon, & vterque mons erat; alibi Deus hospes hic municeps, alibi aduena, hic penè indigena fuit.

Ne Theologum agere me putes, addo Philosophum sed diuinum, ille in ea republicâ quæ homines beatos faceret, si faceret ciues, describit urbem tam similem Hierosolymæ, vt pinxisse videatur antiquam, non inuenisse nouam; vt omittam cæteras vrbis leges, eam in montibus constituit: Illuc, inquit, difficile vitia penetrant quia humi reptant, illic virtutes libenter habitant deorum vicinæ, illic animus propior est origini suæ, illic auspicatur æternitatem intra tempus, illic viuit Deo iudice & se teste; illic inquilinus mundi est, & penè iam habitat extra mundum.

Vis addam Philosopho politicum? impositæ montibus vrbes ipso situ munitæ sunt, mons illis agger & murus, & propugnaculum est; ipse ascensus hostem fatigat; vinci potest dum ascendit, & antequam ascendat iam penè victus est; atque hæc maximè vera erant cum ariete muri euerti solebant; obrui poterat faxis ascendens Aries, quaticbatur antequam quateret, ridebantur hæc tormenta, & plus timebantur nudæ volucres quam armati arietes; at sitæ in plano, & vallibus vrbes, ipso situ sunt debiles; adiri possunt à deambulante hoste, superari à corrente; obrui à descendente; nihil urbem tuetur nisi agger & murus, vterque facilis expugnatu dum facile attingi potest.

Ridebis putò si medicum agam; montes ipso situ sunt salubres, illic aër innocens & sine veneno est; illic aqua vinum, illic vinum ambrosia; illic cibus manna, illic omnis herba medicina est; illuc adrepere morbus non audet vbi omnis homo medicus est; illuc mors non venit nisi vocata; illic tacite senescimus, illic centum anni sunt iuuenes, illic moriendi penè libertas est; illic tunc incipit æternitas cum tempus displicet: in vallibus omne elementum pestis, omnis natura morbus, & omnis morbus penè lethalis est.

Audio ad historiam me euocas, Ariste, at hæc omnis sacra & profana montibus fauet; in montibus septem excitata est Roma quasi vnus non sufficeret; ab eo tempore adeò montes amarunt Romani, vt in illis palatia ædificarent aut templa; & ne vrbes incolis carerent, in illis homines ciues, & colonos collocarunt Deos. Quanti æstimarint montes Galli ex eo colligerelicer; clarissimas quasque vrbes denominarunt ex montibus; inde illa Gallorum virtus, ridebant pericula inter tonitrua nati, & mundo maiores negabant timendas mundi ruinas si caderet: inde intra Galliam fluuiorum ripæ, & maris oræ hospitia magis erant quam domicilia; illic propolæ habitabant, non incolæ; illic excipiebantur tabernis institores quasi hospites; illic sistebantur peregrini mores ne in vrbes ascenderent; grauiusque metuebant sibi Galli à peregrinis moribus quam ab hostibus.

Vides Ariste solutam à me quæstionem quam non attigi, in monte Lugdunum condi debuit, igitur in monte conditum fuit: Cur enim vir prudentissimus Plancus urbem à Senatu extruere iussus, eum situm non elegit quem Roma laudaret? cur eum voluit quem Roma nollet? cur homo Romanus urbem non erigeret similem Romæ? cur eum montem neglexit, qui Capitolij instar esset? cur aduersus nutantem adhuc Gallorum fidem eum montem non occupauit quem natura munissset? cur ibi stetit vbi à Gallis è monte descendentibus opprimi posset? cur prætulit insalubrem locum? cur homo gloriæ cupidus eum montem non elegit, vnde quasi ex theatro aspicere Alpes, & aspici posset.

Audio quid opponas, Ariste, esto Lugdunum condi in monte debuerit, negas conditum esse: scilicet multa sunt quæ fieri non oporteret: Iulius Cæsar intulit bellum patriæ quod inferre non debuit; Augustus permisit Antonio caput Ciceronis, quod capite suo tueri debuit: ipse Plancus pro Triumviris stetit qui stare pro republica debuit; scilicet immutata habemus prudentiam, nemo est qui aliquando non erret, licuisse aiunt Catoni errare semel.

Descendo ad singulare certamen, & nisi defendis rem cuiusco, prima rei factæ probatio est res ipsa facta: nemo negabit id fuisse integrum quod videt imminutum; stetit vrbes probat ruina urbium, & sæpe rem totam ostendit superstes rei particula; succede mecum in montem, adhuc retinet nomen fori, & Veneris; igitur in monte forum fuit, & templum Veneris: percurre montem, lustra marmora, lege tabulas antiquis characteribus inscriptas; viuit in hoc lapide Senator, in illo Eques, hic Tribunus, hic Quæstor, fuit; igitur illi olim in monte vixerunt; vidisti faciem montis, scrutare viscera, explora sepulchra, videbis lacrymas in phialis, cineres in urnis, ossa in sepulchris, inuenies intra montem urbem mortuam, igitur in monte vrbs vixit, omne cadauer corpus erat, quid-

quid decreuit, magnum fuit, & quidquid cecidit olim stetit.

Prouoco te ad pendentes aquarum ductus, Quæso Ariste, si Lugdunum in plano fuit: cur eò aquas deriuare vbi erant gemini fluuij? cur eò fontes traducere, vbi fontes è monte manabant? deinde cur ij aquarum fornices ad plana non descendebant si Lugdunum in plano erat? Imo illi in monte sistebant, igitur in monte Lugdunum stetit; scilicet amabant Romani viuaces & leues aquas, propterea illas ex aëre suspendebant, vt pondus excuterent; ob eam causam per arcus triumphales deuehebant vt nemo eas aquas contemneret quas videret triumphantes: Aspice extantes adhuc toto monte arcus triumphales, & nega ibi Lugdunum fuisse vbi tot extant Lugduni reliquæ.

Placet vrgerè rem testimoniis, ne dubites de testium fide sunt Martyres, fluxit è monte sanguis Martyrum Lugdunensium, hodieque crux visitur vbi olim fuere decollati; adhuc decliuus vicus rorantis sanguinis nomen retinet, adhuc Arat sanguinis nomen habet, & ferè colorem! Ex iis testimoniis sic arguere licet, decollati sunt in monte Martyres, igitur Martyres in monte vixère: plenus est mons sanctorum reliquiis, thesaurus est quidquid intra montem latet, nullum est in monte vestigium quod non sit sacrum, intra montem est populus Martyrum mortuus, igitur in monte fuit viuus.

Ais te crediturum vel si vnus author vidisse se in monte Lugdunum asserat: assero vnum maiorem omni exceptione.

*Vidi duobus imminens fluuijs iugum,  
Quod Phæbus ortu semper obuerso videt,  
Vbi Rhodanus ingens amne prærapido fluit:  
Ararque dubitans quo suos cursus agat:  
Tacitus quietis alluit ripas vadis,  
Estne illa tellus spiritus alatrix tui?*

Respondes Poëtam esse qui loquitur, imo Hercules est à Ioue missus, vt exploraret genus Claudij; petebas testem humanum, habes diuinum. Reponis malle te homini credere quam Ioui: at hæc Iniuria Deorum est, si tamen hominem quæris. Idem Seneca Epist. 91. Atsit opulenta ciuitas ornamentum Prouinciæ quibus inserta erat, vni imposita, & huic non altissimo monti: Amabo, Ariste, an potuit apertius loqui, an sapientio rem testem requiris quam Philosophum? an seueriorem quam Stoicum? an veriorem quam cui mentiri non licuit? aut negare debes atfuisse Lugdunum, aut fateri fuisse monti impositum.



## SECUNDA PARS.

### LVGDVNVM SVB MONTE CONDITVM.



**D**VBITARE incipis, Ariste, & si vrgerem præberes assensum; at suspende tantisper iudicium, nec te rapiant acuta sed vera; ridebis breui elogia montium, & miraberis quidquid acutum est, non semper esse verum.

Vis eludam argumenta proposita: quale illud primum? è montibus propiores cælo sumus, amabo te, qualis est illa maior vicinitas quæ infinitè distat! Deinde quorsum illa propinquitas si ad cælum affectibus itur non pedibus? vndique ad cælum ascendit animus, nec moras iniecit locorum distantia dum momento itur, nec deprimunt valles animum, nec montes erigunt, altior est rebus caducis etiam in putre positis, vndique intuetur solem; & cuius olim futurus, iam illic præsens esse potest, vnde adhuc abest.

Quale illud ab amore montium petitum: audi quam valde Deus montes amet, in montibus fulgurat, in montibus tonat, in montibus supplicia constat, in vallibus præmia; primi montes iratum Numen sentiunt, quia primi nocentes sunt; descendit ab illis ad valles scelus; inde illa sterilitas montium, nihil illic crescit nisi crimen; quid faciant vrbes vbi natura sterilis est? non inficior amatam à Deo Solymam; stetit tamen caro hic amor homini Deo; propterea puniuit ingratum montem, & nunc ibi Solymanus est, vbi olim Solyma fuit.

Eneruasti tertium argumentum dum appellasti Platonicum, diuinus ille Plato aues nos esse credidit dum rempublicam aëriam finxit; qualis enim illa respublica cuius nemo ciuis fuit? quales leges quas nemo seruauit? qualis ille homo singularis, & communis? quomodo vnus si multiplex, quomodo multiplex si vnus, quomodo æternus si incipit? quomodo immortalis si desinit? Crede mihi Ariste, idæ sunt istæ quibus nemo vescitur; quid mirum si rempublicam in monte statuit qui rempublicam in aëre finxit? nec solidiores sunt rationes quibus nititur, illic inquit vitia non ascendunt; imo illic nascuntur vnde descendunt.

Speciosius est argumentum politicum non verius, munitæ essent vrbes in montibus si cursu superandæ essent non impetu; amat ardua virtus, & quo ire non potest gressu, tendit volatu; nihil est inuium fortitudini, vbi non inuenit viam, ibi facit: Sed esto difficilis sit montium ascensus, æquè difficilis descensus est; obsidentur montes à vallibus, solus aër in montibus liber est, quidquid crescit caprium, quidquid viuic famelicum est. Quis eas vrbes munitas dicat quæ capi possunt ab hoste

noninuadente, nihil opus est balistis aut impacto ariete, ipse locus carcer, fames balista, & egestas aries est.

Nec melius est argumentum medicum quam politicum; salutares sunt auibz montes non hominibus, imo neque auibz salubres sunt vbi aues non viuunt; deuolant ad valles vt prandeant, reuolant ad montes vt ludant; redeunt ad valles vt quiescant; quis illic habitet vbi aues non cubant; quis illic viuat vbi nihil nascitur, quis illic exigat quatuor anni tempestates vbi sunt tantum duæ; illic omne Ver Æstas, omnis Autumnus hyems, omnis ventus Aquilo, omne tempus tempestas est; solæ illic rupes in tuto habitant, quæ breui deficerent si sentire possent.

Confecta res est si ad historiam me reuocas, omnis historia vallibus fauet; amarunt montes Romani vt in illis trophæa crigerent non domicilia; extruxere in montibus ædes Diis quas noluisse sibi; aggeres sunt non montes quibus Roma cingitur, pars Romæ maior in plano iacet, & plus debet Tyberino Roma quam Romulo; iniuriâ facis Gallis dum montanos appellas, denominarunt vrbes ex montibus, sed quibus suppositæ essent vrbes non impositæ; pleræque tamen vrbes in plano iacuere; inde illa humanitas innata Gallis, haurire illam è montibus non potuere, vbi quidquid degit asperum est.

Vides, Ariste, si de iure agatur ab hac parte ius stare; vis expendam factum: incipio à testibus, Strabo lib. 4. *Λογδύνον κλιμαξίον ὅπου τὰ λόρα, καὶ αὐτοὶ ἱεροὶ κρηρὸς ποταμοὶ καὶ τῷ Ροδανῷ.* Amo te, Ariste, dum agitur de situ vrbis cui potius credendum quam Geographo, aut quis fidelior testis quam ille qui coæuus penè Lugduno fuit; qui doceri potuit iuuenis à Planco Senne, qui Plancum forte vidit, & fortè Lugdunum; at ille suppositum monti Lugdunum, non autem impositum, ille in confluuiio Araris & Rhodani conditum dicit, igitur non in monte, vbi ij amnes non confluunt; post tam illustre testimonium Strabo est qui Straboni non credit.

Plutarchus in Annibale, Annibal inquit castra mouit, & per Rhodani ripam aduerso flumine peruénit ad locum quem insulam Galli vocant; hanc Arar & Rhodanus ex diuersis montibus defluentes efficiunt; ibique nunc Lugdunum est celeberrimâ Galliæ vrbs, quam longis postea temporibus à Planco Munatio conditam accepimus; sumpsit hæc verba Plutarchus ex Tito-Liuio, qui de Annibale hæc habet, postero die profectus Annibal aduersa Rhodani ripa, mediterranea Galliæ petiit, quartis castris ad insulam peruénit vbi Arar & Rhodanus amnes diuersis ex Alpibus decurrentes agri aliquantum complexi confluunt in vnum, mediis campis insulæ nomen inditum. Vterque ex Polybio hauisse videtur lib. 3. Arar, inquit, & Rhodanus ex arduis & inaccessis montibus decurrentes insulam efficiunt ei parti Ægypti similem quæ Delta appell-

latur, illac transiit Annibal. An autem male Clucrius lib. 2. antiquæ Italiæ pro Arar, legerit Ifara, examinabimus sequenti dissertatione; ex quibus testimoniis hoc argumentum conficio, ibi Lugdunum conditum est vbi Annibal sterit quaris Castris; at stetit in eo loco quem Galli insulam vocant, igitur intra insulam Lugdunum conditum est. Igitur non in monte qui intra insulam non est.

Vis addam virum Consularem qui ex fastis Consularibus ortum Lugduni describere potuit, vti alia multa descripsit: Is est Dio lib. 46. *ἐκίλευσαν αὐτοῖς τὸς δα Οὐίντος τῆς Ναρβοννίας ἐπὶ τῷ Ἀμορῶντι ποτὶ τὰ πύργους, καὶ ἐς τὸ μεταξὺ τῶν Ροδανῶν, καὶ τῷ Ἀράριδος ἢ συμμίζωσιν ἀλλήλους ἰδρυθῆναι σωματεῖα, καὶ ὅπως ἐαυτοὶ ἐπομείναντες τὸ Λυγδύνον μὲν ἰσχυροῦς, οὐδ' ἢ Λύγδυνον καλῶμεν ὕστερον.* Id est Senatus iussu illis, idest Lepido & Planco, vt iis qui quondam Vienna Prouinciæ Narbonensis oppido ab Allobrogibus erant expulsi, & intra flumen Rhodanum, & Ararim ad eorum confluentes confederant urbem conderent; atque ita illi subsistentes Lugdunum quod olim Lugudunum vocabatur ædificarunt. Amabo, Ariste, ibi illi Lugdunum condiderunt vbi Viennenses subliterant; at illi intra fluuios confederant, igitur intra fluuios Lugdunum conditum est, igitur non in monte qui extra fluuios est.

Placet addere testibus humanis testes inanimes ij muti sunt, & loquuntur, ij solidi sunt etiam vitrei, ij incorruptibiles sunt etiam corrupti: testatur Paradinus an. 1529. in colle S. Sebastiani effossas duas tabulas æneas, quibus oratio Claudij Imperatoris in Senatu habita continetur; in eodem cliuovinearum fossores, & qui ædificiorum fundamenta scrutantur, incidunt sæpè in nummos veterum Principum vultu signatos: ibidem inuentum est sepulcrum vitreum, & in sepulcro infantis ossa: Rogo te, Ariste, cur illustres tabulæ intra montem non sunt inuentæ si in monte Lugdunum fuit: cur infans alibi sepultus quam vbi natus? cur nummi, cur ossa, cur cineres, cur intra insulam tor mortui si intra insulam nemo vixit? certe vbi cecidit Lugdunum, ibi stetit: intra insulam est cadauer vrbs antiquæ, igitur intra insulam vrbs antiqua vixit.

Valida sunt hæc testimonia etiam nuda, validiora sunt rationibus instructa; primam asserit Strabo lib. 4. *καὶ γὰρ ἐμπορίῳ χρῆστας* Romani vtuebantur Lugduno vt emporio, scilicet merces ad urbem Arelatensem ex Italia, Hispania, Africa, atque ipso etiam Oriente deuehebantur; inde per Ararim, & Dubim ad Helucios, & Germaniam vtramque: vel terrestri itinere ad Sequanam transuectæ, secundo amne ad Calctes, & Lexouios, ipsumque Oceanum deferebantur; sic Lugdunum ipso etiam Augusti æuo ad vtriusque maris commercia patebat, nondum aperta per Gades Oceani Septentrionalis circumnauigatione; at hæc tota negotiatio periisset, si Lugdunum fuisset in monte; quis enim empo-

riūm, quis forum quis nundinas in monte constituat nisi cum aubus mercari velit; igitur intra fluuios Lugdunum fuit, ubi erat emporium.

Alteram rationem politicam affert idem Strabo lib. 4. extremo, timebatur fluxa, labilis, & nondum satis firmata Gallorum fides; igitur praeuertendum erat malum, non expectandum; nec melius praeverti poterat quam urbem munita; nec melius urbs muniri potuit quam duobus fluuiis, *ὡς περ ἀμφὸς διὰ τὰς κυμαλὰς τῶν ποταμῶν*. Igitur intra duos fluuios Lugdunum tanquam propugnaculum conditum fuit.

Denique non negabis Plancum virum prudentem fuisse, cui Iulius Cæsar exercitum, & Galliam commisit, cui Augustus urbis custodiam credidit, dum ad decretoriam illam pugnam porrexit, qui Augur, qui Consul qui Imperator fuit; at ille parum prudens fuisset si relicta illa munitissimi loci & duorum fluminum opportunitate, in quo loco in monte urbem condidisset: Neque illud omittendum placuisse Planco hunc urbium situm, extruxit Rauricam ad ripam Rheni, igitur Lugdunum ad confluentem Rhodani.

## CONCILIANTVR OPINIONES, LVGDVNVM IN MONTE, ET SVB MONTE.



**H**æres, Ariste dubitanti similis, non allubet inquis, hæc eloquentia quæ discentem fallit; persuaseras Lugdunum in monte conditum, nunc in plano constituis: cur extruis urbem & euertis? si utrumque verum esse non potest, cur utrumque doces; nemo decipitur libens, nemo assensum mutat nisi intuitus; malo nescire situm Lugduni quam de eo ambigere: doctior est qui ignorat quam qui dubitat, unam rem nescit qui non ambigit, utramque partem ignorat qui de veraque dubitat.

At non ego assentior tibi, Ariste, magna pars sapientiæ est scire cur dubites; ex omnibus sapientum sectis eam semper doctiorem credidi, quæ omnia nouit dum de omnibus ambigit; certe nos idem scimus, dum tu affirmas, & ego dubito: Ego aliquid præterea scio dum puto id esse verum quod tu arbitraris fallum: Præterea ille doctior est qui falli vix potest, at nemo fallitur nisi qui affirmat, nemo affirmat dum dubitat; cur ego tam facile exponam assensum meum? cur non retineam ne erumpat, cur non suspendam ne cadat, cur ne etrem errare non timeam? nemo difficilius fallitur quam qui fraudem timer: Crede mihi, Ariste, si excipias Deum, omnis fere natura problema est.

Placet conciliare te mihi, Ariste, quod hæcenus dixi problema est, quod iam dico historia; fuit Lugdunum impositum monti, fuit suppo-



fuit vrbs vna & gemina, fuit eadem duobus in locis; fuit intra  
 aentem robor Colonia; fuit in monte flos Romæ; fuit in plano ne-  
 ciofa, fuit in monte magnifica; fuit in plano emporium, fuit in mon-  
 te theatrum & templum; fuere in plano homines, fuere in monte Dij;  
 propterea apparent adhuc in monte portæ vrbs & mœnia, quia in mon-  
 te vrbs fuit; imo extant vtrobiq; antiquæ vrbs rudera quia vtrobiq;  
 Lugdunum extitit.

Atque hic est nobilissimarum urbium situs qui partim in plano, par-  
 tim in excelso est; percurrere clarissimas ciuitates, nec Roma tota in pla-  
 no, nec Solyma tota in excelso est: nec mundus ipse planus, nec cœlum  
 æquabile est; Sol & Luna montes habent; quidquid est optimum sphæ-  
 ricum est; nec satis fertilis est sola planities, nec satis salubris; temperant  
 se inuicem mons & campus, ille Bacchum, hic Cererem ministrat, vter-  
 que sanitatem; recreant aspectum colles dum coronant, fatigat oculos  
 perpetua planities dum non terminat; infinitum apparet quod nihil ha-  
 bet extremum: grauiorum rerum est in plano iacere, leuiora pendent ex  
 aëre, temperata amant ascendere, & descendere: imitatur optima quæ-  
 quæ Lugdunum, excelsum est si montes amas, & planum si æquora.

## DISSERTATIO TERTIA,

### DE ITINERE ANNIBALIS.

AN VENERIT AD CONFLVENTEM ARARIS ET RHODANI,  
 AN TANTVM AD CONFLVENTEM ISARÆ.

ILLVSTRISSIMO, NOBILISSIMOQVE DOMINO

D. DIONYSIO LE GOVX

DE LA BERCHERE,

MARCHIONI DE SANTHENAY, &c. ORDINARIO REGIS

IN OMNIBVS CONSILIARIO, ET IN SENATV DELPHINATENSI

PRÆSIDI PRIMARIO.

ELOGIVM.

**M**AGNARVM rerum capax ingenium sortitus es, PRÆSES IL-  
 LVSTRISIME, metiris magnitudines rerum, neque illa me-  
 tiuntur te: minus te est quodvis negotium, nec te adæquant res magnæ,  
 nec



nec totum te occupant multæ; locus est omnibus intra te, & postquam omnes excepisti, vacuum adhuc hospitium est.

Experiuntur hanc ingenij tui capacitatem quicumque te adeunt; audis vnum & plures simul, & posses extempore respondere omnibus; nec permiscet se imagines rerum dum intra te subeunt, nec se confundunt dum exeunt; suus est ordo singulis, & spatium omnibus; scilicet partitis te negotiis, non totum te tradis, & pars tui omnibus sufficit.

Quod admirabilis est, non egres motâ temporis ut res concipias, nec studio ut expendas: vides vno intuitu initia rerum & exitus, vides fines & media; vides centrum & circulum, & dum alij circuitus quærant iam attingisti centrum; atque hæc omnia ea celeritate exequeris, ut cogitasse sit fecisse.

Non satis dixi maior es alienis negotiis, & maior tuis; neque externa te implent, nec tu es plenus teipso; extendis te ultra te; sequeris te nec attingis, attingis te nec apprehendis; nequæ vnquam apprehendi posses nisi redires ad te: tunc vero vacuus curis alienis, & solutus tuis, pulchram solitudinem facis, in qua nemo interpellat te, neque tu ipse.

Permitte ut inter eam quietem adeam te; ne aditum excuses, aut neges adiungo me socium Illustrissimo Viro, & tibi amicissimo. Is est eruditissimus Dominus Petrus de Matæa, nuper mortuus, & apud te viuus; omitto augustos Archipræfulis titulos ut sit familiare colloquium; impediret libertatem loquendi Maiestas Ecclesiastica si cum illa esset disputandum, & vir modestissimus agitari quæstionem familiariter mauult quam reuerenter; propterea appellabo illam Aristum, me Alexin, & te arbitrum controuersiarum Polymetum, amica sunt nomina, & controuersis adhiberi solita, & nisi olim inuenta essent, inueniri nunc vellent in gratiam tui.

## STATVS CONTROVERSIAE.



CRIPSERAM Parisiis Epistolam Historicam de ortu Lugduni, & probabam ex aduentu Annibalis in eam Insulam quam Arar, & Rhodanus suo confluxu efficiunt, nullam tunc fuisse urbem Lugduni quam Annibal non vidit, & cuius Polybius Annibalis iter describens non meminit: legebat eam Epistolam præsentem me Petrus de Matæa, quem Aristum voco, vir eruditissimus, qui ut erat beneuolus blandè subtidens: Et tu, inquit, Alexi fidei es tam facilis, ut credas Annibalem ad eam Insulam accessisse: Ego verò venisse ad eam Insulam assero, quam Rhodanus & Isara, non autem Arar efficiunt; atque ita legendum est apud Polybium l. 3. *Ἰσῆρος* non *Ἰνδῆρος*, &

apud interpretem Isara non Arar; scilicet corruerunt textum librarij, & ignari locorum, Annibalem adeò turpiter errasse volunt, vt omisso recto itinere Alpes extra Alpes, & Italiam extra Italiam quæsierit: ad hæc ego modestè respondere, ille vrgere fortiter, sed interueniens Illustrium virorum comitatus dissertationem interruptit.

Permitte, VIR ILLUSTRISIME Polymete, interruptam tunc temporis controuersiam coram te redintegrari: audies libenter rediuuium amicū, qui te toties libenter audiuit; reuixisse igitur illum puta, & coram te loqui; id vnum rōgo vt pro æquitate tua rem totam rationum pondere, non autoritate metiaris, victorem me spero si expendatur veritas non dignitas: Si tamen vinci contingat, at saltem illud gloriosum erit à tanto. Aduersario victum esse; & gloriosum Scipioni fuit pugnas cum Annibale, nec inglorium Annibali à Scipione superatum esse.

MAGNITVDINIS TVÆ,

Addiſſimus seruus P E T R U S L' A B B E.

## DISSERTATIO DE ITINERE ANNIBALIS.

AN VENERIT AD CONFLVENTEM ARARIS ET RHODANI,  
AN VERO TANTVM AD CONFLVENTEM ISARÆ.



**A**RISTVS. Tanti æstimauit Polybius scire iter Annibalis dum ex Africâ in Italiam armatus venit, vt relegere vias, lustrare Alpes, metiri regiones, & penè numerare vestigia voluerit; penè alter Annibal dum insistit primi vestigiis, & dignus Scipione discipulo, quem etiam reddidit Annibali parem, & maiorem.

Illustris planè author Polybius qui ea quæ scripsit vsurpauit oculis, & testis oculatus esse voluit prius quam esset historicus: difficilis tamen author dum nimis est accuratus: nocent aliquando minuta magnis, & sæpe oculi facessunt curam ingeniis, dum ea vident quæ cadunt sub sensum, & fugiunt intellectum.

Testis sit ille locus quem tu Alexi contra ortum Lugduni adduxisti; sic enim habet Polybius lib. 3. interprete Perroto, Annibal quartis castris ad insulam peruénit, locum & multitudine hominum, & feracitate regionis prædiuitem, cui propterea nomen insulæ inditum; quod ibi Arar, & Rhodanus ex Alpibus decurrentes aliquantum agri amplexi defluunt

in vnum, faciuntque insulam, & figura, & magnitudine similem ei quæ in Ægypto Delta appellatur.

Ita tu legisti cum interprete tuo; at ego græcè apud Polybium *ῥῶμας* pro *ῥωμῆος*, & Latine apud interpretem Isara pro Arar legendum contendo, & validis ut spero rationibus remoueo: pretiosa res fides est, veris tradenda non falsis, ea in rebus diuinis indocta, & cæca, in rebus aliis oculata esse debet, & erudita.

Excuriamus igitur locum Polybij, & quidem si auctoritate agendum sit, Philippus Cluuerius etuditus Geographus, de quo hæc aiunt iustrasse oculis ea regna quæ descripsit, dimensum esse spatia regionum; examinasse distantias locorum, & ponere vlnas numerasse: In Italia sua Cluuerius prosecutus iter Annibalis, dum apud Polybium legit venisse Annibalem ad eam insulam quam Arar & Rhodanus suo concursu efficiunt; facile agnouit irrepsisse mendum, & legendum apud Polybium *ῥῶμας* pro *ῥωμῆος*, & apud interpretem, Isara pro Arar: alioqui exerrabat longe ab Italia Annibal, ad quam tamen properabat: at similis vero est errasse scriptorem quam Annibalem, & librarium quam ingentem exercitum.

Expende quæso, Alexi, vim huius auctoritatis, accuratus Geographus describit iter Annibalis quale explorauit; idem Isaram vidit, & Ararim, & vtriusque diuersas insulas, idem insularum ab Alpibus distantiam dimensus est oculis, & penè vlnis; idem legit apud Polybium *ῥῶμας* pro *ῥωμῆος*, & apud Plutarchum, & Lium Isara, pro Arar: igitur ita legendum est; igitur Annibal Isaram vidit non Ararim: Nec tamen Cluuerius magnos auctores accusat, sed librarios qui dum ea describunt quæ non intelligunt facile deprauant quæ ignorant; & facilis fuit duarum literarum corruptio: videtamen quo malum pertineat, duarum literarum mutatio, exerratio est ducentotum milliarium.

Neque auctoritate tantum tecum pugno, sed iis rationibus quas Annibal ipse non vinceret qui vicit Alpes: deduco primam ex verbis Polybij, Arar inquit, & Rhodanus ex Alpibus decurrentes aliquantum agri amplexi defluunt in vnum; at Arar non decurrit, sed aded molliter & lente fluit, ut dormire videatur non currere: neque ex Alpibus defluit quæ intra Vogesum montem apud Mediomatrices nascitur; nec mons Vogesus accendi potest Alpibus quas Rhenus, & longus terrarum tractus à Vogeso dirimit: confundi non debent fines locorum, nec repelli limites quos natura præfixit; habent sua nomina montes & campi, & flumines, confundit loca qui mutat nomina.

Robustior est altera ratio ex eodem Polybio deprompta, ad eam insulam peruénit Annibal quæ figuræ, & magnitudine similis est ei parti Ægypti quæ appellatur Delta; at Cluuerius diligens Geographus, & maior locorum accuratus, spatium inclusum Isara & Rhodano æquale

asserit, interuallum autem Rhodano Ararique comprehensum ter maius est Delta Ægyptio, igitur cò non venit Annibal, igitur librarius dum legit Arar pro Isara, legit Sigma pro Iota.

Vis alteram rationem ponderis adhuc grauioris, properans in Italiam Annibal quasi ad cerram victoriam ad eam insulam non diuertit quæ longius ab Italia distabat; fuisset hic recessus non accessus, & fuga non via; at insula Araris & Rhodani multis milliaribus remotior est ab Italia, quam Isaræ insula; magni momenti est ad victoriam celeritas ducis, opprimit hostem non expectantem, pugnatur pene ante pugnam, fugatur hostis impellente famâ, & vincitur ipso victoriæ amittendæ metu; arque hæc multo veriora sunt de Annibale, cuius vel ipsum nomen instar exercitus erat; nec minus timebantur Galli aduentantes quam Afri: rerruit semper Romam Gallorum nomen, & aliquando cepit. Quis igitur credat Annibalem callidissimum ducem quæsiisse longiores vias, præsertim impellentibus Gallis, quorum primi imperus eorum credebantur esse non hominum; igitur Annibal ad insulam Isaræ venit, non ad insulam Araris.

Æqualis momenti est quod subiungo: ad eam insulam venit Annibal in quâ duo fratres de regno certabant; at hoc certamen intra Isaram & regionem Allobrogum erat: audi Tirum-Liuium dec. 3. l. 1. n. 31. Allobrogum gens nulla Gallica genere opibus, aut famâ inferior, tum discors erat; certabant de regno fratres duo, maior natu, & qui prius imperitabat Brancus nomine, minore à fratre, & cætu iuniorum qui iure minus, vi plus poterat pellebatur; huius seditionis peropportuna disceptatio cum ad Annibalem perlata esset, arbiter regni factus imperium maiori restituit; ob id meritum commeatu, copiaque rerum omnium, & vestimentis est adiutus: sedatis certaminibus Allobrogum cum iam Alpes peteret, non recta regione irer instituit sed ad læuam in Tricastinos flexit, inde per extremam oram Vocontiorum retendit in Tricorios, haud vsquam impedirà via priusquam ad Druentiam flumen peruénit, &c. ex eo loco Tiri-Liuij vide quid colligam, ac primum illud quidem apparet certum; ideoque Annibal Isaræ amne transmissio Allobrogum fines ingressus est, ut discordias de regno componeret: igitur non vltra Allobroges iuit, ubi querelæ non erant; at insula Araris est extra Allobroges; deinde spes commodi Annibalem ad Allobroges attraxit, ad insulam Araris nihil attrahebat: præterea commeatu, & rerum copia, & vestimentis à Branco adiutus dicitur, adiutus verò non retentus, at retinisset Annibalem Brancus si ad insulam Araris deduxisset, iterum per fines suos reducendum. Denique sedatis cerraminibus Allobrogum ad læuam in Tricastinos flexit, igitur non ad Ararin venit sed ad Isaram rediit.

Mouent te hæc rationes, Alexi, & ferè persuadent; assero aliquid potentius, per eam insulam transiuit Annibal ad quam peruénit quartis ca-

stris, ut loquitur post Polybium Livius; scilicet à Rhodano apud Tarasconem transmissis: atqui ad Araris insulam vix peruenisset octauis castris; crede mihi, Alexi, non volant exercitus sed lentè ambulant, & cursores equi vix quartà die iter illud efficerent: vide igitur qualem exercitum Annibali tribuas non hominum sed penè volucrum; sunt quidem in exercitu Alæ equitum, veloces ad subsidium peditum, & promptæ ad cursum; at nullus exercitus totus alatus est, Elephantis certè quos multos ducebat Annibal volare non poterant.

Penè assentiris, Alexi, vrgeo assensum, & nisi fallor euinco; rediens Annibal, inquit Livius ad Druentiam flumen peruénit, is Alpinus omnis omnium flumium Galliæ difficillimus transitu est; nam cum aquæ vim vehat ingentem, non tamen nauium patiens est; quia nullis coërcitur ripis, pluribus neque simul, neque iisdem alucis fluens, noua semper vada nouosque gurgites faciens, adhæc saxa globosa voluens, nihil vnquam tuti ingredienti præbet: & tum fortè imbribus auctus ingentem transgredienti tumultum fecit.

Eundem tumultum expressit versibus Silius Poëta.

*Turbidus hic saxis, truncisque, Druentia latum*

*Dufloris turbauit iter.*

At non venisset ad Druentiam Annibal si ad insulam Araris diuertisset; ex eâ enim per Alpes Penninas, aut Graias ad Italiam tetendisset.

Idem Livius eodem loco, prægressus inquit, Annibal ex promontorio quodam vnde longè latèque prospectus erat, consistere iussis militibus Italiam ostendens, subiectosque Alpibus circumpadanos campos, & penè ipsam Romam; videtis ait, Commilitones Italiam, & penè ipsam Romam, atqui vno aut altero ad summum prælio, arcem & caput Italiæ in potestate estis habituri: at hæc omnia ostendi non poterant, si Annibal ex insula Araris in Italiam perrexisset.

Denique quis satis prudenter audeat aliud iter assignare Annibali, quam quod tres nobiles scriptores accuratè descripsere: Strabo l. 4. Geograph. Polybius inquit, quatuor potissimum viis adiri per Alpes Italiam dicit, per Alpes maritimas, Graias, Penninas, Cottias; per istas Annibalem in Italiam penetrasse. Plurarchus de eodem itinere sic habet quinto decimo inquit die superatis Alpibus in agrum Taurinium descendit, quo mihi verisimilius videtur per montem Genuæ, sic enim vulgo appellant, qui ex altero latere flumen Druentiam, ex altero exitum in Taurinos habet, Pœnum transiisse. Titus Livius dec. 3. l. 1. Taurinis quæ Gallis proxima gens erat in Italiam digressus est, id cum inter omnes constet, eo magis miror ambigi quânam Alpes transierit, & vulgo credere Pennino, atque inde nomen ei iugo inditum, &c.

Vides Alexi Titum-Liuium tria dicere de itinere Annibalis: primo per Alpes Cottias transiisse, deinde mirari se aliquos aliter sentire, sed eos



de vulgo esse, postremo eos ridet qui Penninas Alpes dictas à Pœnis putant: at si Annibal ad insulam Araris, & Rhodani venit, per Alpes Penninas transierit necesse est. Miratur ergo sententiam tuam Lioius, appellat vulgarem, & indoctam: at ego, Alexi nolo te sentire cum vulgo.

PARS SECVNDA.

**A**LEXIS. Non possum satis admirari vim eloquentiæ tuæ, Ariste, quæ facit ut falsitas ipsa videatur vera; retinuisti Annibalem intra insulam Itacæ ire ultra volentem; prohibuisti ne Ararim videret, assignasti iter quale sinxisti; atque id tam eloquentur ut falsam de Annibalis itinere opinionem penè effeceris veram.

Verumtamen, Ariste, dixisti similia vero, & idcirco non vera; Aurichalcum auro simile, non est aurum, Parelum simile Soli est, & differt à Sole: Vide, Ariste, ne dixeris falsa dum dixisti vero similia; falsum est quod non est verum, & verum non est quod est tantum simile vero.

Argumento vno venisse Annibalem ad insulam Araris probo, tùm ad  
argumenta tua respondeo; & Annibalem per iter Annibalis ad Italiam  
deduco.

Polybius oculus tellis qui annibalis iter & forte annibalem vidit de  
eo itinere sic loquitur, τὸ μὲν ἐν Ῥώμῃ, τὸ δὲ τοῦ αἰῶνος ἀντιθέτου πόντου ἀπὸ τῆς ἐκείνου  
τῆς πλεονεξίας διακρινόμενον. ἔστι δὲ τὸ ἐκείνου ἐν τῇ ἀπὸ ἀλλήλων οὐρανοῦ. Quæro abs te, Ari  
ste, an legendum pates pro αἰῶνος Ῥώμης, an vero nomen integrum αἰῶνος  
esse Ἰσάρ: nomen hæc neutrum satis erudite affirmare potes, non primum  
quidem, quale enim illud anagramma quod nomen non inuertit, sed cor  
rumpit; hæc enim corruptela si liceat, non minus facile dicetur αἰῶνος pro  
Ἰσάρ: quam αἰῶνος pro Ῥώμης: Sed neque Ἰσάρ ex impuritate alvei & sordi  
bus quas voluit αἰῶνος appellari potest, leues illæ sunt, & tennes fæces, nec  
quales Arar ex pinguibus agris & campis contrahit; at Ἰσάρ ex montibus  
defluens suo cursu se purgat, & fæces si quas habet aspergit agris non col  
ligit: & Dracus deinde adiunctus velociter impellit, neque Araris in stat  
dormire permittit; impositum est nomen αἰῶνος Arari non facile alteri  
tribuendum; sigilla rerum sunt nomina, ut eorum naturas obsignent, ini  
uriam facit alteri qui alienum sigillum facit suum; iniuria fit Arari dum  
Ἰσάρ appellatur, nec latine nec græcè hoc ei nomen competit. Vides  
Ariste quam parum tibi Polybius fauceat.

Nec magis fauet tibi Titus-Livius, ille de Annibalis itinere sic habet dec. 3. l. 1. n. 31. quartis castris Annibal ad insulam pervenit: ibi Arar, & Rhodanus amnes ex Alpibus decurrentes agri aliquantum complexi conflunt in vnum, mediis campis insulae nomen inditum, accolunt propè Allobroges; attende, Arille, quid respondeas, an Livium nomen Arar usurpasse pro Isara? an librarium errasse non Livium? audax esses

si Liuium errasse diceres, quem hæctenus nemo accusauit erroris; nec tam facile errant librarij in re facili, quis credat in nomine quinque literarum ereptam vnâ, & duas additas, vt fiat Arar pro Isara, nullum est crimen cuius librarij accusari non possint si huius sunt rei; sed ne Liuium, aut librarium errasse putes, audi quid addat Liuius, accolunt prope Allobroges, at Isara pertinet ad Allobroges, neque est vicinum flumen sed subditum, Arar autem vicinus est Allobrogibus, nec indigena sed extraneus: Vides, Ariste, qualis te author accuset Titus-Liuius.

Euinco causam si testibus habeatur fides, & haberi debet dum de facto agitur non de iure; Plutarchus historicus rerum, & Philosophus morum de Annibalis itinere hæc habet; horum consiliis persuasus Annibal castra mouit, & per ripam Rhodani aduerso flumine profectus paucis diebus peruénit ad locum, quem insulam Galli appellant; hanc Arar, & Rhodanus amnes ex diuersis montibus confluentes efficiunt. Quid ais, Ariste, an potuit clarius loqui historicus, & Philosophus, utroque nomine clarus; ne hîc quoque obrudas errasse librarium, audi quid Plutarchus subdat, ibi nunc Lugdunum est celeberrima Galliae vrbs, quam longis postea temporibus à Planco Munatio conditam accepimus. Attende vim argumenti, ad eam insulam peruénit Annibal in qua Lugdunum est conditum, at intra Ararim & Rhodanum est conditum, igitur ad eam insulam venit.

Confer nunc Cluuerium tuum cum tribus historiæ Principibus, hominem nouum cum veteranis, mensorem locorum cum historicis rerum & consiliorum; quasi iter Annibalis vniis metiendum sit non consiliis, quasi Imperator astutissimus rectiorem viam secutus sit qui perpetuis insidits, & stratagematis hostes, & vias ipsas sefellit; non incedunt semper Imperatores breuiori via instar cursorum, aptant vias consiliis, non consilia viis; ac vide quàm sint ridiculi critici tui, disceptant de syllaba vna, de litera, de virgulâ quasi de Numantiâ aut de Româ, & Cluuerius tuus dum tricatur in nomine Isaræ, & Araris totum iter Annibalis interrumpit.

Ne solâ tamen autoritate pugnare me putes, respondebo argumentis tuis, speciosis illis quidem vt fallant, non tamen satis veris vt persuadeant.

Ad primum argumentum quam facilis est responsio? Arar non decurrit sed adeò lentè fluit vt dubites vtram in partem eat: de aliquâ cursus parte dubitari potest, at non de toto progressu: nec celerius Isara ad Gratianopolim fluit, donec se illi Dracus infundat, tunc enim eâdem celeritate rapitur à Draco, quâ Arar à Rhodano; nec minus verè Isaræ maritus dici Dracus potest, quam Araris Rhodanus.

Nec validior est pars altera argumenti tui: Arar non decurrit ex Al-

pibus, Respondeo Vogesum montem apud quem Arar nascitur, facile Alpibus accenseri posse: quæ enim tria stadiorum millia in longitudinem parent ut putat Lilius, aut centum millia passuum ut arbitratur Celsus, et Rhenum & Ararim finibus suis facile amplecti possunt; hæc tamen responsio si minus placet addo alteram quæ eludi vix potest, præcellsi montes ad similitudinem Alpium sæpe appellantur Alpes; ne gratis id dictum putes, audi Plutarchum, paucis diebus ad locum petiuit quem Insulam Galli appellant, hanc Arar & Rhodanus ex diuersis montibus confluentes efficiunt: Vides quas Alpes Polybius & Lilius vocant, à Plutarcho appellari montes; nec Plutarchus confundit nomina præterita qui distinguit futura, & Lugdunum longis postea temporibus à Planco extruendum, iam ante nominat.

Secundum argumentum de Delra Ægypti leue est, & vnius literæ: Respondeo amplius esse Insulam Araris & Rhodani si montes includas, æqualis penè spatij esse si montes excipias; sic quoque insula Isaræ si Alpes includas maior est, si demas est longè minor. Deinde similes dicit insulas Polybius non æquales, dum addit, nisi quod illic latus vnum mare efficit, quo duo amnes coniunguntur; hinc verò difficiles, atque asperos montes & inaccessos dicit: Vides, Ariste, nec includi ab vna insulâ mare, nec ab alterâ montes: at iis exceptis ambæ insulæ penè manent æquales.

Tertium argumentum fauet causæ meæ non nocet: Respondeo idcirco ad insulam Araris Annibalem venisse, quia ea remotior erat; nec properabat in Italiam Imperator callidus, sed moras de industria necessebat, neque hæc fuga erat, sed stratagemata; fallere volebat insequentem cum exercitu consulem, & pugnare volentem; & fefellit dum progressus longius Scipionem redire in Italiam cogeret per Alpes maritimas, ut descendentem ab Alpibus Annibali, tutius ut putabat occurreret, sed infelicius: Ipse interea absente Scipione ex insula Araris reuertens exercitum per Alpes cottias traduxit: Audi Titum-Lilium consilia Annibalis explicantem, postero inquit die profectus Annibal mediterranea Galliæ petit, non quod rectior ad Alpes via esset, sed quantum à mari recessisset, minus obuiam fore Romanum credens, cum quo priusquam in Italiam ventum foret, non erat in animo manus conferere: Vides Annibalem necitentem callidas moras, & penè fugam simulantem. Addit paulo post Lilius, P. Cornelius Scipio Consul, triduo ferè postquam Annibal ab ripa Rhodani mouit quadrato agmine ad castra hostium venerat, nullam dimicandi moram factorus; cæterum ubi deserta munimenta, nec facile se tantum progressos assecutum videt, ad mare ad naues rediit; rursus, faciliusque descendentem ab Alpibus Annibali occursurus: Attende Ariste vim argumenti Annibal necessebat moras, non igitur ad Italiam prope-

properabat, Annibal remotiores vias sectabatur, non igitur rectiores; id consilij non aduertit Cluuerius solis locorum mensuris intentus; at Liuius facta narrat & factorum consilia.

Quartum argumentum componit regias fratrum discordias, & vix componet nostras; fateor Annibalem ingressum esse fines Allobrogum vt fratres de regno disceptantes conciliaret inter se; sed nego non vltra progressum; experiri voluit eo secessu an absente se pax sancita constaret, spatium dedit Regibus parando commeatui geminis exercitibus ad longum iter: interea ne regioni grauior esset, excessit tantisper ex Allobrogum finibus. Aliud consilium Annibalis erat multo callidius; sciebat vires Gallorum, & odium in Romanos, & cupiditatem potiendi Italiâ sæpe tentatâ; demerendam sibi putauit nationem, & inuitandam ad partem victoriæ, actum putans de Romano imperio si Gallia & Africa contra Romam pugnarent; ad conuentum autem Legatorum aptissimam arbitratus insulam Araris & Rhodani eò secessit, atque inde Aruernos, Heduos, Senones, & Heluetios ad belli societatem exciuit: neque multo post regressus ad Allobroges, & commeatu, ac vestimentis, & copiis auxiliariis adiutus ad læuam ad Tricastinos flexit; inde per extremam oram Voconiorum ad Tricorios, ab illis Druentiâ flumine laboriosè trajecto, & superatis Alpibus Cottias ad Taurinios descendit; ita ille, post eam Alpium victoriam nihil Annibali insuperabile fuit.

Terrè me voluisti quinto argumento, & quartis castris Annibalis; at neque hoc argumentum est Annibale dignum: singulos dies non significant singula castra, quæ sæpe toto triduo non figuntur, & sæpe miles toto biduo insomnis ambulat, & inambulans dormit: potuit igitur quartis castris seu decem circiter diebus Annibal ad insulam Araris peruenire: atque vt videas sic explicanda esse castra; si aliter explicentur neque ad insulam Isaræ peruenisset Annibal quartis castris, idest quatuor diebus à Rhodano ad Tarasconem trajecto; ducebantur Elephantis cum exercitu, at illi lentè incedunt non currunt; neque ingens exercitus celerius Elephantis ambulat, etiam dum festinat.

Cætera argumenta tua, Ariste, vt fallere astutè possint supponunt falsum; credidisti negare me Annibalem per Alpes Cottias in Italiam penetrasse: At ego cum Polybio, Liuiò, & Plurarcho Annibalem per Alpes Cottias deduco: non sunt fingenda heroum itinera, sed obseruanda, nec breuior illis semper assignanda est via, nec rectior; eunt instar Solis & penè sunt soles, at sol obliquâ via graditur, & inter monstra, neque illa morantur eundem Solem, neque Annibalem.

Ego si facilius iter Annibali assignare vellem, eum cum Samuele Guichenono nobili historico per Sebusiam, Sabaudiam, & Vallem Augustam deducere; si rectiore viâ eundem esset, illum Cularone, aut Ci-

uarone ad Alpes prosequeret: At historici est describere vias non fingere; relêgit oculis Polybius iter Annibalis; Titus-Liuus, & Plutarchus res gestas Annibalis narrant, & consilia: Ego cum illis Annibalem per Alpes Cottias in Italiam sequor: tecum igitur hac in parte sentio, quia tu cum Polybio, & Liuius, & Plutarcho sentis.

At non ea erat controuersia nostra an per Alpes Cottias Annibal transierit, sed an ad Insulam Araris & Rhodani, & confluentem vbi nunc Lugdunum est peruenerit: Ego cum Polybio, Tiso-Liuio, & Plutarcho affirmo, Tu cum Philippo Cluuerio, & N. Chorerio nobili historico negas; vter veriùs, Tu sapientissime Polymete pronuntia; vnum iterum monco litem mihi esse cum eruditissimo Aristo, non cum Reuerendissimo Archiepiscopo, victum me fateor, si Episcopus disputat, victorem me credo si Aristus: tuum est æquissime Polymete, non personas aestimare sed causas.



## ELOGIVM ANNIBALIS.



*IC post Alexandrum, & Pyrrhum iudicio suo tertius,  
Multorum iudicio fuit bellator primus,  
Vicit orbem vnum Alexander, & querebat alium,  
Plus est vicisse Romam quam Asiam.*

*Prima Annibalis victoria de Annibale fuit,  
Sed non integra  
Victorem cæterorum affectuum ira vicit:  
Hac in parte monstrum Africa fuit.*

*Altera victoria fuit de Alpibus,  
Quas rupes ferro non potuit, aceto corruptis,  
Post victas Alpes nihil insuperabile fuit.*

*Ad Ticinum P. Corn. Scipionem Consulem,  
Ad Trebiam T. Sempronium Consulem,  
Ad Trasmenum C. Flaminium Consulem,  
Ad Cannas duos simul Consules vicit:*

*Vt scias magnitudinem cladis, collige ex annulis;  
Duos annulorum modios Carthaginem misit:  
Tunc primum dignitas Equestris vanalis fuit:  
Credita est ea dies Romani Imperij vltima,  
Et poterat capi Roma si Annibal venisset,  
Et conuiuari poterat in Capitolio quinta die cum Ioue:  
Nesciuit victoriâ uti qui sciuit vincere:*

*Retardauit venientem Fabius cunctator, non vicit.*



*Ausus eum prouocare Claudius Marcellus occubuit,  
Perierat Roma nisi Capua illam seruasset:  
Quem Alpes, & bella, & tot Duces non fregerant,  
Fregêre tepentes fontibus Baia:*

*Et Capua Annibali Troia, & Trasimenus,*

*Et Baie Padus, & Cannæ fûere.*

*Renocatus in Patriam ut illam seruaret,*

*Victus est à Scipione filio qui Patrem vicerat:*

*Iurauerat ad aras interitum Roma*

*Vidit interitum Patrie:*

*Post eam cladem minor Annibal Annibale fuit,*

*Et clades Annibalis clades Africa fuit.*

\*\*\*\*\*

## DISSERTATIO QVARTA,

### LVGDVNVM SVPERIVS.



**L**EXIS. Audiui ex te Ariste, in superioribus Dissertationibus Lugdunum vnum fuisse & geminum, superum & inferum, urbem vnâ & plures: Rogo te, Ariste, dic aliquid de vtroque Lugduno, vt sciam vtra pars esset nobilior, & an Lugdunum superarit Lugdunum.

**A**RISTVS. Obtempero non tam precibus quam imperiis tuis; impetrat amicus dum rogat, nec recusari potest, quod amicitia iubet; at ego vicissim vnum rogo, ne succenseas mihi si quid asperius in castra, & theatra dixerò; licet irasci inter arma, & declamare ex theatro; loquar alienis verbis & meis, & stylo vtar Africano, & Gallico.

Vicetant orbem terrarum Romani, & iam omnis Prouincia Romana, & penè omnis Ciuitas Roma erat. vt contineretur in officio victus orbis, legiones, & præsidia prouinciarum distribuiebantur, atque in limitibus quidem maiores copię, in oppidis interioribus cohortes & alæ: Lugduni in præidiis erat legio vna, cum equestri Ala; audi Cornelium Tacitum l. 1. Iunius Blæsus accessit partibus Vitellij cum statua legione, & ala Taurina addit Tacitus Cohortem XVIII. Lugduni solitis Hybernus relictam; idem l. 3. Andegauos Aciolus Ausa, exorta cohorte quæ Lugduni præsidium agitabat coërcuit. Porro locus præsidij in monte erat; tum vt ciuitas inferior si rebellaret à superiore opprimi posset; tum vt occupatus collis per militem, spem adimeret Gallis cum locum superandi, quem Roma per Gallos contra Gallos defenderet.

Castra Ro-  
mana Lug-  
duni.

Expectas iudicium meum de castris Romanorum, ego libentiùs expectarem tuum: tam iniusta erant castra Romanorum quam arma; inique feruatur quod iniuste ereptum est; & dum retinetur semper eripitur: quid habuit iuris in orbem terrarum Roma, quod orbis non habuerit contra Romam? oppressit libertatem alienam, vt stabiliret suam; sed victa est ipsa quoque dum tot populos vicit; scilicet metuebant victos ipsi victores, & magis tuebantur Romanos castra Romanorum quam Gallos.

Amphithea-  
trum.

Vt temperarent castrorum formidinem & honorem, adiunxere castris Amphitheatrum, vt dum in eo ludos edunt recrearent victores, & victis illuderent; fuisse Amphitheatrum Lugduni probat ruina; stetitse oportet Lugduni, quod Lugduni corruit; si causam quæris, asserti illam Procopius, in castris inquit, fontibus, Aquæductibus, & fluxibus urbium felicitas consistit; at Lugdunum vna ex urbibus beatis erat; igitur Lugduni erat Amphitheatrum: confirmat Paradinus ex Suetonio, Caius Caligula edidit spectacula peregrè in Sicilia, Syracusis Hosticos Ludos, & in Galliâ Lugduni miscellos; negat Rubysius probari Amphitheatrum ex iis ludis qui extra Amphitheatrum edebantur.

Illustrius est testimonium Attali Martyris, de quo Epistola Lugdunensium ad Asianos, Attalus quoque populi vocibus postulabatur, erat enim valde nobilis, & vir optimæ conscientiæ, & per omnia exercitia semper Martyr, cumque circumlatus fuisset per Amphitheatrum titulo se præcedente, ATTALVS CHRISTIANVS: De eodem Euseb. l. 5. iterum Attalus post primam confessionem quam in theatro fecit; illustris sanè confessio digna theatro, spectatoribus Angelis, & muneratore Deo.

Gladiato-  
res.

Aristus. Adhuc quæris, Alexi, quid fieret in theatro, inuitus audies quod spectare nolles; prodeunt in arenam gladiatores lufuri semel ne vnquam postea ludant, veniunt inermes & nudi vt possint excipere vulnera non repellere; prodeunt eruditi in necem alienam, & docti in suam; vterque diu didicit artem quâ posset perimere, & perire: pro pudor disciplina est homicidium! docetur quod ignorari oporteret; transiuit in ludum cædes hominis, occiditur homo in hominis voluptatem, spectatur scelus, ridetur homicidium, & homicida laudatur.

Pugna cum  
belluis.

Inhumanum est Gladiatorum spectaculum, quod sequitur truculentum, obijciuntur feris homines interdum rei, & sæpe innocentes, aliquando sceleris leo pœna est, aliquando virtutis; committuntur belluis homines quos natura Dominos fecit non æmulos: Procedunt intercà famelicæ belluæ, incitantur ad pugnam, stimulantur ad vindictam, & ne vincantur coguntur vincere: quid potest immanis cogitari? excitat acclamationem Orchestræ rugitus Leonis non horrorem, prouocatur Tygris vt sæuiat, irritatur ne parcat, placet homo in membra discerptus; aspicitur siccis oculis rorans ex vulneribus sanguis humanus, ridetur vbi

lugendum erat: Quis neget non minus spectatores quam vrsos & leones homicidas esset?

Nec minus nocens est Scena, licet minus cruenta: reuiuiscunt in ea antiqua scelera, & penè iterum fiunt dum exhibentur facta? apparet rediuius Atreus, Thyestes, Agamemnon, & dum recitant scelera sua, penè iterum perpetrant. O nouam nocendi artem! ornatur scelus vt placeat, docetur fieri posse quod factum est; & quod meretur pœnam in iudiciis, fert palmam & plausum in theatris.

Mollior est Comœdia non innocentior, explicatur in eâ quod natura tacêri vellet non sciri; docetur ars amandi quæ Magistro non eget; discunt virgines quod scire vix debent coniugatae, recognoscit adultera artes suas; audit pudica quomodo adultera esse possit; amittitur pudor dum ridetur: corrumpitur primùm oculus, deinde animus; transit scelus in exemplum: licere creditur quod laudatur, omnis ætas fit impudica, & quæ Minerua intrauerat, exit Venus.

Nec tantum exhibetur in scenâ scelus, sed in templo adoratur: vicinum erat theatro Veneris Templum; vt dum docetur in theatro scelus, in templo coleretur: Quæso Alexi, dum prostat in templo Veneris impudicitia etiam nuda, an hoc puluinar Deorum est, an lupanar? quas illi preces offerre possunt pueri, & puellæ virgines deæ impudicæ? Quis illic castus esse possit vbi impuritas consecratur? ô cæcitatem, ô probum! fiunt miseris religiosa delicta, atque vt homines impunè peccare possint, coluntur dii impudici, deæ adulteræ, & peccata laudantur.

In toto superiore Lugduno nihil innocens erat nisi Aqua, hæc quoque quot modis corrumpebatur vt esset impura, abstrahabatur à terris quæ amat fluere intra terras: traducebatur arcubus triumphalibus, quæ semper humi mallet, quàm per aërem currere! includebatur tubis pretiosis, quæ libertatem mallet quam auream seruiturem: Quæ isthæc infania, corrumpere elementa vt fiant meliora? exuere aquam natiuis affectionibus vt induatur alienis? si amatur aqua leuis, cur non quæritur ignis grauis? Crede mihi, Alexi, ille status rerum est optimus, qui est natiuus; exposuit aquam natura, vt esset publicum bonum; nasci vbiq; voluit, ne è longinquo peteretur; cessat aqua esse bona si fiat pretiosa.

Omitto dicere de palatio, de foro veteri, de quibus nihil admodum dici potest quod non sit facile, & vile.

Claudo Epistolam nouo genere laudis, pretiosius est Lugdunum superius, hodie vacuum quam olim plenum; pauciora habet & plura, & nobiliores sunt ruinæ operum quam ipsa opera: tutior est mons inermis quam munitus castris; innocentius est theatrum imminutum quam integrum; & meliores sunt aquæ natiuæ quam aduenæ: denique mons profanus olim sub tutela Veneris, nunc facer est sub patrocinio virginis.

## DISSERTATIO QVINTA, LVGDVNVM INFERIVS.



LEXIS, dixisti magna de Lugduno superiore, expecto maiora de inferiore, laudari me puto dum patriam meam laudas, & bis Lugdunensem me credo, dum audio geminum fuisse Lugdunum.

ARISTVS. Omisſis cæteris tria laudo in inferiore Lugduno, templum Auguſti, Emporium, Argyrocopium.

### TEMPLVM AVGVSTI.

ARISTVS. De eo templo hæc quæro, an fuerit, quos conditores habuerit, quas Aras, quos ſacerdotes, quo in loco conditum fuerit & quales ad illud populorum conuentus.

Inuenit Roma Galliam ſuperſtitioſam, & ſuperſtitionem auxit, fecit ſe Deam, & Deos veſtigales ſibi: fecit illa Auguſtum Deum, fecit Auguſtus Romam Deam, gemina ſuperſtitio fuit, & vtraque vana.

Excitatum fuiſſe Auguſto etiamnum viuo magnificum templum probat Strabo lib. 4. & ex illo Illuſtriſſimus Petrus de Marca digreſſi. de primatu Lugduni, num. 100. ſcilicet id fecit Auguſto Lugdunum, quod pleraque Ciuitates iam fecerant, aut facturæ erant; erexit Aſia communibus impenſis in vrbe Pergami, extruxit Bithinia in vrbe Nicææ, erexit Gallia vniuerſa Lugduni. Ambitioſus ſane Auguſtus dum vult videri modèſtus; amiſit templum, & aram & ſacerdotes; & poſt reuſum nomen Domini admittit appellationem Dei; quaſi aliquid minus ſit Deum eſſe quam Dominum: Infelix vero & imprudens Lugdunum dum ſimul Auguſtum & expetitur tyrannum, & adorat vt Deum.

Conditores templi fuere vniuerſi Galliarum populi, vt tota Gallia peccaret peccantibus vniuerſis: At hîc occurrit difficultas ingenio tuo digna, Alexi: Strabo conditores templi facit vniuerſos Galliarum populos, eoſque ſexaginta enumerat, at ij plures erant. Ptolomæus in tribus Galliarum Provinciis, Aquitanica, Lugdunenſi, Belgica, ſexaginta populos enumerat, & Narbonenſem omittit, in qua erant quatuordecim populi. Auger difficultatem Tacitus lib. 3. de Flori, & Sarcourii defectione agens, omnia inquit Romæ in maius credita, iacta-



tumque quatuor & sexaginta Galliarum Ciuitates defecisse, dubias Hispanias, &c. Igitur plures erant quam sexaginta populi. Quid ais, Alexi.

ALEXIS. Ego male numerasse Strabonem puto aut Ptolomæum, aut Tacitum.

ARISTVS. Itane vero Alexi, magnos Authores tam facile erroris accusas; At ego omnes erroris absoluo; scilicet irrepsit mendum apud Tacitum, & legendum est septuaginta quatuor pro sexaginta quatuor, atque hunc numerum efficiunt quatuor Prouinciæ Galliarum. Neque errauit Strabo, dum sexaginta tantum populos numerauit, scilicet omisit Prouinciā Narbonensem, siue quia omnium Prouinciārum primā aram Augusto iam consecrarat; siue quia pridem à Romanis subacta Prouinciis Romanis iam erat adscripta; siue denique quia ea ætate Galliarum nomine tres tantum partes à Cæsare subactæ censebantur, nempe Aquitanica, Belgica, Lugdunensis.

Illustrat hanc sententiā Petrus de Marca variis inscriptionibus antiquis primā sic habet.

*Catulo Sacerdoti ad templum Romæ & Augusti tres Prouinciæ  
Galliarum tantum tumulum posuerunt.*

Altera non absimilis.

*Tiberio Antistio Equiti Romano tres Prouinciæ Galliæ ad Aram Cæsarium  
statuam Equestrem ponendam censuerunt.*

Insignis est locus in Epitome Liuij, de Augusto. Eum, inquit ille, conuentum Narbone egit, census à tribus Galliis quas Cæsar Pater vicerat actus, &c. Vides, Alexi ex iis testimoniis excusari Strabonem vel absolui nimirum secutus est Iulium Cæsarem, qui in descriptione Galliarum Prouinciā Narbonensem omisit quia eam non vicit.

Alexis. Factum est satis Straboni, sed non mihi; septuaginta & quatuor populos Gallorum Romā vicit, ex iis populis vnus satis olim Romæ vincendæ fuit; quale illud dedecus, subiugasse olim Romam, & nunc iugum pati.

Aristus. Sustine iram Alexi, vicere Galliam Galli non Romani; ne dubites ita esse vici Romam Cæsar per Gallos non per Romanos, sic vbi-que victores sunt Galli etiam victi.

Alexis, nec templum Augusti sine Ara, nec sine sacerdotibus fuit; id superest explicandum, Aristes, nec templum Augusti Palatium credatur esse non templum.

Aristus. Intra hoc templum erant aræ duæ, vtraque dignitatis eximæ; altera tamen primaria & maior, Augusto, & deæ Romæ; altera minor diis Gallicis dicata erat, eademque sexaginta populorum insignia præferbat.



Aram Augusti probat Lucius Florus his verbis, Ara Cæsari ad confluentem Araris & Rhodani dedicata sacerdote C. Julio verecundato Eubio Heduo.

Ab Augusto transit ille honos ad cæteros Cæsares successores, ita habet inscriptio apud Gruterum pag. 320.

*Serulio Marciano Arverno sacerdote ad templum Romæ, & Augustorum  
tres Prouincie Gallie.*

An autem Romæ, & Augusti eadem Ara fuerit an diuersa inter eruditos controuersum est; Petrus de Marca aram vnâ Augusto, alteram dæ Romæ sacram fuisse putat, templum autem vtrique commune, at Strabo duas tantum agnoscere videtur quarum vni insignia Gentium Gallicarum inscripta erant, & statuæ deorum impositæ. Idem sentire videtur Suetonius in Augusto, templa, inquit, quamuis sciret etiam Proconsulibus decerni solere, in nulla tamen Prouincia admisit nisi communi suo Romæque nomine; qui templum non admisit nisi Romæ & sibi publicum, cur admisisset aram non publicam?

Admisit sacerdotes qui admisit templum & aram, ij Sodales Augustales, seu Flamines: iidem sex numero erant; atque inter eos dignitatis ordo, & primus ordinis Magister erat, rem explicant inscriptiones antiquæ.

*Imij. Aug. idest scviri Augustales.*

*Aurelius primus Corporis Augustalium,*

*Primigenius sexvir secundus Augustalis.*

Alexis. Subsisce, Aristæ teneri non possum quin Gallis irascar & Romanis; Quid agitis Galli parumne habetis subijcere libertatem vestram Romanis, nisi vestros etiam subijciatis Deos; erigitis sexaginta diis Gallicis aram minorem, & Augusto maiorem, includitis eodem templo Deos vestros & Romanos, & quasi non sitis satis miseri, vestros etiam Deos miseros facitis, & captiuos; at quæ ista ambitio Romanorum! vt faciant Gentes omnes Romanas, omnes Deos fecere Romanos, & ne ambitioni; ars desit, quos Deos alibi inuenere ligneos, aureos fecere & argenteos, atque vt omnes seruire vellent seruitutem humanam fecere, & diuinam.

Aristus. Ad eas aras & templum Augusti quot annis in honorem Augustorum primores Galliarum conuenientes, festos & solennes dies agitabant: Illustris est locus Dionis l. 54. Drusus auertit Gallos à Societate belli cum Sicambris, euocatis Lugdunum Proceribus Gallorum eius festi specie, quod ad aram Augusti agebatur.

Placet addere rei profanæ autoritatem sacram: Eusebius l. 5. c. 1. & ex eo Rufinus. Dicit quodam celeberrimo, in quo ex omnibus Prouinciis Galliarum coeuntes nundinas celebrare solent, Rector Prouinciæ pro tribunali sedens, iussit Martyres pompæ instar traduci per ora populorum

rum qui ex omnibus Gentibus Lugdunum conuenerant.

Aduerte, Alexi, nundinas appellant Eusebius & Rufinus hunc Lugdunensem conuentum, at quales nundinas putas? in quibus non merces tantum artefactæ, non equi & boues solum, sed homines & dii ipsi vanales erant; scilicet vendebant omnia Romani vel emebant, vendebant Deos suos, & emebant alienos; vanales iis erat omnis religio, atque vt mercarentur orbem terrarum, mercis instar habebant & homines, & Deos alienos & suos.

Locus templi, & conuentus populorum designatur à Strabone lib. 4. *ἢ τῷ ἐνυπόλοιπῳ τῷ πρὸς τὸν ποταμὸν*, ad coitionem fluuiorum, ad Athenæum, vel iuxta illud, vt dii Græci, & Romani, & Gallici miscerentur, & fieret non tam Deorum templum, quam receptaculum dæmonum.

Subscribit eruditus Budæus lib. 4. de Asse, Lugduni inquit communi Galliarum impensâ extructum est Cæsari, & consecratum templum ea parte ante urbem vbi amnes confluunt; ibique Ara dignitatis eximæ, sexaginta Gentium insigniis, totidemque Deorum simulacris, &c.

Nec minoris fidei est lapis in æde Monialium S. Petri Lugdunensis qui licet mutus sic loquitur.

*Q. Adginnius urbici filius, sacerdos Roma, & Augusti, ad Aram, & confluentem Araris, &c.*

Placet addere profanis testes Christianos. Gregor. Turonensis, & Eusebius aiunt Martyres in monte occisos, in Athenaco crematos esse, & in profluentem proiectos ante Augustorum ædes, vt illis hæc victima li-  
taretur.

ALEXIS. Erudita sunt & antiqua quæ dixisti de templo & Ara Augusti. Ego aliquid recens addo inaugurato nuper in Archipræsulem Illustrissimo Camillo de Neuville, Proregi Lugdunensium oblatum est eruditum Symbolum. Ara ingens ad confluentem Araris & Rhodani pro pictura erat. Inscriptum erat Aræ hoc lemma.

### SOCIATA POTESTAS.

Explicabat Symbolum adscriptum Epigramma.

*Q*uod Lugdunensem fluuij miscentur ad Aram,  
Vnumque & fluuios consecrat Ara duos.  
Hoc sacri est Emblemata tui, SOCIATA POTESTAS;  
Pastor es, & Prorex, munera utroque sacer.

# DISSERTATIO SEXTA, EMPORIVM LVGDVNENSE.



**L E X I S.** Dixisti, Ariste, augusta de templo & ara Romæ, & Augusti; reliquum est vt de emporio, & Argyrocopio Lugdunensi argentea dicas, & aurea.

**A R I S T V S.** Non prius Lugdunum vrbs fuit quam emporium, neque ante habuit ciues quam mercatores, aduolauit orbis ad hoc commercium statim ac publicum fuit; atque vbi duo fluij confluunt, omnes penè nationes confluxêre. Audi Strabonem l. 4. post Narbonem, inquit, maximè omnium Gallicarum vrbium frequentia hominum pollet Lugdunum, quo emporio vruntur Romanorum Præfetti, & Præsides, monetamque argenteam, & auream cudunt, & templum ab omnibus Galliis communi sententiâ decretum Augusto, ad confluentes fluiorum in hac vrbe constitutum est. Quæso Alexi, expende hoc testimonium, Strabo vir penè cœuus Augusto & Planco, vidit nasci Lugdunum, & describit iam opulentum, & populosum; & quod magis mirêre à sexaginta populis Galliarum iam electum ad communes conuentus celebrandos: Non ita crescunt cæteræ vrbes, nulla dum nascitur magna est; Roma ipsa prius infantiam sensit quam adolescentiam, & prius ætatem iuuenem quam virilem: Lugdunum simul vrbs, simul emporium, & Argyrocopiam fuit.

Idem Strabo eodem libro duplex consilium aperit cur Lugdunum Romani duobus fluiis incluserint; primum vt esset instar arcis aduersus fluxam, & labilem, & nondum satis firmatam Gallorum fidem; deinde vt Lugduno quasi emporio vterentur; nam & illis, inquit, magno vsui Lugdunum emporium est.

Quale verò emporium esset, declarat Honorij & Theodosij constitutio penè his verbis, nondum aperta per Gades Oceani Septemtrionalis circumnauigatione, merces ad urbem Arelatensem ex Hispania, Africa, atque ab ipso Oriente deuehebantur, quæ deinde per Rhodanum nauigijs Lugdunum vsque perlatæ, inde per Ararim, & dubim ad Heluetios, & vtramque Germaniam, & terrestri itinere ad Sequanam transuectæ, ad Caletes, Lexouios, ipsumque Oceanum deferebantur. Vides, Alexi, quale emporium Lugdunum esset, scilicet centrum Galliarum & Europæ, centrum maris vtriusque, & penè orbis, centrum diuitiarum, & omnium mercium.

Nec deerant Magistratus qui commercij præsent, & mercatoribus ac mercibus ius dicerent; omitto Magistratus cômunes, & singulares aliquos cômemoro, Allectores, Patroni Nautarum Araricorû, & Rhodanicorum,

Supremi curatores, & minores; quamnam autem essent eorum Magistratum officia collige ex sequentibus inscriptionibus.

*L. Besio superiori*

*Piromando Q. R.*

*Omnibus honoribus apud suos summo,*

*Patrono Nantarum Araricorum, & Rhodanicorum:*

*Patrono Danicorum, Patrono Condi.*

*Consistentium Allectariae Galliarum*

*Ob Allecturam fideliter administratam*

*Tres Provincia Galliarum.*

Altera inscriptio sic habet.

*L. Helvio. L. Filio:*

*Volstin. Frugi,*

*Curatori Nantarum*

*Bis IIIV R. Viennensium*

*Patrono Rhodanic. & Arar.*

*NR. Modo. & Araric.*

Tertia minus integris characteribus.

*Sex. Ligurius. Sex. F.*

*Galeria Marinus*

*Summus Curator C. R.*

*Prominc. Lugd. &c.*

ALEXIS. Dixisti Aristotele, erudita de Emporio Lugdunensi ingeniosa res planè, & fructuosa commercium, ex omnibus urbibus urbem unam, ex omnibus Gentibus unam gentem, ex orbe uniuerso communem omnibus patriam facit: per illud Africa intra Asiam, utraque intra Europam, Europa intra Galliam, & Gallia intra Lugdunum est. Per illud quidquid alibi nascitur intra nos venit; atque ut loquitur Honorij & Theodosij constitutio, per illud quidquid diues Oriens, quidquid odoratus Arabs, quidquid delicatus Assyrius; quod Africa fertilis, quod speciosa Hispania, quod Italia potest habere præclarum, ita apud nos assatim exuberat, quasi hic nascantur omnia quæ ubique constat esse magnifica.

## DISSERTATIO SEPTIMA, ARGYROCOPIVM.



ARISTVS. Controuersa res est pecunia, de quâ affirmare nescias an plus commodi afferat, an plus mali; hæc orbem terrarum emittit, & vendit; hæc paucos diuites facit, & multos inopes: hæc origo malorum est nec est mala; hæc radix bonorum est, nec est bona,

hæc inter bonum & malum media, neutrum excludit, & utrumque participat; hæc pretia rebus imponit, & est vilior; hæc gemmas æstimat, nec est pulchrior; hæc instar fluuij dum tenetur fluit, dum possidetur perit, dum blanditur fallit: hæc Lugdunum fecit, hanc Lugdunum; hæc problema est, de quâ asserere vix audeas, an plus Lugduni commodi attulerit, an plus boni.

Et quidem sine aliqua pecuniâ commercium stare non potest, quæ commercij anima est; at steterat diu cum pecunia ærea, & stare poterat sine argentea, & aureâ: *Populus Romanus*, ait *Plinius* l. 33. c. 3. ne argento quidem signato ante *Pyrrhum Regem* deuidtum vsus est, *Seruius Rex* primus signauit æs, antea rudis vsus erat; signabatur notâ pecudum, inde pecuniæ nomen. *Argentum* signatum est anno urbis D. LXXX. *Q. Fabio Coss.* quinque annis ante bellum panicum; aureus nummus sexaginta & duobus annis seriùs quam argenteus percussus est, & vterque in damnum suum, & nostrum maturius.

De *Argyrocopio Lugdunensi* duo dico, an extiterit Lugduni, & quæ eius causa fuerit.

Exitisse Lugduni probat *Budæus* l. 4. de *Asse*: Lugduni, inquit, *Argyrocopium* erat Romani imperij, affert *Strabonem* testem qui l. 4. hæc habet, Lugdunum in colle conditum, vbi *Arar* amnis *Rhodano* commiscetur, Romano tenetur imperio; ibi Romani *Duces* aureum numisma argenteumque signant.

Placet addere argenteum testem, nummum scilicet, quem statim post coloniam conditam percussum Lugduni, eruditi probant ex hac *Epigraphæ*.

*Ant. II Vir R. P. C. A. XL. ex aduersa nummi parte Lugduni cum Leonis effigie.*

*Antonius* iste alius esse non potest, nisi *Triumvir*, cui *Gallia* contigit in partitione *Prouinciarum*, quam inuit anno V. C. 712. teste *Dione*, vnde biennio post depulsus est armis *Augusti*: Quare eo triennio quo *Gallias* tenuit, necesse est excusum fuisse nummum istum: Non bene autem in ijs literis, A. XL. legit *Lipsius* à populis quadraginta, neque enim nummi à populis, sed à *Præsidibus Prouinciarum* cudebantur: deinde *Conuentus Lugdunensis* erat sexaginta populorum non quadraginta; nec melius alij annum deductæ coloniæ designari putant, quæ à quadriennio tantum condita erat; cum enim nummum conditum oportet eo triennio quo *Gallias* tenuit, cui triennio si addas annum *Planci* efficies quadriennium; valor igitur nummi designatur, scilicet assium quadraginta, & sic legi debet inscriptio.

*Antonius Triumvir reipublicæ constituende assium quadraginta.*

ALEXIS. Subsiste tantisper, *Ariste*, & audi quid ex eo nummo in-



feram, igitur Lugdunum adhuc quadrienne iam opulentum, & populosum fuit, at nemo nascitur magnus, ipse Leo dum in lucem exit Leunculus est: attende quid aliud inferam, igitur Lugdunum reparauit Planctus non condidit; inuenit æreum, & argenteum fecit, ac aureum.

ARISTVS. Ob eas rationes, & alias in prima Epistola Historica allatas vtramque opinionem de ortu Lugduni problema esse dixi, neutram damnaui.

Habes igitur, Alexi, Argyrocopium Lugduni à Romanis constitutum; si causas quæris, vnam assignat Alexand. ab Alex. l. 4. c. 24. Lugduni, inquit, Imperatores Romani argentum, aurum, & omne monetæ genus signare consueverunt; siue quod prompta ibi ad eudendum metalli copia foret; seu quod difficilis locus ad confluentes Araris & Rhodani esse censeretur, & iniustæ violentiæ minus obnoxius.

Alteram rationem affert Strabo l. 4. ob summam opportunitatem ad pecuniæ transuersionem per orbem quaquaversum, scilicet hic locus congregat omnes populos, & quantum fieri potest, ex omnibus gentibus gentem vnam facit.

Claudo colloquium, & te hac tessera dono. Sapientior erat ætas primæua quam nostra, aurea erant secula dum nesciebant aurum; cœperunt esse ferrea dum amarunt argentum; & tamen nobilior erat pecunia ex pecude quam ex ære; vtilius æs erat quam aurum, & melius pecude signabatur quam Ioue: cur retinuimus pecuniæ nomen non vsum? cur scrutamur viscera terræ vt inde eruamus metalla quæ mallet occulta esse quam publica? cur violamus communem parentem? cur non reueremur eum sinum ex quo exiimus, & ad quem redimus? cur penèatricidæ sumus, vt simus diuites? aut hæc impietas est aut avaritia, vtroque nomine nocentes sumus: at hæc communis querela est, & lacrymis ploranda non verbis; insanabile malum est, quia est aureum.



## DISSERTATIO OCTAVA; ATHENÆVM.



RISTVS. Quæris ex metria, Alexi an fuerit Lugduni Athenæum Gallicum ante Græcum, an fuerit Græcum ante Romanum, prolixior esset Dissertatio si hæc tria diceret, singula Athenæa singula colloquia erunt.

Ac primum, parum abest quin irascar quæstioni tuæ; an fuerit Lugduni Athenæum Gallicum ante Græcum: id est, an ignari, an barbari, an bardi fuerimus antequam essemus græci; id est an sola Græcia fuerit or-

bis Magistra; idest an Apollo, & Pallas, & Musæ, & cætera Numina nullam habuerint patriam nisi Græciam: idest an scientiæ apud Græcos indigenæ, apud cæteros populos hospites fuerint, & peregrinæ.

At ego longè aliter sentio, Alexi: Maiores nostri eruditi fuerunt, nec tamen Græci; hauserunt scientias ex fontibus domesticis non peregrinis, & priùs Gallicè sapuerunt quam Attice; vnum est quo Græci nos vincunt fabulis, & mendaciis; apud illos Hercules fabulosus, apud nos verus: scilicet vt impunè mentiri possent, Deos ipsos fecèrè mendaces.

Amplius aliquid dico, debet sapientiam Græcia Galliæ, non Gallia Græciæ, id ego si probauero, mutabis opinionem, Alexi, & scies, priùs quam Athenæum esset Athenis, iam fuisse Lugduni.

Accedo ad rem ipsam, & ne quæstio versetur in nomine, fateor ante aduentum Græcorum non fuisse in Galliâ scholas publicas sub nomine Athenæi, at fuèrè sub nomine Gallico gymnasij; nec fuèrè Lugduni, si ante Plancum Lugdunum non fuit; at fuèrè intra confluentem vbi nunc Lugdunum est, si Plancus Lugdunum condidit: retineri poterat à Maioribus nostris Gallicum nomen Gymnasij, nec induci nomen Athenæi; sed quæ vrbánitas semper Gallorum fuit, vt exciperent honorificè aduenas Græcos, admisèrè Græca vocabula, & Græcos fecèrè populares.

Fuèrè apud Gallos, & Lugdunenses Scholæ publicæ, si fuèrè discipuli & Magistri; nemo nascitur eruditus si Mineruam excipias, quæ intra crebrum Iouis hausit scientias, & prodiit in lucem erudita, & armata: cæteri omnes accipiunt à natura indolem, non artem aut virtutem; & quanquam artes aliquæ experienciâ acquiri possint, vix tamen scientiæ, nisi tradantur à Magistris; nec tradi commode possunt nisi in destinatis locis; atque hæc loca Athenæa sunt siue Gymnasia.

Primi sapientiæ Magistri apud Gallos, & Lugdunenses fuèrè Samothei, & Saronidæ; illi Theologiam, isti Philosophiam docuèrè; vtrique scientias acceperant à Samothe & Gomere, ab Auo Iapeto, & Noëmo Proauo; neque ea nomina Græca sunt sed Hebræa, vt sciant Græci, prius apud nos fuisse veras scientias quam apud illos fabulosas.

Ne fabulari me putes, audi Diodorum Siculum l. 6. sunt, inquit, apud Celtas Theologi & Philosophi quos vocant Sarronidas, qui præcipuè ab eis coluntur; nam moris est apud eos, nullum absque Philosopho sacrificium facere; existimant enim per diuinæ naturæ conscios sacra fieri oportere, tanquam diis propinquiore: horum intercessione bona à diis censent petenda, quorum consilio, bello & pace fruuntur, & quos idcirco habent quasi Semideos.

Successu temporis, Samothei & Sarronidæ communi nomine Druides appellari cœpèrè; scilicet illustrior Druidum virtus cæteras sectas suppressit, & nomina ipsa: ac velut Aquilæ penna cæteras auium plumas

absumit, sic Druidum fama cæteras Doctorum sectas, & Scholas.

Neque nomen Druidum Græcum est sed Gallicum, à Druyo Gomeris, & Iapeti nepote sapientissimo; neque affinitas nominis cum voce Græca aliquid probat, alioqui confunderentur populi, miscerentur nationes, & Græcia ipsa ab Ægyptiis, aut aliunde veniret, si vocum similitudo esset origo nationum.

Quinam autem, & quales Druides fuerint, nemo certius scripsit quam Iulius Cæsar qui eos in Galliis vidit, & penè coluit; audi magnum testem l. 6. de Bell. Gall. Druides inquit diuinis rebus interfunt, sacrificia publica, & priuata procurant, religiones interpretantur: Ad hos magnus adolescentium numerus disciplinæ causa concurrit; magnoque ij sunt apud eos honore, nam ferè de omnibus controuersis publicis, priuatisque constituunt; si quis aut priuatus, aut populus eorum decretis non steterit, sacrificiis interdicunt, hæc pœna apud eos est grauissima. Addit Cæsar: Druidibus omnibus præest vnus, qui summam inter eos habet auctoritatem, hoc mortuo si quis ex reliquis excellit dignitatè, succedit; & si sint plures pares, suffragio Druidum adlegitur; nonnunquam etiam de principatu armis contendunt: Addit Cæsar, tantis excitati præmiis & sua sponte multi in disciplinam conueniunt, & à parentibus, propinquisque mittuntur; magnum ibi versuum numerum ediscere dicuntur; itaque nonnulli annos vicienos in disciplina permanent, &c. Denique Druides iustissimi omnium opinione creduntur: neque aliquid siue in bello, siue in pace sine iis geritur.

Ex eo Cæsar's testimonio habes magnum fuisse auditorum numerum, augeat eum numerum Pomponius Mela l. 3. c. 3. Docent, inquit, multa nobilissimos Gentis; scilicet nemo nobilis censebatur, si esset ignarus, hoc erat geminum discrimen à plebe, nobilitas, & doctrina: nec tamen solis nobilibus licebat eruditus esse; attollebant se aliquando à plebe ingenia, & mutata conditione transibant in ordinem nobilium, & gradum Druidum.

Habes ab eodem teste varium fuisse tempus disciplinæ, pro ingeniorum varietate; nonnulli, ait Cæsar vicienos annos in disciplina permanent: hi fortè magisterium ambiunt; alij doctrinam delibant, atque ij malunt discere quàm docere, & satagunt sapere sibi, non aliis.

Habes denique methodum doctrinæ, quæ erat docere & discere magnum numerum versuum: scilicet, ait Cæsar nefas existimabant mysteria doctrinæ suæ literis mandare; idque duabus de causis instituisse videntur, quod neque in vulgum disciplinam efferri velint, neque eos qui discunt, literis confisos minus memoriæ studere quod ferè plerisque accidit.

Audio te etiam tacentem, Alexi, hæc, inquis, videntur elara, sed duo

superfunt adhuc obscura, locus lectionum, & situs Athenæi Lugdunensis.

Subtiliter objicis, & fateor non facilem esse dubitationis tuæ solutionem. An enim primis temporibus gymnasia extiterint controuersum est inter eruditos; existimant aliqui priscis illis seculis vix alias fuisse scholas præter familias; iidem erant parentes & magistri, iidem liberi & discipuli, domestica erat doctrina, & disciplina; & quibus filij debebant vitam, iidem sapientiam ferebant acceptam: Illustre enim uero scholarum genus, nisi familia munus docendi nimis familiare fecisset; mollior est affectus matris quam ut magistra esse possit, nec facile Pater exercet officium iudicis cum affectu Patris.

Propterea affirmant magni Authores. Sarronidas, & Druydes extra domos, & vrbes gymnasia statuisse in specubus, aut in abditis saltibus, vel etiam in fastigiis montium, & locis sacris; ut ibidem haberent & magistros homines, & Deos doctores: inde ille mons Druidum apud Hebdos de quo late disputat ex Budæo Cassanæus p. 12. cons. 60.

Inde ille vicus Druidum apud Lugdunenses trans Rhodanum, inde ille nobilis Lucus intra Ararin & Rhodanum, ibi olim Druidum sedes erat, ibi iuuentutis confluuium ad confluentem duorum fluuiorum: ibi olim Athenæum Gallicum erat; ibi diu postea Athenæum Græcum, ibi deinde Athenæum Romanum fuit; & nunc ubi Athenæum eruditionis erat, ibi est pietatis Athenæum.

Ne diuinare me putes mecum sentit Illustrissimus & eruditissimus Claudius Bellicæus Prætor præses Gratianopolitanus; fauet nomen Pagæ ex Visco desumptum quod ut ait Plinius l. 16. c. 44. copiosissimum ex quercu nascitur quod Dryos Hyphear vocant: nec leuis momenti est probatio deducta ex nomine, quod ut aiebat ille, clauis est ut rerum naturas referet, radius ut illustret, caracter ut signet.

Addit vir eruditus Morinus Pierchamus nobilem olim syluam insulæ Barbaræ, Nemus Benæum, & lacum Sapiniacum, domicilia Druidum & studiosæ iuuentutis gymnasia fuisse: nec melius institui Academix poterant quam in syluis, ubi nihil interpellat studentes, & omnia adiuvant, ubi nihil est nisi silentium auditoris, vox magistri, & Echo sermonis.

Audio te, Alexi, adhuc submurmurantem liquere quidem ex iis omnibus non debere Galliam scientias, & scholas Græciæ, at nondum satis constare quid Græcia debeat Gallix: recte mones, Alexi, id penè omiseram, quod tamen est alterum controuersiæ momentum. Cassanæus parte 12. Catalogi gloriæ mundi cons. 12. Clarum est, inquit, apud Samotheos, Sarronidas, Druydes, Bardos, literarum, & Philosophiæ magnum mare fuisse solis primùm Gallis navigabile, deinde in totum orbem terrarum exundasse; & ne Cassanæi phrasin hanc esse dicas, Diogene



nes Laërtius in principio de vita Philosophorum, hæc habet; Philosophiam à Barbaris initia sumpsisse complures authores affirmant; constat enim apud Persas claruisse Magos, apud Assyrios Chaldæos, apud Indos Gymnosophistas, apud Gallos Druydas, & Samotheos, qui teste Aristotele diuini atque humani iuris peritissimi; Samothei à Religione appellati sunt.

Urgeo argumentum, & te, Alexi autoritatibus; conuincio & rationibus. Debet Græcia scientias Galliæ si debet characteres; audi Annium Viterbium, Cadmus, inquit eius nominis quintus paulò ante ruinam Troiæ rediens ex Phœnicia retulit in Græciam sexdecim literas, non Phœnicias, sed characteribus Galatarum (ita appellat Gallos) persimiles. Expende hæc verba Alexi, attulit in Græciam ante ruinam Troiæ, igitur non acceperunt ex Græcia Galli characteres suos sed donarunt; dum igitur legis apud Cæsarem l. 6. Gallos literis Græcis uti solitos, appellat Cæsar characteres Græcos, quia iis quoque Græci utebantur, sed alienis non propriis, sed aliunde acceptis, non à se inuentis.

Iis characteribus Druydes scribebant fortia heroum suorum facinora; iis componebant versus heroicos: eos versus tradebant scholasticis memoriter addiscendos, eos denique ad Lyram & Cytharam in Athenæis canebant. Atque utinam superessent ij Druydum libri, superaret hæc historia Græcorum fabulas, & miraretur hodieque orbis plures habuisse Galliam heroes veros, quam Græciam fabulosos.

Ex iis omnibus habes, Alexi sapuisse Galliam ante Græciam, exitisse Athenæum Lugduni antequam esset Athenis, & debere Græciam scientias Galliæ, non Galliam Græciæ.

Claudo Epistolam imagine Samothæi, quam postulasti, figurâ est procerâ supra humanum modum, & talis ac tantus esse debet Samotheus, idest Semideus, caput velo obductum vides, patère tota non debet Maieestas Deo proxima: barba bifida est, impexa, & ad umbilicum usque decidua, hæc quoque est maiestatis nota; nudis pedibus terram attingit, hac sola sui parte mortalem se credit; manu librum gestat sapientiæ argumentum; dextrâ baculum, quasi sceptrum; humeris Manticam vacuum, & sapientiæ plenam; aulterus vultus ut iuuentutem solo aspectu contineat; oculi alta meditatione in terram defixi, ut negotiosum animum ostendant, etiam dum nihil agit: denique penè esset religiosus habitus si posset esse vera religio sub falso Deo.



# DISSERTATIO NONA,

## ATHENÆVM GRÆCVM.



ESCRIBIS ad me, Alexi, fateri te fuisse Lugduni ante aduentum Græcorum Athenæum, Gallicum, & quæris quando inceperit Græcum, & quale fuerit. Quæris à me quod docere posses, simulas te nescire dum interrogas, probas te eruditum dum dubitas, & penè affirmas dum negas.

Respondeo quæstionibus tuis, non vt doceam quod ipse nosti, sed ne id taceam quod à me quæris. Ac primùm eosdem natales habuisse videtur Athenæum Græcum Lugdunense, quos habuit Massiliense, Phocæenses, inquit Morinus Pierchamus, libello de origine vrbs Lugdunensis, Massiliâ ad regionem Lugdunensium deuecti, oppidum extruxerunt, quod vocarunt Athenopolim, quo etiam nomine Massiliam recens à se conditam affecerant.

Addit Illustrissimus Claudius Bellicuræus ibidem Academiam extruxisse quam Athenæum, id est Palladis ædem appellarunt.

Alteram opinionem affert Raymundus Solerius, scilicet appulsos commercij causa ad insulam Gallicanam Rhodios, Atheniensibus, Cretensibus, & Phocæensibus iunctos, opportunitate loci allectos Academiam extruxisse quam Athenæum, appellarunt, urbem vero Rhodiam, & flumen Rhodanum. Mauult tamen Solerius ortum Lugduni octingentis annis antiquiorem esse Româ, & ducentis Lutetiâ.

Ita illi de ortu Lugduni, & Athenæi? At ego neque Lugdunum, neque Athenæum à Græcis conditum puto; admissi sunt in Academiam à Drydibus Græci, non à Græcis Galli, excepti sunt vt hospites, non vt Authores, vt socij non vt Magistri: atque ex eâ societate manauit nomen Athenæi Græci, imposuit hoc nomen vanitas Græcorum, & admisit urbanitas Drydum. Audi Christophorum Millium libello de primordiis vrbs Lugdunensis, nulla erat pars Galliæ, quæ non haberet suos Drydes Philosophos; non deerant igitur doctores Lugduno, nec deerant discipuli vbi abundabant Magistri; nec deerat Lugduni locus Academiae, vbi erat nobilis ad confluentem duorum fluminum locus. Quin etiam simile vero est ante Athenæi nomen, Academiam Lugdunensem Palladi seu Mineræ iam fuisse sacram: colebant Deam illam Galli ante Græcos; neque igitur à Græcis scientias acceperunt, nec scientiarum Deam.

Habes Alexi ortum Athenæi, vis nosse quale tunc fuerit: tale erat vt

migrasse Lugdunum Athenæ videantur; neque vnæ tantùm Lugduni Athenæ erant; elegantia Græca addita Gallicæ geminas Athenas effiebat; ipsa quoque Minerua gemina erat, induxerant Atticam Græci, Gallicam inuenère: fallor duæ vnus Deæ statux erant, & neutra Dea.

Tunc quoque pulchrum doctrinæ certamen institutum est, studebant Galli linguæ Græcæ, & Græci Gallicæ; docebantur Druydes delicias articas, & docebant Gallicas; mutuum Magisterium erat, & alterna disciplina: atque vt erant magna vtrinq; ingenia, breui trium linguarum Gallicæ, Græcæ, & Latinæ iidem fuere trilingues Magistri, & trilingues discipuli; nec multo post aded inter Græcos & Gallos amicitia coaluit, vt natio vna videretur esse, non gemina.

Ac vide quales Magistri ex Athenæo Lugdunensi prodierint, ex innumeris aliquos produco; primus esto Lucius Plotius qui Rhetoricam primus docuit, Cicerone adhuc puero, & discipulo: hunc laudat ipse Cicero pro Archia Poëta; eiusdem meminit Seneca; eundem magni æstimat Fabius magnorum virorum æstimator magnificus: expende Alexi gloriam Athenæi Lugdunensis, dedit Romæ primum Rhetorem, & Ciceroni primum Præceptorem; qualem & quantum virum oportuit esse Plotium, qui Romam eloquentem fecit, & Ciceronis, hoc est eloquentiæ ipsius primus Magister fuit.

Alter est Marcus Antonius Gniphø, patria Gallus, & Lugdunensis Athenæi nobilis alumnus; hic, ait Suetonius magni ingenij, & memoriæ singularis, nec minus Græcè quam Latinè eruditus, docuit primum in domo Diui Iulij adhuc pueri; deinde suis in ædibus aperuit Rhetoricæ scholam: audierunt illum clarissimi viri; in iis Marcus Tullius etiam cum Præturâ fungeretur: Quæso Alexi vter nobilior Orator an Cicero qui docetur, an Gniphø qui docet?

Tertius esto Valerius Cato, Lugdunensem fuisse probat inscriptio, quæ adhuc extat apud Ansam, & ne laudari tantùm putes in lapide; laudat illum Suetonius l. de Illustribus Grammaticis. At non ille tantùm Grammaticus sed Orator, & Magister Oratorum fuit.

Quartus sit Tatianus, cuius elogium scripsit his versibus Ausonius.

*Æsopiam trimetrium,  
Quam vertis exili stylo,  
Pedestre concinnans opus,  
Fandi Titianus artifex.*

Appellat illum Capitolinus Simiam sui temporis, quod omnia esset imitatus; scripsit ille multa, nec verbo tantum sed stylo eloquens fuit.

Impleuit breui Europam fama Athenæi Lugdunensis, eaque tam alta, & lata fuit, vt ad illud candidati sapientiæ toto penè ex orbe confluarent; nec minus verè de Athenæo Lugdunensi, quam de Massiliensi Aca-

demia dicere licuit cum Strabone ; eloquentia & Philosophia publicè illic docebatur , & Romani neglectis Athenis eò ad disciplinas capeffendas confluebant ; nec magis Lugdunum bonarum mercium quam scientiarum commune orbis emporium erat.

Ex iis vides Alexi, quam illustre fuerit Athenæum Lugdunense, & quam antiquum, inuenit illud institutum Plancus, non instituit ; dum tamen illud reparauit, vel auxit ; reparator Athenæi, & fundator Lugduni dici meruit.

Claudo Epistolam Elogio Græcorum, ne illis subiratum me putes, nulla gens est similior indoli Gallicæ, si vanitatem gentis excipias ; elegantis ingenij sunt, & amœni ; nobilis naturæ & generosæ, subtilis linguæ & argutæ ; penè illis natura pro arte est, & penè virtus pro indole ; mercabantur inter populos secundas palmas, nisi ambiuissent primas : emendauit ingenium Græcum indoles Gallica ; correxit Athenas Athenæum Lugdunense ; collegit virtutes non errores, & repræsentauit decora gentis non vitia.



## DISSERTATIO DECIMA, ATHENÆVM ROMANVM.



RISTVS. Dixi Athenæum Gallicum, & Græcum, quæris quale fuerit Romanum, & quænam decantata illa ad Aram Lugdunensem præmia, & supplicia.

Ambitiosus sane populus Romanus, qui post vsurpata omnium iura regnorum, adhuc regnandi audius vsurpare voluit imperium scientiarum ; nec dominum se putauit nisi in ingenia dominium haberet, nædum in corpora : propterea ornauit antiquas academias, & addidit nouas : in iis doceri linguam Latinam magnis præmiis voluit, & grauibz pœnis ; vt vbicunq; regnabat lingua Romana, ibi regnaret Roma.

Inuenère Romani Athenæum iam conditum, & forte Lugdunum ; ornarunt inuentum, atque vt eius authores dici possent, nomen Athenæi ad cæteras Academias extenderunt.

Addiderunt Romani Athenæo ædes Augusti, vt esset augustius : extruxerunt templum & aram vt esset sanctius ; instituerunt certamina & ludos, vt esset amœnius : proposuerunt præmia, & pœnas, vt esset illustrius ; eò denique gloriæ euexerunt vt Cæsares ipsi, vincere in iis ludis gloriosum putarent, & vinci inglorium. Iulius Capitolinus in tribus Gordianis, ait seniore Gordianum declamasse in Athenæo audientibus etiam

Imperatoribus suis. De Caligula Suetonius, edidit inquit in Gallia Lugduni miscellos ludos, & cerramen quoque græcæ, latinæque facundiæ; imo ipse Imperator in arenam descendit, & vinci poterat, si sine seceptro venisset.

Quinam autem essent ij ludi miscelli, disputant eruditi: Ego cum eruditissimo Petro de Marca, ludos miscellos ita appellatos sentio, quod varij ludi miscerentur, scilicet ludâ, pugilatus, equorum cursus, musica, & præcipuè certamen græcæ, latinæque linguæ: scilicet Romani vt allicerent iuuentutem ad studia, studium appellabant ludum; vt nemo excluderetur à ludo miscabant omne genus ludorum, & ludos appellabant miscellos.

Audi consilium subtilius, vt fallerent orbem terrarum occupabant ludicris artibus; vt dedocerent Martem docebant Apollinem; vt excluderent Bellonam, proponebant inermem Mineruam; vt emollirent feroces Gallorum animos, temperabant Musis, & corrumpabant deliciis.

Detexit consilium, apud Tacitum Iulius Sacrovir, atque vt artem arte falleret, nobilissimam Galliarum sobolem liberalibus studiis apud He- duos suos operantem ibi detinuit; eoque pignore & Parentes & propinquos adiunxit partibus suis, & Romanis subduxit. Hic igitur finis, hic scopus municipalium scholarum, allicere Gallicam iuuentutem vt alliceretur senectus: erudire Parentes in liberis, & persuadere Cæsarem dum Cicero doceretur: nimirum insinuabat se Roma cum linguâ, & Galli docebantur parère Gallicè, dum ediscebant loqui Latine. O nimis ingeniosi, & parum astuti Galli: cœpistis esse serui, cum voluistis esse Latine eruditi, eratis liberi si nec Gallia Romam didicisset, nec Roma Galliam; nec debuistis intelligere Romanos, nec à Romanis intelligi.

Vt alliceretur iuuentus proponebatur præmium victori, & pœna victo; hæc erat pars altera quæstionis tuæ; concurrebant vndique celeberrimi Oratores, & Poætæ; nec Galli tantum, sed Romani, & Græci; & erat Lugdunum Emporium Europæ; & Athenæum sapientiæ.

Certabatur intercæ scripto & verbo, pallebat vterque dicturus ad Aram Lugdunensem, & victor futurus, & vincendus; dubitabat victor futurus an vincere posset, & vincendus futuri præsagus, antequam vinceretur, penè iam erat victus.

Quænam autem pœna infligeretur victo non satis constat; an victoribus dabatur ius vitæ, & necis in victos? id affirmant aliqui; at hæc pœna crudelis est, & Martem ac Bellonam sapit, non Apollinem, & Mineruam: an circumducebatur victus circa gymnasium tertio circuitu, & inter cundum ac redeundum ferulis ac virgis cædebatur? ita asserunt aliqui, at hæc quoque pœna fontium est, non de doctrinâ certantium; Similiter vero est quod in Caligula habet Suetonius, qui præmia victori.



bus conferebant, eorundem & laudes componere coacti; ij autem qui maxime displicuissent, scripta sua tabulis ceratis, vel corticibus arborum, vel papyro commissa, spongiâ linguâue delere iussi; nisi ferulis obiurgari, aut flumine proximo mergi maluissent; nec mirum si palleret dicturus ad Aram Lugdunensem, quis non palleret ad ferulas, ad aquam, ad linguam, & spongiam?

Hæc pœna victi, at quænam erat corona victoris? an laurus, an gemma, an aurum? at hæc ingenio minora sunt, nec nobilior animi corona esse potest quam gloria; ceteræ res frontem coronant hæc mentem; nec deerat tamen victoribus sua corona, eaque tergemina, prima conferebatur à victis, ait Suetonius, altera ab Agonotheta post sententiam iudicis; tertia fortassis gloriosior, laus erat victoris à victo; nec dubium est quin illa laus vera esset quæ ab æmulo, & penè ab hoste veniebat.

Vt plus dedecoris haberet pœna, & palma plus laudis, putat eruditissimus Petrus de Marca recitationes illas fieri solitas in auditorio suis gradibus, subsellis, Anabathris, & Orchestra instructo intra ædes Augusti; spectare credebatur Augustus ex statua, & sexaginta Gallorum dij ex imaginibus suis obiurgare videbantur victos, & laudare victores.

Mauult Rubysius ex aduersa parte templi Augusti fuisse Athenæum, & inter verumque Pyramidem sexaginta populorum insignibus ornatam, atque in Athenæo fieri solitos conuentus priuatos, in atrio & propatulo publicos, quibus etiam præferebatur in imagine Minerva, ut constat ex inscriptione, LVGDVNENSI MINERVÆ IMAGINIFERO; Illustre sane spectaculum, in quo spectatores sexaginta populi, & populorum dij, Augustus Præses, & Minerva iudex.

Hæc omnia ad confluentem Araris & Rhodani fieri solita probat alatus Suetonij locus: victis, inquit, præmia victoribus conferebant, eorum & laudes componere coacti; ij autem qui maxime displicuissent, scripta sua spongiâ, linguâue delere iussi, nisi ferulis obiurgari, aut flumine proximo mergi maluissent: vides confluentem, dum vides proximum utrumque flumen.

Neque indignum est hoc loco antiquum carmen quod ex Bibliothecâ Francisci Iureti Rubysius profert, & post eum Claudius Robertus in sua Galliâ Christiana, tit. de Archiepiscopis Lugdunensibus.

*Fama refert populum, quod dignis artibus esset,*

*Clarius, & doctis vbrs bene culta viris:*

*Marmore candenti murem posuisse theatrum,*

*Hic ubi se flumen miscet utrumque simul.*

*Palladis ara Deo medio stetit orbe theatri,*


*Mira canam, quamvis Numina posse putes.*



*Palladis intacte Rhetor dicturus ad Aram  
Palluit, & stupido protinus ore fuit.*

*Ipse licet Cicero Dina simulacra petisset,  
Ante Dea scenam corde tremente foret.*

Spectasti ludos Alexi, & penè lufisti; at quænam illa calliditas Romanorum, & Gallorum facilitas? procurat Roma ludos populis quos vicit, & victis illudit: ludunt miseri vt oblectent victores suos, & ludendo probant se victos: pugnant iterum vincendi non à Romanis, sed à seipsis: laudant victores suos lingua Romana, quos accusare oporteret linguâ Gallicâ; probant se eruditos Latinè, & imperitos Gallicè; eduntur interea ludi impensis Romanis de spoliis Gallicis: liberales sunt editores sumptibus nostris, & Roma pauper olim de suo, magnifica est de ære nostro. O calliditatem Romanam, & simplicitatem Gallicam! adeone cæci estis Galli, vt ludentibus Romanis ludus sitis? annum satis est esse captiuos, nisi etiam catenas vestras rideatis? deploranda esset captiuitas vestra non laudanda; bis estis infelices, dum de infelicitate luditis.



## DISSERTATIO VNDECIMA.

### AN LVGDVNVM COLONIA ROMANA.



**Q**UI RIVNDVS à Gallis Proavis, Alexi, adhuc nasci velles à Romanis; scilicet gloriosum putas Romanum sanguinem, & te aut Marcellum, aut Catonem putares si venires ab hoc sanguine: irrifit tamen Aruernos Lucanus eo nomine.

*Aruernique ausi Latios se dicere fratres*

*Sanguine ab Iliaco, populi nimiumque rebelles.*

Appellare debuit fortes qui libertatem suam tuerentur, non rebelles qui excuterent seruitutem. Vide ne in te hic quoque risus cadat: facio te tamen Romanum quia ita vis; atque vt illustrior sit origo tua, erit Romana, & Gallica.

Duplicis generis colonos Roma habuit, vt norauit Asconius, quibusdam vrbibus vel antiquis, vel de nouo conditis dabatur ius Coloniae, nullis cò deductis ciuibus, & tantum deductis legibus; mutabantur leges non homines; exuebantur vrbes antiquis priuilegiis, & donabantur nouis; concedebantur illustres tituli sed vacui: licebat ambire Magistratus Romanos & emere: & fiebat saepe post eupta Romana, vt qui apud suos nobiles erant, Romæ essent ignobiles.

Aliæ Coloniae fiebant deductione Ciuium Romanorum, qui ciuitatem Soli, aut veteribus incolis adiunctis constituebant; hoc genus Colo-

nix nobilius appellat Asconius; atque huiusmodi Coloniam deduxit Plancus, ut constat ex veteri epigraphæ marmoris albo incisa Caietæ in æde Saturni.

*L. Munatius L. F. L. N. L. Pron. Plancus Cos.*

*Ex Rhetis, ædem Saturni fecit de manubiis*

*Cos. Imp. Iter. VII. Epul. Triumph.*

*Agros diuisit in Italia Beneuenti, in Galliam*

*Colonias deduxit Lugdunum, & Rauricam.*

Idest Lucius Munatius Lucij Filius, Lucij Nepos, Lucij Pronepos, Plancus Consul, ex Rhetis ædem Saturni fecit de manubiis, Consul Imperator, iterum septemvir, Epulo Triumphator, agros diuisit in Italia Beneuenti, in Galliam Colonias deduxit Lugdunum & Rauricam.

Vides nomen Colonix & Lugduni in sculptum marmoris ne de re dubites: neque dicas lapidem loqui, veriùs loquuntur lapides quam lingua; nescit mentiri natura dum pura est, qualis in lapide.

Accipe tamen testimonium viri Consularis, cui de Senatu & actis Consularibus mentiri non licuit. Is est Dio clarissimus historicus lib. 46. Senatus inquit iussit illis, idest Lepido & Planco, ut iis qui quondam Viennâ Prouinciæ Narbonensis oppido ab Allobrogibus erant expulsi, & intra fluuios Rhodanum & Ararin ad eorum confluents confederant, urbem conderent; atque ita illi subsistentes, Lugdunum quod olim Lugdunum vocatum fuit ædificarent.

Vides, Ariste, decretum Senatus quod Plancus executus est Lepido in Italiam reuerso: vides conditum à Planco Lugdunum, & factum Romanorum Coloniam; vides ante Lugdunum fuisse olim Lugdunum: igitur Plancus magis est reparator Lugduni quam author.

Deductam autem fuisse Coloniam Ciuium Romanorum, nec tantum legum colligere licet ex Strabone l. 4. extremo, vbi ait idcirco Lugdunum à Romanis conditum, ut esset propugnaculum duobus fluuiis quasi valis munitum, aduersus labilem & fluxam, & nondum satis firmatam Gallorum fidem: ex eo testimonio sic arguere licet, timebatur labilis & fluxa, & nondum satis firmata Gallorum fides; igitur noua Colonia solis ciuibus Gallis credenda non erat; igitur admixti sunt Gallis indigenis Coloni Romani. Illud etiam obiter obserua, si Lugdunum duobus fluuiis quasi muris inclusum est; igitur non in monte tantum sed in plano conditum est.

Inuenit Lugdunum Coloniam Romanam Claudius Imperator, & nouis ciuibus Romanis additis bis Romanam fecit: probat hanc mixturam ciuium cognomen Claudiæ ciuitatis quod designatur his literis.

C. C. C. Aug. Lug. idest ut legunt Scaliger, & Lipsius Colonia Copia, Claudia, Augusta Lugdunensium: male autem Paradinus & Rubysius de trecentis

trecentis Auguribus interpretantur; nec bene alij de trecentis Augustalibus, sic Ciuitas Agrippinensium his literis designata est. C. C. Aug. Agripp. idest Ciuitas Claudia, Augusta Agrippinensium. Sic vrbs Hadrumetina donata iure Colonia à Traiano ob sedatas oppidanorum seditiones dicta est Concordia, his literis. C. C. VLP. TRAI. AVG. FRVG. HADRV. idest Colonia Concordia Vlpia, Traiana, Augusta, Frugifera, Hadrumetina. Redeo ad Lugdunum, fecerat Plancus Coloniam copiosam, fecit Claudius copiam.

Claudio Epistolam admiratione Romana: Qualis Ciuitas Roma! quæ omnes Prouincias impleuit Romanis ciuibus! instar miraculi est victum orbem terrarum à Romanis militibus, maius miraculum est impletum Romanis ciuibus: impleuit vrbs vna omnes vrbes, nulla penè ciuitas est vbi non sint Romani ciues, nulla Prouincia vbi non sit Roma.

## DISSERTATIO DVODECIMA, AN LVGDVNVM COLONIA VIENNENSIVM.



MA s nobilitatem, Ariste, & Gallus & Romanus, adhuc Viennensis esse velles: oriundus ex duabus gentibus optas tertiam, & quartam optares & decimam si liceret. Hanc ego nobilitatem assero tibi, & te trilinguem hac Epistola facio, & trigentilem.

Cur Gallis & Romanis Colonis Viennenses Lugduni Roma miscuerit duplex ferè ratio Senatui & Planco fuit. Necessaria erat rebus Romanis noua Colonia, quæ vt aiebat Strabo debilem adhuc Gallorum fidem firmaret; & Lugdunum orbis terrarum emporium faceret: nec tamen Lugdunum solis Romanis ciuibus impleri oportebat: nec Roma tot incolas sufficere poterat, quæ post victum orbem terrarum vicerat seipsam, & mediâ sui parte decreuerat.

Julius Cæsar trecenta & viginti hominum millia variis bellis consumpserat; Pompeius non minorem hominum numerum in varia præsidia per orbem sparserat, bellum ciuile Prouincias partitum penè orbem & vrbes exhauserat: in ea ciuium penuriâ Augustus viginti & octo Colonias exterarum gentium in Italiam deduxerat; serui & liberti in supplementum Senatus admissi erant: Ex quibus omnibus sic arguere licet; eo tempore Roma ciues Romanos in exteras Prouincias non deduxit magno numero, quo tempore ex Prouinciis externis Colonias & ciues deducebat: tunc se non exhauserat cum erat egena, tunc se in orbem non effudit cum ad se orbem euocabat: neque tunc Plancus ex solis militibus

Romanis quos apud se habebat ciues fecit, cum ex ciuibus externis milites faciebat: nec rediit in urbem triumphaturus sine milite, qui per milites triumphabat. Igitur Plancus ex solis militibus Romanis Coloniā non deduxit: nec solis Gallis credenda erat Colonia quæ contra Gallos exurgebat: igitur admiscendi fuere Viennenses, Galli quidem origine, sed quos Roma ex exilibus liberos fecerat, ut faceret subditos.

Alteram rationem affert Dio l. 46. Senatus iussit illis Lepido scilicet & Planco, ut iis qui quondam Viennā Prouinciæ Narbonensis oppido ab Allobrogibus expulsi erant, & intra fluuios Ararim & Rhodanum confederant, urbem conderent; atque ita subsistentes Lugdunum extruxerunt: nec tantum eruditus historicus factum recitat, sed addit facti consilium: timebat inquit Roma Allobrogum fidem; & nisi occurreret praeuidebat ambitionem: neque tamen tunc temporis audebat eos aggredi, quos aggressores metuebat: igitur armauit in Allobroges Viennenses Patriā electos; atque ut illos ad vindictam fortes efficeret, fecit Lugdunenses.

Quæ autem de causa Viennenses à sedibus patriis ab Allobrogibus expulsi fuerint amplè narrant historici: Ego de Lugduno & Viennā quærere malo, vtra vrbs plus debeat alteri, vtra plus acceperit, vtra plus donarit: nec facile tamen eius rei iudicium est; fecerunt Viennenses Lugdunum ciuitatem, fecit Lugdunum Viennenses ciues: debet illis Lugdunum Coloniā, debent illi Lugduno se columnos: alterna sunt nomina, & mutua beneficia; vtraque vrbs sibi inuicem mater & proles est: maius aliquid dico, & concludo, amant se inuicem duæ primariæ vrbes, & nisi essent duæ Prouinciæ vna vrbs essent.

## DISSERTATIO XIII.

AN LVGDVNVM COLONIA GRÆCORVM.



Uæ illa Græcorum vanitas particulam esse mundi, & velle mundum esse particulam sui! velle nobilissimas quasque Gentes oriundas esse à Græcis, & Græcos aborigines esse, & oriundos à seipsis: At quæ etiam stoliditas quorundam populorum, nasci malle ex alienigenis, quam ex Gentilibus suis, ex Hercule Græco quam ex Gallico, ex fabulosis cunis quam ex veris? Quod admirationem habet, fauent huic opinioni magni viri, nisi eos velis fabulas referre, non credere.

D. Hieronymus, qualis & quantus author! apud Sallianum ad annum mundi 1931. Legamus inquit Varronis de antiquitate libros, &

Cinnij Capitonis, & Græcum Phlegonta, cæterosque eruditissimos viros, & videbimus penè omnes insulas, & totius orbis littora, terræque mari vicinas græcis accolis occupatas, qui ab Amano & Tauro montibus omnia loca vsque ad Oceanum possedére Britannicum.

Hæc Hieronymus atque ex eo Genebrardus ad annum mundi 1109. Galli inquit vsque ad Cyrum cum tota Europâ plane bardi fuerunt atque *diuani*, donec Phocenses Græci Asiatici dominatum Cyri fugientes, Gallicum littus occuparunt, Massiliamque condiderunt, & per Bardos & Euages, & Tectolages docuère studia literarum.

Distinctius Seneca in consolatione ad Heluiam, Phocenses inquit è Græcia oriundi, & Asiæ minoris incolæ, Phocæa vrbe Ioniz primaria ab Harpago Cyri Præfecto pulsæ, prius in Corsica insulâ infedère, ex quâ quid eos fugauerit, an cœli grauitas, an conspectus præpotentis Italiæ, an natura maris importuosi non satis certum est: inde maris littora legentes in Prouinciâ quæ ab ipsis dicta est Phocensis, in ora portuosa Massiliam condidère: Neque ita multo post aduerso Rhodano ad regionem Lugdunensium delati, & opportunitate loci allekti, intra duos fluuios Ararin & Rhodanum, Lugdunum extruxère: atque vt Massiliam disciplinis Græcorum ornatam Athenopolin vocarunt, ita & Lugdunum Athenopolin, & Academiam ibi institutam Athenæum appellarunt.

Ita magni Authores ex alieno magis sensu quam ex suo, at ego historias malo quam fabulas: Vis Alexi vt expendam quam hæc Phocensium fortuna sit dubia, & quam incertus ab iis Parentibus Massiliæ, & Lugduni ortus: Ac primò quidem pugna est annorum & temporum in hoc Massiliæ ortu: Eusebius in Chron. & Solin. Polyhist. c. 8. & post eos Gordonus putant Massiliam conditam an. 1. Olymp. 45. anno vrbis conditæ 155. At Herodotus lib. 1. Geneb. Sallianus, Pætavius conditam in alium Olympiade 59. an. vrbis conditæ 274. illi tamen omnes à Phocensibus profugis conditam volunt.

Amabo, Alexi, quomodo potuit nasci Massilia Olympiade 59. si iam nata erat Olymp. 45. quomodo anno vrbis conditæ 174. sub Tarquinio superbo, si natæ erat sub Tarquinio Prisco? an bis fundari potuit, & bis nasci? an senior esse seipsa, & iunior? an prior esse sexaginta annis, & seipsa posterior? Crede mihi Alexi, nemo bis nascitur, quia nemo bis moritur.

Placet vrgere rem acrius, quomodo potuit condi Massilia à Phocæis profugis si nondum fugerant? quomodo fugati sunt ab Harpago Præfecto ex imperio Cyri post victum Cræsum, si neque Harpagus qui fugaret, nec Cyrus qui imperaret, nec Cræsus qui vinceretur adhuc Rex erat? At Olympiade 45. nondum Cræsus & Cyrus homines erant, nec prius Reges esse potuerunt, quam homines.



Nec annorum tantum pugna est, sed fundatorum: Aristot. lib. de Rep. Massiliensium, apud Athenæum lib. 15. ait Phocenses non vagos aut profugos, non milites sed mercatores Massiliam condidisse: Quæso Alexi, vtros Parentes malles, an liberos, an exules? an mercatores, an milites? viderit Massilia vtros velit, ego partem miseræ puto nasci ex miseris.

Nec fundatores tantum inter se, sed Massilia pugnat cum seipsa; Strabo author eruditus l. 6. ait Phocenses expugnatos ab Harpago prohibitos fuisse aditu vrbis Massiliæ: erat igitur tunc temporis condita Massilia, neque enim pugnare potuit nisi esset, nec prohibere hostem aditu nisi armata, nec potuit armata esse nondum nata.

Fauet Herodotus dum ait Phocenses ab Harpago ciectos insulam Corsicam non esse prætergressos, sed ibi urbem Alaliam incoluisse, à Phocensibus aliis ante annos plures iam extructam.

Vis, Alexi vt refellam has fabulas alia fabula? eruditus Raymundus Solerius c. 9. de antiquit. Massil. & Champerius aiunt occiso Minoë Cretensium Rege Athenienses & Cretenses venisse Massiliam, & inde aduerso Rhodano ad insulam Gallicanam peruenisse, atque illic Academiam & nobilem urbem condidisse.

Ridebis vt puto has fabulas dum eas leges, addo Historiam, sed quam etiam appellarem fabulam nisi eam historicus scripisset: Iustinus lib. 44. Temporibus inquit Tarquini Regis, Phocensium iuuentus ex Asia ostio Tyberis aduecta amicitiam cum Romanis iunxit; inde in vltimos Galliarum sinus vltra ligures profecta, Massiliam hac conditione condidit; Rex Segoregiorum Senanus nomine, conuiuium appararat, vt in eo generum sibi, & filiarum suarum maritum inter epulas more gentis eligeret: ad hoc conuiuium inuitati principes finitimi, & cum ipsis furius, & Peranus Phocæ classis Ductores; introducta deinde virgo cum iuberetur à Patre aquam ei porrigere quem elegisset in sponsum; illa omisis cæteris aquam Perano porrigit, qui factus ex hospite gener, locum condendæ vrbis à socero accepit, & sic Massilia condita est propè ostia Rhodani amnis in remoto sinu, ac velut in angulo maris.

Vides, Alexi quam incertum sit an Massilia à Phocensibus fuerit condita; nec minus dubium est an Lugdunum sit Græcorum Colonia; scilicet prius Massiliam venêre Phocenses, quam Lugdunum, & si hic aduentus fabula est, prius mentita est alibi, quam Lugduni.

At quæris quid ego de re tota sentiam; Ego inter tot nebulas videor mihi videor aliquid lucis: hospites sunt Massiliæ, & Lugduni Phocenses non conditores; vtræque vrbis auida bonarum literarum non minus quam mercium euocauit ad se doctores Græcos vel conduxit; venêre illi Massiliam, deinde Lugdunum; inuenêre vtramque urbem iam

conditam, non condiderunt; addidère se doctoribus Gallis Magistri Græci; miscuere vtrique artes suas, temperavit se vtraque sapientia, atque ita in vnam gentem vtraque gens coaluit, vt vel Græcia in Galliam, vel Gallia in Græciam migrasse videretur; at quæ fuit semper Gallorum vrbinitas, & Græcorum vanitas; imposuere Græci Massiliæ nomen Athenopolis, & Lugduni Athenæi; admisère Græcos Galli; nec tamen Authores sunt Græci sapientiæ Gallicæ sed collegæ; auxère Academiam Lugdunensem, non instituère, & prius Massilia & Lugdunum Gallicè sapuerunt quam Græcè. Coloni sunt igitur Lugduni Græci, si ita appellare velis, sed hospites primùm Lugduni, deinde conciuēs.

## DISSERTATIO XIV.

RELIGIO GALLORVM. ET LVGDVNENSIVM  
ANTE PLANCVM.



**N**SITVS est omnibus hominibus à natura Dei sensus & cultus; atque hunc sensum Religionem appellamus: nemo intelligens quid sit Deus negare potest esse Deum: nemo aliquem Deum non colit, si aliquem credit: errauerunt Maiores nostri in Diis non in Deo; coluerunt plures, & vnus erat colendus; excessus superstitionis fuit non defectus; imo & defectus fuit; Deus si non est vnus non est Deus: nec tamen accuso omnes Maiores nostros; illustre est quod ait sanctus Martialis Lemouicensium Episcopus, Epistola ad Burdigalenses, Gallos habuisse altare dicatum ignoto Deo; imo & Virgini parituræ, vt narrat Cassianus p. 12. Catal. gl. mundi; Illustris fides Maiorum nostrorum, ignotus Deus, & cognitus; illustris pietas erga Deiparam, colebatur Virgo antequam esset, nec dubium quin crederetur Mater Dei, quæ Virgo simul credebatur & Mater futura; scilicet

*Si nasci Numen, nasci de Virgine debet,*

*Et Virgo hoc partu debuit esse parens.*

Corrupère hanc fidem mali mores, & paulatim vitia in Deos transière; induxit Venerem impuritas, Mercurium auaritia, Martem ferocia, Iouem ambitio, Mineruam curiositas: Amata sunt scelera, deinde consecrata; postremo ne scelera arguerentur à Diis, dii ipsi crediti sunt fuisse scelerati.

Minus tamen supersticiosi erant Galli antequam permiscerentur Græcis, inducere Græci fabulas in Galliam, & Deos ipsos fecère fabulosos; quas tamen fabulas induxerint, & quas inuenerint non satis constat; ad-

dita sunt mendacia mendaciiis, & homines & Dij ipsi mendaces erant.

Præstat audire Iulium Cæsarem l. 6. Nemo melius Gallos nouit, quam qui toro decennio expugnauit Gallos, & Gallorum Deos. Natio inquit omnium Gallorum admodum dedita est Religionibus, atque ob eam causam qui sunt affecti grauioribus morbis, quique in præliis, periculisque versantur, aut pro victimis homines immolant, aut se immolatuos uouent, ministrisque ad ea sacrificia Druidibus vruntur; quod pro vita hominis, nisi vira hominis reddatur, non posse Deorum immortalium Numen placari arbitrantur, publicæque eiusdem generis habent instituta sacrificia; alij immani magnitudine simulacra habent, quorum contexta viminibus membra viuus hominibus complent, quibus succensis circumuenti flamma exanimantur homines; supplicia eorum qui in furto, aut latrocinio, aut aliqua rixa sunt comprehensi gratiora Diis immortalibus esse arbitrantur: sed cum eius generis copia deficit, etiam ad innocentium supplicia descendunt.

Deum maxime Mercurium colunt, huius sunt plurima simulacra; hunc omnium inuentorem arrium, hunc viarum atque irinerum ducem, hunc ad quæstus pecuniæ, mercaturasque habere vim maximam arbitrantur: Post hunc Apollinem, & Martem, & Iouem, & Mineruam, de his eandem ferè quam aliæ Gentes habent opinionem; Apollinem morbos depellere, Mineruam operum atque artificiorum initia tradere, Iouem imperium cœlestium tenere, Martem bella gerere; huic cum prælio dimicare constituerunt, ea quæ de bello ceperunt plerumque deuouent, quæ superauerunt animalia capta immolant, reliquasque res in vnum locum conferunt; multis in ciuitatibus harum rerum extructos cumulos locis consecratis conspici licet; neque sæpè accidit vt neglecta quispiam religione aut capta apud se oculare, aut posita tollere audeat; grauissimumque ei supplicium constitutum est: Galli se omnes à Dite Patre pugnatos prædicant, atque à Druidibus proditum dicunt; ob eam causam spatia omnitemporis, non numero dierum sed noctium finiunt, & dies natales, & mensium, & annorum initia sic obseruant, vt noctem dies subsequatur.

Ita magnus Author, nec dissentiunt Galli historici; Aymoinus lib. 1. Hist. Franc. c. 7. Galli, inquit, Samorheis, & Druidibus Ministris sacrorum colebant Teutalem, Turanim, & Ognium; at hæc Numina sunt diuinitates ipsæ iam dictæ, Teurales Mercurius, Hesus Apollo, Iupiter Turanis, Ognius Mars, aut Hercules Gallicus.

Nulla est Religio quæ sacrificia non habuerit, & falsa Religio vera habere non potuit. Audi, Alexi, sacrificia Maiorum tuorum. Diodorus Siculus lib. 6. Cum enim magnis de rebus consulunt mirabilem, incredibilemque seruant consuetudinem, iugulant ense hominem,

quo decidente tum ex casu, tum ex membrorum laceratione, tum ex sanguinis fluxu, ex quadam obseruatione diuinant futura.

Horribilius est quod habet Strabo lib. 4. Hominein, inquit, diuinationi destinatum in tergo ferientes, ex ipso impatientia, afflictaque modo vaticinia capiunt, alia quoque humanorum sacrificiorum genera traduntur: quosdam sagittis configebant, & intra sacras aedes patibulo affigebant: magnam etiam ex fœno statuas apparantes, eique linum innectentes pecora, & varias belluas, atque homines holocaustum faciebant. Hoc penè ipsum dixerat Cæsar l. 6. & nos supra ex Cæsare diximus; augebat horrorem locus, principio Druydes & Samothei in syluis, & nemoribus sacrificia peragebant, vt solas arbores & rupes crudelitatis suæ testes haberent; at quis iste hominum furor, quis horror? iugulabantur homines instat ferarum, & qui iugulabant feris peiores erant.

Post hæc præludia crudelitatis, ex syluis & saltibus in vrbes, & gymnasia, cruenta sacrificia transiêre; inter carmina & cantus, & laudes immolabantur homines in hominum voluptatem; quodque insanix proximum est inter ignes, & flammæ, & cultros victimæ ipsæ fata sua canebant; scilicet leniebant horrorem mortis elogia morientis; dicebantur transire in Deos qui immolabantur diis; promittebatur immortalitas vt mori vellent, & victimæ iis olim immolandæ, vt ipsi victimæ essent. O insaniam canentium inter vulnera! ô crudelitatem sæuientium inter lætities!

Nec plura de rebustam horrendis, claudô Epistolam, & penè illacrymor; miseret me Ariste, maiorum nostrorum, qui sic errant in diis & sacrificiis: quale Numen Mercurius furum patronus, vt furari liceret impune sub Deo fure? qualis Deus Apollo armatus sagittis vt vulneret amores suos? quale Numen Iupiter qui patrem Saturnum cælo extruxit filius & tyrannus? qualis Deus Mars qui inter ipsos etiam planetas sanguine rubet & furor? qualis Dea Minerva quæ cerebrum Iouis diuisit & rupit? at quæ sacrificia iugulare homines vt diis placeas? peccare ne pecces, vel vt pecces: offerre homicidia & Deos ipsos facere homicidas. Non est hæc pietas homicidam esse vt sis Pius.

Nihil dixi de antiqua Lugdunensium religione, & omnia dixi; erant ante Plancum Lugdunenses, aut saltem Druydes, erat trans Rhodanum Druydum vicus, & intra Rhodanum & Ararim Druydum locus; confluabant ad fluuiorum confluxum vicini populi sacra facturi, nec deerant sacrificia vbi erant sacrificuli, nec victimæ vbi erant. Prouinciarum opes.

Quænam autem fuerit Lugdunensium Religio post Plancum iam dixi superiori Epistola, cum de Athenæo, & Augusti templo.

## DISSERTATIO XV.

## DIGNITATES VETERVM LVGDVNENSIVM.



**T**RIA ex me quæris, Ariste, quos honores gesserint Lugdunenses ante Plancum, quas dignitates post Plancum intra Romam, & quas intra Patriam: Ac primum quidem nullo honores gesserunt ante Plancum, si ante Plancum nondum erant: at si reparauit Lugdunum Plancus non fundauit, participarunt honores Gallicanos Lugdunenses qui nobilis Galliarum pars erant: nec dubium est quin dignitates suas habuerit Gallia nondum Romana; scilicet nulla Gens est aded̄ barbara quæ Magistratus suos non habeat, siue illos natura emittat in lucem adhuc infantes, & iam Reges; siue illis libertas hominum eligat, atque illis sponte se subdat; siue Author & Rex hominum Deus illos Vice-Reges sibi substituatur, & penè Vice-Deos.

Quas autem dignitates, sacras, politicas, militares habuerint veteres Galli, Strabo & Plinius, atque ex illis Paradinus, & Rubysius enumerant: at nemo eas dignitates verius descripsit, quam Iulius Cæsar qui illas vidit, & vicit: Placet illum ex scribere, sic loquitur l. 6.

In omni Gallia eorum hominum qui in aliquo sunt numero & honore, duo genera sunt; nam plebs penè seruatorum habetur loco, quæ per se nihil audet, & nulli adhibetur consilio; alterum genus est Druidum, alterum Equitum; illi rebus diuinis intersunt, sacrificia publica ac priuata procurant, religiones interpretantur: Ad hos magnus adolescentium numerus disciplinæ causa concurrit, magnoque ij sunt apud eos honore: nam ferè de omnibus controuersis publicis, priuatisque constituunt, si quis autem priuatus, aut populus eorum decreto non stetit, sacrificiis interdicit, quæ pœna apud eos est grauissima.

His omnibus Druidibus præest vnus qui summam inter eos auctoritatem habet, hoc mortuo si quis ex reliquis excellit dignitate, succedit; at si sunt plures pares suffragio, nonnunquam etiam de principatu armis contendunt; ij certo anni tempore in finibus Cornutum, quæ regio totius Galliæ media habetur confidunt, in loco consecrato, eorumque iudicii decretisque omnes parent: Quod de Cornutensibus dixit Cæsar, de Lugdunensibus dicere poterat, si Lugdunenses vicisset, qui vicit Cornutes.

Alterum genus est Equitum, ij cum est vsus atque aliquod bellum incidit, quod ante Cæsaris aduentum ferè quot annis accidere solebat, ut aut ipsi iniurias inferrent, aut propulsarent, omnes in bello versantur; atque



arque vt eorum quisque est genere, copiisque amplissimus, ita plurimos circa se Ambactos, clientisque habet.

Vrbes primariæ sui iuris erant, nullius addictæ imperio, quæ populi & totius Gentis nomine vocabantur: plurimos habebant Regulos, quorum clientes Ambacti dicebantur; solebant quoties de totius Gentis commodis agebatur conuentus indicere, quorum tres ordines erant, primus eorum qui sacra tractabant, Druydæ; secundus nobilium ac principum Ciuitatis, tertius populi, supra omnes Regulus erat.

Ita Cæsar, qui vnum omisisse videtur quod scribit Plutarchus opusculo de illustribus mulieribus, scilicet illustres fœminas apud Gallos ius habuisse suffragij in conuentibus publicis, quod enim viros factionibus diuisos conciliaissent, statutum esse vt sine mulieribus nihil constitueretur.

Ab iis forte temporibus manauit illa consuetudo de qua Carolus Loyseau l. de princip. c. 5. n. 43. vt olim apud Francos viduæ Parium Franciæ, atque illarum hæredes virgines in comitiis, & conuentibus regni solemnioribus federent, atque inter Pares sententiam dicerent; nec in ciuilibus tantum, sed etiam in capitalibus, in foro, atque Senatu iudicium ferrent.

Vides, Ariste, quos honores gesserint Lugdunenses ante Plancum, expectas vt dicam quos gesserint post Plancum intra Romam, & quos intra Patriam.

Ambitiosa fanè respublica Romana quæ Colonias Romanas vbique terrarum instituebat, vt vbique terrarum esset Roma; erant inquit Onuphrius Coloniae effigies quædam, & simulacra Reipublicæ Romanæ; spectabatur Roma in imaginibus suis, & erant Romæ multæ extra Romam; neque ibi stetit ambitio Romæ sed admittebat ad Consulatum, & cæteras dignitates externos homines; euocabat ad se clarissimas vrbes, & faciebat orbem terrarum partem Romæ.

Fuit igitur Lugdunum intra Romam, si habuit ius adipiscendi honores Romanos; si Lugdunenses intra Romam fuere Consules, si Patritij, si Præfecti Prætorio, si Præfecti vrbis, si Magistri officiorum, si Senatores, si Prætores, si Quæstores, &c. at gessisse illos honores affirmant nobiles historici, Parad. l. 1. c. 11. & si homines tacèrent, affirmarent hanc veritatem æra & marmora.

Extant hodieque Lugduni in domo ciuica tabulæ duæ æræ, quarum altera ostendit ab ipsis Romæ initiis externos homines ad Consulatum, cæterasque dignitates admissos fuisse: altera de Gallis id ipsum asserit: ex ea tabula sic argumentari licet, Ædui, Narbonenses, Viennenses intra Romam gessere honores, igitur & Lugdunenses: si id negas audi Imperatorem ex ære loquentem; quando inquit, ex Lugduno Senatores habere non pœnitet: erat aliquibus Gallis concessum hoc priuilegium,

quod Claudius omnibus Gallis, & Lugdunensibus maximè concessum volebat: scilicet amabat Lugdunum, præ cæteris urbibus; Parens eius Drusus vicerat Germaniam adiuuante Lugduno, ipse Lugduni natus appellare se poterat Lugdunensem, & Lugdunenses appellare poterant Claudium popularem suum. Neque dicas in ea tabula solos nominari Senatores; publicum est hoc nomen & quod cæteras dignitates complectitur, eligebantur ex Senatoribus cæteri Magistratus, omnes Consules Senatores erant; non tamen omnes Senatores Consules.

Vidisti Lugdunum intra Romam, vide Romam intra Lugdunum. Fuit hæc altera industria Romanæ Reipublicæ communicare deuietis populis Romanos honores ut communicarent mores; mittebat aliquando Romanos homines qui in Prouinciis Magistratus gererent; aliquando ex populis ipsis assumebantur primarij viri ad dignitates; sæpè utrique miscebantur, ut misceretur Roma & Gallia, sic tamen utraque miscebat ut semper imperaret Roma.

Fuit igitur Lugduni ordo sexaginta Senatorum; erant ij Principes Ciuitatis, & quasi hominum flores & gemmæ; faciebat illustres nobilitas aliena & propria; addebat authoritatem ætas, ornabat illam virtus & scientia; erat hic ordo Seminarium cæterarum dignitatum: assumebantur ex hoc Collegio Consules, Præfecti, & Prætores, neque alio suffragio opus erat ut eligi possent, quibus iam suffragium dederat ordo Senatoris.

Fuisse hunc ordinem Lugduni probant lapides hoc nomine insigniti, ex multis quos collegit vir Illustrissimus Claudius Bellicuræus Proto-præses Gratianopolitanus, atque ex eo Paradinus in fine historiæ paucos profero.

*D. M.*

*M. OPPI Placidi*

*Har. Prim. de LX.*

*Cui locum sepulcrum.*

*Ordo Sanctissim. Lug. dedit.*

Extat hæc inscriptio intra Claustrium S. Iusti Lugdunensis.

Altera inscriptio sic habet.

*D. M.*

*Rusp. Atrophili*

*Rusp. Senator.*

*Colliberto de se*

*Bene merenti*

*In suo posuit,*

*Et sub ascia*

*Dedicauit.*

Tertia hodieque visitur in pariete ædis S. Petri Lugdunensis.

*Q. Iulio Severino  
Sequano omnibus  
Honoribus inter suos  
Functo, Patrono  
Splendidissimi Corporis  
N. Rhodanicorum, &  
Arar. cui ob Innoc.  
Morum Ordo Civitatis  
Sue bis statuas decrevit  
Inquisitori Galliarum  
Tres Prouincia Gall.*

Erat Lugduni Rector Prouinciæ, seu Prætor & Iudex, atque hic à Præfecto Prætorij, & Galliarum erat longe diuersus. De utroque Præfecto nobilem controuersiam proximè sequenti epistola examinabimus. Erant Lugduni Duumviri sicut in aliis Coloniis; quis autem esset hic Magistratus disputant aliqui: id certum videtur fuisse plerisque in locis summum honoris gradum, & Consulari ac Prætorio penè æqualem; ad Duumviros pertinebat reorum comprehensio, modica coërcitio, & custodiarum interrogatio; animaduersio vero vltima ad Præsidentem seu Prætorem spectabat: inter inscriptiones Lugdunenses hanc profert Paradinus pag. 421.

*Sextus Ligurius Sex. Fil.  
Galeria Marinus  
Summus Curator C. R.  
Prouinc. Lug. Q̄ratis  
Ornamentis suffrag.  
Sancti Ordinis Honoratus  
II Vir designatus  
Ex postul. Populi ob honorem  
Perpetui Pontif. dat.  
Cuius doni dedicatione  
Curionib. X. Ordini Equestri  
IIII Viris Aug. negotiatoribus  
Vinariis XIII. & omnib. corporib.  
Lug. licitè cocuntibus XII.  
Item ludos Circenses dedit L. DDD.*

Erant Lugduni Decuriones militares, Præfecti cohortium, Tribuni legionum, &c. atque ij partim Romani, partim Lugdunenses erant; utri fortiores essent non est facile dicere: vincebant forsitan Romani industria, at Galli audacia.

Erant præterea Lugduni Quæstores, atque ex iis aliqui militares

erant, qui cum Consulibus, & Prætoribus mittebantur ad bellum, ut rem pecuniariam administrarent, & prædam ac manubias in rationes publicas referrent: alij erant Quæstores urbani qui pecunias acceptas, & expensas ad numerum & calculum vocabant; hos Budæus esse nunc putat Præfectos rationum: alij denique erant Tribuni Aëriarij qui pecunias ex ærario promebant, iis omnibus dari poterat illud Theodorici Regis sapiens monitum apud Cassiodorum: videte quæ manu tractare debeatis sanguinem publicum; seruate decolores manus inter aurum, nec vos pretiosa materies inficiat, nec forma rutilans fallat.

Erant Lugduni plures aliæ dignitates, atque inter eas Augures, & Haruspices, sacræ dignitates ut putabant, at superstitionæ verius, & planè ridiculæ; inueniêre Romani eos Magistratus Gallicos, & fecêre Romanos: Gallorum portio ait Iustinus lib. 24. ducibus auibus, nam Galli præter cæteras augurandi studio valent, per Illyricos sinus penetrauit, & in Pannonia consedit; & ne abeamus à Lugdunensibus, Momorus, & Atepomarus Coruorum augurio Lugdunum condidêre, arque ab eo appellauêre Lugdunum Authore Plutarcho libello de fluuiis & montibus: auctum à Romanis eum numerum probat inscriptio quæ legitur in vestibulo S. Ioannis Lugd.

*Iulius Primitius Decurio trecent. Augg. Lugdun.*

Igitur erant Lugduni Augures, & ne vnus tantum falleret, recenti erant.

Claudio Epistolam & rideo Augurum, & Haruspicum responsa, non metuo: Egregios vero Magistratus sed auium & pecudum non hominum: Quæso, Aristæ, quid in hac scientiâ non leue, & quod pecudem sapiat magis quam hominem? scilicet homines eruditi diuinant res futuras & ignorant præteritas; enuntiant aliorum fata, & nesciunt sua; faciunt alios fortunatos & se miseros: O homines malè sanos! quid libertati humanæ cum volatu, & garritu, & pastu auium? vnde auis id nouit quod nunquam didicit? aut quomodo id enuntiat quod ignorat? canit auis sibi non aliis; volant in hanc partem dictante intuitu priuato non diuino; tripudiat post escam ut significet voluptatem suam non publicâ.

Nec diuiniore sunt haruspices quam Augures, nec doctiora exta bouum quam rostra volucrum: O socordiam hominum! scrutari sortem humanam intra quem, & rimari fata intra pecudem, quid relinquitis humanæ sapientiæ, si aues sunt hominum Magistræ, & pecudes doctiores quam homines.

Addo alteram querelam, seram illam quidem sed veram, heu veteres Galli, & Lugdunenses miseros, dum se credebant fortunatos! ornabantur honoribus Romanis ut splendide seruirent; eligebantur in Consules, ut consularent Romæ non patriæ; creabantur Prætores ut ius dicerent Gallis pro Romanis; erant Quæstores ut facerent pauperem Galliam, & diuitem Romam; fiebant Tribuni militares ut armarent Galliam in scip-



sam, sic emebatur libertas Gallica honoribus Romanis, sic erant Lugdunenses domini apud suos, & serui apud Romanos erat; hæc ambitio Romana non libertas Gallica.

## DISSERTATIO XVI. AN PRAEFECTVS GALLIARVM SEDERET LVGDVNI.



**A**LEXIS, Nobilis controuersia, & te digna, Ariste, vbinam esset sedes Praefecti Galliarum: an Treuiris, an Arclate, an Lugduni: de ea sede adeò acriter disputant tres vrbes, vt Praefectus penè omni sede careat, dum tres sedes occupare non potest: Amabo, Ariste, profer singularum vrbium rationes, forte erunt omnes victrices, dum nulla vinci volet.

**ARISTE.** Sedisse Treuiris multa persuadent, ac primùm Authoritas illustrium virorum; Scipio Duplex in observationibus rerum Gallicarum l. 1. c. 8. & l. 8. c. 1. Guth. de officiis domus Augustæ cap. 16. Iulius Bülengerus l. 3. de Imper. c. 4. id affirmant, & ne nudam authoritatem putres, adduco rationes.

Perinde est esse sedem Praefecti Prætorio, & esse Metropolim; vbi enim sedere oportuit supremum Magistratum nisi in suprema vrbe? at Theodoretus l. 1. hist. c. 15. vocat Paulinum Treuirensē, Metropolis Galliarum Episcopum; fauet maiestas vrbis. Saluianus l. 3. & 6. de prouidentia, vocat urbem summam Gallorum, opulentissimam, & excellentissimam; Aufonius inter augustas ciuitates enumerat; & vocatur Augusta Treuitorum; Bereng. appellat Romam secundam; Amnianus l. 15. vocat domicilium principum clarum.

Ex iis elogiis sic arguere licet; ibi erat domicilium Praefecti Galliarum, vbi erat palatium Principis, at illud erat Treuiris? ibi Maximum Tyrannum Sanctus Martinus inuenit, vt habetur in eius vitâ, ibidem Sanctus Ambrosius Legatus eundem adiuit; ibi Maximus stabilire regnum poterat, nisi imperium ambiuisset.

Afferro aliquid fortius, ibi erat sedes Praefecti Prætorio vbi Prætorium erat, at fuisse Treuiris audi ex Seucro l. 2. sacrae hist. n. 76. Maximus Praefecto Euodio? viro acri & seucro iudicium Priscilliani permittit, qui Priscillianum gemino iudicio auditum conuictumque redegit in custodiam, donec ad Principem referret; gestis ad palatium delatis censuit Imperator Priscillianum, sociosque eius capitis damnari oportere: hæc in palatio gesta sunt ex Seucro, igitur ibi Imperator, ibi Prætorium, ibi Praefectus Prætorio Euodius erat.



Times vt suspicor hæc argumenta, Alexi, at ego validiora afferopro Arelate: Ibi sedit Galliarum Præfectus vbi cum Constantinus sedere voluit; scilicet ille inuenit Præfectos Prætorio adeò potentes, vt ipsi Imperatores eos metuerent, & vix ipsi Imperatores timerent: vt imminueret eam potestatem Constantinus eam quatuor Præfectis diuisit, primus fuit Præfectus Orientis, alter Præfectus Illyrici, tertius Italiæ Præfectus, quartus Galliarum Præfectus, cui Celtas transalpinos, Hispanos, & Britannos commisit.

Vt honoraret eundem Magistratum, cum ibi sedere voluit, vbi sedes Imperatoris fuit: neque alibi sedere debuit qui ex officio tueri debebat Imperatorẽ Præsentem & repræsentare absentem, at Constantinus quamdiu in Galliis fuit penè semper Arelate substitit: Amavit scilicet eam vrbem, reparauit, ornauit, & nomine suo Constantinam appellari voluit.

Commoratum ea in vrbe probat Theophilus Raynaudus libello quem inscripsit Ambrosius ex Concilio Arelatenſi primo, ad quod Constantinus ex locis propè innumeris Episcopos conuocauit, vt constat ex eius literis ad Chrestum Syraeusanum quæ habentur lib. 10. hist. Eusebij c. 5. & cui Concilio amoto satellitio ipse Imperator interesse voluit quasi priuatus non publicus.

Confirmant eandem Imperatoris moram leges ea in vrbe latæ, eiusmodi sunt lex supplicare 2. C. vt lite pendente, data Idibus actor Sabino, & Rufino Cos. & lex, illo, 13. C. de appell. Quid quod natus est Constantino Arelate filius Constantinus, vt ait Zozimus l. 2. & Aurelius Victor in Constantino. Fauet huic opinioni excellentia vrbis, de qua Prudentius hym. 4.

*Teque præpotens Arelas habebit*

*Sancte Genesi.*

Præpotentem vocat, idest magnificam, locupletem amplam. Aufonius de claris vrbibus.

*Pande duplex Arelate tuos blanda hospita portus,  
Gallula Roma Arelas, quam Narbo martius, & quam  
Accolis Alpinis opulenta Vienna Colonis,  
Præcipitis Rhodani sic intercisa fluentis,  
Vt mediam facias nauali ponte plateam,  
Per quem Romani commercia suscipis orbis,  
Nec cohibes, populosque alios, & mania ditas  
Gallia queis fruitur, gremioque Aquitania lato.*

Geminam appellat à ponte qui vnã vrbem in duas diuidit; propterea Eucherius hom. de S. Genesio Arelatenſi Ciuitatem, & Ciuitatem vocat. Sed & Metropolis erat Arelas non minùs ac Treuiri: ne dubites, Honor. & Theod. in constitutione id declarant; maximè, inquit oportuñ iudicamus, vt seruata posthac annis singulis cõsuetudine, constituto tempore in Metropolitana idest in Arelatenſi Ciuitate, incipiant septẽ Prouinciæ habere Concilium: & paulo post, ac planè, inquit, præter necessitates

publicas etiam humanæ conuersationi non parum credimus commoditatis accedere; quod in Constantina vrbe iubemus singulis annis esse concilium; tanta enim loci opportunitas, tanta illic frequentia, commerciorum, vt quidquid vsquam nascitur, illic commodius distrahatur, neque enim vlla Prouincia ita peculiari fructus sui felicitate latatur, vt non propria Arelatensis soli credatur esse fecunditas: quidquid enim diues Oriens, quidquid odoratus Arabs, quidquid delicatus Assyrius, quod Africa fertilis, quod speciosa Hispania, quod fortis Gallia potest habere præclarum, ita illic affatim exuberat, quasi ibi nascantur omnia quæ vbiq; constar esse magnifica: iam vero decursus Rhodani, & Thyreni maris recursus necesse est vt vicinum faciat, & penè conterminum, vel quod ille præterfluit, vel quod iste circuit. Cum ergo huic seruiat Ciuitati quidquid habet terra præcipuum, ad hanc remo, velo; vehiculo, terra, mari, flumine deferatur, quidquid singulis nascitur; quomodo non multum sibi Gallia nostra præstitum credat, cum in ea Ciuitate præcipiamus esse Conuentum: in qua diuino quodam munere commoditatum & commerciorum opportunitas tanta præstatur: hæc Imperatores in laudem Arelatis, quibus nihil dici potest augustius.

Denique sedisse Arelate Præfectum Galliarum probant vndeuginti Episcopi Galliarum libello S. Leoni oblato in causa dissidij inter Arelatensem ac Viennensem Ecclesiam, habetur libellus apud Baronium an. 450. n. 52. ex tom. 1. Concil. Gall. per Sirmundum p. 89. Patres sic loquuntur. Cæterum multa sunt quibus secundum instituta Principum cunctis intra regiones nostras Ciuitatibus Arelas præferatur: hæc in tantum à gloriosissimæ memoriæ Constantino peculiariter honorata est, vt ab eius vocabulo præter proprium nomen quo Arelas vocabatur Constantinæ nomen acceperit; hanc clementissimæ recordationis Valentinianus, & Honorius felicissimi Principes specialibus priuilegiis, & vt verbo ipsorum vtamur matrem omnium Galliarum appellando decorarunt; in hac vrbe quicunque intra Gallias tempore prædictorum ostentare voluit insignia dignitatis, Consulatum accepit & dedit, hanc sublimissima Præfectura, hanc reliquæ potestates velut communem patriam semper inhabitant, &c.

Palles vt arbitror ad hæc argumenta, Alexi, & de Præfectura Lugdunensi penè actum putas, at ego ex pugnâ duarum urbium arma sumo, & ablatam vtrique parti victoriam Lugduno attribuo. Et quidem habere sedem fixam Treuiris & Arelate, & morari duobus in locis longe à se semotis idem Præfectus non potuit; & tamen sedisse Treuiris, & Arelate geminæ opiniones affirmant, aut vtraque falsa est, aut explicari sic debet, vt mobilem sedem Arelate, & Treuiris habuerit, at fixam Lugduni; scilicet Lugduno quasi à centro digressus lustrabat extrema Galliarum, & ad centrum redibat.

Addo aliud, si tamen est aliud, sequebatur Præfectus Imperatorem quasi Phosphorus solem, fuit Treuiris cum Maximo, fuit Arelate cum Constantino; at utrobique hospitium duntaxat habuit, Lugduni vero Prætorium, & domicilium.

Ne diuinare me putes ex aduersariis ipsis rem probo, fatetur Theophilus Rayn. nullibi commodius sedem Præfecto poni potuisse quam Lugduni, quod in meditullio situm est earum regionum quæ Præfecti iurisdictioni subditæ erant, Galliarum Hispaniarum, & vtriusque Britanniarum; Igitur ibi Præfectus sedet, quo commodius adiri ab omnibus potuit; non amant linearum extrema sed centrum, à quo nascuntur, & ad quod redeunt.

Nec satis solide respondet Theophilus commodius quidem sedem Præfecti poni potuisse Lugduni, non tamen esse positam, scilicet non omnia ex lance iustitiæ fiunt, & multa ex arbitrio pendent, Præfectum sedere Treuiris voluit Maximus, Arelate Constantinus uterque id optimum credidit, quod utrique placuit.

At ego & ponendam sedem Lugduni & positam sic euinco: Ambrosius succus cælestis expressus est Lugduni Patre Galliarum Præfecto, Sidonius Lugduni natus est Patre Apollinare Præfecto Prætorij; igitur uterque Præfectus Lugduni sedem habuit. Persuadet hæc ratio nisi fallor utrumque Parentem sedisse Lugduni, non tamen Ambrosium Lugdunensem esse, nec Sidonium; ille Romanus fuit, hic Aruernus, & dum ille Romam, hic Aruerniam repetiit, uterque in Patriam venit.

Valida est hæc ratio facti, addo validiorem rationem iuris. Sanctus Maiolus in vira S. Odonis, ait, ex antiquo more, & Ecclesiastico iure Lugdunum arcem totius Galliarum obtinere; ex eo sic arguere licet, Ecclesia à primis usque temporibus iurisdictionem suam accommodauit iurisdictioni politicæ, ut docent voces Metropolis, & Diocesis; at primarius & supremus Magistratus Ecclesiasticus Lugduni sedet, igitur & politicus; supremus autem politicus fuit Prætorij & Galliarum Præfectus.

Alludit ad hunc primatum politicum Sidonius Epist. 7. lib. ad Thaumasiu, nec quidquam, inquit, Deo propirante nocebit, si modo quandiu potestas præfens Lugdunensem Prouinciā regit, nostrum suumque Germanicum præfens Agrippina moderetur: Quæso Ariste, quænam hæc est præfens potestas nisi Præfectura Galliarum? igitur ea Lugduni stetit.

Ne parui æstimes hoc testimonium Sidonij, audi ex ipso Sidonio quævis vir fuerit lib. 5. Epist. 16. Concordia fruor, quam parem nostris, suisque liberis exopto vobis in commune deposcens, ut sicut nos utramque familiam nostram Præfectoriā nacti, etiam Patriam diuino fauore reddidimus, ita ipsi quam suscipiunt Patriam faciant Consularem.

Instat est plurium Authorum vir maximus, ne tamen ita sensisse solum

lum Sidonium putes, sedisse Lugduni Præfectum Galliarum affirmat La-  
zius l. 2. de rep. Rom. Robertus de Lugd. Archiep. & plures alij.

Ob hæc argumenta Theophilus fatetur, si agatur de iure, & si spectetur nuda ratio, Præfectum Galliarum Lugduni sedisse; atque eam sedem libens assignat Præfecti Vicario. At si hæc sedes est commodissima, cur commodius sedebat Vicarius quam Præfectus? Cur Vicarius in medio Galliarum instar Iouis? Cur Præfectus in limite instar termini? Cur non potius Præfectus in centro vnde imperare posset, Vicarius in finibus Imperij, vnde excurrere posset, & redire?

Vides, Ariste, victoriam nobilis controuersia à Lugduno stare; ne tamen aliis vrbibus inuidere videar; rem totam sic definio, habuere Præfecti Galliarum nobilem sedem Arelate, & Treuiris, habuere fixam Lugduni.



## DISSERTATIO XVII.

DE REBUS FORTITER GESTIS AB ANTIQVIS  
LVGDVNENSIBVS ANTE PLANCVM.



**A**D VAM rem vis scire, Alexi, & probatu difficilem, quid fecerint fortiter Lugdunenses ante Plancum: quomodo ante Plancum fuere fortes, si nequid fuere homines: quis pugnavit ante vitam? quis fortis fuit adhuc cinis? quis generosus adhuc nullus?

At ego superioribus dissertationibus probavi aut verum esse, aut vero simile fuisse Lugdos & Dryos ante Romanos, & Lugdunum reparatum esse à Planco, non conditum.

Placet ex fortibus veterum Gallorum factis aliqua summatim attingere, si prius monuero, nihil ab antiquis Gallis extra Galliam gestum, cuius pars magna Lugdunenses non fuerint: scilicet publicum ostium ad exterarum nationum Lugdunum erat, & penè armamentarium; nec tantum cæteris Gallis aperiebat iter, sed addebat vires, & supplebat acies; & semper Lugdunenses, aut comites fuere viæ, aut duces.

Possem excurrere ultra Romam & Troiam, cum Scipione Duplex nobili historico, & numerare viginti Reges & plures qui Romanos præcessere: Samothem seu Ditem, Magum, Sarronem, Dryum, Bardum, Longhonem, Lucum, Celtam, Galathem, Narbonem, Lugdum, Belgium, Iassium, Allobrogem, Romum, Paridem, Lemanum, Obbium, Galathem, Mamnem, Rhemum Francum, vidit has Reges Lugdunum, & forte Lugdus nomen traxit à Lugduno, non dedit.

Placet dicere aliquid certius, post Iustinum, Strabonem, & Liuium; Ambigatus Rex Gallorum cum videret Gallias abundare multitudine hominum, id putauit faciendum Prouinciis suis, quod Apes faciunt Alucariis, emisit extra Galliam Bellouesum, & Sigouesum Nepotes suos, & diuisit illis externa Regna, quasi iam sua: exiuerunt cum utroque trecenta hominum millia, idest flos iuuentutis Gallicæ; nec sensit Gallia eam plagam quæ alterum Regnum exhausisset; nec dubium est quin cum alterutro Duce pars Lugdunensis iuuentutis exierit, & pugnarum ac victoriarum particeps Galliam extra Galliam, & Lugdunum extra Lugdunum fundauerit.

Ex iis copiis, ait Iustinus pars superata Italiâ Romam obsedit, & cepit: & nisi Brennus noua quærere, quam parta seruare maluisset, triumphare poterat in Capitolio, & Rex esse Romæ: diuiserunt tamen Galli Italiam, & trans Alpes nouam Galliam, & Mediolanum, alterum Italiæ Lugdunum condiderunt.

Pars altera Gallorum Macedonia, Thracia, & Græcia victoriis peragrata, in Bithinia denique consedit, & Regnum cum Bithino Rege partita, Gallogræciæ nomen imposuit regioni: Pannoniam quoque, Illyricum, Dardaniam, & totam ferè Germaniam à Gallis debellatam, Galatæi montes, & Gallemburgici testantur, & multæ vrbes hodieque Gallico nomine, & lingua nostrate fatentur Germanicas se fuisse & Gallicas. Tantaque ait Iustinus Gallici nominis autoritas, & armorum felicitas erat, vt aliter neque maiestatem suam tueri Reges Europæ & Asiæ, nec amissam recuperare se posse sine Gallica virtute iudicarent.

Nec semel tantum Italiam Galli, cæterasque orbis regiones vicerunt, sed sæpè ad aduentum Gallorum trepidauit Roma, & Europa: vix toto decennio Iulius Cæsar Galliam per Gallos debellauit; singulis ferè annis victa est à Gallis Italia, & Roma sæpe capta.

Male autem Iustinus asperam gentem & ferocem Gallos appellat; nec benè primos virtute post Herculem, præponere debuit Herculi & Achilli, & Titus-Liuius comparare potuit cum Romanis, facere secundos non debuit.

At hæc Gallis, & Lugdunensibus communia fuere quæ sequuntur sunt singularia: Atepomarus superatis Alpibus, & turbata Italia Romam obsedit; magni exercitus pars maior Lugdunensis erat; & capere Romam potuit, nisi eam liberasset scæmina, & ancilla; cesserunt scæminis Galli, qui non cessissent viris, cesserunt tamen victores non victi.

Nec Alpes effregisset Annibal sine Gallo milite & ductore; pugnant Lugdunenses cum Annibale & vicerunt; actum erat de Imperio Romano si Annibal capere Romam maluisset quam Capuam, & si Gallis credidisset non Afris.



Excepit aduentantem Iulium Cæsarem Lugdunum quem repellere potuit, vicit Cæsar Gallias armis Gallicis non Romanis; victus erat si Lugdunum aditum obstruxisset venienti, aut recusasset reduci: Ingratus victor, & scriptor Lugduni non meminit, per quod vicit.

Audio quid tacitus dicas, Alexi, placere tibi hæc Lugdunensium facinora si essent vera; at verèri te ne fingam Lugdunum ante Lugdunum, & ne ut antiquos faciàm Lugdunenses, facere velim Aborigines; scilicet ante Plancum Arar erat & Rhodanus, intra utrumque insula, at forè intra insulam nihil erat.

Non ita res habet, Ariste, iam supra dixi aut verum, aut vero simile videri, antiquiorem esse Lugdum quam Romulum, & Lugdunum quam Ilium. Neque hæc Græcorum fabula est, sed Lugdunensium historia, atque utinam non periissent Bardorum, & Druidum Poëmata quibus heroum suorum facinora ad Lyræ canebant, superaret Gallica veritas mendacia Græcorum, & minor esset Alcides Græcus quam Hercules Gallicus. Cur inuides, Ariste, Lugdunensibus tuis genus antiquum, res est illustis antiquitas, descendunt cum illa virtutes ad posteros, per auos & proauos, pretiosior est hæreditas antiqua quam noua, & nobilior fluius cuius origo nescitur, quam qui apud nos nascitur.



## DISSERTATIO XVIII. VETERVM GALLORVM, ET LVGDVNENSIVM LINGVA.



**R**ISTVS. Quæris Alexi, quâ primùm lingua cœperit loqui Lugdunum, cum esse cœpit: scilicet interesse putas ut sciamus quid primùm sciuerimus, quæ verba cum lacte, quæ sub ferulâ didicimus, an maiores nostri priùs lallare didicerint Græca lingua quam Gallica.

Responderi certa non possunt in re controuersâ; dicam quid probabiliter sentiam; antecessit Lugdunum Romam & Massiliam, sed vocale & cloquens, non mutum, aut bardum. Hæc igitur lingua quâ primùm facundi fuimus non est Græca, quam nesciebant Galli etiam primarij temporibus Iulij Cæsaris: testatur ille lib. 5. cap. 22. scripsisse se græcè ad Quintum Ciceronem Fratrem Marci Tullij, ne si literæ interciperentur à Gallis, inclusa literis consilia innotescerent; at æquè interceptis Galli consilia interceptis literis græcis, si lingua græca Gallis fuisset natia: neque pugnantia dicit dum alibi ait Gallos græcis literis uti soli-

tos; scilicet utebantur caracteribus græcis non verbis, sic hodieque scribimus caracteribus latinis verba Gallica, & multi ignorant latina.

Imo habuisse Gallos characteres suos ante Græcos asserit ex Beroſo Annii Viterbii, Cadmus inquit eius nominis quintus paulò ante ruinas Troiæ rediens ex Phœnicia, retulit in Græciam sexdecim literas non Phœnicias sed caracteribus Gallorum quos vocat Galatas persimiles: Attende hæc verba Ariste, attulit in Græciam ante ruinas Troiæ, igitur non acceperunt Galli è Græcia characteres suos quos Græcis donarunt.

Iis literis scribebant fortia heroum suorum facinora versibus heroïcis, eosque versus canebant ad Lyram; atque utinam superessent hodie ijs versuum libri, miraretur orbis Galliam habuisse heroas veros, & Græciam fabulosos.

Neque simile vero est Gallos initio locutos Germanicè, sciuisse linguam Gallicam Ariouistus Princeps Germanus apud Iulium Cæsarem l. 3. belli Gallici, neque illam longa consuetudine didicisset, si illam hausisset cum lacte nutricis; nemo id longo vsu acquirit quod cum lacte bibit, ridiculè autem Rhenanus antiquos Gallos ad tempora vsque Iulij Cæsaris contendit locutos esse Britonicè: aduenæ sunt Galliarum Britones, non indigenæ, inueniêre Galliam eloquentem non fecêre, & facti Gallorum subditi linguam quoque suam Gallicæ linguæ subdidêre.

Incipis vt puro persuaderi, Ariste, vrgeo te, & rem euinco, legere est apud Iulium Cæsarem, Strabonem, Suetonium, Tacitum, Aufonium, Sidonium scriptores latinos verba Gallica quibus nunc etiam utimur, eiusmodi sunt è multis ista, Soldurus, Leuca, Carra, Bracca, Cāracalla, Alaufe, Teuche, Saumon: si rationem quæris hæc in promptu est; nullis temporum & rerum vicissitudinibus ita mutantur linguæ, vt auellantur radices, & corrumpantur origines.

Denique nonnisi longis post annis inductus est in Gallias vsus linguæ græcæ, videlicet conditâ à Phocenſibus Massiliâ; neque ita multo post dicti sunt Massilienses trilingues à lingua Celtica, Græca & Latina: At diu ante Galli & Lugdunenſes eloquentes erant propriâ lingua: placuit autem tantoperè Massiliensibus nouitas linguæ, vt teste Strabone lib. 4. Augusti temporibus Massiliæ contractus græcè scriberentur: quodque admirationis plus habet, docebatur eloquentia & Philosophia græcè & latinè tanta cum laude, vt Romani neglectis Athenis ad capeſſendas disciplinas Massiliam confluèrent: scilicet addiscebant eas linguas Samothei, Druydes, Bardi, & eas docebant, nemo censebatur eruditus qui græcè, & latinè nesciret, atque vt nunc pars eruditionis est linguas scire, ita iis temporibus tota penè eruditio erat trilingues esse.

Aduecti Lugdunum Phocenſes, & loci opportunitatem admirati ob-

rulerunt Societatem græcam, & petierunt Gallicam; excepit Lugdunum hospites & fecit ciues; ac vide humanitatem gentis nostræ, communes fecit dignitates & honores, miscuit vocibus gallicis voces græcas, appellauit Academiam suam Athenæum; inde illa celebritas scholarum Lugdunensium, in quibus certabant indigenæ, & aduenæ; nec semel ipsi etiam Imperatores, & dum Gallia Romam, & Roma Galliam didicit, Lugdunensis Pallas orbis Magistra fuit.

## DISSERTATIO XIX.

### NOMINA LVGDVNI.

**P**RETIOSA res nomen cuiusque rei, character est naturarum vt eas designet, imago vt repræsentet, radius vt illuminet, color vt spectabiles reddat, sonus vt vocales efficiat, quot nomina res aliqua habet, tot habet decora, cnumero illa, vt patriæ tuæ splendorem intelligas.

Primum Lugduni nomen à Rhodano venit, Sidonius l. 1. Epist. 5. appellat Rhodanisiam, S. Irenæus Rhodanusiam, & Lugdunenses matronas vocat Rhodanenses & à pietate commendat.

Nec fortè diuersum est nomen Rhoda, Rhodia; Rhodana, nisi trahatur à Rhodiis, qui cum Phocæis Massiliam primum, deinde Lugdunum appulerunt, hospites primum, deinde ciues, & incolæ.

Tertio nomine appellat Sigismundus Rex Burgundiæ in diplomate Regio, Ararum, alij Arariam dicunt, Petrus Venerabilis à duobus fluuiis vocat Aquosam; at fortè non hoc tam nomen est quam Epithetum nominis.

Nec male confluens ab aliquibus dicitur à confluxu duorum fluminum, inde illud distichum.

*Lentus Arar, Rhodanusque celer miscentur in vnum;*

*Nobilis vrbs fluuios nominat vna duos.*

Quintum Lugduni nomen fuit, Athenacum, Athenæum, Athenopolis; ab Atheniensibus aduenis, vel à Minerua ipsa, cui adeo Lugdunum placuit vt ex Græcia migrasse Lugdunum, & secum Athenas deportasse videatur aut Athenarum disciplinas.

Sexto nomine appellare videtur Titus-Liuus, describens iter Annibal, quartis Castris inquit ad insulam peruēnit, vbi Arar, & Rhodanus amnes diuersis ex Alpibus decurrentes agri aliquantum complexi confluent in vnum, mediis campis insulæ nomen inditum. Putat Paradisus non medios tantum campos, sed urbem in consenti sitam insulæ nomen habuisse:

Septimum nomen Plancus Munatius fundator vrbis, aut reparator imposuit, inde illud carmen antiquum.

*Conditur à magno Plancia magna viro.*

Octauum nomen est Leopoldis non à Leone qui legionis Romanæ Lugduni statua habentis vexillum erat, sed à Leone nobilis vrbis regio caractere: inde ille nummus argenteus ex parte vna M. Antonij Triumviri nomen, ex altera Leonis effigiem præferens, hodieque Lugdunum Gallicâ lingua leonem sonat.

Nona appellatio Lougodunum, idest coruorum collis: Plutarchus libello de fluuiis & montibus, si tamen is Plutarchus est, ait Momorum, & Atepomarum oraculo monitos vt ad confluentem Araris & Rhodani urbem extruerent, à coruis circumuolitantibus appellasse Lougodunum, idest montem coruorum, quos Celtæ lougos vocant, & montem Dunum, in itineralio Antonini vrbs quædam lougo vallis, idest coruorum vallis appellatur.

Decimum nomen Lugdunum commune est, nec tamen communis origo, putant aliqui, deductam nomen partim à monte seu Duno voce Gallica multis aliis Galliarum vrbibus vsitata, Augustodunum, Nouiodunum, Mello dunum; partim à Lugdo, Lugdum autem Iapeti, & Gomeris nepotem fuisse historiam putant non fabulam.

At alij deducere hoc nomen malunt à Luce & monte vt sit splendidus & eminentius, ita videtur appellare Claudius apud Senecam.

*Vidi duobus imminens fluuiis ingum,*

*Quod Phœbus ortu semper obuerso videt.*

An etiam mons lucidus dici potest à percussis radiis solaribus ab ingenti speculo quod in summo monte positum fuisse, post Champerium, & Morinum Pierchamus affirmat, & Rubysius: & ne fabulam putes Rogerius Baconus Anglus eo libro qui inscribitur speculum Alchimia, scribit ingentia specula fuisse in vsu tempore Iulij Cæsaris, cumque Caleticum esset, & de inuadenda Anglia cogitaret vidisse in grandi speculo Angliæ obiecto hostem se ad certamen comparantem. Refert Guillelmus du Choul Lugdunensis lib. de Relig. ex antiquo manuscripto, Colossum Rhodium prætulisse in pectore speculum in quo spectabantur naues in Ægyptum, & Syriam transeuntes.

Vndecimo Dalecampius lib. 1. scribit Lugdunum significare montem felicem, vetus itinerarium Hierosolymorum, quod debemus Pithæo vocat Lugdunum montem desideratum, Paradinus lib. 1. c. 36. Refert Probum Imperatorem appellasse montem aureum. Idem Paradinus vocat montem album, & putat Lugdunenses esse Albios de quibus Plinius l. 4. c. 18. Illustria omnino sunt hæc nomina, at regionis potius quam vrbis, & quidem longus ille tractus montis continui, Arari primum deinde



Rhodano incumbentis per plura milliaria hodieque mons aureus appellatur.

Difficiliora sunt alia tria nomina, Ciuitas Segusianorum, Ciuitas Sebusianorum, Ciuitas Sequanorum: hæc enim si vera sunt, igitur erat Lugdunum trium populorum Domina, trium Prouinciarum Regina, & triplex & vna Ciuitas: Fauet his appellationibus Cæsar l. 6. c. 5. dum sic loquitur, vrbes primariæ sui iuris erant, nullius addictæ imperio, quæ populi, & totius Gentis nomine vocabantur; atqui Lugdunum trium Prouinciarum vrbs primaria erat.

Et quidem conuenire Lugduno primum nomen, Ciuitas Segusianorum, docere videtur Plinius l. 4. c. 18. Segusiani liberi in quorum agro Colonia Lugdunum erat; neque erat nisi tanquam vrbs primaria, & caput ac domina cæterarum vibium; fecere eam dominam Romani dum fecere Coloniam; & fortè ante Romanos Segusianorum iam domina erat: assentitur Plinio vir eruditissimus Petrus de Marca digress. de prim. Lugdun. n. 108. Paradinus vero licentia penè Poëtica Lugdunum appellat Segusiam, idest caput & Ciuitatem Segusianorum.

Nec difficilior est alterum nomen, Ciuitas Sebusianorum: Philibertus Monetus in accurata veteris & recentis Galliæ Geographia ostendit Sebusianos gentem esse à Segusianis valde diuersam; nimirum Segusiani intra Ararim, & ligerim sedem habent, eosque diuidit Monetus in Forenses Lugdunios, & Banieuienses; at Sebusianos collocat intra Ararim & Rhodanum, eosque diuidit in Brannouices seu Bressanos, Verromæos, & Beugesios. Iterum Bressanos seu Brannouicenses subdiuidit in Burgenses, Cabillonenses, Dombenses, & Lugdunios immunès. At Lugdunum parte sui maiore est intra Ararin & Rhodanum, atque hæc insula quæ Lugdunum continet, ager est Sebusianorum, igitur Lugduni pars maior Sebusiana est; necdubium esse potest quin inter vrbes Sebusianorum sit primaria, potest igitur dici Ciuitas Sebusianorum.

Illustre sane Lugduni elogium parte vna sui Segusianorum Ciuitatem esse, parte altera Sebusianorum; vix aliam Ciuitatem reperjas cuius partes sint totidem vrbes, cuius tot nationes incolæ sint, & tot populi Ciues.

Grauior controuersia est an Lugdunum Ciuitas Sequanorum appellari possit; & quidem Lugduno non parum splendoris accederet, si vrbs iam magna, dici posset maxima Sequanorum.

Putat Paradinus l. 1. c. 5. ex lapidibus ipsis probari rem posse; ex variis inscriptionibus antiquis hanc laudat.

*Q. Adginnius, Urbici filius, Martinus Sequanus,  
Sacerdos Rom. & Augustalis ad aram, & Confluentes  
Araris, Duumvir in Ciuitate Sequanorum.*

Ridet hoc testimonium lapideum Rubyfius l. 1. c. 3. & verò potuit Marti-



nus Sequanus esse, neque inde sequitur Lugdunum esse Sequanicum; potuit Adginnius esse Lugduni Sacerdos Romæ & Augusti, & esse Vefontione Duumvir, potuit mori Vefontione & habere illic sepulcrum plenum, & Lugduni Cenotaphium: At Lugdunum esse Ciuitatem Sequanorum nec dixit Adginnius viuus nec probat mortuus: affert hoc idem Epitaphium Monetus, & negat in eo vel vllum apicem esse, qui probet Lugdunum fuisse Sequanicum; confirmari res potest ex Strabone & Plinio, qui Lugdunum in agro Segusianorum, & Sebusianorum collocant, at neuter in agro Sequanico, cuius limites distant tam longè & latè à finibus agri Lugdunensis vt inter vtrosque magna Prouincia interiaceat. Denique rem conficit Cæsar dum lib. 1. c. 9. vocat Vefontionem maximam Sequanorum, at ex eodem Cæsare lib. 6. c. 5. vrbes maximæ & primariæ sui iuris erant, & populi ac totius gentis nomine Ciuitates vocabantur.

Hæc quamuis vera sint, conciliari forte possunt opiniones ex Strabone l. 4. p. 177. vbi ait factam diuisionem Galliarum nouam sub Augusto, & partem regionis superiorem ad Rheni ac Rhodani fontes ad medium ferè camporum ditioni Lugdunensium additam esse: At sub Iulio Cæsare alia Galliarum partitio erat, forte igitur dici posset sub Iulio Cæsare Vefontionem Sequanorum Ciuitatem fuisse: At sub Augusto Lugdunum, atque ita non Segusiani tantum sed etiam Sebusiani, imo & Sequani Lugdunensis Ciuitatis populi erant.

Ex iis vides, Atriste, quale & quantum olim Lugdunum fuerit; Segusianorum, Sebusianorum, & Sequanorum Ciuitas: placet claudere Epistolam hoc Elogio.

*Lugdunum fluminiū & populorum confluuium.*

Scilicet confluunt ad illam duo fluij, & decem populi.



## DISSERTATIO XX.

### ARAR QVALIS FLVVIVS.



ANNORES sunt vrbibus fluij, & priores; condidit eos Author orbis, dum orbem condidit; coxui sunt naturæ, neque aliquid est illis antiquius nisi Deus: viderunt nasci vrbes, neque vrbes eos nasci viderunt: primis hominibus ripæ fluminum pro vrbibus erant; crescente hominum multitudine, & necessitate industriam aciente extructæ sunt vrbes ad ripas fluminum, impo-  
 sici deinde pontes fluijs, superstructæ ædes, & fluij pars vrbium, &  
 vrbes

vrbes pars fluuiorum esse cœpère. Hæc communia sunt pluribus fluuiis, id singulare est Arari, pars Lugduni est Arar, & Lugdunum pars Araris.

De Arari hæc abs te quæro, Ariste, nomina Araris, ortum, progressum & exitum.

ARISTVS. Nomina Araris quædam sunt antiqua, quædam noua, explico præcipua: Primum Araris nomen Brigulus fuit, si credimus Authori libelli de fluuiis & montibus, & credere possumus si eius libelli author est Plutarchus vt affirmat Claudius Bachetus Dominus de Mezeriac in notis manuscript. in Plutarchum, & post illum clarissimus Præfcs Philippus Maussacus in crisi de operibus Plutarchi, & post vtrumque eruditissimus Petrus de Marca digress. de primatu Lugdunensi n. 96. Arar, inquit Plutarchus vocabatur priùs Brigulus, nomen autem mutauit hanc ob causam, Arar venationis causa in syluam ingressus inuenit ibi fratrem Celtiberum à feris occisum, præ dolore percussit seipsum lethali vulnere, & læsus in Brigulum se deiecit, qui ex eo Arar dictus est.

*Sic Arar Ararias nomine dixit aquas.*

Alterum igitur nomen est Arar, siue ab ea ex de deductum, siue potiùs à lento aquarum fluxu, Arar enim Celtica lingua lentum significat; at Arar adeò placide fluit vt dubites vtram in partem fluat, & dormire magis videtur quam ire.

Tertium nomen *Σαυρας* apud Polybium, nec tamen hæc appellatio à sordibus venit vt aliqui putant, quasi Arar sit receptaculum sordium, sed à limo, & vligine quibus campos impingat, & quasi arat, & forte deductum est nomen Araris ab arandis agris.

Quartum nomen Sangona. Ammi. l. i. §. Rhodanus Ararim quem Sangonam vocant ingreditur: vnde autem sanguinis nomen Arar traxerit, non satis inter Authores constat; an à sanguine fratrum Araris & Celtiberi? credunt aliqui, at hæc fortè fabula est: an à sanguine Romanorum in cruenta illa pugna Albini, & Seueri in qua Authore Sabellico octoginta hominum millia fuère cæsa? & Dio scribit sanguinem in fluuium defluxisse: at hæc pugna in eo campo comissa est qui hodieque vocatur planities sanguinis fusi, audi Herodianum in Albino, in ædem inquit quondam ad Rhodanum fuso exercitu fugit, vrbem repetens quâ erat egressus: Igitur sanguis ex eo campo in Rhodanum defluxit, non in Ararim; male autem Paradinus l. i. c. 31. denominari probat hunc campum à centum fontibus: verius enim dici potest campus sine fontibus adeo illic raræ sunt extra Rhodanum aquæ.

Oritur Arar ex Vogeso monte apud Mediomatrices, ex quo etiam monte Mosella nascitur, vterque autem opposito cursu, Arar ad Austrum, Mosella ab austro in boream fluit: de vtroque Tacitus l. i. 3. n. § 3. imperante inquit Nerone, Lucius Vetus Mosellam atque Aratim facta


inter utrumque fossa connectere parabat, ut nauigabilia inter se Occidentis & Septemtrionis littora redderet: inuidit operi Gracilis Belgicæ Rector, & bonum consilium magno Galliarum & orbis detrimento corrupit.

Progreditur Arar à Vogelo monte ad portum Araris apud Sequanos, ab illo Graiacum, Graiaco Axonam, inde Laudonam, & Surregium, Surregio Cabillonum, Tinurtium, Matisconem, denique Lugdunum graui incessu inter duas nobiles arces ingreditur, & mediam urbem interfecans sub eâ extremâ in Rhodanum infusus pulchro connubio illi se miscet, & numerosis amnibus inter eundem grauidus sub Rhodani mariti nomine mari se immergit, ibi moriturus cum aliis fluuiis vnde omnibus est ottus, & vbi omnibus obitus.

*Quo perituri amnes properatis præpete cursu?*

*At puto sic properant, ut cito sic pereant.*

## DISSERTATIO XXI. DE RHODANO.

 **V**ERIS, Alexi, nomina Rhodani, ottum, progressum & exitum, & sciri debet illustris fluuius, de quo hæc habet Aulus Gellius l. 10. c. 7. Rhodanus, Nilus, Ister tria flumina omnium maxima: illustre elogium Rhodani nisi tamen est nimium.

Nomen Rhodani parum Grammaticè Munsterus in Cosmographia deducit à rodendo, quamuis enim sit edax & rapax, atque ut ait Silius Italicus l. 3. pun. *Spumanti Rhodanus proscindens gurgite campos.*

Non tamen propterea Rhodani nomen à rodendo venit, nec enim corripere primam syllabam, nec illam aspiraret, nisi fortè qui agros proscindit, vnam etiam è suo nomine corroserit literam.

Probabilius S. Hieronymus in Epist. ad Galatas putat Rhodanum à Rhoda, & Rhodiis nomen accepisse: & sumpsisse videtur ex Plinio lib. 3. cap. 4. Rhodanus fluuius Gallie rapidissimus à Rhoda Rhodiorum oppido nomen habet: At ante Lugdunum, & Rhodam, & Rhodios Rhodanus fuit, & inuenire illum Rhodij non inducere: nec tam illustris fluuius sine nomine fuit: potest tamen hoc esse nomen Rhodani alterum, at non est primum.

Imo cur quæritur primum & alterum, Rhodanus à voce Græca *ῥοι*, nomen traxit, neque aliunde melius quam à fluxu, & rapida velocitate appellari potuit Rhodanus, seu rapidissimus fluuius: ab hac celeritate Hieronymus S. Hilarium eloquentiæ Rhodanum vocat, & Fortunatus lib. 1. de vita S. Martini, de eodem S. Hilario ait.

*Rhodano torrentior ipso.*

Et S. Ambrosius agens de celeri obitu Gratiani, & Valentiniani Imperatorum, rapidiora inquit Lugduni fuere utriusque pericula quam Rhodani fluenta.

Nascitur Rhodanus ut putat Polybius in finibus Venetorum, ut aliqui affirmant in Alpibus quæ Galliam ab Italia diuidunt non longè à fontibus Danubij, & Rheni: At Philibertus Monetus author accuratus in Geographia Galliæ pag. 356. probat oriri in Alpibus Penninis in supremo montis Sempronij iugo, apud Mantam vicum Sedunorum: fons eius naturalis exiguus est initio nec saltu latior, viuax tamen, & rapidus qui cum impetu lapsus in subiectas rupes, & pluribus riuus ac torrentibus auctus crescit in fluuium, & murmuranti similis, qualis in progressu futurus sit ostendit ab ipso iam ortu.

Egressus è faucibus Alpium, & deuolutus in campestria Veragrorum seu Valesiorum totam eam conuallem irrigat, & sub eam extremam lacum Lemanium ingreditur; ac vide qua maiestate, nec colorem mutat, nec cursum, nec augetur aquis alienis, nec eas secum rapit; nec aliud ab hospite suo nisi transitum petit: sed & lacus reueritus tantum hospitem, partitur aquas suas, viam mediam facit, & quem amicum exceperat amicum dimittit.

Egressus è Lemano lacu Sebusianos & Allobroges definit & alluit; tertia ferè Leuca à Geneua alluebat vicum Tauredunum, quem resistenter itineri passus aliquandiu, tandem impatiens corrodit & diruit: vlturus iniuriam Tauredunus transuersum alucum hodieque occupat, & restagnantis ac frustra irascentis fluuij viam dum impedire non potest, difficilem facit. Sexta ferè ab Geneua Leuca Sesselium oppidum interfluit, inde Antonem portum sexta à Lugduno leucâ; denique Lugdunum aduenit, atque ad Athenæum Ararim excipiens pulchro connubio se illi iungit.

*Lentus Arar Rhodanusque celer connubia nectunt,*

*Ille vir, & penè est fœmina mollis Arar.*

Digressus Lugduno Rhodanus Viennam olim Lugduni æmulam, nunc amicam præterfluit, inde Condrium, Turnonum, Voltunnam, Augustam Heluiorum, Burgum Andecolium, Sanspiritum, Auenionem, Tarasconem, & Arclatem delabitur; illic fossa ingenti à Mario ducta nouo aluco, quem Ptolomæus nouum fluuium vocat, in duos velut Rhodanos diuisus, agrum intermedium septem ferè leucis longum, & inæquali intervallo latum triquetra figura intercludit; denique tribus ostiis vnus & penè triplex fluuius Regi similis in mare influit, & maiestate aliquamdiu retenta regnum tandem & nomen amittit.

Atque hæc de Arari & Rhodano, Claudio Epistolam illustri quæstione, vter fluuius Lugduno sit vrtilior, Arar an Rhodanus, & ne diu anxium

te teneam duobus verbis definitio. Fructuosior est Arar quam Rhodanus dum Lugdunum aduenit, quætuosior est Rhodanus dum Lugduno exiit: quid enim ex Alpibus & Rupibus & syluis aduehit Rhodanus dum accedit, nisi arbores, & ligna, & saxa, & rude aliquod ex Germania metallum? At Arar trium Prouinciæ uti adipem, & quasi sanguinem Lugdunum adducit, dum appellit: postquam autem uterque fluuius in vnum confluit, Rhodanus Italiæ, Hispaniæ, Africæ, & Asiæ opes aduerso cursu reuehit, & Lugdunum redit; & quamuis Arar Rhodanum adiuuet, & partem onerum ferat, postquam tamen Rhodano se miscuit, & penè nupsit, transiit in iura maris: & nomen ac honorem cessit: ne tamen omnis laudis sit expers, eam gloriam participat, quam vir communem facit uxori.

## EPISTOLÆ HISTORICÆ, ARISTI AD ALEXIN.

### EPISTOLA PRIMA, LVGDVNVM SVB PLANCO.



**Q**UÆRTIS ex me, Alexi, qualis vir fuerit Planctus Munatius; scilicet interesse pietas Lugduni scire qualis fuerit eius reparator, aut auctor; transit in liberos decus Parentis; & pars nobilitatis est venire ex nobili sanguine: nobilior esset Romæ si Consulem fundatorem habuisset non pastorem; propterea ut purgaret dedecus fecit Romulum Deum, & seipsam Deam.

Prima laus Munatij Planci est habuisse Ciceronem præceptorem, discipulus eius fuit, & poterat esse æmulus, nisi arma togæ sociare maluisset: extant familiares utriusque Epistolæ, atque utinam extarent Planci orationes; appareret in illis eloquentia discipuli Planci, & Magistri Ciceronis.

Alter laus Planci est fuisse legatum Cæsaris in Galliis: qui penè æquauerat Magistrum Ciceronem penè exæquauit Cæsarem; appellat illum Cicero Imperatorem; scilicet solus Cæsar Gallias non vicit; adiuuit illum Munatius & pars victoriarum fuit: vicit cum Cæsare & post illum, & cum tres viri diuiserunt orbem terrarum, Planctus vir quartus esse poterat, nisi seruare Romam voluisset, dum non potuit seruare rempubli-



cam: propterea adhæsit partibus Octavianî, cui etiam imposuit nomen Augusti, & penè eius Patruus fuit.

Tertia laus petenda est ex dignitatibus Planci; Imperator, Censor bis Consul, VII vir, Epulo, Triumphator, omnes dignitates Romanas meruit, penè omnes gessit, præter supremam; de hac quoque certare potuit, nisi pugnare pro patria maluisset, quam contra illam.

Quarta laus Planci est fundasse Lugdunum, & Rauricam, aut ornasse: evertunt alij vrbes, Plancus fundat aut reparat; Calamitosum victoriæ genus delere vrbes & homines, & de ruinis triumphare; nobilius vincendi genus est extruere vrbes, quam evertere: perit laus aliarum victoriarum cum rebus quæ pereunt: viuet laus Planci, quandiu Lugdunum stabit, & Raurica, & lapides ipsi Plancum loquentur post homines: atque hoc est illustre elogij genus lapides habere laudatores.

Caietæ in æde Saturni, nunc turris Rolandi est eloquens marmor sic Plancum laudat.

*L. Munatius L. F. L. N. L. Pron. Plancus Cos.*

*Ex Rhetis ædem Saturni fecit de manubiis*

*Censor Imper. Iter. VII vir. Epul. Triumph.*

*Agros diuise in Italia Beneuenti, in Galliam*

*Colonias deduxit Lugdunum, & Rauricam.*

Nec minus eloquens est alterum marmor quod extare Basileæ in campo frumentatio sub imagine Munatij affirmat Claudius Bellicurcus in suo Lugduno Prisco, manuscr. fol. 62.

*L. Munatio Planc. Cui Romano, viro Consulari*

*Et Pretorio, Oratorique & Marci Ciceronis discipulo*

*Qui post deuictos Rhetos æde Saturni de manubiis*

*Exstructa, non modo Lugdunum, sed & Rauricam Colonias*

*Deduxit, quæ Augusta fuit appellata ab Octauio*

*Augusto tunc rerum potiente. S. P. Q. Basileensis*

*Tameis Alemannorum traducti solum, subactis*

*Ac depulsis Rauricis, amore tamen virtutis quæ*

*Etiâ in hoste venerationem meretur, vetustissimo*

*Tractus huius illustratori culpa temporum prorsus*

*Abolitam memoriam postliminio renouarunt.*

*Anno D. M. D. XVIIII.*

Ita loquuntur eruditi duo lapides, atque vtinam vterque vel alteruter dixisset annum natalem Lugduni, non esset hodieque controuersus, & vix fluxisset si staret adhuc in lapide. Gregorius Turonensis lib. 1. c. 16. Augusti, inquit anno decimo nono Lugdunum Galliarum urbem conditam manifeste reperimus: Paradisus l. 1. c. 7. putat conditum an. 29. Aug. Imper. & 22. ante ortum Christi. Neque ij duo authores contraria sentiunt

si rationem calculi spectes; Paradinus numerat annos Augusti à Triumviratu, qui cadit in annum vr̄bis conditæ 711. Gregorius vero à pugna actiaca decem annis posteriore, qui anni decem si addantur annis 19. efficiuntur anni 29.

Rubysius l. 1. refurat vtrumque quia annus Augusti à Triumviratu vigesimus nonus, & ab actiaca pugna decimus nonus fuit annus vr̄bis conditæ 740. ar eo tempore Augustus morabatur Lugduni; igitur Lugdunum iam erat conditum: putat ergo Rubysius Lugdunum conditum anno V. C. 711. Augusti 2. Aulo Hircio, & C. Vibio Pansa Coss. anno ante Christi ortum 41. qui ex Chronologia Cassiodori, Baronij, Scaligeri, & Gordoni natus est anno V. C. 751. consentir Philippus l'Abbe, & ante illum Sallianus.

Igitur annus natalis Lugduni est annus mundi creati 4011. Olymp. 184. vr̄bis conditæ 711. Consulibus Aulo Hircio, & C. Vibio Pansa, Augusti 2. ante ortum Christi 41. aut 42.

Dissentiunt ab hoc calculo versus, quos ex templo S. Iusti excerpfit Symphorianus Champcrius.

*Ante Deum natum sex annis atque viginti,  
Munatius Plancus Lugdunum condidit urbem.*

At hic Poëta melior Christianus fuit quam Chronographus.

Rides Ariste laudes marmoreas, at ego illas pretiosiores puto quam laudes verbosas; evanescunt verba dum ex lingua fluunt, aër sunt & sonus in aëre, in lapide sunt immortales characteres: imprimuntur marmori, & pars marmoris fiunt; animant lapidem, & faciunt eloquentem, facit illas lapis solidas, & æternas; superest hodieque Plancus in marmore viuis, in seipso mortuus, superstes vivit in Lugduno suo, nec superesset Lugdunum nisi esset lapideum.

## EPISTOLA SECVNDA, LVGDVNVM SVB IVLIO CAESARE.



**Q**UÆRIS Alexi, an Iulius Caesar Lugdunum viderit, vidit si Lugdunum nunc fuit: an fuerit quærunr multi, & nemo quæstionem soluit: Ego præter eas rationes quas alibi attuli, fuisse Lugdunum probo argentea rarione desumptâ ex nummo argenteo, quem exhibent eruditi cum hac epigraphe.

*Ant. Imper. Ill. vir. R. E. A. XL.*

*Ex altera parte, Lugduni, cum leonis effigie.*

Idest Antonius Imperator, Triumvir, Reipublicæ constituendæ, Assium quadraginta: Ita legit eruditus Petrus de Marca; non benè autem Lipsius legit à populis quadraginta, neque enim numi à populis, sed à Præsidibus cudebantur; nec meliùs alij legunt anno Colonia deductæ quadragésimo, nec enim post quadraginta annos numi sub imagine Antonij condi potuère, tunc scilicet cum eius imagines delebantur, aut iam erant deletæ. Valor igitur numi designabatur iis literis Assium quadraginta.

Ex eo nummo sic arguere licet hic nummus cudi sub imagine Antonij non potuit, nisi eo tempore quo Triumvir fuit, & Gallias rexit; at is annus fuit 712. nec expectauit homo ambitiosus annum secundum & tertium Imperij sui; neque armis Augusti depulsus à Galliis imaginem & nummum meruit: Rursus anno vrbs conditæ 711. dicitur Plancus fundasse Lugdunum, atque hæc est communis fama, cui tu etiam Superiore Epistola credidisti: At quæso Ariste, an vrbs populosa & ampla condi intra annum potuit? an designari magnitudo vrbs? an duci aratrum? an fodi murorum fundamenta? an extrui muri, an palatium, & templum, & forum ædificari? an vrbs magnifica privilegio Argyrocopij ornari? vix vna domus & altera intra biennium absolui potest: Igitur ante Antonium & Plancum Lugdunum fuit, igitur Plancus reparator non conditor fuit: At si Lugdunum ante Plancum fuit, igitur Iulius Cæsar illud vidit.

Audio quid tacitus respondeas, fuisse Lugdunum ante Plancum, nec tamen à Cæsare visum; imo vidit Lugdunum Iulius, qui Lugduno transiuit si fuit: qua enim commodiore viâ penetrare in Galliam potuit quam per eam vrbs quæ ostium Galliæ erat, & Italiæ; cur superatis Alpibus non descendit in eam vrbs quæ clauis erat Alpium? Cur illac non transiuit Cæsar quâ transiuit Annibal? quâ Brennus quâ Senones, quâ Aruerni in Italiam venêre? quærebat nouas victorias Cæsar non nouas vias; vinci poterat ab ipsis Alpibus si alia viâ transiisset.

At pergis obijcere, cur igitur Lugduni non meminit, si Lugdunum vidit? possem dicere meminisse, dum Ambarros, dum Brannouices, dum Viennam, & Tornusias Turres, & Matisconem nominat; scilicet ille medium non omittit qui appellat extrema; at earum Gentium, & vrbsium Lugdunum centrum erat, & meditullium: Addo obuiam & validam rationem; eas ferè tantum vrbes Cæsar nominat quas obsedit aut vicit; eos ferè populos recenset quos expertus est hostes; nec Geographum agit Cæsar in commentariis, nec historicum Gallicum; scribit laudes suas non alienas; & enumerat victorias Romanas non vrbes Gallicas.

Claudio Epistolam elogio Cæsaris. Vir magnus Iulius Cæsar, maior futurus nisi maximus esse voluisset; vt magnum se faceret nullum præter

se pati potuit magnum; vt statueret authoritatem priuatam euertit publicam, vt primus esse posset, omnes postremos esse voluit: fecit crudelem ambitio dum fecit Cæsarem? tot hominum millia cecidit vt à cœdendis hominibus sortiri Cæsaris nomen potuerit, post cæsam Galliam, cecidit Italiam & Patriam ipsam; neque tot homicidiis satur post exhaustum hominibus occidentem cogitabat Orientem vt totum orbem cæderet: verum vlciscente numine, ipse ibi cæsus est vbi tot Senatores ceciderat; denique vt verbo dicam is fuit vir Iulius Cæsar de quo merito dubites, plusne attulerit orbi detrimenti, quam lucri.

## EPISTOLA TERTIA, LVGDVNVM SVB MARCO ANTONIO.



**D**E Marco Antonio hæc à me quæris, Alexi, an Lugduni fuerit, an Leo Lugdunensis ab eo venerit, an arcem in monte erexerit, an Lugdā legionem instituerit, an Turrimannoſam quæ hodieque gerit nomen Triumviri, qualis denique vir, & Triumvir Antonius fuit.

Probaste ſcientem, Alexi, dum viſ ſcire, & doctum dum viſ doceri; nec parum es eruditus dum es curioſus: ſcilicet non aliter acquiruntur ſcientiæ quam dum quærentur, & penè illas inuenit qui benè quæſiuit. Reſpondeo quæſtionibus tuis eo ordine quem tu ipſe notaſti.

Fuiſſe Lugduni Marcum Antonium probat nummus argenteus de quo ſuperiori Epistoſa, inſcriptus ex vna parte Ant. Imp. Illvir. R. C. A. XL. ex eo enim ſic arguere licet, hic nummus neque à Planco cuſus eſt, non ſatis Antonij amico, neque à Lepido, neque ab Auguſto qui imagines ſuas impreſſiſſent non alienas; igitur ab Antonio ipſo; neque alio tempore nummum cudere debuit, quam dum Lugduni fuit.

Idem nummus ex aduerſa parte inſcriptum habebat nomen Lugduni; & effigiem Leonis; amaui Antonius Leones quos etiam curru ſuo iunxit, & vehi à Regibus voluit quaſi Imperator Regum futurus, an propterea Leonis imaginem nummo impreſſit? an etiam propterea nomen Leonis Lugduno impoſuit? niſi forte hoc inſigne fuit Colonia à Planco deductæ; imo niſi hoc nomen, & inſigne Lugdunum geſſit diu ante Plancum.

Impoſitum monti Lugdunenſi propugnaculum probant verba Taciti l. i. n. 59. & 64. Italicam legionem, Alam Taurinam, & cohortem ſoliſ tibi Hybernis relinqui placuit: & n. 74. Italicam, coſque quæ Lugduni agitabant copias, Senatui miſit; non alibi Lugduni agitabant niſi in monte



monte vt urbem protegerent : neque in monte erant sine arce, hanc autem arcem vel erexit Plancus dum urbem fundauit, vel Antónius dum Lugduni fuit.

Illustris est appellatio legionis Lugdæ; an hoc nomen à Lugduno tra-  
xit, lugda quasi Lugdunæ? an lugda quasi refulgens, etiam lingua Cel-  
tica? an lugda quasi lucens lingua Romana? placuisse hæc nomina Ro-  
manis probat legio fulminatrix de qua Baron. an.C. 176. sub Marco Au-  
relío; an denique eam legionem Lugduni Marcus Antonius instituit, &  
lugdam à Lugduno appellauit?

Quænam fuerit turris illa Triumviri collige ex illustri Disticho Si-  
donij Apollinaris ad Ominatum Aruernum quem inuitat ad epulas na-  
talitias.

*Pocula non hic sunt illustria nomine pagi,*

*Quem posuit nostris ipse Triumvir agris.*

Iacobus Sirmondus illustris Sirmondi Scholiastes sic explicat, agris no-  
stris Lugdunensibus; scilicet Sidonius natus Lugduni dum illic Pater Præ-  
fecturam gereret, Lugdunensem se appellat, origine nimirum non gen-  
te, Aruernum alioqui satis se probat ex capite: At quis ille pagus, & qui-  
nam agri illi? pagum esse sancti Irenæi probat annosa turris quæ hodie-  
que appellatur, PORTA TRIUM, ita loquitur vulgus, at eruditi ap-  
pellant portam Triumviri, seu portam Antonij.

Denique qualis fuerit Antonius ex breui elogio disce. Quis audeat  
laudator esse Antonij post accusationem Ciceronis? scripsit in eum Phi-  
lippicas; & fuit Antonius Romanis quod Philippus Græcis: At quid di-  
xisset Tullius si vidisset Antonium Dominum Orientis, & fœminam Do-  
minam Antonij! fuit tamen vir fortis Antonius, & penè à Iulio Cæsare  
secundus; extincto Magistro & amico ex Triumviris vnus, nec potuit  
pati Lepidum tertium, nec Augustum primum; & poterat ipse esse pri-  
mus, nisi victus à fœmina vir esse desisset, postremus hominum, & fœ-  
minarum primus.

## EPISTOLA QVARTA,

LVGDVNVM SVB AVGVSTO. 3



E Augusto hæc quæris, Alexi suauissime, an Lugdunum vi-  
derit? an amauerit? quænam amoris signa Lugduni relique-  
rit, & qualis Augustus fuerit.

Venisse Lugdunum testatur Dio l. 54. Anno urbis conditæ  
731. Imperij 27. L. Domitio Enobarbo, & Cornelio Scipione Coss. cau-



sa itineris ut putat Suetonius fuisse motus Gallici, & Germanici; scilicet secuta non erat Italia si Gallia nutaret, & fidelem sperabat orbem terrarum si Gallia maneret in fide: adeo amula erat Gallia Romæ, & Roma Gallia.

Quam valde Lugdunum dilexerit probat commoratio Lugdunensis, ubi toto triennio fuit, futurus diutius nisi Roma reuocasset; placebat Augusto situs urbis excelsus & planus; placebat confluxus duorum fluminum, & per illos ad utrumque mare facilis cursus; placebat Augusto centrum Europæ, cor Galliæ, & clavis Italiæ.

Vfus occasione Augustus Sueuos & Sicambros solo aduentus rumore in fide retinuit; timebatur Augustus præsens, amabatur absens, & timor & amor, instar illi exercitus erant.

Audaciores, Norici, & Rheti ex montibus delapsi in plana camporum prædas impune agebant hominum & pecorum; & reuersi in patriam inter Alpes & rupes tutos se ab Augusto credebant; vicit illos Augustus per Tiberium, & Drusum, & ne olim rebelles essent aliud traduxit incolas Alpium, & penè ipsas Alpes.

Pacatis undique populis vectigalibus modum imposuit, ut facilem redderet seruitutem; Licinium quendam Gallici ætatis præfectum quod iniuste pecunias tota Gallia corrasisset correxit quidem, sed oblata ingentis pecuniae amore victus pepercit homini, & crimini, & alienam auaritiam fecit suam.

Interea Agrippa contemplatus situm urbis, & opportunitatem loci, ex Lugduno quasi ex centro partitus est vias quasi lineas per omnem Galliam, & Europam; sicque ut ait Strabo diuisit Lugdunum orbi, & orbem Lugduno.

Ipse quoque Augustus Coloniam Lugdunensis fines extendit; & nouam Prouinciã creaturus, decem populos Celticæ ablatos Lugdunensi Prouinciæ attribuit, & solidam appellauit; appellare poterat Augustam, adeo illam in deliciis habuit.

Nec minor erga Augustum fuit Galliarum & Lugduni amor, sexaginta Galliarum populi templum illi & aram ad confluentes Araris & Rhodani erexerunt, ubi solennes conuentus singulis annis agitabant: certasse videntur Roma & Gallia vtra Augustum maioribus honoribus afficeret; vicit denique Romam Gallia, illa Augustum fecit, hæc Deum.

Reuocatus Romam Augustus, abduxit secum Tiberium, fratrem autem eius Drusum Lugduni reliquit; qui tot præliis Germanos attriuit, ut inde Germanici cognomen meruerit.

Expectas, Alexi, Elogium Augusti, paucis dico alienis verbis & meis. Nescit imperium Romanum qui nescit Augustum; inchoauerat illud su-

lius Cæsar, Augustus absoluit; maior Patre vel felicior: doluit Roma cum Principem fecit, gaudia est cum habuit; timebat Dominum in Augusto, amavit Dominum & Augustum: Ille ut amaretur recusavit nomen Domini, & dum recusavit obtinuit; seruire sub eo didicit Domina Roma; & dum extra se imperat aliis, intra se seruit; maluit tamen seruire uni quam pluribus; ante Augustum tot Dominos habebat quot Consules & Tribunos, singuli anni mutabant veteres Dominos, & creabant novos; sub Augusto idem Dominus fuit; mutatus est modus seruiendi, emendata est non mutata seruitus.

## EPISTOLA QVINTA; LVGDVNVM SVB TIBERIO.

**E**CCE hunc Augustum Liua non Augustus, & mores ipse representauit Matris, non Vitrici; maior natu fratre Druso, minor meritis fuit; inuidit illi nomen Germanici, & ne triumpharet Romæ, venientem veneno sustulit: quid speret Roma à fratricida nisi cædes, & exilia? amavit tamen Roma in Tiberio non Tiberium sed Augustum; & passa est imperium hominis degeneris, & apud capreas penè in caprum mutari.

Quæris tamen Ariste, qualis erga Lugdunum Tiberius fuerit, & quale erga Tiberium Lugdunum.

Amavit Lugdunum Tiberius, vbi cum Augusto toto triennio commoratus est; ab anno urbis conditæ 737. ad annum 741. & quò iterum ab Augusto missus rexit Galliam Comatam, incursiones barbarorum repressit, & discordias Principum feliciter composuit, melior Prouincia- rum Rector, quam orbis Imperator.

Euectus ad Imperium meritis alienis non suis, breui ostendit quantum malum esset malus Princeps; successor Augusti nihil augustum habuit nisi nomen seu speciem quandam virtutis; sub ea specie dissimulata flagitia non emendata ingens Augusti desiderium excitarunt, & Tiberij odium; nec vlla ex re Augustus fuit illustrius quam à successore Tiberio representante nomen Principis optimi, & vitam ostendente pessimi.

Sterit in fide Lugdunum sub malo Principe, nutante Germania, & gemente Roma; duo exercitus alter sub C. Silio, alter sub Aulo Cæcinnâ malebant Imperatorem Germanicum, Drusi filium, quam Patruum Tiberium, & erat melior Patruo, & imperio dignior; corrumpere consilia

fideles imperio Lugdunenses, quibus etiam gratias egit Germanicus de impedito imperio, vix egit Tiberius Germanico, cui tamen debebat & seruatum imperium, & quod amplius erat recusatum.

Sexennio post Iulius Florus, & Iulius Sacrouir, viri illustres, & apud suos Principes, pertasi seruitutis ignauæ excitauerant penè omnes Galliarum Ciuitates ad spem libertatis, & persuaserant posse excuti Romanum iugum sub ignauo Principe, in quo nihil erat Cæsaris nec Augusti: actum erat hac quoque vice de Tiberio, & imperio Romano si Lugdunum vacillasset; trahebat secum in Italiam omnes Gallias si iuisset, fugisset capreis Tiberius qui Roma iam fugerat; & poterat hac quoque vice capi Roma, sæpè olim à Gallis capta.

Stetit in fide Lugdunum erga Tiberium etiam ingratum; Aciolus Auiola Legatus excita cohorte quæ Lugduni præsidium agitabat, Andegavos composuit: Varro alter Legatus alias vrbes retinuit, victus est Florus & Sacrouir, & causa victoriæ Lugdunum fuit, fidele dum seruauit Romam, infidele dum non seruauit Galliam.

Claudat Epistolam breue Tiberij elogium alienum & meum.

*Auidius imperandi ante imperium,*


*Imperare nesciuit dum Imperator fuit:*

*Quam solitudinem non amauit priuatus,*

*Captauit publicum;*

*Renocatus ab exilio vt imperaret;*

*Imperator misit imperium in exilium.*



## EPISTOLA SEXTA, LVGDVNVM SVB CALIGVLA.



CAIVS Cæsar cognomento Caligula indignus Patre Germanico, Patrui Druso, Augusto Proauo, ex materno genere nihil pretiosum habuit præter margaritas, quas assuebat Caligis; nihil generosum præter clypeum quo exceptus est dum inter arma nascitur: vt Maiors ortus, vixit vt Bacchus, generosior Infans quam adultus: imperarunt cum illo quatuor annis omnia scelera; corrupturus erat orbem terrarum si regnasset diutius; post constupratas Sorores; post Marronas nobiles publicæ libidini expositas; post cæsos Senatores & Senatum, Iouem se ab incestu, Bacchum ex ingluuie, Martem se appellabat ex scelere; & truculentior matre erat qui vnum caput populo Romano optabat, vt Romam vno vulnere perimeret: Princeps

omnium pessimus, & quem natura edidisse videtur, vt ostenderet quid possit summa malitia cum suprema fortuna.

Queris tamen ex me Aristote, qualis Caligula erga Lugdunum fuerit: an aliquid amauerit Caligula præter scelus incertum est, si quam tamen urbem amauit ea Lugdunum fuit; ibi longiores moras quam alibi traxit: ibi tertium consulatum accepit vix vno dignus; ibi extincto Tiberio acclamatus est Imperator communibus votis, breui deuouendus communibus diris: ibidem edidit miscellos ludos, & certamen quoque græcæ, latinæque facundiæ, ait Suetonius, & penè ipse ad certamen descendit. Nec temere arbitratur Rubysius inuentum hoc certamen à Caligula; & probare id videntur pœnæ victis impositæ, delère scriptiones linguarum, mergi proximo flumine, obiurgari ferulis; nimirum eæ pœnæ humiles, & penè ridiculæ caligas sapiunt non coronas, nec ab alio imponi potuerunt quam à Caligula.

Atque vinam eos tantum ludos Lugduni edidisset, verum cum Lugduni tesseras luderet, & vim auri, argentique magnam amisisset demandans proximo collusori vices suas, cuocata ad se arcæ Galliarum Præfecto, iussit sibi afferri libros indices census Gallici, tum rediens Hilari vultu, vos vero inquit paucos denarios luditis, at ego iam coëgi ad sexies millia sestertium, id est vt Budæus æstimat quindecim auri milliones.

Hic ludus Lugdunensis, at longè plura Romæ luserat aut decoxerat; scilicet vices septies millia sestertium, seu vt æstimat Budæus sexaginta sex milliones auri, & quinquagies mille aureos nummos: collegèrat eam vim pecuniæ pluribus annis ex omnibus Prouinciis Augustus, & Tiberius, anno vno Caligula consumpsit; nec tamen in publicam rem, sed in nagas, & bullas & caligas.

Vt prætexeret aliquam causam, fingebat rebellasse Germanias & Gallias; occurrendum celeriter esse, colligendum exercitum, nec sine pecuniis colligi posse, hac arte emungebat omnes crumenas; alteram artem adhibebat multo peiorem, fingebat perpetrata scelera quæ puniret, aut quæ pecuniis condonaret; nemo erat expers criminis; crimen erat esse diuitem, & solus pauper innocens erat.

Quod addo ridiculum est, & tamen verum; ne Imperator, nihil egisse videretur, ducebat exercitum ad Rhenum & Oceanum; bibere è Rheno iubebat, & conchas legere in littore maris, quas etiam Romani mittebat; & quasi de Rheno & Oceano triumphabat.

Denique atrox hominum Dominus sic eum penè omnes vocabant, dicere illud solebat, exarmandos esse subditos ne rebellarent; tolli arma si tollatur crumena; & fideles fore populos si fiant pauperes: at mala verba nec principe digna; dicere debuit tunc Regem esse diuitem; cum Regnum est diues; & fideles fore populos si seruitutem liberam seruiant, non inuitam.



# EPISTOLA SEPTIMA, LVGDVNVM SVB CLAVDIO.



He Caligulae Patruus, nepote vix melior fuit, ante imperium sine fama vixit quia latuit; in imperio infamis quia non latuit: in latebris gladium fugiens sceptrum inuenit, quem caesum volebat Senatus, miles Caesarem fecit: reueritus est sanguinem Caesarum etiam in haerede degenerare; sagacis ingenij sed timidi regnare nesciuit; eloquens scriptor, malus Imperator, quadraginta libris res gestas auorum suorum laudauit, nihil ipse laudabile habuit; libertus liberti, seruus vxoris; in Imperio nihil minus habuit quam Imperium.

Quæris tamen Alexi, quid Claudius Lugduno debeat, quid Lugdunum Claudio.

Debet ortum Lugduno, ea die in lucem editus, qua die templum Augusto à sexaginta populis Galliarum consecratum est: Ita Sueton. l. 5. & ne homini tantum credas idem asserit Hercules apud Senecam in Apotheosi Claudij.

*Expone propere sede qua genitus cluas.*

Et paulo post.

*Vidi duobus imminens fluminis iugum,  
Quod Phæbus ortu semper obuerso videt,  
Vbi Rhodanus ingens amne prærapido fluit,  
Ararque dubitans quò suos cursus agat,  
Tacitus quietis alluit ripas vadis;  
Estne illa tellus spiritus altrix tui?*

Addit Petrus de Marca digress. de prim. Lugd. natum anno 33. à condita Colonia à Planco, qui fuit annus vrbis C. septingentesimus quadragessimus quartus.

Memor Patriæ suæ Claudius eam ornauit, & penè alter Coloniae Lugdunensis conditor fuit; duplicis generis Coloniae erant, ait Asconius, priores erant illæ quibus dabatur jus Romæ nullis eò deductis Romanis ciuibus, siue essent vrbes antiquæ, siue de nouo conditæ; secundæ erant illæ quæ fiebant deductione Ciuium Romanorum, qui Ciuitatem constituerant soli, aut veteribus incolis adiuncti: primi generis Coloniam fecerat Plancus ex Viennensibus profugis & Lugdunensibus incolis, deduxit ciues Romanos Claudius & secundi generis Coloniam fecit: sicque Lugdunum vna & duplex Colonia fuit, & duos penè conditores habuit.



Ne dubites de utroque hoc jure probarunt utrumque Lugdunenses ipsi, dum milites qui à partibus Vitellij steterunt ad excidium Viennæ adhortantes, aiebant se Coloniam Romanam esse, non autem Viennani; scilicet huius secundi generis; alioqui enim Vienna primi generis Colonia erat; eamque Claudius ipse in oratione pro Gallis ornatissimam; valentissimamque Coloniam appellat; & testatur Tacitus vetustatem & dignitatem Coloniae Viennensis valuisse ne vrbs destrueretur: At Lugdunensis Colonia vnâ sui parte Romana erat, aliâ Gallica; miscebantur se duæ Ciuitates, & Lugdunum Roma, & Roma Lugdunum erat.

Hanc autem deductionem Ciuium Romanorum factam esse à Claudio non à Munatio Planco probare videtur nouum nomen Lugduni sub Claudio.

C. C. C. Aug. Lugd. idest Colonia copia Claudia, Augusta Lugdunensis, male enim legunt Paradinus & Rubysius trecentos Augures Lugdunenses; nec bene alij, trecentos Augustales Lugdunenses illustratur hæc prima lectio ex aliis similibus C. C. Aug. Agripp. idest Colonia Claudia Augusta Agrippinensium: C. C. Vlp. Trajana, Aug. Frug. Hadrum. idest Colonia Concordia, Vlpia Trajana, Augusta, Frugifera, Hadrumetina.

Cur autem Colonia Lugdunensis appellaretur copia querit Scaliger in animadu. ad Euseb. nec difficilis est responsio, vocatam eo nomine ut significaretur Emporij Lugdunensis opulentia, & rerum omnium copiosa affluentia.

Ex eodem amore Claudij in patriam suam profecta videntur cætera ornamenta Lugduni Amphitheatrum, thermæ publicæ, aquæductus; quorum fornices aliquot Lateritij à sexto lapide ducti hodieque visuntur, Authoris monumenta sui: Aqua autem illa publica postquam vsibus Amphitheatri, & Castrorum in superiori vrbe inservierat deriuabatur ad thermas, & fontes publicos, ac priuatos, ut fidem faciunt diuergia; castella, tubi, & canales ex latere firmo constructi; quæ omnia fossoribus sæpe occurrunt in utroque cliuo Foruerij, & sancti Marcelli, nunc sancti Sebastiani; quæ etiam probant fuisse thermas ad ripam Araris ex calentibus aquis è monte delapsis; quæ etiam opinio est Petri de Marca in digress. de prim. Lugd.

Nec omittenda res aliæ illustres quas Claudius Lugduni gessit, quæ illum acris iudicij fuisse testantur, nisi genio indulgère maluisset quam iudicio.

Abnuebat Mater agnoscere filium qui aliquot annis domo exularat; disceptata utrimque re, & abeuntibus iudiciis in diuersa, iussit Imperator admitti à muliere vidua supplicem reum vel in filium vel in sponsum; cum hic vero conuicta mulier agnouit filium, & cum deessent ali

testes pudor maternus testis veritatis, & iudex fuit.

Druidarum religionem diræ immanitatis, & tantum ciuibus sub Augusto interdictam penitus aboleuit; optimatibus Gallis ius adipiscendorum in vrbe honorum petiit in Senatu, & impetrauit; nec ingrati erga Claudium Galli beneficium duabus tabulis æreis incidêrunt; visuntur hodieque ex tabulæ Lugduni, testes Claudij amantis Lugdunum, & Lugduni amantis Claudium.

Claudio Epistolam querelâ serâ sed vera; heu cæci Lugdunenses, & cæteri Galli qui non intelligerent ornari se honoribus Romanis vt ornatè seruirent; eligebantur in Consules, vt consulere Romanis non paritæ; creabantur Prætores vt ius dicerent Gallis pro Romanis, erant quaestores vt facerent pauperem Galliam & diuitem Romam, siebant Tribuni vt armarent Galliam in seipsam; sic emebatur libertas Gallica à Romanis; sic erant Lugdunenses Domini apud Romanos, & serui apud suos.

## EPISTOLA OCTAUA, LVGDVNVM SVB NERONE.

**H**ic initio imperij talis fuit, vt dicere soleret Trajanus omnes Principes longè distare à Neronis quinquennio; talem reddiderant Buirus Prætorio Præfectus, & præceptor Seneca; nemo meliores magistros habuit, nemo peior discipulus fuit; occidit vtrumque ne sapere sub tantis exemplis cogeretur: nec pepercit Matri Agrippinæ, quæ malo omine dixerat, occidat modo imperet: explorari ferro iussit vterum intra quem iacuerat: dignus abortu non ortu, qui totum naturæ pudorem matricidis oculis corruerat.

Hic tamen Nero neminem amans, & exosus omnibus amauit Lugdunum & charus Lugduno fuit. Nec sterilis amor Neronis sed liberalis fuit, miseratus urbem repentino incendio inflammata quadragesies sestertiū, seu vt numerat Budæus millionem aureum dono dedit, & reparator alter Lugduni fuit.

Memor beneficij Lugdunum stetit pro Nerone etiam à Senatu damnato, nece timuit Viennenses æmulos, nec Galbam imperio inhiantem; retinuit nutans imperium, & penè amissum Cæsaribus restituit: ante aliquot annos turbidis in rebus ingentem pecuniæ vim Cæsari obtulerat; reddidit eandem vim pecuniæ Nero, & certamen grati amoris exhibuit: vicit tamen Lugdunum dum prius dedit; reddidit Nero beneficium, dedit Lugdunum non reddidit.

Claudio

Claudo Epistolam, & laudo aliquid etiam in Nerone; odiosus omnibus Nero vni Lugduno amabilis fuit; reparauit inflammatam urbem, & clariorem ex incendio reddidit; non ingratum Lugdunum stetit pro Nerone etiam mortuo: hoc demum est amare generose; amauit Nero Lugdunum post ignes, amauit Lugdunum Neronem post cineres.



## EPISTOLA NONA, INCENDIUM LVGDVNI.



OGAS, Alexi, vt describam incendium Lugduni, descripsit illud Seneca, & penè vidit: Ego magnum authorem describo, & incendium recito.

Centesimus & septimus annus fluxerat ab ortu Lugduni cum incendio periit; crescebat in dies vrbs magna, & tota simul vna clade decreuit; quæ ætas ne homini quidem suprema est, ea Lugduno extrema fuit.

Imptouifum fuit incendium, & ante oppressit Lugdunum quàm caucri potuerit; cæteras ferè calamitates morbus antecedit aut motus, præluceat fulgetra fulmini, tempestas præuertit naufragium, & priùs nubes tonat quam ignis erumpat; Deus ipse prius irascitur quàm puniat; & timeti vult pœnas & cauèri, propterea præmittit minas ante supplicia: Incendium Lugduni fuit sine minis & metu: nemo prænuntiauit venturum, venit ante nuntios sui, & ante occupauit Lugdunum quam caucri potuerit.

Violentum fuit incendium quod nulli parti Lugduni pepercit; multas vrbes exussit ignis sed non totas, nullibi tam vehemens exarsit incendium, vt non aliquid alteri incendio reliquerit; sæpe interiectus paries flammam repressit, sæpe aqua extinxit; sæpe nimia materia suffocauit; Lugdunensibus flammis nihil restitit; corripuèrè totam urbem simul, omnis domus materia, omnis materia sulphur, omne saxum pabulum fuit; aqua ipsa mutasse naturam visa est, concepèrè flammam Atar, & Rhodanus, periit aqua omnis quæ stetit, & nisi posteriores aquæ accelerassent fugam, idem erat incendium Lugduni, & vtriusque fluij.

Reptinum fuit incendium, citius arsit Lugdunum penè quàm dixi; vna nox interfuit inter urbem maximam & nullam; quærebatur mane Lugdunum quod vespere ostensum erat; mirabantur aduentantes hospites ibi solitudinem esse, vbi suffocabatur turba; quærebant Lugdunum

in Lugduno, hic aiebant templum, hic palatium, hic forum fuit: quam celeres sunt rerum ruinæ: una nox strauit centum annorum gloriam; intra momentum vrbs periit quæ seculum perire viderat.

Luctuosum fuit incendium, arsit opulenta Ciuitas, præsidium Italix, ornamentum Gallix, decus Europæ; arserunt tot elegantia opera quæ singulas vrbes illustrare poterant; periit opes quæ Europam ditassent, combussit nox una gazas orbis terrarum; sensere flammæ Lugdunenses omnes Prouinciæ; periit plures vires in vnâ, & breui arsura Roma, cum Lugduno penè iam arsit.

Deploras incendium Lugduni, Ariste, & causas incendij scire velles; fatum accusat Seneca, omnium inquit rerum, & vrbiū & hominum fata voluntur; quidquid incepit necessario desinit: neque moriendi libertas est neque nascendi, si Deum excipias qui nunquam desinet, omnia in interitum ruunt, fato impellente vt celerius ruant: quæris quæ causa Lugdunum incenderit, fatum est: quæris cur igne, cur nocte, cur momento periit, sic in fatis fuit: perdidit Lugdunum hæc necessitas quæ perdet orbem, omnia mortalium opera mortalitate donata sunt: ne quære causam, fatum est, & necessitas, & inde mortalitas.

Inflammat Lugdunum, aiunt alij, fortuna non fatum; nihil huic Deæ inausum est, idem ius habet in vrbes atque in homines: omnia susdeque miscet sine discrimine; ideo cæca pingitur quia non aspicit quod euertit; pila est illi orbis terrarum; & ludus, & ludibrium per damna ire: incendit fortuna Lugdunum, id fecit vrbi vni quod orbi factuū est: intueri ciuitates omnes; eas olim omnes casus euertet; nulli fortuna parcat nisi sibi: insidet rotæ, & stabilis est, & dum omnia mouet immobilis est.

Nec fatum aiunt alij, nec fortuna Lugdunum euertit sed natura; cecidit Lugdunum quia caducum erat, nihil stabile fecit adhuc natura: neque ipsa stabilis est; explora illam vnde quaque, & videbis nulla sui parte constare: quid Firmius esse potest montibus? & tamen depressit aliquos terræ motus, alios æquauit, alios sustulit: quid Sanctius esse debuit terræ visceribus? detexit illa ferrum, violauit flagitium, nulla sui parte terra iam virgo est: nihil obuium ruinæ minus esse deberet quam aquæ, fugere videntur interitum dum effluunt; hoc quoque elementum sensit interitum, mutarunt sæpe alueum flumij, mare recessit, & alicubi exaruit, exussit ignis Lugdunum, neque ipse interitum fugit; periit flamma quæ Lugdunum corruperat, & quo funere urbem absumpsit, eodem ipsa consumpta est. Scilicet hæc est rerum creaturarum conditio, quidquid natum est mori potest; cinis erat natura antequam fieret, & cinis fiet cum desinet.

Lugdunum addunt alij, non euertit natura, sed qui supra naturam est præpotens Deus: venisse e cælo hunc ignem ptobat vis celer & efficax

ferrum illi stipula fuit, & marmor palca; victum est primum quidquid restitit, & quidquid putabatur æternum momentum fuit; nec fuit naturalis hæc celeritas, citius quam dico omnem urbem flamma corripuit, inflammauit simul omnes domos, nullæ arsere primæ, nullæ ultimæ; sic eunt diuina sine cursu, sic volant sine motu; sic perueniunt sine transitu: ne dubites supra naturam fuisse hoc incendium, vicit naturam: cur autem è cælo hæc flamma venerit, euocauit illam Lugdunum nocens, nemo è cælo damnatur innocens.

Fallor non puniuit Deus malam urbem sed voluit facere meliorem: consumptum est flammis Lugdunum vt excitaretur in melius, sæpè meliori fortunæ locum fecit iniuria, multa ceciderunt vt alius resurgerent; Timagenes inuidens Romæ, aiebat incendia Romæ ob id vnum dolori sibi esse, quod sciret meliora surrectura quæ arsisent.

His fere rationibus consolatur Seneca iacturas amici sui liberalis Lugdunensis, cui etiam vt faueret fecit Neronem erga Lugdunum liberalem; contulit Imperator millionem aureum, contulêret assen suum tres Pro- uinciæ Galliæ; reparata est Ciuitas Lugdunensis, surrexit melior ex cinere; & paucos intra annos reuixit tam pulchra, vt videretur illustrasse Lugdunum flamma non exussisse.



## EPISTOLA DECIMA, LVGDVNVM SVB GALBA.



**H**ic extraneus sanguini Cæsarum, ex cæde tamen Neronis Cæsar appellari voluit; successit iuueni feroci decrepitus senex, crudelis, auarus, impurus, peior Nerone si vixisset diu: auri Charybdis, gemmarum magnës, voluptatum gurgès, septem mensibus inopem fecit orbem terrarum, vt tres liberos diuites faceret.

Quæris, Alexi, vnde ira Galbæ contra Lugdunum quod perditum ibat si irasci diu licuisset, paucis explico longas iras: Amabat Lugdunum Cæsares, & à Cæsaribus amabatur, eò tamen sceleris venerat Nero Cæsar, vt neque illum orbis vltèriùs ferre posset, nec se ipse iam ferret; defecerat ab eo Iulius Vindex Præfectus Galliarum sanguinis Gallici & Regij, & poserat ipse capeffere imperium, nisi illud Galbæ amico in Hispaniis tunc degenti offerre maluisset: dicebatur Gallus excitasse Leonem, & maluissè alteri coronam quàm sibi: Roma ipsa decreto Senatus declararat Neronem publicum hostem, & passim omnes libertatem cla-



mabant, aut alterum Imperatorem; Quid faceret Lugdunum in eo rerum cardine? Itegit intrepidum nutante orbe terrarum, & retinuit pertinacem erga Neronem fidem, prius arsura iterum quam ab amicitia recessura.

Non ita Viennenses sed occasione vsi addiderunt se Galbæ, non tam hostes Neronis quam Lugduni, nec tam addicti ambitioni Galbæ quam suæ; scilicet inuidebant sibi inuicem duæ potentes Colonia & vicinæ; crescebat in dies Lugdunum, & Viennæ molestum erat decrescere: iratus Lugdunensibus Galba quos amare debuerat mulctauit eos parte agri, vertit in fiscum reditus, & Viennam in ordine ciuili primas tenere voluit.

Verum dedit primas Viennæ qui primas sibi retinere non potuit; breui dabit pœnas Othoni, & Vitellius restituet quod Galba sustulit: sic volebatur orbis terrarum, mutabat Dominos Roma, mutabatur Imperator, & imperium rota fortunæ erat.

Claudio Epistolam Elogio Galbæ. Imperio dignus erat nisi imperasset; septem mensium Imperator statim placuit, statim displicuit; satis illi esse debuerat imperium meruisse; aut quibus artibus meruerat administrare debuit; ante sceptrum adeo erat disciplinæ tenax vt ingresso in castra acclamaretur, disce miles militare Galba est non Germanicus, post imperium tribus libertis regendum dedit orbem terrarum, qui etiam intra aedes Palatinas pariter habitabant, & vocabantur vulgo tres orbis pædagogi; peperit odium Imperatori hæc seruitus, cæsus est à militibus Othonis, dum ipse lorica tectus lenire illos satagebat, at Galba esse desierat in libertos mutatus.




## EPISTOLA XI.

### LVGDVNVM SVB OTHONE.



**H**ic amasset Lugdunum si imperasset diutius, Neronis intimus intimè Nero fuit, iisdem moribus & amoribus, eadem cum Nerone amabat, eadem oderat; amasset igitur Lugdunum quod Neroni pretiosum erat; verum Imperator quatuor mensium degustauit imperium magis quam gessit; acquisierat illud per scelus, & amisit; hac quoque in parte Neroni similis, bis victor Vitellij, semel victu squartam fortunam experiri noluit, quamuis urgente exercitu; amarunt illum milites etiam mortuum, plerique aspecto eius cadauere perire maluerunt quam militare alteri; ipse imperij desperatione, vel

radio oculos sibi effôdit; ne mortem aspiceret sensit illam tamen quam non vidit, illatis sibi lethalibus manibus; vt mollius periret, interire voluit proprio scelere, ne periret alieno; at desperatio abiecti est animi non erecti; nimirum fregerant Othonem vitia quæ Neronem corrupe- rant, & nihil est voluptate ignauius; obiit anno ætatis 37. ea penè ætate Nero perierat, vterque senectutem non vidit, vterque in adolescentia otio & voluptate senuerat.



## EPISTOLA XII.

### LVGDVNVM SVB VITELLIO.

**L**RATVS Galba steterisse Lugdunum pro Nerone pertinaci fi-  
de, ait Tacitus, Lugdunensium reditus verterat in fiscum; multus contrâ in Viennenses honor, mutauit rerum vices Vitellius, amauit Lugdunum & multauit Viennam æmu- lam, sic voluebatur imperium volente fortunâ, nouos amores afferebat nouus Imperator, & quod amabat Galba hoc Vitellius oderat: sensere eas vices Lugdunum & Vienna, & ne vrbs vna inuideret alteri æqualem faciebat vtramque fortuna.

Quæris, Ariste, vnde amor Vitellij erga Lugdunum, & vnde erga Viennam odium. Amabat Lugdunum Neronem & amicos Neronis, & amicus erat Vitellius; steterat pro Nerone contra Galbam, Lugdunum pro Vitellio stetit; excepit illum euntem in Germaniam, & redeuntem, adiuit pecuniis, ait Tacitus, & penè illi imperium à militibus emit: non potuit Vitellius amare imperium & non amare Lugdunum.

Vnde autem odium Vitellij in Viennam æquè promptum est dicere; steterat Vienna pro Galba contra Neronem & Lugdunum: amare non potuit Vitellius Viennam qui oderat Galbam: auxerunt odium Lugdu- nenses dum memores iniuriæ Viennensis, & imminutæ Majestatis à Gal- ba, persuaferunt Vitellio posse ditari exercitum spoliis Allobrogum, itu- ros se comites viæ & duces; esse se Coloniam Romanam non autem Viennam, perdendam esse vrbein rebellem quæ perdere Vitellium cõ- gitarat.

Missus à Vitellio Valens cum exercitu pepereit vrbi non crumenis, re- dempta est clades triginta sestertiis seu vt æstimat Budæus septingentis quinquaginta aureis in singulos milites, & statuiis ac stipendiis exercitus Romani quandiu Romam non iret: Intereâ Ciues exuti sunt armis ne nocere possent, & pecuniis ne nocere vellent: depressit animos Viennen-

sum hæc calamitas, & fecit ut in potterum amici esse Lugdunensium mallent quam æmuli.

Claudio Epistolam probro Vitellij non elogio: hic Patre ter Consule natus, & sæpè ipse Consul, semper inconsultus fuit, adolescentiam eius ne quære, Capreis illam cum Nerone & Othone perdidit; nec alius publicus fuit quam erat priuatus; quæ intra ante imperium didicerat hæc imperator exercuit; recusauit Cæsaris nomen, augurium nominis timens, fuit ipse tamen Cæsar filij sui quem occidit, & cæsus ipse à nouo Cæsare quod fugerat augurium hoc impleuit: denique octo mensibus grassatus in Imperio à militibus Vespasiani tractus in scalas Gemonias, quibus gradibus ad Imperium ascenderat, per eosdem miser descendit: auri vorago quod ex templis extractum scortis prodigebat, projectus in voraginem infamis interiit; atque hic exitus impuri Imperatoris inter sordes, in iis vixerat.



## EPISTOLA XIII.

### LVGDVNVM SVB VESPASIANO.

**F**ELIX sub hoc Imperatore Lugdunum esse non potuit, sub quo orbis terrarum felix fuit: Quæris, Ariste, an Vespasianus Lugdunum viderit, & an amauerit: vidit dum ex Italia in Angliam, dum ex Anglia in Italiam rediit; vidit Lugdunum & amauit; amare imperium non potuit, & non amare Lugdunum, clauem Imperij Gallici, & portam Romani.

Audi qualis Imperator fuerit. Flavius Vespasianus noua arte imperium acquisiuit Imperij fugâ; dubitauit diu an admitteret; oblatum recusauit, admissum fortiter & constanter gessit: cunctantem miles ad Imperium compulit, forte repulisset affectantem, adeò verum est nullam esse ad honores tutiorem viam quam fugam; nemo imperanti cum honorem inuidit quem sciret recusatum; prima illi cura fuit restaurare antiquam Romani nominis gloriam, & magna ipse pars gloriæ fuit: tricies in Britannia cum hoste confixit; inde in Africam, postea in Iudæam translatus vbique vicit pro imperio, in Iudæa etiam pro Deo: Illud in Vespasiano Elogio dignum, amauit pacem homo bellicosus, cui etiam templum excitauit, quod Iano clausit: denique post trophæa belli & pacis anno absque vno septuagesimo stans obiit, & penè de morte ipsa triumphauit.

## EPISTOLA XIV.

### LVGDVNVM SVB TITO.



He quoque Lugdunum amavit, & fortè vidit cum ex Italia in Angliam cum Patre iuit, & dum cum Patre rediit: delictum fuit orbis terrarum, & terrarum orbis illi delictum: nec dubium quin Lugdunum pars deliciarum fuerit, quod pars erat delictosa mundi: Quæris, Ariste, qualis ante Imperium Titus, & qualis Imperator fuerit.

Titus Vespasianus ante Imperium dignus Imperio fuit; absoluit victorias Patris, & Patrem vicit: vltus est illo Deus ut Iudæos puniret, expugnauit Hierosolimam, & factus est eam victoriam plus habere Dei quam Titi.

Ante imperium ferox emendauit mores in imperio, & virtutem illic inuenit ubi eam plerique corrumpunt: Imago Flauij Vespasiani æquauit Patrem fortitudine, & liberalitate superauit; adeo in omnes beneficus ut amicis aliquando diceret perdidisse se cum diem quo alicui non fecisset bene: At vox illa augustior; auxi numerum ciuium non imminui; enumeraui genus humanum, nulla est miseria priuata quam non subleuariam, nulla publica quam non crexerim; imperauit duobus tantum annis; adeo caduca sunt quæ sunt eximia, meruerat Titus Imperium Romanum, Titum Roma diutius non meruit.

## EPISTOLA XV.

### LVGDVNVM SVB DOMITIANO.



He Vespasiani filius, Titi frater, nihil Patris & fratris habuit præter fortunam: huic tamen regendæ impar fuit; homo indomitus, & solo nomine Domitianus: quæris tamen qualis erga Imperium, & qualis erga Lugdunum fuerit.

Ante imperium, virtutum specie obuclans vitia, Patri similis haberi voluit; adeptus imperium detracta personâ, crudelis, auarus, sordidus similem se Neroni probauit non Patri: nec sago quam toga melior à Decebalò Dacorum Rege victus, empta pace de ignauia sua triumphum egit: nec tamen arma nescire videretur: primus indixit bellum Christianis.



nis, atque vt ignauiam discas, ab iis quoque superatus est etiam inermibus; denique vt haberet quos caderet captabat muscas in palatio, & capras veru transfigebat: dignum enim uero Imperatore certamen pugnare cum muscis.

Amavit tamen Domitianus Lugdunum quod vidit, & vbi aliquandiu substitit missus à Patre in Gallias contra Ciuilem, Sabinum, & alios Imperij amulos, at eos ante Domitiani aduentum Cerealis domuerat.

Claudo Epistolam breui elogio, Domitianus hostis muscis, musca hostibus, Lugdunensibus tamen Apis fuit.



## EPISTOLA XVI.

### LVGDVNVM SVB NERVA.



**Q**UOCCIEVS Nerua cum apud Sequanos moraretur tyrannidem Domiriani exhorrescens, & penè fugiens arbitrio legionum, & penè imperio capeßiuit imperium. Quæris Ariste, qualis erga Imperium fuerit, & qualis erga Lugdunum.

Hic imperare coactus Patrem se Patriæ exhibere maluit quam Imperatorem: afflictas ciuitates statui meliori restituit: puellas & pueros egenis parentibus natos sumptu publico per oppida Italiæ ali iussit: quidquid tributis pœnæ nomine acceßerat indulgeri voluit; grauem pœnam arbitratus esse solum ipsum tributum: publicarum iniuriarum vindex priuatarum arbiter ius omnibus reddens nisi sibi, nihil diuinius esse dicebat quam posse parcere, nihil humanius esse quam velle: Denique prudentissimus senex cum Imperij onus graue esse sentiret, adsciuit in partem curarum Vlpium Traianum, & Cæsarem dixit; neque ita multò post vergente anno excessit è viuus, securus sui in amico, & Imperij in Traiano.

Viderat Lugdunum Nerua dum ad Sequanos exercitum duceret; vidit dum post susceptum apud Sequanos Imperium Romam rediuit; nec dubium est quin Lugdunenses euntem pecuniis iuuerint; nec minus certum est impositas à Galba Lugdunensibus pœnas à benigno Imperatore condonatas: beneficis erga alios dum pœnas tributorum imminuit, erga Lugdunenses iustus dum sustulit.



## EPISTOLA XVII.

### LVGDVNVM SVB TRAIANO.



**H**ic quoque Lugdunum vidit dum accepto apud Coloniam Agrippinam imperio, Romam repetiit non aliâ via quam Lugduno, audi qualem hæredem Nerua elegerit.

Extraneus Nerua, vt hæres esse posset adoptatus est in filium, ex filio in Augustum: nec poterat Nerua consuliè prudentius, & vtilius orbi: negauerat ei natura liberos virtus dedit; & fuit tam bonus Patri & orbi Trajanus vt meruerit appellari optimus: cum enssem Præfecto Prætorij traderet dixisse fertur, vt pro me si benè egero, contra me si male: nemo Imperator melius dixit, nemo meliùs egit.

Et fortis fuit Trajanus & magnificus; audi fortitudinem, in Septemtrione Decebalo victo primus Istrum prodigiosa lapidum mole calcabilem reddidit, in Oriente Parthos Ctelsiphonte, & Seleuciâ spoliauit: Armeniæ Regem Romanis legibus parère coëgit; de Indis spolia reportauit; & longè, latèque victor Romanum se Alexandrum iactauit.

Audi magnificentiam, excitauit Romæ Columnam illam Colosso parem inscriptam rebus suis; sed audi vanitatem humanarum rerum, non ita multo post rebellauerunt subactæ Prouinciæ, Parthi impositas leges excusserunt, Iudæi in Palestina, Cypro & Asia quadringenta & sexaginta hominum millia peremerunt; ipse ab Agarenis repulsus Selinunte in Cilicia aquâ intercute, & Apoplexia correptus interit: Cinis Romam delatus illustri pompa de morte triumphauit, & mors de Cinere.

Denique superest Columna Trajani non Trajanus, viuit in eâ fama hominis & sub illa fama: fabula est pepercisse Christum Trajano, qui non pepercit Christianis: pepercit Plinius junior, at verius Panegyricum Christi composuit quam Trajani.

## EPISTOLA XVIII.

### LVGDVNVM SVB ADRIANO.



**H**ic Lugdunum bis vidit dum Prouincias Imperij lustraret pedes, & recognosceret orbem terrarum vt ruinas resarciret: eam in rem ducebat exercitum non militum sed fabrorum, Architectorum, ætæficum, quos in cohortes & legiones distribuebat; nouum mili-

tiæ genus, & ante Adrianum inauditum; aperiebant se vltro huic exercitui vires omnes; & nemo erat qui non hoc nouo militiæ genere vinci vellet.

Hoc exercitu Adrianus in Britannia murum ad 80. passuum millia erexit, eodem Antinoem urbem apud Ægyptum, eodem in Iudæa ubi olim Solyma erat, Æliam Capitolinam extruxit, impio tamen vocabulo, & ausu sacrilego: hoc eodem exercitu Pontem Ælium substruxit apud Sequanos ad Ditracium oppidum, quod etiam arce munivit, & Metropolim Prouinciæ esse voluit; hodieque vocabulo Gallico, Pontarlier nomine Ælij Adriani meminit; hoc tamen discrimen est Adriani & fluij, fluxit Adrianus & perijt, fuit hodieque exiguus fluuius, & integer viuitt.

Id laudabile in Adriano, at quam multa viciosa, ingenium varium, multiplex, multiforme, inuidum, lasciuum, audum gloriæ & ignauum; cum Regibus pace impetrata occultis conditionibus gloriabatur tamen plus se otio adeptum esse, quam armis ceteros.

At hæc inanis gloria erat, amabat vir fictus umbras virtutum non virtutes ipsas, adeò intolerabilis domi vt dicere soleret Sabina vxor, id vnum timuisse se ne in perniciem orbis terrarum prolem ex tali monstro susceperet. Denique vix tolerabilis sibi, ipsi seruabatur à suis ne in seipsum sæuaret, qui in multos præsertim Christianos immaniter sæuierat.

Amabat tamen Lugdunum Adrianus & amabatur à Lugdunensibus, eius amoris illustre monimentum extabat Lugduni, cuius meminit Tilius in Chron. an. C. 840. & quod cecidisse ait ann. qui mortem Ludouici Pij subsecutus est: quale autem hoc monimentum fuerit disputant eruditi; simile vero est Colossus fuisse, aut pyramidem aut molem ei similem quam Antoninus Adriano erexit. Ex eo videas quàm fidele Lugdunum fuerit Imperatoribus, & quàm fidele sit Regibus.

## EPISTOLA XIX.

### LVGDVNVM SVB ANTONINO PIO.



**H**ic Adriani gener, & filius adoptiuus, siue ex pietate in Patrem & socerum, cui etiam visendam illam molem substruxit, siue ex vita multis seruata, siue ex amore in humanum genus quod liberis carens visus est adoptasse in liberorum vicem, appellatus est pius cognomine supra Africanos apperendo si pietas fuisset vera non vana.

Audi, Ariste, qua arte rexit orbem terrarum noua ars fuit Impera-

roribus adhuc ignota, ab Italia nunquam, vix vnquam Româ profectus, vbique tamen autoritate præfens erat: huic authoritati Pharaſmenes Iberiæ Rex conceſſit omnia; hanc authoritatem venerati Indi, Baſtriani, Hircani, hoc eſt ipſa barbaries controuerſiarum ſuorum arbitrum Antoninum elegere: tantum apud omnes valet virtus & opinio virtutis.

Præfuit imperio annis 23. & diutius præeſſe meruerat; vir uſque adeo mitis vt cum ob inopiæ frumentariæ ſuſpicionem lapidibus impeteretur à Plebe Romana, maluerit rationibus allatis quam armis vlciſci iniuriam; vt mirum ſit hominem natura mitiſſimum ſæuiri in Chriſtianos potuiſſe: at nimirum homo plurius Deorum ſtudioſus deſperabat locum inter Deos ſi vnicus eſſet Deus.

Decreta ſunt ei ſacrificia, ſacerdotes, & templa: ſed tam hæc omnia falſa fuere quam falſus ipſe Deus: Numæ à plerisque collatus eſt, & fuit vterque ſuperſtitioſus magis quam pius.

Vix Lugdunum vidit, qui extra Romam nihil vidit: erudiebatur interea orbis terrarum ad veram pietatem, & Lugdunum ſub Potino Præſule incipiebat eſſe Chriſtianum.

\*\*\*\*\*

## EPISTOLA XX.

### LVGDVNVM SVB MARCO AVRELIO; ET LVCIO VERO.



VÆRIS, Aſiſte, quales Imperatores fuerint, & quid Lugdunum ab vtroque vel altero ſit paſſum, paucis cuoluo retinſatis implexam.

Marcus Aurelius Antoninus, verus Philoſophus erat ſi ſapientiam Chriſtianam amplecti maluiſſet quam admirari: adoptauerat illum Antoninus in filium, nimirum ſimilem ſibi, nec facile fuiſſet vtrumque diſtinguere ſi annis perinde ac moribus fuiſſent pares.

Quam ſimilis fuit Antonino Marcus, tam diſſimilis Lucius fuit; adſcitus tamen eſt in partem imperij, ſed non virtutis: ſcilicet luxu & libidine diffuens vitia Adriani habuit non virtutes Antonini & Marci: ſimulabat tamen Philoſophum vt fratrem falleret, & viuebat Epicurum: geſſit tamen fortia in Oriente contra Parthos, in Septemtrione contra Marcomannos, vt mirum ſit eundem hominem Martem potuiſſe eſſe & Venerem, atque in eodem Palatio habitare potuiſſe in duobus fratribus vitium & virtutem.

Extincto Lucio Vero poſt vndecim annos ſolus Marcus Aurelius im-

perium tenuit, verè Philosophus qui ab infantia nec vultum gaudio nec mœrore mutauit; expertus est tamen prosperam & aduersam fortunam, & oculis iisdem vtramque vidit.

Ex pluribus victoriis vnâ laudo quam debet Christianis, interclusus à Quadio Aurelius ipse & Romanus exercitus, & siti & calore erat periturus: in iis rerum angustiis passus est Legionem Christianam inuocare Deum suum: nec mora Cælum coruscans fulminibus dissipauit Quados, & aer imbribus defluens refecit sitim, & calorem temperauit; ab eo euentu legio Ceraunobolos seu fulminatrix appellata est, & prærogatiua illustri principem locum in exercitu obtinuit, aliisque Legionibus semper præiuit, & præibat cum illa Deus.

Placet exscribere verba quædam rescripti: concedamus inquit talibus vt sint Christiani, ne quæ arma huius generis contra nos petant: Censeo autem neminem quod Christianus sit esse in crimen, & iudicium vocandum; quod si quis inuentus fuerit crimini dare cuiquam quod Christianus sit, si nihil aliud obiectum est dimitti volo, cum autem qui Christianum accusauit viuam exuri, &c. Hæc autem S. C. etiam sanciri volo; atque hoc meum edictum in foro D. Trajani proponi vt legi possit; curæ autem erit Vetrasio Pollioni Præfecto vrbis, vt ad omnes Prouincias hæc constitutio mistatur: neque quisquam qui eam exscribere voluerit prohibeatur.

Quis credat post hoc Christianæ fidei miraculum, post rescriptum honorificum, post Senatus Consultum, Imperatorem alioqui natura mitissimum, & Philosophum scire potuisse in Christianos? permisit tamen ipse scire à Præfectis, & ipse sciuit edictis, non quidem publicis vt ait Tertull. in Apol. sed priuatis, quale est illud de Attalo ad Galliæ Præsidem, vt constat ex literis Lugdunensis & Viennensis Ecclesiæ ad Asianos: scilicet obsoleuerat sensim memoria accepti beneficij, & corrumpebant eius mentem mali Philosophi; & tumidus ipse humana Philosophiâ non agnoscebat diuinam: negabat miser Deum fieri potuisse hominem, & fecerat ipse Antoninum Deum.

Tunc vero illustres Cælo Martyres Lugdunum dedit, octo & quadraginta enumerant Adu. Paradinus, Champerius in tract. de claris Lugdun. lib. 2. & post eos Theophilus Raynaudus proleg. 3. indiculi SS. Lugdunensium: inter quos Plotinus Præsul, & Blandina in Ancillæ corpore plusquam Domina, fortius dimicarunt: tunc vero Christus per senem, & puellam de profana Philosophia, & Romana fortitudine triumphauit.

At hæc & similia facinora pertinent ad Lugdunum sacrum, ego hæc vltima Epistola absoluo profanum.

**H**A CTENVS Historiam veteris Lugduni nouâ methodo scripsi, nec fortassis ingrâtâ: non semper incedendum est tricâ via, gratius esse solet iter quod viator facit, quam quod inuenit, & sæpè rectiores sunt semitæ, & plerunque breuiiores: rogarunt sæpè vîri Lugdunenses primarij vt totam Lugduni veteris, & recentis Historiam eâdem methodo scriberem: prohibuerunt duæ rationes ne id facerem, prima fuit, veterum aliquot familiarum annosa nobilitas, quæ dum creuit annis, decreuit diuitiis: altera erat, recentium aliquot familiarum gloriosa nobilitas, sed iunior ætas: placere vtrisque difficile erat, & proum displicere alterutris.

Laboriosos indices vtriusque Lugduni, profani & sacri, & omnium familiarum ex variis M. S. collegit P. Petrus Bullioud S. I. Lugdunensis, ex ea familia quam nemo nescit qui Lugdunum nouit: Ac vide modestiam hominis, maluit vir eruditus indicare materias quam explicare, propterea laborem suum appellare voluit Lugdunensium rerum indices. Ego ex iis indicibus se legisse me aliqua libens profiteor, & ne sim ingratus Authori restituo.









# LIBER SEPTIMVS. ELOGIA POËTICA.

**P**ERTINENT ad hunc septimum librum varia Poëſes quinque prioribus libris aſperſæ, & libro octauo aſpergenda.

## IN LIBRO PRIMO.

|                                              |              |
|----------------------------------------------|--------------|
| Carmen votiuum Authoris ad B. Virginem.      | pag. 1. & 2. |
| Sacra Syndon Biſontina.                      | p. 25. & 26. |
| Soliloquium animi Solicitij.                 | p. 44. & 45. |
| Paræneſis B. Franc. Saleſij ad ſuam Geneuam. | p. 51.       |
| Hymnus Eccleſiaſticus de Sancto Ignatio.     | p. 55.       |
| Hymnus Eccleſiaſticus de Sancto Xauiro.      | p. 56. & 57. |

## IN LIBRO SECVNDO.

|                                                                  |                                |
|------------------------------------------------------------------|--------------------------------|
| Vmbra Sancti Auguſtini, Poëma Theologicum de libertate & gratia. | p. 71. & ſeqq. vſque ad p. 77. |
|------------------------------------------------------------------|--------------------------------|

## IN LIBRO TERTIO.

|                                                                 |                |
|-----------------------------------------------------------------|----------------|
| Votum pro Ludouico XIV. adhuc Delphino, vt ſit Parenti ſimilis. | p. 145.        |
| Clauæ Herculeæ Symbolicæ, Ecphaſis Poëtica.                     | p. 156.        |
| Ludouici XIV. ægrotantis, Paræneſis ad fratrem.                 | p. 159.        |
| Votum pro Delphino futuro.                                      | p. 161. & 162. |
| Horofcopus Delphini, ex Parentum aſpectu.                       | p. 163. & 164. |
| Mommedij capti Proſopopeia.                                     | p. 164. & 165. |
| Proſopopeia Dunkerkæ.                                           | p. 167.        |

## IN LIBRO QVARTO.

|                                                                                      |         |
|--------------------------------------------------------------------------------------|---------|
| Lugduni & Maſſiliæ amabilis pugna de Alphonſo Richelio,<br>Ecloga ſub nomine Ariſti. | p. 191. |
|--------------------------------------------------------------------------------------|---------|

## IN LIBRO QUINTO.

Proſopopeia Bremæ captæ, ad Mareſcallum Crequium.


p. 222.

Epiſtola Urbani VIII. ad Toëraſium poſt ſervatam Ræam.

p. 224.

Carmen votivum poſt interitum fratris.

p. 269. &amp; 270.



## SYLVÆ POËTICÆ.

## SYLVA PRIMA.

## ARISTVS PASTOR.



*P*ASTOR *Aristus* erat, cui plebs dilecta bidentum  
 Arcbat languente siti; defecerat humor  
 Fontibus, & tristi solus superabat *Aristo*  
 Sanguinis & lacrymarum humor; post vota, precesque,  
 Durus adhuc morbi causam celabat *Apollo*;  
 Optanti fit Numen amor, morboque medelam  
 Suggestit; ut pestem lacrymis & sanguine potet,  
 Et fiat fons ipse gregi; veneratus amoris  
 Ingenium, venam ferro scrutatur *Aristus*,  
 Ferreus ipse sibi, lacrymisque, & sanguine rorans,  
 Fit duplex ouibus fluuius.

Innexusque pedo, dextramque, & vulnera tendens,  
 Ad potum lacrymans gregem inuitabat auent;  
 Currite lanigene pecudes, gustate fluentia,  
 Et latices quos fodit amor, pietasque reclusit;  
 Ex oculis vnde rorant, è vulnere sanguis  
 Profluit, hic vobis riuus decurrit uterque,  
 Impeasit & uterque meus; ne pareite fonti  
 Dum sistet supplebit amor; felicia vena  
 Vulnere, felices lacrymæ, si vinat ouile  
 Pastoris per damna sui?

Interea lacrymis pecudes, & sanguine pasta  
 Explevere sitim; Pastor sapd ipse satiscens  
 Pascebat se rore suo, posusque, cibusque

Et

*Et conuiua sibi; tandem quos fecerat ipse  
Clausit amor latices, suffecitque omnibus vnda,  
Dum nulla vnda fuit.*

*Senferunt grata pecudes Pastoris amorem,  
Et memori sensu, & signis, gestuque loquaci  
Pastorem coluere suum: Tu verus Aristus  
Tu Pastor Christe es; Tu Venas corporis omnes  
Mutasti in latices, vndisque & sanguine rorans  
Inuitas populos omnes ad fercula de Te,  
Et potum de rore tuo. O miracula amoris!  
O sortem felicem hominum! licet omnibus esse  
Conuiuas Domini, & sacra mysteria mensæ  
Impensis celebrare Dei.*



## SYLVA SECVNDA. CARLOMANNVS EX REGE PASTOR.



*Ex olim mox Pastor oues pascibat Amyntas  
Et Regem exutus sub opaci nube Cuculli  
Rector adhuc, & Pastor erat.*

*Ecce tibi solam à tergo procul ire bidentem  
Aspicit, & causam explorans plorare subaudit,  
Et lacrymis sine voce loqui.*


*Sentit amor lacrymas, penè ipsa silentia sentit,  
Et voces sine voce audit; miseratus Amyntas  
Accurrit, claudaque videns insistere plantâ  
Assidet, & gremio miseram amplexatus amico  
Alloquitur nutu, fit amor vocalis utrique,  
Respondens, & uterque flet.*

*Mox plagam atterebat fracta dedit oscula planta,  
Palpauit blandè, lacrymis aspersit amaris,  
Vnguentum fuit ille liquor: tum fragmine vestis  
Induit, & leuibus muniuit utrimque bacillis  
Quod deerat suppleuit amor.*

*Crescebant vmbre interea, vergebat horison;  
Inclinante die, grex sponte ad ouile redibat;  
Adblanditus oui, cervici imponit Amyntas  
Molle onus, & placide surgens sub pondere molis,*



Hoc cantu socias pecudes, agramque bidentem,  
 Et proprium recreabas iter: Nunc inquit Amynta,  
 Nunc Regem esse licet, mutavi insignia regni,  
 Nec Regem amisi, totum hoc sub pondere regnum est:  
 O onus innocuum! ô facile & tolerabile pondus!  
 Quam dispar moles hominum est! Tua sarcina Christe  
 Hæc fuit impositum cervici attollere mundum,  
 Et genuit sub mole Deus: Tu sarcina nobis  
 Christe levis, legesque tue tractabile pondus,  
 Victorem vehis ipse tuum, Tu nobilis Agnus  
 Qui tollis peccata hominum: Tu me Agne tulisti  
 Et pondus vis esse meum. O sine pondere pondus!  
 O me felicem cui sarcina Christus in Agno,  
 Et Deus est Pastoris onus: sic ibat Amyntas  
 Succollans, toleransque agnum, Videre beata  
 Aligerum mentes Regem in Pastore latentem,  
 Spectavit Deus, & risit sub vellere Regem,  
 Et Verbum sub Rege latens: Ovis agna salutem  
 Interea accepit, gratesque rependit Amyntæ,  
 Et memorem semper representavit amorem.



## SYLVA TERTIA:

### ANDRODI ET LEONIS AMOR;

#### EX AVLO GELLIO.



ÆREBAT laceri plantæ defixa Leonis  
 Spina nocens, stridentisque rubi mucrone gemebat  
 Difficilis plorare Leo: subtile foramen  
 Febris erat, saususque dolor: sic ledit acumen!  
 Nec morbo medicamen erat, quis enim audeat esse  
 Languentis medicus, vix tangere tentet Apollo,  
 Ægrotum medicina timet, vox ipsa timetur,  
 Et terret plorando Leo.

Fortè ingressus erat speluncam Androdus inanem:  
 Ignarus quæ tectæ hospes, quæque antra subiret:  
 Dum sedet, ecce Leo veteris redit incola rupis,  
 Et Regem se voce probat, perterritus hospes,  
 Ex antro responsa petit, propiusque Leonem



*Afficiens triplici miratur sistere plantâ ;  
 Fit triplex ea planta tripius vnde omina sumat ;  
 Mox vbi singultus audit , rorantiaque ora  
 Aspicit inuitis lacrymis , ex indice morbum  
 Colligit , & medicum fingens , blandumque saluans ,  
 Vt valeat sine voce rogat , loquiturque figuris ;  
 Quot loquitur natura modis ! Vocalia sensit  
 Signa leo , caudâque loquens , reddensque salutem ,  
 Se primum prostermit humi , medicumque sedere  
 Inuitat , lacereque ostentans vulnera plantæ ,  
 Poscit opem mutis lacrymis , gestuque meretur ;  
 Androdeus plantam atrectans , vnguesque recuruos ,  
 Quos cicures faciebat amor , tandem indice tabâ  
 Herentem sensit spinam , telumque reuellens  
 Expressit saniem , libauitque oscula plantæ ;  
 Et plagam obsignauit amor.*

*Quis numeret multas grates , mensque leonis  
 Vocales sine voce ? diu fuit hospes & altor ,  
 Et medici conuiua suis nec finis amorum  
 Sylua fuit , captus tandem & damnatus vterque  
 Ad pugnam iam promptus erat ; cum verique recurrit  
 Sylua , & amor ; primusque Leo veneratus amorem ;  
 Blanditur caudâ memori , vestigia lambit ,  
 Et gestu loquitur ; nec segnior oscula figit  
 Androdeus , palpat veterem , & resalutat amicum ,  
 Et Circo fit ludus amor , Roma ipsa triumphum  
 Audiit , & flores verique hoc carmine sparsit.*

*Ecce homo Chirurgus læst , medicusque leonis ;  
 Ecce leo seruus Chirurgi , & seruus amoris.*

SYLVA QVARTA.  
 ALEXIS ET LEONIS AMOR  
 ALLEGORICVS.



*APSVS in obscuram foueam Leo triste gemebat ,  
 Et gemitus regalis erat ; sorte ibat Alexis  
 Venatum ; mixtos gemitus rugitibus audis  
 Apparetque etiam plorans Leo.*

Attonitus, vinaque legens vestigia vocis  
 Substitit, & pronus videt alta in gurgite fossa  
 Captivi speciem Regis, qui supplice caudâ,  
 Vocali capitis nutu, mutâque palestrâ,  
 Plus loquitur quam verba sonant, miseratus Alexi  
 Promittit quam nescit opem.

Omnia lustranti circum, dum singula desunt  
 Auxilium suggestit amor: decisa iacebat  
 Quercus humi, hanc humero & manibus versare laborat,  
 Supplet amor vires, tandemque aduoluit uterque,  
 Et tamen unus erat.

Deuoluensque monet gestus clamore Leonem  
 Excipiat syluam labentem, aptique reponat,  
 Et pontem struat ipse sibi: nec segnior ille  
 Succollat, pontique subest pons ipse futuro,  
 Et solidum sibi fundat iter: mox impete facto  
 Insiliens, plantis quercum transcendit aduncis,  
 Et grauis incessu patuit Leo: mox ubi terram  
 Attigit, aduoluens corpus, caudaque, iubisque,  
 Supplicibus, Dominum pronus veneratur Alexim,  
 Libertatem offert, promptumque ad iussa Leonem,  
 Et famulum sub Rege canem.

Ingenium, sensumque fere miratus Alexi  
 Accumbens collo, palpansque, iterumque remulcens,  
 Admisit famulum: & dominum promisit amicum.

Iamque domum omiſſa pradandi mente redibat,  
 Contentus Rege in pradam, cum Ceruus anhelans  
 Hoste procul misso maiorem incautus in hostem  
 Incidit, & Regem agnoscens, subdique recusans  
 Secutum properabat iter: sed præpete saltu  
 Insiliens, currensque Leo, plantâque recurua  
 Sufficiens, captumque tenens ostendit Alexi,  
 Et seruum facit ex ceruo: mox ungue retorquens  
 Cervicem, torſit vitam & spiracula vita,  
 Dorſoque imponens victori imbellem cadaver,  
 Ibat ovis Rex & famulus.

Iam villa vicinus erat, cum exterrita coniux,  
 Et pueri exclamant gemini formidine monſtri:  
 Horrorem domine ſenſit Leo, partemque monſtri  
 Depoſita, collo, & cauda, geſtuque loquaci  
 Se famulum mutus clamat, ſingensque molosſum;

Lusit, & horrorem blando correxit amore.

Ne tamen aut catulus tantum, vel Simius esset,  
Assiduus venatum ibat, pradaeque reportans,  
Prada Leo, & pradator erat:

Denique post aliquot soles armatur Alexis  
Ad sacrum cruciger bellum, cum Gallia miles,  
Totusque eum vesp̄er migraret in orbem,  
Et Reges sub Rege Deo.

Sensit iter bellumque Leo, nec voce iubentis,  
Nec terrentis veri potuit clamore teneri  
Ne veniat comes; hac tantum non parte fidelis  
Dum tentat retinere fidem; ne ingratus abiret,  
Colloque & caudâ grates undante rependit,  
Verbaque supplevit rugitu.

Ventum erat ad Naues, & Nauita vela parabat,  
Vt videt horrendum naui se inferre Leonem,  
Quis nobis hac audet, ait, producere monstra,  
Monstrorum satis aquor habet, cur addere monst̄ris  
Monstra iuuat? non hac portenta expectat Idume,  
Portentis iam plena suis, petit arma, virosque,  
Poscit Equos, non indociles ad bella leones:  
Exeat è Navi, non est hac sylua ferarum,  
Ipse homines non monstra veho, sanè querelis  
Turba tremens, causamque metus excedere naui,  
Communi clamorē iubent; nulla inquit Alexis  
Nulla metus causa est, hac sola figura leonis,  
Naturam mutauit amor; sed plura parantem  
Dicere, mussantis vetat indignatio turbae,  
Et vocem, nauimque negat.

Opprobrium Domini sensit leo, iamque parabat  
Vlcisci, & sensim monst̄ri natura redibat,  
Aspexit, nutuque iras placauit Alexis,  
Eductumque foras verbis affatur amicis:  
Arrecta stetit aure leo.

Diuidimur tandem, Deus hac diuortia fecit,  
Nec decet ulterius Regem seruire leonem,  
En tibi sylvarum regnum natura redonat,  
Donauit quod saepe tibi; nec longius hospes  
A Patria distas, ubicunque est sylua specusque  
Hic patria est, regnumque tuum; tibi cymba negatur,  
Nec digna est te Rege ratis; nec plura locutus

Palpauit, mulsitque iugas, atque oscula fixit  
Ingressusque ratem iussit retinacula rumpi,  
Et mundi interrupit iter.

Quid non audet amor? quis amori impernius orbis?  
Inueniet si desit iter: fugiebat Alexis,  
Ut sensit fugisse leo, testatus amorem  
Rugitu, medias prouum se immittit in undas,  
Et quarit quod nescit iter: primo impete saltus,  
Moleque membrorum tractus maris ima petebat,  
Ut sensit discrimen amor, ceruice prehensum  
Sustinuit, plantasque mouens, caudamque gubernans,  
Edocuit quam siccus adhuc nesciuerat artem,  
Ibat ouans, Regemque Leo per carula fingens,  
Rugitu terrebat aquas: videre natantem,  
Et timere maris populi, spectauit Alexis.  
Et lacrymis animos dedit, ille ut sensit Alexim  
Attollens caput, & caudâ super æquora ludens  
Blanditur qua parte potest, miseratus Alexis  
Hic inquit vos tangat amor: succurrite amori  
Dum natat, & Dominam in famulo defendite vitam;  
Non solus moriere Leo, tecum ibit Alexis:  
Iamque ibat: monit Nautam certamen amoris:  
Viuat uterque inquit, digna est ea pugna salute,  
Viciisti moriendo Leo, recreatus Alexis  
Porgit utramque manum, socij adiuuere trahentem;  
Adiunxit sese ipse Leo, saltuque superbo  
Insiluit in nauem, rorantesque excutit undas,  
Et mortem permixtam undis.

Mox caudâ, colloque loquax, mutaque figurâ  
Facundus, Dominam nauim sine voce salutat,  
Et grates quas nescit agit.

At toto Dominum gestu proclamat Alexim;  
Palpatumque manu, & nutu procumbere iussus  
Procidit, exercensque canem, fingensque molossum,  
Simium agens, famulus nauis, castosque, vigilque,  
Et ludus sub Rege fuit.

Denique sub Domino terras instrauit eas,  
Sub Domino rediit, plenusque fidelibus annis,  
Occidit, elogio dignus Leo, dignus Alexis.



# PROSOPOPEIA

## ANGLIÆ POST RÆANAM

### INSVLAM OBSIDIONE LIBERATAM.



NGLIA quam felix olim! cum sceptrâ, cruceſque  
Dextra meas diſpar gereret, cum ſacra profanus  
Differrent, nec frons eadem viſtaſque, apiceſque  
Preſerret, geminoque humeris ſudaret in oſtro

Ex quo permixtum eſt ſacra diadema Tiara  
Cuncta tulit ſublata fides: ſed damna vetuſta  
Quid memoro, grauius præſenti clade ſatigor,  
Et vereor ne ſint ventura oſtenta ruina.

Illa ego cerulei quondam regina profundis,  
Victrices cuius claſſes & ſinus lappon,  
Et ſine imberbes, orbique incognitus orbis  
Victus adorauit, timuerunt cætera vinci:  
Illa ego poſt toto collectas æquore prædas,  
Vincor Ræana fatali in limite terra,  
Ignotoſque orbi portus, & laudis egentes  
Vt clade attollam memori, nomenque decuſque  
Et palmas humili ridenda in littore pono:  
Et nunc Ræa meiſ illuſtris, & inclita damnis  
Oſtentat probroſa mea monimenta ruina:  
Hic limes rerum, & triplex hoc ſunere regnum  
Mergitur, anguſtoque cadit magna Angliæ portu.

At non Villeri non hæc promiſſa dediſti,  
Cum tecum abducens delectæ robora pubis,  
Et puppes, & ſigna meiſ ſpirantia Pardiſ,  
Et gazas, & opes, & veltigalia ſæcli  
Venturi, & ſeris pendenda nepotibus era,  
Lugentem, patriæque omnes de laude monentem  
Iuſſiſti certos Franca de Gente triumphos  
Sperare, & noſtris labyrinthum texere in bortu,  
Lilia ubi plantis ſterent captiua ſub Angliſ:  
Et nunc tota tibi ſteriliſque, & inutilis æſtas  
Exiguæ periit conſumpta in ceſſite terra,  
Quam propria auulſam ſedis radice per auræ



*Aut rapere, aut vassa potuisti imponere classi,  
Vile onus, & terris sulcandam inferre britannis:*

*Interea dum tu lenta trahis otia parvis,  
Obsessus tures, & mœnia substruit hostis,  
Et quas non patitur contractior insula moles,  
Extendit vacuo vaga propugnacula Olympo,  
Et cælo spatium petit, edificatque per auras:*

*Hæc vita obsessis, dumque ori sæcula defunt,  
Membra labor, virtusque animos spe lætât alumna,  
At Tibi vix toto pretiosa annona profundo  
Conuebitur, pigrisq;e cibis elementa laborant,  
Nec satis in sumptus est Anglia: quæ magis urit.  
Me cura, & grauius turpis pudor inficit ora:  
Nec centum ingentes pinus, nec in aquore sylua  
Arboribus densata meis, nec miles & arma  
Angustos potuere hosti defendere portus,  
Et clausas prohibere vias: pudeat acta referre,  
Bisidemi exigui lintres, quos obuia classis  
Excipere, atque aluo potuit sorbere capaci  
Exiguam ventris prædam, tamen agmine iuncto  
Transstra per, aduersasque trabes, tensorsque rudentes,  
Per cæli notissimæ umbras, per tela, per enses,  
Per flammæ, piceamque diem, perque omnia clausa  
Inuenire viam, portuque inuicta supellex  
Fertur in obsessas arces: hæc quisquis olim  
Accipies, ne ficta puta, nec dum æquora clausa  
Obsessosque audi, & classe & milite portus,  
Supplementa famis celeres delata per auras,  
Aut cælo delapsa puta: quo credere possis  
Emeritos, primisque pares heroibus ausus,  
Iurata in proprium testor victa Anglia probrum,  
Vulneribusque meis, & certo sanguine signo.*

*Quid referam euentus belli? iam lictore victor  
Insert se terra Francus, committitur impar  
Pugna, cadunt, fugiunt Angli, terræque marique  
Vincor, nec numerus prodest, nec tela, locusque,  
Quod potuit sanisse nocet: premit ardens hostis,  
Imminet, incumbit, ferit, & dum plurimus instat,  
Instandi spatium totus rapit: vna securis  
Vt perbibent, truncos quinque à radicibus imis  
Subruit, emeritâ deinceps falx digna sub umbra*

*Cessare,*

Cessare, & serias illustri hoc ducere verbo  
 Et Messî salx vna satis: quos denique viuos  
 Non poterat vix iam breuior capis insula, cessos,  
 Inque nono nataz Oceano, sterneruntur vbiq;  
 Fitque alter casus primo, exitiumque sequentis  
 Strata iacem breuibz densata cadauera glebis,  
 Nec satis in tinnulis tellus patet: aquora turpes  
 Reliquiaz iniuita ferunt, patriæque remittunt.

Has ego reliquias vti vidi, & inania transira,  
 Et vacuas armis pappes, quas milite plenas  
 Miseram, vti aequalem numerum velorum: hominumque:  
 Anglia, vixisti dixi, Rupella stetisti:  
 Nunc mecum tua fata ruunt, sed prima peribis,  
 Prælucent tua fata mei.

Hec tamen hora mea est, hanc si sciat Indus vterque  
 Clade mea fatalem horam, subsannet vterque  
 Indus, & extremo vineat me Franco in orbe.

Quaquam ego quid metuo? hec aliis ridenda ruina,  
 Exoptanda mihi, properant fata illa beata,  
 Fata, quibus regnis virtus proscripita britanniis,  
 Et pietas, & sancta fides armata redibit,  
 Vnde armis expulsa fuit: rursus Anglia Cælo  
 Florebo, rursusque meos Edoarde per hortos  
 Fragaribus, vestro hi flores de sanguine surgent  
 Heroes fidei, tua erit, tua gloria France,  
 Ludouice veni, meritamque vlciscere gentem,  
 Dummodo flagitij virtus vindicta, meaque  
 Perfidia sit pœna fides, dumque Anglia Franco  
 Iungitur, una fides Franci dominetur, & Angliæ.



LVDOVICO XIII.  
 CARMEN PANEGRICVM,  
 OB EXPVGNATAM RVPELLAM.

---

PARS PRIMA.

APPARATVS AD BELLVM, ET FACTIOSA REBELLIVM  
 Consilia, hæresis Rupellæ furit, rebellionem consulit, in Angliam  
 trajicit, bellum suadet, inde volcas dum petit, Lugdunum pelte in-  
 ficit, Nemausum turbat, Rupellam redit, vnde dum nuntius Anglus  
 redibit capiendus prædicitur.



ANTONICI Domina Oceani, Regina rebellis  
 Rupellæ, Allobrogis proles, & Alumna Genææ,  
 Hæresis, vi fama vulgante, & conscia corda

Flagitij stimulante metu sibi bella parari  
 Sensit & vltices pœnas. Nunc hæresis inquit  
 Grande aliquod molire nefas, quod crimine partum est.  
 Seruetur scelere imperium, quid lenta vereris?  
 An scelus, an Regem? magne hæc ludibria mentis,  
 Cui semel in ludo Deus est: ex quo impia Regem,  
 Et graue pregnant excussi de pectore Numen  
 Nulla animum iam culpa grauat: mihi Numinis instar  
 Arburium, & vitij ac virtutis norma libido est:  
 Quod si quæ virtutis adhuc per lumina mentis  
 Flamma micat, bello intereat: sit martia virtus  
 Quod pacis graue crimen erat: mæste inquit Erynnis,  
 Quid metuis? suprema licent cui extrema parantur:  
 Vndique suppetias coge vndique, sidera, terras,  
 Atque Erebum sub signa voca, quodcunque fauebit,  
 Hoc Regem Numenque puta: si desit Olympus  
 Tartarus auxilio veniat, cui noxia virtus  
 Huic crimen Deus esse potest: mors, funera, cedes;  
 Pestis, & innocua dirissima nomina Pacis  
 Sæpè inclinatis sunt prospera nomina rebus.

Dixit, & horrendum infrendens tota vrbe rebelles  
 In Regem furias desumat, prima veneni

Incantamenta afflati sensere Ministri,  
 Gens impostorum est aliena addicta ruine,  
 Cui fratrum pretiosa fides, virtusque, salusque,  
 Vitaeque pratenta luduntur imagine forma.

Hinc viduam Matrem petit, huic duo pignora lecti  
 Eurysque & boreas, nec inani nomine dicti,  
 Hos mulier vana ad dextram leuamque locare,  
 In medio ipsa velit solio Zebedae sedere,  
 Haeretica tria fulcra domus: haec regia vota  
 Haereticis, & sacros regnandi ex suscitât ignes.

En ait aequales vobis fortuna coronas,  
 Et triplex diadema parat: qui maximus annis  
 Australes Volcarum oras, Albamque, Nemausumque  
 Imperio regat, & Roma monumenta vetustae  
 Euertat, statuaturque noua mysteria Romae:  
 Oceani fines Aquilo, terrasque natantes,  
 Littoraeque, & regnis habeat vicina Britannis,  
 Rex minor Oceani: Rupellae Regia Mater  
 Aeternam Imperij sedem & Capitolia fundet,  
 Ipsa Orbi Papa, & Mystes oracula reddat,  
 Gallia Caluino credat, Rhenusque Luthero.

Haec mea mens, & si pendentem euoluere nubem  
 Bellorum liceat, vobis haec aurea fila  
 Lanifica, & triplex properant diadema Soteres:  
 Ecce sed in vestram armatur iurata ruinam  
 Gallia, pretentas instigat Roma querelas,  
 Exequitur rubens Cardio: Rex credere pronus,  
 Et facilis quocunque sequi: gens prodiga vitae  
 Nobilitas, rubri sequitur vexilla galeri,  
 Et pax in trabeca, totumque in Cardine bellum est.

Opponenda armis sunt arma, altaribus ara,  
 Romana Rupellae Petra, Rupique tuenda  
 Patroni tutela orbis: si calce superbo  
 Subiectum proculco solum, inclamatus ad arma  
 Tartarus, & iussi surgent ad bella Gigantes:  
 Sed nihil auxiliis opus est, cui publicus aether  
 Militat, Oceanus famulas ad iussa procellas:  
 Et vestigales aduoluit ad ostia fluctus:  
 Quid claudi Rupellae times, cui mundus aperto  
 Oceano, latoque fluunt Elementa canali?  
 Quare age Rupellâ generosa includere Mater,

Oceano volitet Boreas, ego Regna Britannii  
Perlustro, hinc Volcas adeo, Rupemque reuiso.

Hæc ait, & blandum inspirat per membra Venenum,  
Infemuit Mater, pestemque admisit amicam.

Infelix mulier, magni infelicia partus  
Pignora! magnanime quæ non decora incluta fama  
Fertus? si rectus amor vestra arma moueret,  
Nunc mendax vos zelus agit, nunc bella parantur  
In quibus & vinci turpe, & victoria probrum est:  
Eia agite, & Regi heroës vos subdite vestro:  
Tunc ego præterita delebo opprobria fama,  
Et Matrem, natosque, & auia laudis honores,  
Transcribam memori ventura ad secula laude.

Interea Oceano furiosa excedit Erynnis,  
Fatalis quacunque inseri vestigia plantæ,  
Fatalis spargit lethalia grana veneni:  
Contactu intumuit pelagus, videre natantem  
Xantonica ripe, visuque haurire venenum:  
Itius obstupuit portus, dumque eminus alba  
Lilia miratur picto efflorescere dorso,  
Non inquit pietas, non hæc tibi lilia virtus  
Impressit tergo, non hic decora illa geruntur,  
Periuræ memini voluisti imponere fronti,  
Hoc scelus, & tergo insculpta vestigia culpe:  
I mala in extremos nunquam reditura Britannos.

Ipsa Anglos penetrat portus, mentita decoros  
Nobilis incessus Franci, barbaque trifidulum  
Cuspitem, & errantes humeris colloque capillos,  
Oraque, millenoque oculatas lumine vestes,  
Hoc tantum dispar, filii hæc mendacia vultus,  
Nil Francus mendacis habet: tum sorte recentis  
Villerius nondum deterso puluere probri  
Aptabat laceras Reana è clade carinas,  
Reliquias Schomberte tuas, tua fortia facta  
Toërasi, & prælusa mea certamina Musæ.

Sollicitum, & mæste tergentem opprobria frontis  
Sic Eques aggreditur, quid te dubij alea Martis  
Sollicitat? casu Francus, tu Marte secundo  
Vicisti, quod nox hosti, quod profuit æstus  
Oceani, quod non nocuit temerarius error,  
Hic ludus fortuna tuus: quod nauibz æquor,



Quod per te Alitibus fuerit vix peruius aër,  
 Quod bello accise vires, quod turpis egestas,  
 Dedenda leges, & fœdera scripserat arcus,  
 Hæc animi sunt signa tui: sed vicerit hostis  
 Hoc si vicisse est Rea excessisse Britannum,  
 Hæc reditu delenda fuga est, non altera Rea  
 Est castris vallanda tuis, Rupella tenenda est:  
 Illa tuos supplex ad propugnacula Pardos  
 Explicat, illa Anglo clauēs, & lilia monstrat:  
 Non ferta hæc ignota tibi, dudum illa Britannis  
 Insuēuere hortis, & labro prona repando  
 Reginam agnouēre Rosam: repete Anglica iura  
 Et veteres regni titulos, & Patria sceptrā,  
 Amissa pars magna rei sub iura redibit,  
 Dum fiet Rupella obses? quondam illa Britannis  
 Seruiuit non sponte Rosis, nunc obuia clauēs  
 Mittit, & absentiem inuitat per mœnia Regem,  
 I celer, & plenis ingressus in ostia velis,  
 Scande arces vbi picta Angli iam regnat imago.

Hæc ait, atque animo flores, & lilia pingit  
 Sub Dominis captiua Rosis: hinc alite gressu  
 Ad Volcas rapitur: quacunque incedit odorem  
 Tabificum, & stygij spargit contagia roris:  
 Hæc pestis causa, & grassantis origo veneni:

Caluinum perhibent animam cum efflaret Auerno,  
 Hæredi populo dirum hoc mandasse supremis  
 Flagitium tabulis, bello cum cetera dēessent  
 Auxilia, ut pestem cognato acerseret orco,  
 Ibat, & infames morbos sub signa vocabat,  
 Lugduno transisse ferunt, ibi semina morbi  
 Sparsisse, & centro Regni insensisse venenum,  
 Vnde in finitimas late succresceret oras:

O scelus ô dignas flammis, plumbique liquentis  
 Rore manus, video ut pestes, & clausa serarum,  
 Anticos valuarum obices, & garrula rostra  
 Fontium, & horrentes dumos, idæaque pomâ,  
 Incultas inopum vites, inarataque rura,  
 Perfundunt sanie, quin & lustralibus vndis,  
 Templorum stygij miscent mala semina roris,  
 Cui parcat? quæ seua Deo non parcat Erynnis!  
 Jamque ad Volcarum fines delata Nemausum

Deuolat, hic Euro rem totam ex ordine pandit,  
 Tentatos Anglorum animos, iurataque belli  
 Fœdera, & armandam communi milite classem;  
 Rupellæ Dominam Matrem cum fratre relictam,  
 Es tu, inquit, misce civilibus omnia turbis,  
 In patriam cines, iurataque fœdera Regum  
 In regnum committe unum; nec damna vertere,  
 Dum tibi diuise veniat pars vna Coronæ,  
 Hoc munus turbare tuum; si sacra profanis,  
 Fatalique orbem possis miscere querela,  
 Tunc perturbatus pulchros Delphinas in undis,  
 Liliaque, & pleno piscaberis æquore sceptræ.

Hæc ait, & leuibus pennis sublata Genenam  
 Tendit iter, terras vicina lacumque salutat  
 Natalem; huius primum fertur concepta sub auris,  
 Caluini, matrisque stygiæ Cocytia proles!  
 Hic nigri visuntur adhuc cunabula partus,  
 Et testum, & diris vlulata vocibus ades,  
 Expuncta tabula, & presenti numine templa  
 Exhausta, & vacuis cœnacula plena figuris.

Musa sile patriâ quid coniuraris in vrbe  
 Hæresis, & cæcus, & fœdera conscia noctis,  
 Et stygios Manes ad Sacramenta vocatos,  
 Vitales referunt dum monstrum infame sub auræ  
 Exiret, tota ad partum natura vlulante,  
 Et natum execrante scelus, coisse Genenam  
 Tanareos cæcus, vbi Franci funera Regni,  
 Et fidei, & sacra iurata incendia Romæ;  
 Consiliûs Erebi offensus subscripserat ær,  
 Illatas numerat messis centesima cades;  
 Nunc Senio, & morbo monstrum frigente laborat.

At stygia rursus coeunt ad fata cæternæ,  
 Quis numeret medicas artes, & pharmaca longe  
 Quæsitæ, & Reges ad testamenta vocatos,  
 Non ita post Angli cognato nomine Regiæ  
 Promissam laturus opem legatus adibit,  
 Sed dum imprudenti relegit vestigia gressu,  
 Borbonides heros casses & retia ponet,  
 Et meliore dolo peregrinum sallet Vlysssem,  
 Et quas implicuit nodosis artibus artes  
 Soluet, & ignotis enigmata testæ figuris.

Dicitur hic magnas Europa iuisse per vrbes,  
Iuratamque fidem, & sociorum fœdera Regum  
Scripsisse egroto medicamina regia monstro,  
Et nisi fata obstant, & Regi Numen amicum,  
Inuisam monstro potuit reparare salutem,  
Sed fidei LODOICE tuæ fata vltima monstros  
Debenturque tuo vitiorum funera Regno.



## PARS SECVNDA,

### OBSIDIO RVPELLAE, REGIS MORBVS, DEIPARÆ AVXILIVM, TERRESTRIS OPPVGNATIO, agger in mari extructus, aduentus Spinolæ in castra, geminum cum Anglis nauale certamen.



ÆANIS Anglum interea pulsus ab oris  
Festinus Rex ibat iter: cum languida febris  
Regalem ad villam generosi incendia Regis,  
Atque animos Regni penè vno frigore merfit.

Dicitur hæc inter gelida tentamina febris  
Præsentem sensisse Deum, sed & alma polorum  
Regina affusa morbum medicamine lucis  
Terfit, & affatu Regem demulsit amico.

O Cæli LODOICE fauor, tua vita Tonanti,  
Et mores placuere pijs, talem esse decebat  
Sub cuius mereat virtus stipendia signis,  
Et ferrum miles pietas in crimina stringat;  
Venturos metire dies, tibi tertia palma  
Anglus erit, neue obsequium Rupella recuset,  
Parebunt Elementa prius, natura præbit  
Obsequio, fideique viam miracula sternerent.

Dixit, & in cælum leuibus se sustulit alis,  
Ascensu testata Deam, donoque parentem.

Musa sile angustis Ræane in sinibus ora  
Mactatam Anglorum laudem, transmissa natatu  
Æquora, & inuentos per clausa elementa regressus,  
Et pulsos pelago sine classe, atque hoste Britannos.  
Hæc olim cantata meæ preludia Muse.

Gallia si nosset proprias in prælia vires,

Quantum vndis terraque vales, pridem orbis uterque,  
 Et Turca, & Solyma celerem tua lilia flos,  
 Quae pugna, quae palma tuo sine sanguine parsa?  
 Quae plaga, quae regio Aethiæ sub frigora Zana?  
 Non armis tentata tuis? te milite nuper  
 Verrucam Italia, terrarum ignobile punctum;  
 Non domuit gemini victrix Hispania mundi:  
 Per te Reano iacet Anglia littore victa  
 Hoc titulo, venit Leopardo audacior Anglus;  
 Ut Lepus occubuit, aufugit in Ausonii oras,  
 Quæ Gallis olim nocuit, nunc profusa Auser.

Et iam reliquæ Anglorum, viduatæque Classis  
 Milite, & æqualis numerus velorum, hominumque,  
 Fugerat, explosus Gallis, nec ab Ausere tutus.

At Rex sollicitus satis, & Virgine Matre  
 Promissam monstrante viam, sequor, & sequor, inquit,  
 Magna Parens, sunt ista tui monimenta favoris,  
 Te bellum Rupella manet, tu petra rebellis,  
 Tu fundamentum errorio, fideique Charybdis;  
 Nec turre, nec me tua propugnacula terrent,  
 Nec mare, nec gemini duplex tutela elementi,  
 Vel si communis tecum natura rebellet,  
 Ibo audax contra, Christo Duce, & auspice Matre.

Hæc ait, & litui sonitu conclamat ad arma:  
 Campus erat bibulo terra præruptus biatu,  
 Muta palus, stagnum fallax, loca lubrica saltu,  
 Ante urbem superanda palus: quot bellis, quot hostes?  
 Vincendi, ut propius tandem pugnare liceret?

Sed quò dum loquimur Regem manortius ardor,  
 Abripuit, iam se Maestas Regia totis  
 Explicuit campis, iam turvine mœnia cinxit,  
 Iam vultu obsedit, iam nutu castra locavit,  
 Imperio respondet opus, cum milite ductor,  
 Cum ducibus miles, permixti virisque calones:  
 Certatim incumbunt operi gradus omnibus idem,  
 Obsequiis mandata sequi: Rex sparsus ubique  
 Imperiis onera exaquat, vultuque laborem  
 Subleuat, atque animos presenti laude coronat.

Garrula quid tantum Manuelem Gracia iactat;  
 Quod lapides humeris veheret, qui dimite gemmâ  
 Sublimis ferri potuit: Quid Roma Neronem

Quod

*Quod mundum, corbemque humero gestaret eodem ;  
Quid Constantinum quod fossæ pondera terra ,  
Egereret dorso , vili sub pondere maior ,  
Quam dum humeris victi sustentat pondera mundi ;  
Non minor exemplo Lodoicus pondera tactu  
Prælibat, tactuque suo leuiora relinquit.*

*Plus oculi fecere manu, duo sydera dicas,  
Sic onera illustrant radiis, sic robora fessis  
Inspirant, siccantque expressas frontibus undas.*

*Iamque nouæ Rupellam arces, noua mœnia cingunt ;  
Iam tres metitur communis linea leucas ,  
Debit hac zona undantem cohibere furorem ;  
Sed terra quid claustra inuuant, dum litus apertum ,  
Clausum aperit captivæ orbem ; securâ sedebat  
In portu, nutuque Anglum Rupella vocabat  
Auxilio, certæ promittens lilia prædæ.*

*Quæ clades metuenda mihi, si sola resisto ?  
Quæ pugna equalis si non mecum amula pugno ?  
Quid possim vincendo scio ; nisi Numina mecum  
Bella gerant, victi fient mihi victima Reges :  
Sydera si pugnent, pro rupe armabitur Æcus ;  
Naturæ, dominæque artis me robora vallant ,  
Ut vincar, mecum pereant elementa necesse est,  
Terrarum quid claustra times, cui regna profundi,  
Et gemini pelago prostant commercia Cæli.*

*LVDOVICE tua est vincende gloria rupis ,  
Nobilior tanto victoria surget ab hoste ,  
Iam cessare tibi terræ, mox æquora cedent.*

*Calliope extructum cane formidabile vallum ,  
Impositum Oceano vallum, quod serior atas  
Dum leget, ô homines nunc dicet, secula Patrum  
Artifices habuere Deos ! Qui condidit author  
Dum stupet in mediis manibus miracula nasci.  
Vix credit quod fundat opus : vestigia miles  
Imprimit ; & medio securus in aquore ridet  
Hinc ignes Rupella tuos defensus ab undis ,  
Hinc undas Neptune tuas hoc aggere tutus.*

*Principio trunci & procera fragmina quercus  
Defixa Oceani fundo, directæque ligna  
In quadrum, sectasque cruces, & propede talo  
Erectæ in decline trabes, ut missa saburra,*



Et lapidum, & ruptæ vægrandia pondera rupis,  
 Harerent sylvæ implexis devincta lacertis.

Hæc facies operis: natabat saxeæ moles  
 Ponderibus librata suis, divisis hiabat  
 Murus, & admissos per hiulca foramina fluctus  
 Reddebat pelago; verum indignata procella  
 Angustum callem, luctatur & obijce rupto  
 Exiliens, focus lata ostia dividit undis.

Non nocuit iactura diu, se prodidit hostis  
 Vnda sibi, nam dum malecocti vulnera muri  
 Incauti subeunt fluctus, & solvere crudam  
 Compagem obnixi tentant, calcemque, lutumque  
 Connectant, vdoque incrustant mœnia limo;  
 Transibant eadem nunquam per limina fluctus  
 Lapsuri, obducit socius quæ vulnera primus  
 Fecerat, & primis undis nocuere secunda.

Nec tamen his pelagi feruor retinetur habentis,  
 Quò magis à ripa moles operosa recedit,  
 Hòc terrâ exclusum pelagus sublimius exit;  
 Aëre compensans iacturam, hinc lumine toruo  
 Subiectum despectat opus, mox agmine facto  
 Transilit, & saltu violata repagula ridet.

Iam terris terre dærant, & robora sylvis  
 Quæ ventrem implerent avidum, pelagique vetarent  
 Effusas per inane vias; ad cætera signa  
 Hoc quoque prodigium accessit, sobolescere visæ  
 Fœcundi in venis lapides, & cædua sylva  
 Sub manibus, nascique novæ sub vulnere plantæ;  
 Ergo visceribus pelagi penetralia terra,  
 Et saxa & quercus gravida nova germina sylvæ,  
 Totaque confuso demergiunt æquore tellus.

Denique sublimis toto visenda profundo,  
 In mediis latè stetit ardua porticus undis;  
 Rupellæ exitium minitans, Anglisque timorem,  
 Obsequium Regi, & læso reuerentiam Olympo.

Mansit hians medio tolerabilis æquore labes;  
 Ne desperaret Neptunus: scilicet undis  
 Nolebas faciles prohibere ad mœnia lapsus,  
 Ne scelus elabi posset prohibere volebas:  
 Permisti undis iter, ut spumante fragor e  
 Vocales urbem moneant, ne crede rebellis

*Veniuros quâ vix pertransit unda Britannos;  
Cede Deo, & Regi rupes, nec vincla recusa,  
Quæ tu ne fugeres prima admiscere procellæ.*

*Hæc alter latij Fabius, virtutis Iberæ  
Æternum, externumque decus, dum Spinola lustrat,  
Dum circumductas ambit per mænia fossas,  
Erectasque arces numerat, totaque corona  
Murorum per tres castella inter sita leucas,  
Nunc inquit capta crescit mihi gloria Bredæ  
Dum Franciæ ars nostra placet: sed dum equore vallum  
Exstructum, obsessos fluctus, iniectaque ponto  
Vincla videt, nunc inquit habes quod Spinola discas,  
Tu superare vrbes, docet æquora vincere Francus.*

*Felices Francorum acies, quibus imperat idem,  
Rex idem exemplo præt, & cum milite Dux est:  
Quam multis laus ista decet! At Tu optime Regum  
Ne tantum Oceano metas, & vincula pone,  
Te fata ad maiora vocant: iam Turcica luna,  
Et sol iuratus Persis, totoque Oriente  
Stellarum venerata cohors, iam sceptræ requirit  
Virtutemque tuam, Dominos pertesa profanos:  
Hæc tamen ut lauros, & palme insignia carpat,  
Cognatos Reges magnis adiunge triumphis:  
Tunc ego vel Regi miles communis utrique,  
Vel ductor pulchri tentabo pericula belli.*

*Hæc Fabius, quid se reliqua miracula molis  
Vidisset? quid se medio quâ pontus biatu  
Discedit longi funalia candelabri,  
Ut prælucentes timidis ad bella Britannis,  
Impactasque trabes, pelago, transversæque ligna,  
Præfixæque vndis armata triangula sylvæ.*

*Parte aliâ obsessam vallum quâ respicit urbem,  
Demersæ pelago naues, nexique rudentes  
Oceani labem obturant, nec deficit vndis  
Agger, ubi læsus medio hiscit vulnere pontus.*

*O domitas pelagi vires! violatæque rerum  
Fœdera, & humane plusquam miracula dextra!  
Quis credat, sine fundo hæsit firmissima moles,  
Nec vaga nutavit validæ succussæ procellis.*

*Dicuntur quoties vnde infremuisse tumentes;  
Et dum prætentos obices violare laborant,*

*Spumantque obnixa frustra, tum ferre repulsam  
Indociles, sursum ferri indignante furore:*

*Mox irâ posita, & sensim languentibus undis,  
Victrici dociles sese submittere vallo,  
Et dominam molem famulis adlambere lymphis.*

*Ibunt ad seros LODOICE hæc fata nepotes,  
Credet posteritas fieri miracula posse,  
Imperius patrata tuis! monimenta triumphi  
Fient claustra maris: ventura docebitur ætas  
Vt parère diens discat Rupella, præire  
Obsequiis elementa suis! utque hæresin vnda  
Obruat, ad iussas hæres, & currere metas:*

*Prodigium quondam fuerat prætentæ catenæ  
Oceano, nexusque rudens commercia rumpens:  
Tu pelago vallum LODOICE & mœnia ponis.  
Credite posteritas victæ stant sponte procella,  
Et fluctus sacro pendunt horrore librati.*

*Rex hominum Xerxes Sesto commisit Abydon,  
Europamque Asiæ, tabulatæque æquora strauit  
Ærbore, nec mirum hæc sedes nativæ carinis:  
Baiani quartus Cæsar per littora stagni  
Securum tabulauit iter: verum vtra potestas  
Nobilior? saxa an sylvas inferre profundo?  
Pellexit iuuenis strato ponte æquora iunxit:  
Sed Tyrium semel ignis opus, succendit, & vnda  
Non semel abripuit: vincentemque omnia Regem  
Victrices Tyrj maris irrifere procella.*

*Maior Alexandro es Lodoice, & Cæsare maior,  
Terra illis inuita subest, spontanea nutus  
Observant Elementa tuos: sed parco triumphos  
Dicere dum pugnat hostis, palmasque ministrat.*

*Ecce etenim profugus Reanis Anglus ab oris  
Turbat adhuc, nondum fixa se à strage recepit,  
Acceptâ cum clade tumens, iterumque, iterumque  
Vinci optat, Francæque prehensæ vulnera dextra:  
Nec tamen insulto victis, Rupella fefellit  
Dum victos ad fata vocat victa ipsa Britannos:  
Pendent è muris victi vexilla Britannî,  
Permixtos credas Pardiis rugire Leones,  
Mox lepores fient: quantum picta audet imago  
Tantum Anglus metuet vinci: tamen ecce Britannia*

*Aduentant pelago classes, sub mole laborat  
Oceanus, pressique timent sub gurgite pisces;  
O nimis audacem armatos se vincere speret,  
Qui nuper nudis cecidit rea victima Francis:  
Nunc etiam longè stetit ultra vulneris ictum,  
Anxius et solis hostem tentauit ocellis.*

*Dicite quæ vestris Angli vos causa vocauit  
Littoribus? nostrasne oculis incendere moles  
Quæritis? at vobis oculi nec fulmina mittunt,  
Nec flammæ moles metuit, quæ despicit undas:  
An lautas longè obsessis ostendere mensas?  
At non ostensis tantum bene viuitur escis,  
Visaque ieiunæ irritant fercula fauces:  
Fallor, captiuos aut tantum inuisere fratres,  
Aut dare venistis mæsis solatia rebus,  
Et casuram urbem vicino aspergere fletu.*

*Denique solenni puduit sine clade reuerti,  
Ecce iterum pelago aduentant, classemque reducunt,  
Quæ flammis, Indumque armis vicisset utrumque;  
Sed Francus non Indus erat, vincendaque moles,  
Et vallo melior qui pugnat ab aggere miles.*

*Iamque propinquabat ventis afflata secundis,  
Si pergat facili sese infusura Canalis:  
Forse fatigato nudatum milite vallum,  
Littoraque, & naues, tormentaque puluere lassa,  
Et nocte indultos carpebant omnia somnos,  
Captandaque Anglis præbebant otia præde.*

*Siste tamen Saxo, tutisque quiescite Franci,  
Pro vobis oculo vigilans Elementa fidei,  
Ecce tibi plenis currentia carbasa ventis,  
Et facies subitura sinus, subito aura relinquit;  
Nec dubium cobibente Deo: dumque anchora Classem,  
Et proprium cunctatur onus: consurgit ad arma  
Francus, et armatum lictus, vallumque coronat,  
Et pro se curis intenta Elementa relaxat,  
Pugnantemque Deum: Quid tu Lodoice parabas  
Interea, tu plusquam vnus, tu multus ubique,  
Tu ductor, milesque idem, præscribis agenda  
Et facis, idem ignes tormentaque vulnere certo  
Dirigis, idem acies terra partiris, & undis,  
Idem hostem cuique assignas, & tu omnibus hostis*

Hortaris quemque ad pugnam, dextrâque loquaci,  
 Multa doces, & plura facis.

Dic proprio Regi, laudatus nomine miles  
 Quos animos laus illa dedit? Dic alter, & alter  
 Flustris quanti emissas discrimina lethi?  
 Quanti unum emissas Anglum, quem iudice Rege,  
 Et teste, audaci mactasses fulmine dextræ!

Dicendum est vel te invito, tu magnus ubique,  
 In teneris etiam cunis Lodoice timendus,  
 Nascenti dum terra tremit, palmasque futuras  
 Nuntiat, & magnos olim prasaga triumphos:  
 Dicendum tamen, hoc nunquam certamine maior:  
 Vidit pugnantem miles Martemque putavit,  
 Vidit te orantem miles Numenque putavit,  
 Si Numen mortale esset: toto orbe volarunt  
 Hæ voces Lodoice tue: Magni arbiter orbis  
 Hæc fidei nisi causa tua est, in me omnia tela,  
 Et vindex Cæli ira tonet: sed si tua causa,  
 Et fidei violatur honor, tibi victima fiat  
 Anglus, & æterni vindex sit Francus honoris.

Hæc ait, & segnes irritat ad arma Britannos,  
 Vix etiam stimulos, & læsæ opprobria fame,  
 Percipiunt, qui damna prius, supremaque mundo  
 lætabant fata, & faceret si incendia lingua  
 Sat mundi exitio flammaque, picisque serebant.

Mutasti Lodoice vices, Tu fulmen & ignis,  
 Nil Anglus nisi frigus erat: sic frigidus ipse  
 Fulmineas mittit naues, sic fulmina Francus  
 Et naues mediis unco defigit in undis:  
 Sic dum collucet solennibus Anglia flammis,  
 Externo victor Francus letatur in igne.

Nec gravius tormenta nocent, dum nostra verentur,  
 Citra ictum sua tela vibrant: sic vulnera solus  
 Ventus habet, totumque Anglorum in pulvere bellum est.

Quam vos dissimiles vestris cum navibus Angli!  
 Procere vobis naues, angustaque corda,  
 At similes, illæ vobiscum ad prælia tarde.

Macti animis non hæc vobis inhonora Britanni  
 Alea Martis erit, memorique hoc carmine viuet.

Anglus non potuit ferro rescindere vallum,  
 Tentavit violare oculis, promiserat escas,



*Ostendis, visuque famem deluxit inani:  
Debuit auxilium obsessam solvere Rupem,  
Dedendæ spectator erit, testisque triumph:  
Tardè ad subsidium, maturè ad funera venit.*



## PARS TERTIA;

### EXHORTATIO AD RUPELLAM

VT REGI SE DEDAT, EIVSDEM OBSTINATIO,  
fames, deditio, Regis ingressus in urbem, murorum & aggeris mar-  
ritimi cœcisio, ruinæ fragor auditur in Italia, Alpes & Suisam aperit,  
Casalis obsidionem soluit, Romæ oraculum.



*INTEREA quid tu victos Rupella Britannos  
Auxilio imploras? ipsi ad certamina Franci  
Inuitant, victique Angli pugnare recusant:  
Quid prosint aliis victi sibi? profice damnis*  
*Ne pereas Rupella tuis: vincique decorum  
Cognatis crede exemplis. Si nomen honestum  
Pretendis, menses denos inuicta steristi,  
Pauci Anglum domuere dies: si tempora captas  
Opportuna reus, victis succede Britannis,  
Inter letitias, & festæ gaudia pompæ,  
Vindictæ dum causa deest, dum leniit iras  
Anglus, & Vltoris molliuit vulnera ferri.  
Subiectis facilis parcat, cui fulmen in hostem  
Defuit, & fulmen festo si tempore vibret,  
Solemnes fient fulmen sine vulnere flammæ,  
Ne Regi stimulos irarum, & tela ministra,  
Aut iustæ fulmen fient tua crimina dextræ,  
Et telis offensa suis Rupella peribit:  
Nunc pacem tibi cuncta rogant, Venetique, Ligurque,  
Et veniam Roma ipsa petit, fortuna Casalis  
Adiuuat, & Regem inuitans sua vulnera monstrat:  
Ne Regem Rupella tene, nec fœdera pacis  
Respue, vt Italiæ pacemque & fœdera reddas:  
Quid libertatem renuis, quam subditus offert  
Oceanus, Regique tuo seruire prebensat?  
Denique quid speras Rupella? an mutua fratrum*

*Auxilia, hic Anglos fallaci Aquilone fessellit,  
Hunc Princeps iam iamque tenet: cæline sanorem?  
Stant omnes pro Rege Dii, si qua impia restant  
Numina, nunc aris etiam cessare relictis,  
Sit satis beu misera post fata Deosque fletisse.*

*Nec me, inquit, victusque Anglus, satumque Casalis,  
Nec Cælum, nec fata mouent, externa ruina est  
Extra Rupellam quidquid perit: integra restat  
Intra orbem natura meum, cum Pontus, & aër,  
Cum decerunt Elementa mihi, tunc denique vinci  
Incipiam, vinci debet post omnia virtus:  
Hæc quoque cum decerint, palma ne gloria desit,  
Desperabo, inibique ipsi victoria siam.*

*Desperare breui incipies, hæc prima furoris  
Argumenta tui, & vacua deliria mentis,  
Vel rabidi sunt signa animi: iam libera rerum  
Rupella natura deest, iam moribus urbis  
Inclusa incipiunt sensim languere clementa.*

*Obsessa Bacchus pridem diffugerat vrbe,  
Pro Baccho Neptunus erat: nunc horrea linquit  
Blanda Ceres, herbasque fami supponit alende:  
Herba ubi deficiunt, ad Martem & prælia nati  
Caduntur pro bobus equi: hæc quoque victimæ rara est:  
Latrabant vigiles Catuli per aperta domorum,  
Fidi etiam pereunt Catuli: nec latro timetur  
Dum furto res nulla subest: queis nausea perditæ  
Et lepus, & pinguis fuerant fastidia cerui,  
Delicias in mure locant: torretur ad ignem  
Infamis cibus, & pretioso ornatur in auro,  
Cunctaque sunt meliora cibus: defecerat ignis,  
Et quidquid flammæ torrent: hinc corpora sensim  
Deficere, & membris ieiuna arefcere vires:  
In pestem neglecta fames, & funera transit,  
Aspectu morbus crescit, crimenque putatur  
Occurrisse Patri, & Matrem vidisse nefastum est,  
Alterius timet alter opem: mors vitæque certant,  
Vita grauis, votumque mori: nec habetur utrumque:  
Delicia iam viris erat: venduntur in auro  
Toxica, mors emitur pretio quo vita carebat,  
Iam nihil ad victum turpe est: placet esca palato  
Qua visus quondam horror erat. Ne secula Musa*

Et scelus enarra quod qui videt omnia Phœbus  
 Nec videat, timidas olim retraxit habenas,  
 Et celeres auertit equos horrore furentes,  
 Non caruit funesta suo Rupella Thyeste,  
 Nec Progne una fuit, nec tantum matribus unus  
 Post epulas ploratur Itey: proiecta iacebant  
 Interea, nudoque intellecta cadauera Cælo,  
 Vicinas circum afflabant factoribus auras:  
 Fiebant monumenta domus, Rupella sepulcrum,  
 Nec tamen in tumulos rollus satis ampla patebat:  
 Deerant qui fossa celarent corpora terrâ;  
 Et prope iam deerant dira noua funera pesti.

Quo zelus Rupella tuus, quo fastus abinit?  
 Disce iugum captiua pati, totiesque subacta  
 Disce semel vinci: iam te natura reliquit,  
 Iam desunt elementa tibi: quid sola rebellis  
 Expectas, nec te Regi verumstima dedis?  
 Ecce iacent nudis intellecta cadauera vici;  
 Hoc quoque quod superest media vix parte superstes  
 Vivit, & enectis sentit iam funera membris,  
 Iam vacue cultore domus, & mania nuda  
 Et turrets custode vacant: vix ostia miles  
 Defendit, pendent librata è manibus turbis  
 Tormenta, & liberator abest qui explodat in hostem.  
 Denique fluxerunt hora, quas ipsa sonantis  
 Inclusas rotulus sphere, iuuare Britannum  
 Misisti ad socia connubia Regia sponsa.  
 Cede Deo Rupes, victorique ostia Regi  
 Pande libens, dum robur adhuc recludere postes,  
 Si renuis deerunt breui ad hæc quoque munera vires.

Denique victorem Rupella mania Regem  
 Admittunt: felix lucebat, & omnibus una:  
 Cælitibus votiuæ diæ, hæc luce patentes  
 Ingredieris LODOICE fores, non imparc gressu  
 Quo superi incedunt: & tu nouus Iudiges olim  
 Stellarum augebis numerum, sic Numina viuis,  
 Non procul exaquas, nam te non ira, furorque,  
 Non atrox vindicta preit: clementia magnum  
 Sternit iter, pietas comes est, semotaque longe  
 Insuper à tergo sequitur: pompam esse putares  
 Qua patriâ pietas exul reuocatur ad aras.

*Vidisses siccas reptare ex adibus umbras,  
 Ut pulchrum afficiant Solem, Regemque saluent,  
 Sed dum semineces oculos attollere tentant,  
 Reliquasque animæ collecta in voce fatigant,  
 Deficiunt, medisq;ue animas in vocibus efflant.*

*Hoc Regis primum imperium, non vincula captis  
 Addere, non cecis includere carceris umbris.  
 Vincla fames, & carcer erat: sed porgere egenæ  
 Dona famis: hic agrè languentem ad munera dextram  
 Subleuat, hic lassus recidit dum assurgere tentat:  
 Ingemuit miles visu, & pro vindice ferro  
 Porrexit panem, & victo superatus ab hoste est.*

*Hec pietas: alma debent sua iura relinqui  
 Iustitia, hæc turres, & propugnacula, & arces,  
 Et triplicem muri zonam, sublimeq;ue vallum  
 Suffodere, & latâ iubet exaquare ruinâ,  
 Iussaque vicinas circum partitur in vrbes.*

*Imperium Regis sensit Neptunus, & undas  
 Squamosasq;ue Maris plebem, tumidasq;ue procellas  
 Aduocat, heus inquit, magni molimina valli  
 Subruere, & regni delère opprobria nostri  
 Per Regem licet, & positû exire catenâ.*

*Hæc ait, & primus caua fundamenta Tridente  
 Scrutatur, mox annexi Tritonque, Palæmonque,  
 Et Glaucus, magnique Phalanx armata profundi,  
 Impulsam euertunt molem, pontoque canalem  
 Restituunt, vetitisq;ue prius spatiantur in undâ.*

*O Regis vocem? & Domina miracula lingua!  
 Hoc vallum inuito captiua quod aquora dorso  
 Durarunt, quod nec violenti flamina venti,  
 Nec pelagi seruior, nec concussere procellæ,  
 Quod coniurati duplex exercitus Angli  
 Vidit, & aspectu obriguit: mirabile vallum  
 Arbitrio Regis stetit, & nunc munere functum,  
 Ad Regis nutum Oceano impellente fatiscit.*

*Denique Rupellæ durum ac immobile saxum  
 Corruit, & magnæ Europæ fragmenta ruina  
 Impleuere: Alpes audito murmure ruptæ  
 In faciles patuere vias, Euasus illu  
 Audito, hoc inquit, stabunt mea mœnia casu,  
 Parua nec illud capto Verruca Casalis*

*Susani tremuere obices ; Roma ipsa fragorem  
 Excidij, pelagoque Angli fugientia vela  
 Impellente metu remos, Michaëlis ab arce  
 Videt, & irrisset, matre inquit France, Britannum  
 Frangeret in triplici similis victoria portu,  
 Iuratumque Petro votiva Britannia naulum  
 Penderet: I velox LODOICE, & pace statuta  
 Italie, denota tibi pete regna per undas,  
 Ad boream te fata vocant: huc ire vel ultor,  
 Vel victor, vel uterque potes: quocunque sequeris  
 Iustitia præcunte ibis: tamen ante remota  
 Heroum quam regna petas: compone rebellis.  
 Reliquias fidei, facilis victoria trunci  
 Cui ceruix Rupella deest: iam victa Nemausus,  
 Albaque, Castrensesque, Gebennique ardua montis,  
 Rupella dum fata timent, vel sponte patebunt,  
 Vel clauis Rupella dabit: perge optime Regum,  
 I celer, & sceptris victor te ostende futuris,  
 Inde alias sectare plagas: tibi magna parantur  
 Imperia, ut curras nunquam velocius ibis,  
 Cui magnum patet orbis iter: dicenda supersunt  
 Plura mihi: dabitur sermonis tutior hora,  
 Cum reducem, & pulchri confersum pulvere belli  
 Excipiam, & magni deductum ad limina Petri,  
 VRBANVS cuius doctis apud attica labris  
 Insidet, & sancto mel purum emanat ab ore,  
 Laudibus ornabit, queque olim sceptris secundus  
 Tradidit, octauus reddet, Solymæque corone  
 Et Lunam, & Solem, & stellas adiunget coas.*





EPISTOLÆ  
TRIVM PERSONARVM DIVINARVM,  
AD DEIPARAM VIRGINEM,  
DE INCARNATIONE VERBI  
PER GABRIELEM ARCHANGELVM.

EPISTOLA PRIMA,  
PATRIS AETERNI.



ANC Pater aternus mittit tibi Virgo salutem,  
Hæc Genitor verbis dat tibi verba meis.  
Virgo creatarum pulcherrima linea rerum,  
Artificem si qua est rite secuta manum.  
Accipe dominus sanxit quæ fata Senatus,  
Et quæ fata polus sancit, illa proba.

Hæc licet imponant aliis rata fœdera rebus,  
Expectant nutus officiosa tuos.  
Ex quo prima parens simulati fraudibus anguis.  
Illusa, & vetita capta colore dapis.  
Pendula furaci tentavit pollice mala,  
Fatali tenuit quot mala pressa manu!  
At dum sacrilegi pressit sub vulnere dentis,  
Sub vetita sensit quot mala pressa dape!  
Vt si quis grauide transuerberet ilia Cernæ,  
Quot populis uno vulnere parca venit!  
Prima parens fœta populos gestabat in aluo,  
Tectus in angusto germine mundus erat.  
Illa venenata dum figit arundine pectus,  
Quam serus genuit tela recepta nepos!  
Post scelus hoc patrum, nubes quam densa malorum  
Impluit humanis exitiosa plagis!  
Hæc aspersa arbor vitiate aspergine nubis,  
Quid si cultori poma maligna tulit?  
Quid si corruptis ultro succreuit in agris,

Et februm & dira mortis amara seges.  
 Quis numeret lapsas posthæc ad tartara prædas?  
 Empyreæ melius præda futura domus.  
 Quinetiam diro est natura afflata veneno,  
 Communemque ignis sensit, & vnda luem.  
 Hinc reus exarsit flammis ultricibus orbis,  
 Et toto nocuum quaritur orbe caput.  
 Oceanus stagnis terras oppressit aquosis?  
 Quid nisi stagnantes hoc scelus auxit aquas.  
 Air pestifera sensit contagia tabis,  
 Infecit vacuas quid nisi culpa plagas.  
 Excurrit toties vndantibus ignis habemís?  
 Quid nisi flammantes hoc scelus egit equos.  
 Frugiferens homini tellus alimenta negavit?  
 Frugiferos clausit quid nisi culpa sinus.  
 Tanti est æterni Numen violasse Tonantis,  
 Hæc nocuum vindex verberat ira caput.  
 Officiosa sui probrum natura Parentis  
 Sensit, & auctori commodat arma suo.  
 Nunc satis irarum est, rerum natura quiescat,  
 Cessent in pœnas fessa elementa suas.  
 Hæc tandem ultrices absistat dextera flammæ,  
 Ponat & attrita cuspide fulmen hebes.  
 Nunc sortem germana suam Clementia poscit,  
 Ne par obtineat iura minora soror.  
 Ter dena ultrices senserunt secula pœnas,  
 Ultima felici tempora pace fluant.  
 Empyreas deinceps homo transcribatur in ædes,  
 Empyreæ natus sceptræ tenere domus.  
 Afflicto deinceps homini sua profit imago;  
 Incisa artificis profit imago manu.  
 Fœmina compenset, fecit quod fœmina damnum;  
 Causaque sit vite quæ necis ansa fuit.  
 Hæc eris ô VIRGO, Matris tu nomina primæ.  
 Emenda, & factis corrige facta tuis.  
 Ex te dius homo humane velamina formæ  
 Induat, & primi sarciat acta patris.  
 Tu radix illius eris, tu sanguinis auctor,  
 Sanguinis, & virgæ flos erit ille tuæ.  
 Grandis honor tanta fieri te prole parentem,  
 Vnum hominis dici germen, idemque Dei.

Grandis honos quem vix ventura intelliget ætas,  
 Sola sciet doctâ clarior arte fides.  
 Mater eris, prolesque Dei, paritura parentem,  
 Virgo Virum, Patrem Mater, alumna Deum,  
 Hæc immortalis sanxit decreta Senatus,  
 Arbitrium expectant, nunc tamen illa tuum.



# EPISTOLA SECUNDA.

## VERBI AETERNI AD BEATAM VIRGINEM.



**L**LE tibi æternam Virgo dat habere salutem,  
 Cuius ab arbitrio stat sua cuique salus.  
 Hæc Patris æterni Verbum tibi patria verba,  
 Et Personarum nuntiat acta trium.

Sic Superis placitum, humanam reparare ruinam,  
 Et simul offensi jus reparare Dei.

Huic instaurandæ paci res nulla creata

Par erat, & solus par erat ipse Deus.

Huic ego consilio dixi me sponte paratum,

Et Personarum vox fuit vna trium.

Ergo placet superas retinere, & relinquere sedes.

Et luteas hospes magnus adire casas.

Humana latitare placet sub imagine formæ,

Subque viro æternum dissimulare Deum.

Tum pretio redimam mortalia nomina digno,

Iraturumque homini conciliabo Deum.

Sed dum mortali petitur mihi Mater in orbe,

In tantam placuit sors tua Virgo vicem.

Ingenium, moresque tui, pietasque, pudorque,

Et magis hoc vno nomine Virgo places.

Si nasci Numen nasci de Virgine debet,

Et Virgo hoc partu debuit esse parens.

Sors ergo si tanta placet, si nomina Matris,

Si magni pateris Numinis esse Parens.

Accipe diuini veneranda arbitria pacti,

Arbitrium expectant qua tamen ipsa tuum.

Exiguam magnus descendam habitator in edem,

*Ut lateam angustus debuit esse sinus.*  
*Hic mihi mortalis distinguam membra figuræ,*  
*Materiem Virgo, Spiritus addet opus.*  
*Illic nona Deum latitantem luna videbit,*  
*Celari simili vellet & ipsa sinu.*  
*Hic ego turgenti fœtus gestabor in aluo,*  
*Sarcina vetricis non onerosa mee.*  
*Illic exiguo Titan decurret in orbe,*  
*Sol ego, tu solis lucidus orbis eris.*  
*Illic rorifluo succrescet littore gemma.*  
*Gemma ego, tu gemma littus, & aquor eris;*  
*Illic irriguo surget flos pulcher in horto,*  
*Flos ego, tu floris gemmeus hortus eris.*  
*Angusto claudes gremio quo clauditur orbis,*  
*Maior erit magno Virginis orbe sinus.*  
*Ast ubi luna suos novies iterauerit ortus,*  
*Hospes Virgineo gratus abibo lare.*  
*Regia Solis erit quâ sol habitauit in ade,*  
*Templum erit aeterni qua fuit aula Dei.*  
*At cum vitales tandem deducta sub auras,*  
*Cœperit humanum pascere vita diem.*  
*His ego molliculis Matri assentabor ocellis,*  
*E quibus aurifluus manas in astra nitor:*  
*His ego maternis affigam basia labris,*  
*Purpureæ crescet sub quibus umbra rosa.*  
*Hic ego Virgineas infans reptabo per vlnas,*  
*Inque tuo figam calica signa sinu.*  
*Tu mihi lactentes rorabis ab ubere succos,*  
*Qui nitida ambrosiis roribus astra beo.*  
*Tu mihi debilibus figes vestigia plantis,*  
*A quo habes emensum stelliger orbis iter.*  
*Tu mihi vocalis distingues verba loquelæ,*  
*Vnde habet argutos ales vterque sonos.*  
*Mox ubi maturis etas adoleuerit annis,*  
*Ætas in nutus obsequiosa tuos.*  
*Tu mihi præstandi distingues pensa laboris:*  
*Ipse feram dociles ad tua iussa manus.*  
*Sed cum robustos etas firmauerit annos,*  
*Hæc erit Altori dextra operosa suo.*  
*Fabriles habilis tractabit dextra dolabras,*  
*Dextera quæ magnos est fabricata polos.*

*Sape mihi volucres sinuabitur orbis in orbis,  
 Unde suis currunt noxæque, diæque rotis.  
 In noua decifus aptabo sedilia fyluæ:  
 Unde sedent propriis fixa elementa locis.  
 Sape arbor iussas vltro inganiosa figuras  
 Induet, artificem deuenerata manum.  
 Has operas ô quisquis emes, si nomina nosse  
 Artificiû, fieret quam tibi diues opus!  
 Tandem vbi ter denos atas æquauerit annos,  
 Tunc me nobilius sollicitabit anus.  
 Tunc curanda salus hominum: tunc legibus orbis,  
 Lex Euangelij est adijcienda mei.  
 Hac emendabit veterum iussu aspera legum,  
 Et facile impositum gratia reddet onus.  
 Ne legem detrectet homo, legem ipse subibo,  
 Vt comitetur homo præuius ibo Deus.  
 Ne sit egena fides addam miracula dictis,  
 Et fidei mundus testis & obses erit.  
 Has ego per curas hominum instaurabo salutem,  
 E quibus in Matrem non leuis ibit honos.  
 Hæc tamen vt per me rerum miracula fiant,  
 Arbitrium exopto Virgo pudica tuum.*



## EPISTOLA TERTIA, SPIRITVS SANCTI AD BEATAM VIRGINEM.



*SCRIPTA tibi ex illo desertur Epistola Virgo,  
 Qui digitus dextre est, ipsaque dextra Dei.  
 Si facilis magnæ admittis connubia sortis,  
 Si sponsa, & magni vis Nurus esse Dei.  
 Virgo illibati ne damna verere pudoris,  
 Et Virgo, & sponso Virgine Mater eris.  
 Quid metuis ne purus amat quæ lilia sponsus:  
 Lilia dum carpit, polluat illa Deus.  
 Aspicias vt purum subeat specularia lumen,  
 Nec speculari tamen dum subis, afflat iter.  
 Cernis vt aërios tractus quæ permeat aura,*

*Terrenos*



Terrenos eadem permeat aura sinus.  
 Et nos subtili penetramus corpora sensu,  
 Nec penetrata tamen corpora vulnus habent.  
 Spiritus est, puraque Deus subtilior aurâ,  
 Maternum ingrediens non violabit iter.  
 Quid metuis ne quem Deus affectauit honorem,  
 Et quam delegit polluat ipse niuem.  
 Ipse superueniam supremi altissima Virtus,  
 Ipseque virgineos umbra fovebo satus.  
 Ex te sumentur magni vitalia partus  
 Semina, diuinum Spiritus addet opus.  
 Vt dum mollis Apes per florida serâ vagatur,  
 Hoc amat, hoc linguâ lingit, id ore legit.  
 Hoc liquido stipat distentas necitare cellas;  
 Hoc cudit sapidos ingeniosa fauos.  
 Hic tu eris ambrosius gemmascens floribus hortus,  
 Hos ego per flores regia pascuar apus.  
 Hic ego fertorum calyces predabor apertos,  
 Et carnem ex purâ carne parabo Deo.  
 Formam ego, tu magni præbebis semina partus,  
 Mater eris, dicar nec tamen ipse parens.  
 Atque vt ne dubites artis quæ gloria nostra,  
 Et quid in æternum dextera possit opus.  
 Aspice diuisas rerum toto orbe figuras,  
 Authori variâ surget ab arte decus.  
 Aspice nocturnis Cæli laquearia flammis  
 Ardere, has flammæ subdidit ipse calor.  
 Aspice constanti volui fixa astra rotatu,  
 Cælestes animat Spiritus iste rotas.  
 Aspice perflatum spirantibus aëra ventis,  
 Hec tumidos inflat vis animosa notos.  
 Aspice sæcundo terra turgentia partu  
 Viscera, maternos hec alit aura satus.  
 Equorei certo spumant libramine fluctus?  
 A me habet alternas mobilis vnda vices.  
 Orbis adhuc informis erat, super alta ferebar,  
 In faciles æquans humida regna vias.  
 Squamosi ludunt per cærulea marmora pisces,  
 In suam, & humanam gens populosa dapem.  
 Fertilis hæc à me manauit in æquora virtus,  
 Incuba dum falsis vis erat ista vadis.

*Aspice cœlesti turgentes semine conchas,  
 Concha omnis turget semine fœta meo.  
 Roribus empyreis secunda implebere Virgo,  
 Ros ego, tu puro germine mater eris.  
 Tu magni genitrix Nati, tu filia Patriæ,  
 Tu sponsa, ipse tui sponsor honoris ero.  
 Tu domus, ipse tua fiet Deus incola mentis,  
 Tu templum, templi spiritus hospes eris:  
 Naus eris superæ vectans commercia gaze,  
 Ipse tua fiam mobilis aura rati.  
 Lumen ero ut rutilum vultus splendeat in aurum,  
 Pectus ut in flammæ ardeat, ignis ero.  
 Munus ero, ut sponsam donis cœlestibus ornem,  
 Ut toto repleam Numine, Numen ero.  
 Collige per totum quidquid diuissimus orbem,  
 Ut Mater fias, fiet id omne tuum.  
 Hæc sunt empyrei Virgo decreta Senatus,  
 Expectant nutus, & tamen illa tuos.*

NATVRÆ MVNVS  
 CHRISTO NATO  
 ELEGIA.



*AGNE Puer neu te patrios liquisse penates,  
 Neu pigeat nostros hospes adesse lares.  
 Accipe quæ manuum munus Natura suarum  
 Dona parat, meritis non tamen æqua tuis.*

*Hæc si nascenti Eoûm cunabula Regum  
 Non dedit, & phrygiæ vasa superba domus.  
 Fecerunt inopina tui miracula partus,  
 Et subitus tanta de nouitate stupor.  
 Illa Deum ut nudis vidit vagire sub antris,  
 Plorat, ait, nudo sub Ionis axe Deus.  
 Mox Numen mirata Dei, ne vilia ferret,  
 Nil tulit, hinc tectis, & lare Christe cares.  
 Quod potuit Reges festina accersit coos,  
 Ite ait, en magni præuia stella Dei.  
 Dicite, Natura hæc Regum preludia mittis;*

Dum parat Auihori munera digna suo.  
 Dum Reges, dum stella volant, natura magistras  
 Diuinum in munus colligit apta manus.  
 Vestis erat, tenuis decidua vellera lini  
 Materies, protium maius ab arte fuit.  
 Textilis hac imas signabat sformatis oras,  
 Listera, Tu Regum sanguis alumnus eris.  
 Quis numeret doctâ distinctas arte figuras,  
 Regia quot modicum sceptrâ volumen habet!  
 Nunc ite, & latis samam protendite terris,  
 Quam tenuis Regum pradia lymbus habet.  
 Ne tamen hac cingi Reges agrefcite zonâ,  
 Hæc eadem immensum continet ora Deum.  
 Hoc tenui in lymbo sceptris erat omnibus ordo,  
 O si hic Regnorum finibus ordo foret!  
 Primus bonus Aquila, hæc quamuis Regina volucrum;  
 Captiua hac semper gaudeat esse togâ.  
 Hic Constantinus medias vexilla per auras  
 Aspicit, & rutilis verba legenda notis.  
 Constantine ferum Martem Christo auspice muta,  
 Quale sit hoc Numen si petis astra probant.  
 Quis procul ille Cruci collum supponis anhelum?  
 Quam male fert durum purpura mollis onus!  
 Protinus: ut Regem excussit vix pondera sentit;  
 I Princeps, Christus sub cruce talis erat.  
 At quænam hæc grauium series numerosa Regentum?  
 Insigne est spirans auster, atunda volans.  
 Horum intra fines Titan oriturque, caditque,  
 Parua erat, & maior fiet, & una domus.  
 Parte alia Cælo flores, & balsama sudant,  
 Quale erit hoc Regnum cui decus astra pluunt?  
 Roribus bis collum mitis suppose Sicamber,  
 Non aliis similis Regibus vnda pluit.  
 Quinetiam Francis edet miracula Cælum,  
 Et medicam Regum sentiet orbis opem.  
 Saracene quid hæc corrumpere lilia tentas?  
 Martelle huic hydra malleus esse potes.  
 Ast bi Iessais important lilia campis,  
 Debuit hæc tali crescere planta solo.  
 I Pelusiacas felix Lodoïce per undas,  
 Quod prima hæc nequeunt vela, secunda dabunt.

*Hæc quoque si pereunt, fieri Rex orbis eoi  
 Non potes, hoc fieri sanctus in orbe potes.  
 Quin tuus huius olim plantas decerpit in hortis  
 Sanguis, & hac sceptris seruiet ora tuis.  
 Longa quidem vota, at saltem tunc fiet Idume  
 Gallica, cum totus Gallicus orbis erit.  
 Francigenos iuxta flores flos Anglicus balat,  
 Si foret æterna quam pretiosus erat!  
 Haec spina, haec tribuli! forsitan voluentibus annis  
 Restituent puras lilia mixta rosas.  
 Hanc Christo Infanti vestem natura parabat,  
 Regia dona quidem, non tamen æqua Deo.  
 Induet hanc exors annis puerilibus Infans,  
 Diuinisque humeris Regia dona feret.  
 Felices illis humeris incumbere Reges!  
 Quis humeris Cælum nititur, æstra sedet.*



# HUNGARIA

## AD PRINCIPES CHRISTIANOS.



**A**GITVR res vestra, PRINCIPES CHRISTIANI, dum agitur mea; cominunc periculum est, & communis causa; nec liberi esse potestis me captiuâ, nec felices me misera; ibit ad vos per me fortuna mea, & calamitas quæ me opprimet, hæc vos premet.

Videte quòd me redegerit Turcarum immanitas, ego illa quondam Europæ pars non ignobilis, centum enumerans vrbes, vix numerans opes, tot populos olim recensens quot hodie ciues, tot propugnacula, & arces quot hodie ædes: Ego illa plurium Prouinciæarum Regina, vix sum paucarum vrbiũ Domina.

Euertit ex vrbibus meis aliquas Turca, spoliauit alias mœnibus, omnes Ciuibus; imminuta sum parte optima mei; hæc quoque pars quæ superest, aut est montana, & patria auium magis quam hominum; aut plana, sed inculta; reliquas vrbes meas obsidet hostis aut fames, breui dedendas & penè iam captas.

Quod miserabilius est, ego illa fidei Christianæ semper propugnatrix, & sæpè victrix, ego quæ centum exercitus, & decies centena hominum millia deuoui pro fide: Ego quæ tot milites victores & victos, Re-

ligionis Martyres, dedi vel testes: Ego post tot victorias & iacturas seruire Mahometi cogor, aut mori: nec mori timeo penè iam mortua, nec captiua esse penè iam capta; vnum illud doleo licere mihi miseram esse, nec licere esse Christianam: Ero tamen vtraque, & misera dum seruiam, & Christiana dum viuam; & volo sanguinem meum fidei meæ vel martyrem esse vel testem.

Haftenus repressi hostem communem quamdiu licuit; pugnaui diu sola, & vici quamdiu integra fui; exhauferunt me tandem victoriæ meæ & iacturæ; nec vincere iam possum, nec penè pugnare? Haftenus fui repagulum hostibus clausum, dum vinci non potui, si vincor ostium ero Turcis apertum, & vobis imperuium.

Moueat vos, PRINCIPES CHRISTIANI, aspectus calamitatis meæ, & periculum vestræ, hostis est Turca publicus nec tantum meus; per me Germaniam cogitat, & Europam: Dominum se Principum appellat & Regum; nec patitur æquales sibi Dominos nec minores; nec fratribus suis parcit, nec liberis nisi vni, huic quoque non parceret si cum Patre regnare vellet: percurrite orbem terrarum quem occupat, carent Prouinciæ Principibus, & Regna Regibus: nemo est Dominus nisi vnus, neque ille est Dominus, sed immanis tyrannus.

At Te imprimis mouere debet calamitas mea, ALEXANDER SANCTISSIME, Pastor es ouilis Catholici, ego pars aliqua fui, olim beata nunc misera; Pater es orbis Christiani, & filios habes Reges, & Principes; hortare illos verbo, & exemplo coge; clauis geris & gladium Petri, vtraque potestas iuuare me potest; partiri orbem Christianum meditatur Turca, partire Turcicum: recuperari potest quod nostrum olim fuit, & Christianus exercitus victor erit si præeat Alexander.

Vinci potest hostis communis si impugnetur communibus auxiliis, restiti ego diu sola, & vinci vix potui; restitit Turcarum viribus Creta pars orbis exigua: Maior est Turcarum fama quam gloria; vinci possunt ab omnibus, sæpè à singulis victi, plures cum Turca erunt, plures nobiscum pugnabunt; timetur ab iis Turca quibus ignotus est; cessat timeri dum potest agnosci, si vincatur timor, penè iam victus est.

Adeste Principes Christiani, & vincite: Hæc ego ad vos ante vincula si adiuuatis, inter funera nisi succurritis.



# PROTREPTICVM LYRICVM, AD FRANCOS.



*D arma Franci, iam lituus sonat  
Ad arma s Turca sinibus Hungaris  
Instant, Saraceneque turma  
Silestos populantur agros.*

*Occurrit ingens Austriadum Domus,  
Iuratus hostis Serimius Comes*

*Opponit armatas phalanges,  
Ipse phalanx, aciesque magna est.*

*Armantur omnes Imperij Duces,*

*Armisque pugnant auxiliariis,*

*Orbisque communi Tyranno*

*Publicus est inimicus orbis.*

*Danus, Polonus, Moscus, & Incola*

*Poli Suecus suppetias ferunt,*

*Timentque vicinam procellam,*

*Et Boream Boreaminantem.*

*Iber metallis militat Indiciis,*

*Es dum Cohortes destinat aureas,*

*Inermis, armatusque pugnat,*

*Et sine milite bella tractat.*

*Roma Senatus nobilis amulus,*

*Dum Roma Regum nobilis amula*

*Orbem gubernabat togata,*

*Et toga militiam regebat.*

*Senatus armis imperium iuuat,*

*Turcasque nobis asserit impares,*

*Quos Creta pars orbis minuta,*

*Et Veneta pepulere vires.*

*At France fatum Turca timet tuum,*

*Falsus Prophetes vidit, & horruit,*

*Et vana semper verba fatus,*

*Fata semel meliora dixit.*

*I France palmas collige debitas,*

*Casurus olim Turca tibi cadat,*

*Et tu futurus Reſtor orbis*

Imperij rotine ruinas.  
*Romanus orbis Chrysicola Pater*  
*Ad arma gentes Chrysicoles vocat,*  
*Verboque, & exemplo suadens*  
*Clave Petri, gladioque pugnat.*

## PROTREPTICVM HEROICVM, AD GALLOS.



**G**ALLIA cognosce antiquas in praelia vires,  
 Et vires agnosce novas: fuit orbis uterque  
 Gallicus, & quondam vult orbis Gallicus esse,  
 Et saltem tuve talis eris, cum desinet orbis,  
 Ne dubites, fatum est quod Sol famulatur eous,  
 Et fatum quod Luna timet.

Non memoro partos olim toto orbe triumphos,  
 Lilia ubique vigent, & Francus ubique superstes  
 Regnat adhuc in flore suo, germenque timetur  
 Florus, & illustres orituri ex germine Reges.

Dic alma verorum Mater, genitrixque Deorum,  
 Victores quoties spectasti Gracia Gallos,  
 Et penè es venerata Deos? illi hostibus hostes,  
 Et placidi placidis Reges domuere rebelles,  
 Et domitis media partem tribuere corona,  
 Et partem tribuere sibi: communo duobus  
 Servat adhuc populus Gallorum Gracia nomen

Gallio Gracia.

Miscuerat cunctis victrix se Gallia regni,  
 Et Regum Rex Gallus erat: nemo arma mouere,  
 Nemo adversantem sperabat vincere Regem  
 Si Gallus protector erat: vel milite Gallo  
 Vel Duce Mars belli leges, pacisque ferebat:  
 Hic erat armati timor, hæc reverentia Galli.

Iustinus,  
 Strabo,  
 Livius.

Desino vana tuos attollere Gracia Reges,  
 Et Tu Troia tuos, Gallus suus Hector & Ajax,  
 Et suus Æneas fuit, & gentilis Achilles,  
 Alcides verus noster, hæc fabula nostra est.

Non hic finitimas Gallus interrogo Gentes  
 Germanos, Anglos, Danos, Suecosque, Polonosque:  
 Armatos quoties Gallos ad regna vocarunt,

*Et ne hostes sceptri fierent, secere Patronos;  
Nunc etiam montes, positaque in montibus Arces  
Nostri aliquid sermonis habent, & voce paterna  
Antiquos reuerentur Auos.*

*Dic Tu Roma potens quoties te Gallia vicit,  
Et quoties solâ venientia territa fama,  
Clausisti timidos intra tua mœnia Cives:  
At quoties fossas, & propugnacula Gallus  
Transiit saltu generoso, & penè volatus  
Corruerant edesque tue, Turresque superba;  
Et celsa Capitoli arces, nisi territus Anser  
Clangeret, & capta Gallos renocaret ab urbe.*

*Non Alpes Pœnus, nec fuscum effregit acetum,  
Perrupit Gallus ferro, & victoria triplex  
Ad Trebiam, & Cannas, Trasimenumque, Padumque  
Debetur Gallorum animis, non fraudibus Afri.*

*Hec Galli ante fidem, maiora egere fideles,  
Pugnauere Deo Franci, & miracula Franci:  
E cœlo venit labarum, pluit aurea flamma,  
Sacra Ampulla pluit, Regesque hoc flumine tincti  
Heredis dextera tactu miracula patrant,  
Et dum immortales Strumas, & vulnera sanant,  
Naturæ sunt penè Dii.*

*Audiit hæc viditque orbis, capique timeri,  
Francorum virtus, hodieque & sinus lappon,  
Et Sina, & Brasilius, nascentisque incola Soli  
Audita à Proavis reuerentur nomina Franci;  
Ignotosque timent, & adorant penè timorem.*

*Nec licet ignoti vana est reuerentia Franci,  
Ille plagas olim victor penetrauit coas,  
Et Nilum, & rubras Erythreæ marmoris undas,  
Et steriles Arabum montes, & littora Tygris,  
Et quos Euphrates medios interfluit agros,  
Et poterat victor nascentem inuisere Solem;  
Regiaque eois intexere lilia palmis;*

*At Francus sacrâ impulsus pietate petebat  
Regna Deo non regna sibi; nec inania vota  
Victorem secere Deum; Sydonque, Tyrusque,  
Berythus, & quondam Libani Regina Damascus,  
Azotus, Gaza, & palmarum mater Idumæ,  
Et Solymæ turres, & templum, Arcesque Syoni*

*Reginam*

Reginam agnouere Crucem; Francique fideles  
 Supplere vices Christi, commissaque sceptrum  
 Proreges gerere Dei. Sacramque coronam  
 Nunc etiam gererent, nisi Græcus fraude pelagâ  
 Promissos aditus, & pacta alimenta negasset,  
 Eiurans iuransque fidem. Nec pœna scelestum  
 Deseruit, Francus fraudes ulturus, ademptum  
 Ignauæ genti imperium collegit eorum  
 Et centum soles victo regnavit in orbe;  
 Et regnaret adhuc, nisi praua crimina gentis,  
 Mutassent Dominos Dominis, Turcasque tyrannos  
 Ad meritas gentis culpas, pœnasque vocassent:

Hos quoque mulcabit Francus voluentibus annis,  
 Et lunam ereptam Turcæ, Orientiaque astra,  
 Nascentemque reget Solem Rex orbis eoi,  
 Et Prorex erit ipse Dei.

Hoc fatum Mahomet vidit, falsusque Prophetes  
 Vera semel dixit; timet hæc oracula Turca,  
 Et credit fata esse Dei; metuendaque quondam  
 Iam metuit, nondumque hostes iam prævidet hostes,  
 Vincendusque olim nostris iam vincitur annis.

Gallia cognosce antiquas in prælia vires,  
 Et vires agnosce novas; te oracula Diuum  
 Ad bellum per bella vocant; si Gallica signa,  
 Si labarum præeat, si splendeat aurea flamma,  
 Cuncta sequi te regna volent, tecum ibit Iberus,  
 Et tecum partes eoi diuidet orbis,  
 Partem Anglus, partemque suam Germanus habebit;  
 Partem alij Reges; satis integer orbis bonorum,  
 Terrarum satis orbis habet.

Ergo Christiada hostiles componite rixas,  
 Vnus Turca hostis, bellumque sit omnibus vnus;  
 Illum illum vestra arma petant; si mutua bella  
 Illum impugnassent nulla esset perfida Mecha,  
 Et nullus Mahomet, Deus omnibus vnicus esset,  
 Vna fides, Christusque vnus.

At vos Francigenæ primos hæc gloria spectat,  
 Quod petitur vestrum est, nec vos nisi patria sceptrum  
 Queritis, & manibus quondam tractata paternis;  
 Ipse Deus Proavos ad regna eoa vocauit,  
 Lucere, & sparsas diuino sanguine terras,

Rabanus  
 Maurus, &  
 alij.

*Ipsi etiam sparsere suo, fuit orbis eous  
Gallicus, & titulis vobis debetur amitis.*

*Ite Patrum heredes, quò vos oracula Divina  
Et quo fata vocant: tulit olim lilia Gaza,  
Et Tyrus, & Sidon, & nunc quoque lilia monstrat:  
Ite, & victores patrios decerpite flores.*

*At lacrymis res digna piis, Crux ara salutis,  
Crux bodie captiva gemit, manibusque profanis  
Tangitur, & Christi Domini vitale sepulcrum  
Clanditur, & solis Deus est vanalis ocellis.*

*Ite p̃j Franci, libertatemque sepulcro,  
Et Domina donate Cruci, Tarcisque subactis  
Peuè redemptores humana estote salvis,  
Vltioresque Dei.*







# LIBER OCTAVVS.

## MISCELLANEA.



**A**PPELLO Miscellanea, Inscriptiones, Emblemata, Symbola, Elogia, Anagrammata, Epitaphia, quæ septem superioribus libris inserere non licuit: An autem earum rerum ars aliqua certa tradi possit, neque affirmo, nec nego: fortassis res tota ex ingenio magis quam ex consilio, & magis ab experienciâ pendet quam ex certâ doctrinâ: Seligo tamen ex multis præceptiones aliquas partim ab alijs traditas, partim recens inuentas: si cui forte ea minus placebunt, agat ille sine arte, sed videat an ille sit qui magna possit suo Marte.

### INSCRIPTIONES.

**I**NSCRIPTIO est explicatio alicuius rei, vel paucis verbis per modum lemmatis, vel pluribus sed propriis non allegoricis; ea si conciso & acuto stylo constet vix ab elogio differt.

#### PRIMI GENERIS INSCRIPTIONES.

Ex sunt quasi lemmata rerum, & Epigraphæ appellari solent; ex innumeris exemplis pauca habe. Res facilis est, & fere sine arte.

Pro foribus Domus.

*Hospitium hic, alibi patria.*

Pro umbrâ horologij Solaris.

*Fauet umbra diei.*

Pro stylo horologij.

*Immotus circuit orbem.*

Pro camino.

*Flammarum carcer apertus.*

Pro imagine Neronis.

*Adbuc in imagine seuit.*

Pro cane picto.

*Adbuc latrare videtur.*

Pro equo bellicoso depicto.

*Audax procul olfacit arma.*

## INSCRIPTIONES SECVNDI GENERIS.

**E**Æ ab emblemate, & symbolo differunt quia propriis verbis res exponunt, & carent allegoria, & carere imagine ac picturâ possunt. Huius generis sunt Inscriptiones sequentes.

## INSCRIPTIONES SOLITVDINIS.

Sur le Portail de la Maison.

*Ite cura hæc vacua solitudo est,  
Nemo hic habitat nisi solus,  
Et vos non estis sole.*

Pour vne Sale.

*Hæc aula, & vacua semper, & plena semper est;  
Implet eam Solitarius animus,  
Et multitudinem facit etiam dum est solus.*

Pour vne Chapelle.

*Docet solitudinis pretium Deus,  
Vbiq; solus est quia vbiq; est vnus.  
Nec Trinitas impedit solitudinem,  
Quia non excludit vnitatem.*

Pour vne Cheminée.

*Facimus igni viam vt in patriam tendat,  
Et nobis hic mundus hospitium est, alibi patria,  
Sequamur eam viam quam flammis facimus.*

Pour vn Estude.

*Hic licet hospitem sui esse,  
Hic animus apud se habitat domesticus sui,  
Alibi absens à se, alieni magis quam sui iuris est.*

Pour vne Bibliotheque.

*Hic viuunt homines superstites sibi,  
Hic loquuntur & tacent,  
Hic audiuntur & silent,  
Hic interrogantur, & muti respondent.*

## Pour vn lardin.

*Imaginem vite cernis dum hortum aspicias,  
Flores & homines pari nascuntur, & intereunt modo;  
Hoc vnum interest, expectetur flos plantæ,  
Sæpe homini florere non licet.*

## Pour vn Pourmenoir.

*Magnum hæc vita lycinum est,  
Omnes peripathetici sumus.*

## Pour des Fontaines.

*Amant solitudinem fontes, quia illic innocentes fluunt;  
Derivantur in urbem inuicti, quia illic nocentes fiunt.  
Inquinantur sceleribus dum scelera abluunt,  
Extra urbem Nympha, sæpe intra urbem sunt Veneres.*

## Pour vn Bois.

*Pulchrum est cum arboribus loqui,  
Respondent sylvæ quod nesciunt,  
Canunt aues quod non intelligunt,  
Loquitur nemo, & multorum colloquium est.*

## Pour vne Grotte.

*Fecit hic natura quod ars non faceret,  
Fulcit mons ruinam quam debet opprimere,  
Rimas claudit aqua quas alibi faceret,  
Euerteret ars opera sua si sic extrueret.*

## Pour vne Echo.

*Adeò solitaria est Echo ut nonnisi in speluncis degat;  
Adeò pudica, ut nullum aspiciat à nullo visa,  
Adeò modesta ut nunquam audeat loqui prima,  
Adeò erudita ut omnes linguas intelligat.  
Didicit quidquid semel audivit,  
Toties parata respondere,  
Quoties paratus es dicere.*

## Pour vn Pan.

*Ostentat honores suos Pano dum alas explicat;  
Penè exhibet cælum dum se euoluit in gyrum,  
Mox rotam contrahit dum pedes aspicit;  
Hæc illi solitudinis causa est, pudor sui,  
Solem fugit quem gestat in caudâ.*

## Pour vne Montre au Soleil &amp; à la Lune.

*Illustria solitudinis symbola sunt Sol, & Luna,  
Neque hic esset Sol, nisi esset solus,  
Neque hæc esset Luna, nisi esset vna.*

## Pour des heures au Soleil.

*Adeo solitariae sunt horae, ut nulla fluat nisi sola,  
 Adeo amicae ut nulla alteri inuideat,  
 Adeo fideles ut nulla alteram fallat,  
 Adeo veloces ut nulla vllibi sistat;  
 Fluxit pars horae dum aspicias,  
 Tu quoque dum aspexisti, fluxisti.*

## Pour vn Hermitage.

*Hic extra mundum habito cuius mundi,  
 Hic auspico aeternitatem intra tempus,  
 Hic vno Deo iudice & me testis:  
 Ille satis publicus est quem Deus videt.*

## Pensée de l'Eternité.

*Præcessit omne tempus aeternitas, & sequetur,  
 Stabit aliquando quidquid nunc fluit,  
 Veniet aliquando tempus extra omne tempus.  
 Hoc tempus erit aeternitas.*

## Pensée de la Mort.

*Ars artium est scire mori,  
 Pendet ab hac arte aeternitas,  
 Reparabilis est error caterarum artium,  
 Nemo moriendo bis errat.*

## Pensée de l'existence de Dieu.

*Nemo intelligens quid sit Deus negat Deum;  
 Deus est id quo nihil est melius,  
 Non esset id quod est optimum, nisi esset.*

## Pensée de l'Amour de Dieu.

*Vnum hoc colitum negotium est amare Deum,  
 Hoc quoque negotium Dei est amare seipsum.  
 O homo dum amas Deum penè sis Deus!*

## Pensée de la Vierge.

*Proximè accedit ad Deum Mater Dei;  
 Attingit fines diuinitatis Dei affinis,  
 Deus nihil intra se videt Deo nobilius,  
 Nihil extra se videt Matre maius.*

PORTICVS CVM INSCRIPTIONIBVS  
ET IMAGINIBVS VIRORVM SCIENTIA  
ILLVSTRIVM QVI SECESSVM SOLITVDINIS AMARVNT.

Cicero in Tusculano.

**D**idicit in solitudine Tullius quod & Rostris dixit,  
Et prius Orator Tusculanus iuit quam Romanus.

Vatro in Callinano.

Varronem Romanorum doctissimum effecit solitudo,  
Didicit è re rustica quod de politica scripsit.

Seneca in Nomentano, & Albano.

Didicit Epistolas Seneca solitudo,  
Beneficium solitudinis est, quod de beneficiis scripsit.

Demosthenes in Hypogæo.

Ad murmur Torrentis Demosthenes pronuppiare didicit,  
Quod torrens Eloquentia fuerit, hoc debet torrenti.

Plinius senior in Misinano.

Hic se in solitudine ostenderat penè omnis natura,  
Periit dum flammæ explorat, quas natura celabat.

Plinius secundus in Lauretino.

Hic Orator, hic Consul, hic Proconsul,  
Malebat in solitudine secundus esse, quam in urbe primus.

Lepidus ad aquas lepidas.

Mulatus tertia orbis parte Triumvir Lepidus,  
Aiebat regnasse se alibi tertium, in solitudine primum.

Calliodorus in Kauennano.

Hic post Ministerium Regis, & secreta Regni,  
Laudabat silentium Regni, & arcana solitudinis.

Silius in Tumulo Virgilij.

Silius intra sepulcrum hausit spiritum Virgilij,  
Solitudo penè tumulus est, & Poëtas facit.

Petrarcha in fontē Vauclusio.

Claudit intra se thesauros fontium Vallis clausa,  
Dum apud se Petrarcham habuit, oceanum claustr.

Alciatus in Ticinano.

Alciatus in solitudine emblemata scribit,  
Ipse solitudinis doctum emblemata fuit.

Cuiacius in Villa Bituricensi.

Cuiacius in solitudine leges sic explicat, vt penè condas,



*Hodie doctrina fori, disciplina est solitudinis.*

*Boëtius in Raucennano.*

*Consolatur Boëtium in solitudine Philosophia.*

*Ipse Philosophiam consolari potuit.*

*Polus Cardinalis in Magufano.*


*Polus cadentis Anglia Cardo & polus,*

*Stetit in solitudine dum Anglia cecidit.*

*Saluagnius Boëllius in Vorazo.*

*Quod Orator, quod Poëta, quod eruditus, hoc debet solitudini,*

*In urbe Rationum Regiarum, Ruri Praefes Musarum est.*



## INSCRIPTIONES TERTII GENERIS

PER MODVM ELOGII.

# INSCRIPTIO CAPITIS

D. IOANNIS BAPTISTAE.



*INTER humana capita nullum caput hoc maius fuit :*

*Minor est Ioanne quisquis non est homine maior :*

*Ille solus maior est, qui est Deus homo.*

*Nullum caput vocalius, nullum taciturnius fuit :*

*Antequam Patrem haberet indixit Patri silentium :*

*Reddidit linguam Patri, dum vix habuit.*

*Intra uterum Matris vocale & mutum,*

*Expressit motu quod ore non potuit,*

*Exultauit, & lucem quam non videt ostendit,*

*Nondum exire potest, & Praecursorem agit.*

*Nemo citius locutus est, nemo tardius*

*Ex utero Matris Verbum salutauit in utero Virginis,*

*Ne saluaret homines in Eremum secessit,*

*Illic triginta annis tacendo, loqui didicit.*

*Nemo diutius tacuit, nemo post silentium plura dixit :*

*Echo omnium Prophetarum quidquid dixere repetiit :*

*Verbum VERBI quale esset Verbum explicuit.*

*Eheu donatum est hoc caput puellae saltatrici,*

*Mauult mater adultera caput inimicum quam regnum.*

*Et saltationis pretium est Caput regno dignum.*

Nec mora praefertur in disco inter pocula caput sobrium,  
Natale conuiuium funesta cade corrumpitur,  
Ostenditur sanguis conuiuii, & penè bibitur.

Aspice hoc caput Rex impie quod te aspicit,  
Cerne oculos exanimis, & adhuc flagitij tui testes,  
Audi silentium linguae, & flagellum luxuriae:  
Os illud est cuius sententiam ferre non poterat, neque adhuc potes:  
Hae linguae est quam arguentem timebas, & adhuc times:  
Obtruncasti caput innocens, & vocale fecisti,  
Sequetur te hoc caput exulem, ut ubique te damnet,  
Hodieque Lugduni sepulcrum duorum amantium,  
Accusat incestum Herodis, & Herodiadis:  
Et homicidium Ioannis.

## CAPVT DIVI PETRI, INVERSVM IN CRUCE.



INVERSVM est hoc Petri caput, & rectum,  
lacere sic debuit, ut rectà cælum aspiceret,  
Nunquam rectius aspexit quam dum sic vidit:  
Puto sic aspexerat dum Christo isa respondit,  
Tu es Christus Filius Dei vini.

Non reuelauerat hac verba Caro, & Sanguis:  
Audierat Patrem reuelantem, & repetiit:

Petra erat, & Petrus esse meruit:  
Penè naufragium in mari secit, dum aliter aspexit:  
Inuertit caput ad Christum, & euasit:  
Nec fugisset ex hortu, nec negasset in palatio,  
Si sic aspexisset,  
Nemo peccaret in cælum si sic aspiceret.

Prædixerat huic situm Christus dum his verbis admonuit:  
Cingebas te, & ambulabas ubi volebas,  
Extendes manus tuas, cinget te alim, & ducet quo non vis,  
Nolebat duci, cum Româ exiuit, & crucem timuit:  
Voluit cum admonitus fugae, ad Crucem rediit.

Inuersus affigi Cruci voluit, ne posset aufugere:  
Inuersus, ut à terrâ iter ad Cælum faceret,  
Inuersus, ne præter Deum & Cælum aliud cerneret,  
Inuersus, ut pendentem è Cruce Magistrum aspiceret:

Inuersus, indignum se ratus qui rectus pendēret.  
*J Petre nunquam rectius ambulasti quam capite :*  
*Scilicet itur ad Cælum affectibus magis quam pedibus :*  
*Euolare rectus in Cælum Simon Magus tentauit, & corruit :*  
*Tentauit inuersus Simon Petrus, & recta iuit.*

## CAPVT DIUI PAULI PR AECISVM.



ICAT elogium huius Capitis os Chrysostomi :

Nulla lingua laudare Paulum potest, nisi sit aurea.

Hoc caput humane Sapientie domicilium est, & diuine  
 Insudit se vtraque huic capiti, vt illud impleret.

Hoc caput altius terris, raptum est ad tertium Cælum,

Hic vultus Angelis permixtus, penè Angelus fuit :

Hi oculi viderunt Christum vt hominem, & penè vt Deum.

Hæ aures audierunt arcana verba que non licet homini loqui :

Dixit illa tamen hoc caput dum nescire se dixit.

Hoc caput redux ad terras, & terris maius

Proclamat vbique quod in Cælo didicerat :

Exiuit in omnem terram huius capitis sonus :

Et verba ultra mundum perlata ibant ad Deum :

Nimirum eò redibant vnde descenderant.

Quid agis impie Nero dum hoc caput abscindis ?

Occidisti in Seneca Magistrum verbi, in Paulo verbum :

Pati tales Magistros discipulus malus non potuit.

At loquitur præcisum caput Epistolis, dum non licet verbis,

Et calamo vocali iterum dicit, que scripsit.

Probat Romanis latere in rebus creatis Deum, & patres

Probat Corinthiis fidem grandibus factis constare, non verbis :

Docet Galatas, minus sapere illos, qui nimis sapiunt,

Laudat Ephesios, vt laudabiles reddat,

Appellat Philippenses coronam suam, & penè animam,

Probat Colossensibus fidem debere esse Colossum immobilem,

Thessalonicensibus ostendit palmam, & hortatur vt vincant :

Facit Timotheum similem sibi, vt faciat filium,

Vult Paulum esse Titum, vt Titus sit Paulus,

Vt Philemoni commendat Onesimum, commendat Paulum,

Ostendit Hebræis ex vmbra veteris Testamenti, diem noui.

*Interea rorat hoc caput lacte non sanguine,  
Perfudit hic liquor carnifices, & fecit Martyres,  
Manant lacte Epistola Pauli,  
Et orbis totus vivit hoc lacte.*

## DE EMBLEMATE.



RETEM Emblematis & præceptiones tradidère multi: hæc pauca accipe. Emblemata picturis, & verbis constat plerunques & totum corpus allegoricum est, aliud ostentans, & aliud adumbrans; admittit plures figuras humanas & divinas, easque integras; & plura carmina & verba allegoriam explicantia: Et pati potest lemma aliquod aut Epigramma quod adumbratam personam appellet, eique emblemata applicet; atque hæc apodosis quamvis extranea emblematis, iuvat tamen lectorem ne emblemata quod videt, ænigma putet.

Ex iis vides Emblemata differre ab Inscriptione quæ picturam necessario non requirit, atque à symbolo quod nec figuras humanas integras nec plura carmina, nec integrum admittit, sed imminutum.

Exemplis emblematum pleni sunt libri: ante aliquot annos vita Eminentiissimi Cardinalis Richelij adumbrata est quatuordecim Emblematis ex illustrioribus fabulis desumptis; pendet ex limbo ab vna parte explicatio Emblematis vno Hemistichio, ab altera parte applicatio, altero Hemistichio: atque iis quatuordecim imaginibus grandis voluminis ornatur elegans Porticus Richeliana, ab iis Emblematis dicta. Extat hodieque Parisiis in æde magnifica.

### PRIMUM EMBLEMA.

*La France malade & suppliant deuant les Dieux,  
Cælestem posco ægra manum,  
Dignum peto Rege Ministrum.*

### SECUNDVM EMBLEMA.

*La conduite du Chariot de la lumiere confiée à Apollon:  
Deus est auriga Dei,  
Alter terris debetur Apollo.*

Le Ministre  
d'Etat.

### TERTIVM EMBLEMA.

*Le Mariage de Tethys avec Pelée.  
Nubit mortali iuvita marito,  
Tethys maiori Gallica nubit.*

L'Admiration  
pe.

QVARTVM EMBLEMA.

La Guerre  
des Princes.

Les Titans reuoltez contre les Dieux.

*Et belli causa est Deitas,  
Placauit Titanum iras.*

QVINTVM EMBLEMA.

L'Idé de Ré  
coureur.

Niobe, & ses enfans percez de fleſches par Apollon.

*Vt Matrem ulcifcatur Apollo,  
Niobe Anglia, Gallia Rœa eſt.*

SEXTVM EMBLEMA.

La Rochelle  
peſe.

Le Serpent Python tué par Apollon.

*Perit in Pythone venenum,  
Plus habuit Rupella veneni.*

SEPTIMVM EMBLEMA.

L'Hercule  
dompté.

L'Hydre à ſept teſtes tuée par Hercule.

*Plures moriuntur in vna,  
Fœcundior hæreſis hydra.*

OCTAVVM EMBLEMA.

Les Alliés  
ſecourus.

Le Roy Phinée deliuré des Harpies par Zethes & Calaïs.

*Mifer inter ſercula Phinœus,  
Vulcres Europa timebat.*

NONVM EMBLEMA.

Un Prince  
deſpoüillé.

Marsias eſcorché par Apollon prouoqué, &c.

*Pellem detraxit Apollo,  
Hac multi ſub pelle latent.*

DECIMVM EMBLEMA.

Les Princes  
d'Allema-  
gne contre  
&c.

Les Heros de Grece ſous Agamemnon contre Priam & Troye.

*Heroes Agamemnone Rege,  
Ne Troia antiqua reſurgat.*

VNDECIMVM EMBLEMA.

Trois vi-  
ctoire.

Geryon à trois corps vaincu trois fois par Hercule.

*Ter letbo ſternendus erat,  
Nunc fabula vera eſt.*

DVDECIMVM EMBLEMA.

La paix deſ-  
ſeignée.

L'Amour tirant le monde du Chaos.

*Vnit amor dum diuidit orbem,  
Pax præſtat quod præſtat amor.*



## DECIMUM-TERTIUM EMBLEMA.

Mercure dictant les destinées aux Parques.

*Mercurius parvis oracula dictat,*

*Habet per Te sua Gallia fata.*

Le Règlement de l'État.

## DECIMUM-QUARTUM EMBLEMA.

La Force & la Justice.

*Hæc facit herbes,*

*Heroum hæc facta coronat.*

Les Actions & les récompenses.

\*\*\*\*\*

## DE SYMBOLIS, GALLICE DEVISES.

EX VARIIS ARTIS SYMBOLICÆ PRÆCEPTIS

HÆC VIDENTUR PRÆCIPVA.

## I.

**S**ymbolum picturâ & lemmate constat, seu ut loquitur vulgus corpore & anima.

## II.

Picturâ ut plurimum simplex esse debet non composita, ne emblemata esse videatur, aut ænigma.

## III.

Erudita esse debet, non cuique obuia, neque tamen admodum testata ut interprete egeat.

## IV.

Corpus humanum integrum ~~picturâ esse~~ non potest, pars corporis, oculus, cor, manus tolerari potest.

## V.

Lemma Hemistichium esse debet non versus integer, desumi potest à Poëta aliquo, vel de nouo cudi.

## VI.

Et picturâ & lemma ita allegorica esse debent, ut neque personam nominent cuius sunt signa, neque se appellent inuicem.

## VII.

Totum opus admodum natium esse debet ut ipso ferè aspectu rem designet, & sine interprete.

## VIII.

Additur aliquando Symbolo Epigramma ut illud explicet, atque hæc explicatio aliquando plus ingenij quam Symbolum habet, & sæpè plus laudis, extraneum est tamen hoc Epigramma, & Symbolum supponit

magis quam facit : Ex eo tamen diuidunt aliqui Symbola in nuda , & explicata , nuda vocant quæ picturam habent , & lemma ; explicata ea sunt quibus additur Epigramma.

Exempla Symboli superioribus libris sparsa , quia breuia sunt reuoco in hunc locum , & aliqua addo.

Ex libro primo Elogia solennitatum Beatæ Virginis , nuda , & non explicata.

## I.

## SVR LA CONCEPTION.

Vne perle conceüe dans sa Nacre.

*Intra veterum iam pura fui.*

## II.

## SVR LA NATIVITE'.

L'Halcyon faisant son Nid parmy les tempestes.

*Pacem afferes cindis.*

## III.

## LA VIERGE DANS LE TEMPLE AVEC SES COMPAGNES.

Des Abeilles dans leurs Ruches.

*Mella parant, ceramque aris.*

## IV.

## SAINT JOSEPH MARIE' AVEC LA VIERGE.

Le Roy des Abeilles marié , & Vierge.

*Fide non corpore coniux.*

## V.

## L'ANNONCIATION A LA VIERGE.

Vne Echo dans vn Rocher.

*Soli sum peruia Verbo.*

## VI.

## SVR LA VISITATION.

Deux Palmes s'entre-baisans de leurs cymes:

*Blando sese ore saluant.*

## VII.

## SVR LA NATIVITE' DV SAVVEVR.

Vne Aigle ayant enfanté vn Aiglon.

*Latatur genuisse parem.*

## VIII.

## VIERGE APRES L'ENFANTEMENT.

Vn Soleil penetrant vn Crystal.

*Pernadit nec ledit iter.*

## SVR LA PURIFICATION.

Les macules du Soleil font des Estoiles.

*Ex maculis facit astra suis.*

## X.

## IESVS TRENTÉ ANS AVEC LA VIERGE.

La Lune pleine sous le Soleil.

*Totum se possit habere.*

## XI.

## LA VIERGE AV PIED DE LA CROIX.

Une Lune en Eclipsé.

*Morientis syderis umbra.*

## XII.

## LA VIERGE DANS LE SEPULCRE PRESERVEE, &amp;c.

Le Roy des Abeilles sur sa Ruche.

*Sua regna tuctur.*

## XIII.

## L'ASSOMPTION DE LA VIERGE.

Une Nacre despoüillée de ses perles.

*Exaniis debetur honos.*

## XIV.

## LA VIERGE DANS LE CIEL.

Le signe de la Vierge entre le Lyon &amp; la Balance.

*Cælestes temperat iras.*

## XV.

## LA DEVOTION A LA SAINTE VIERGE.

L'Estoile Polaire.

*Qui me non aspiciat errat.*

DE IANSENII DOCTRINA,  
TRIA SYMBOLA EXPLICATA.

## I.

## IANSENIUS CORRUPTOR AVGVSTINI.

Echo.

*Reddens non integra verba.*

## EPIGRAMMA.

**F**allitur, & fallit REDDENS NON INTEGRA VERBA,  
*Ecce reflexi faucibus imago soni.*  
 Pastor Tpra sensum fallens, & verba Magistri,  
*Ecce est, hæc lasos reddit, & iste sonos.*

## II.

IANSENIUS TEGIT SE NOMINE AVGVSTINI.

*Annulus Gygis.*  
*Nemo satis sub luce latet.*

## EPIGRAMMA.

**N**EMO SATIS SVB LVCE LATET, *gemma obijce soli,*  
*Qui vult esse gigas, cernitur esse Gyges.*  
 Pastor Tpra magno frustra se nomine celat,  
*Tolle Augustinum noctua non Aquila est.*

## III.

IANSENIUS PSEVDÒ AVGVSTINVS.

*Aquila adulterinam prolem præcipitem agens,*  
*Hæredem negat esse suum.*

## EPIGRAMMA.

**H**ÆREDEM NEGAT ESSE SVVM *qui lumina Solis;*  
*Fixo oculo, & firmo non bibit ore diem.*  
*Magni Augustini non est Iansenius hæres,*  
*Romani pauido non tulit ore Alei.*



## SYMBOLA

AVLAEIS ET VESTIBVS APPINGI

SOLITA IN INAVGVRATIONE REGIA.

## I.

*Clava Herculis.*  
*Et belli, & tessera pacis.*

## EPIGRAMMA.

**E**X oleâ hæc clava est, *BELLIQVE,* ET TESSERA PACIS;  
*Palladis est arbor, Pallas varique fuit.*



## II.

Sol pingens Parelia, & delens.

*Quos pinxit delere potest.*

## EPIGRAMMA.

**Q**VOS PINXIT DELERE POTEST, hæc regia laus est,  
*Posse sibi similes pingere, nolle pares.*

## III.

Sol Alo coronatus.

*Me nubila victa coronant.*

## EPIGRAMMA.

**I**nsidiata mihi ME NVBILA VICTA CORONANT,  
*Hofis erat qui nunc est diadema vapor.*

\*\*\*  
 TROIS DEVISES SVR LA MALADIE  
 DV ROY LOVIS XIV.

## I.

Vn Lys mourant sur son oignon.

*Impediunt nec regna mori.*

## EPIGRAMMA.

**S**uppositum calcat moriens flos Regius orbem.  
 NEC florem IMPEDIVNT, subdita REGNA MORI,  
*Nec te orbis, nec Te sceperum Lodoice innabat,*  
*Ipse etiam mori subditus orbis eris.*

## II.

L'œillet de Virgile languissant.

*Nec iam mater alit tellus.*

## VIRGILIUS.

**Q**ualem virginæo demessum pollice florem,  
*Seu mollis viola, seu languentis hyacinthi,*  
*Cui neque fulgor adhuc, nec dum sua forma recessit;*  
 NEC IAM MATER ALIT TELLVS, viresque ministrat,  
*Talis eras Lodoice, tua hæc languentis imago est.*

## III.

Vne Estoile qui semble tomber.

*Frustra casura timeatur.*



## EPIGRAMMA.

**F**ixa est, & FRVSTRACALO CASVRA TIMETVR,  
*Stat globus, & firmo est insita globo.*  
 Tu quoque casurus frustra Lodoice timéris,  
*Fixus es, & fato est Gallia fixa tuo.*

## DEUISES SVR LA REINE DE SVEDE.

## I.

La Gerbe de Suede.  
*Terra retinacula soluit.*

## EPIGRAMMA.

**H**ærebat, TERRÆQUE SEGES RETINACVLA SOLVIT,  
*Nec Te terra triplex, nec diadema tenet.*

## II.

Vne Nacre despoüillée de ses Perles.  
*Exnuius sumus heret bonos.*

## EPIGRAMMA.

**E**XVVIIS SVVS HÆRET HONOS, & dives & orba est,  
*Et geris amissum nunc quoque testa decus.*

## III.

Vn Lys despoüillé de ses feüilles.  
*Adhuc in stipite regnat.*

## EPIGRAMMA.

**E**XCVSSIT FLORES, & ADHVC IN STIBITE REGNAT,  
*Quod superest, sceptrum floribus esse potest.*

## IV.

Vn Lys sur son oignon.  
*Subiectum possidet orbem.*

## EPIGRAMMA.

**S**VBIECTVM non impositum flos POSSIDET ORBEM,  
*Calceas regali subdita sceptrum pede.*

## V.

L'Estoile Polaire attirant l'Aimant.  
*Vis arcana trahit.*

## EPIGRAMMA.

**V**IS ARCANA TRAHIT, tacitumque inspirat amorem,  
*Et tu sponte trahis proxima regna polo.*

TROIS DEVISES SVR VN MINISTRE  
D'ESTAT SECRET EN SES CONSEILS.

I.

Le Nil, duquel on ne sçait pas la source;  
*Parte sui meliore latet.*

EPIGRAMMA.

**P**ARTE SUI MELIORE LATENT *miracula Nili;*  
*Nascitur, & nondum Patria prima patet.*  
*Et tu parte tui non via meliore videri,*  
*Facta patent orbi publica, causa latet.*

II.

Vne Grenade à demy ouuerte.  
*Nobiliora latent.*

EPIGRAMMA.

**Q**UOT grana ostentat, tot sydera punica Malus;  
*Sydera sub granis NOBILIORA LATENT.*  
*Magna licet de Te pateant, maiora teguntur,*  
*Dum te aperis, intus nobiliora tegis.*

III.

Vn ver à soye.  
*Ars pretiosa latet.*

EPIGRAMMA.

**A**RS PRETIOSA LATET *quâ bombix viscosa voluat;*  
*Deque suo textor serica fila neat.*  
*Ars pretiosa latet quâ tu hosti retia texis,*  
*Et pacem, & nobis serica fila facis.*

TROIS DEVISES SVR VN GRAND  
MINISTRE D'ESTAT VICTORIEUX DE L'ENVIE.

I.

Vn Solcil faissant des grandes ombres en son leuer.  
*Spargit longas dum nascitur umbras.*

EPIGRAMMA.

**S**OL oriens longas SPARGIT DVM NASCITVR VMBRAS,  
*Invidiam quiniis nobilis ortus habet.*

KKk ij

## I I.

Le Soleil ne faisant quasi plus d'ombre en son Auge.

*Vmbra vix spargit in Auge.*

## EPIGRAMMA.

**P**ROUETUS sublime VMBRAS VIX SPARGIT IN AVGE,  
Nec Te audeat, nec te liuor adire potest.

## I I I.

Vne Estoile qui semble tomber.

*Dum radiat cecidisse putant.*

## EPIGRAMMA.

**D**VM RADIAT CECIDISSE PUTANT, scintillat imago  
*Syderis. & sydus creditur vmbra cadens.*  
Tu quoque fulgebas dum te cecidisse putabant,  
*Interea si quid decidit. vmbra fuit.*

# TROIS DE VISES SVR L'ESCVSSON D'VN MINISTRE D'ESTAT.

## I.

Vne hache Romaine droite.

*Nulla inflexere procella.*

## EPIGRAMMA.

**R**OMANOS fasces NVLLÆ INFLEXERE PROCELLÆ,  
*Non Aquilo, & quidquid flammis auster habet.*  
*Hoc animi est emblemata tui, stetit integra virtus,*  
*Et dum nutaret Gallia, Roma stetit.*

## I I.

Vne hache Romaine éléuée sous vne bande.

*Ne noceat sublime micat.*

## EPIGRAMMA.

**N**E NOCEAT SVBLIME MICAT Romana securis  
*Et timet vlcisci, dum violare potest.*  
*Frustra illam retinet sublimis fascia rectam,*  
*Sponte sua vt posset parcere recta foret.*

## I I I.

Trois Estoiles.

*Prudentia triplex.*

## EPIGRAMMA.

**V***Na aliis, innata tibi est PRVDENTIA TRIPLEX,  
Et tota hæc Virtus est Masarine tua.  
Praluces Regno, & Regi, fideique, Minister,  
Unica stella aliis, est tibi stella triplex.*



## DEVX DEVICES SVR L'AMOUR

MESLE' DE CRAINTE,

*Amari & timeri.*

I.

Le confluent du Rhosne avec la Saone.

*Miscentur in vnum.*

## EPIGRAMMA.

**L***entus Arar, Rhodanusque celer MISCENTVR IN VNVM,  
Ille amor, hic timor est, lentus hic, ille celer.*

IV.

Vn sep de vigne en Prouence perçant le corps d'vn Oliuier.

*Mixtus vtrique sapor.*

## EPIGRAMMA.

**N***ascitur ex Baccho Pallas, de Pallade Bacchus;  
Hæc amor, hic timor est, MIXTVS VTRIQUE SAPOR.*



## DEVICES SVR LA VIE PRIVEE

ET PVBLIQUE D'VN MINISTRE D'ESTAT.

I.

Les fontaines de Paris.

*Quod bibimus de rure venit.*

## EPIGRAMMA.

**Q***UOD BIBIMVS DE RVRE VENIT, postquam alluit urbem;  
Mobilis ad patrios unda recurrit agros.  
Tu quoque post Aulam, & fiscum, & mysteria regni,  
Vnde nouus redeas, ad noua rura redis.*

## II.

Le Nauire de la ville de Paris.  
*Reditura perambulat orbem.*

## EPIGRAMMA.

**V**<sup>T</sup> *gazas referat, REDITVRA PERAMBVLAT ORBEM,*  
*Et quas collegit, diuidit orbis opes.*  
*Regius est Nauis fiscus, Tu Nauita fisci;*  
*Diuidit allatas te duce Nauis opes.*

## III.

La Seine.  
*Exit nec deserit urbem.*

## EPIGRAMMA.

**Q**<sup>V</sup> *am properare vides EXIT NEC DESERIT VRBEM,*  
*Et fluit, & semper mobilis vnda manet.*  
*Tu quoque Meudonum repetis, nec deseris urbem,*  
*Et procul & præsens nobile flumen ades;*

## IV.

Vn Compas.  
*Centro pes alter adhæret.*

## EPIGRAMMA.

**P**<sup>E</sup> *s alter graditur CENTRO PES ALTER ADHÆRET,*  
*Ni foret immotus non numeraret iter.*  
*Tu quoque terrarum fines Legatus obisti;*  
*Et centrum, & semper circulus Aula tibi est.*

# DEUISE SVR LE DECEZ

D'VN IEVNE ENFANT DE MAISON.

Hemeroçallis.

*Vna dies.*

## EPIGRAMMA.

**V**<sup>N</sup> *A DIES nasci videt, & videt vna perire,*  
*Fallor vix obiit, cui neque vita fuit.*

## AUTRES DIVERSES DEUISES.

Vne Aigle couurant justement son nid de ses ailes.  
*Par edibus hospes.*



## EPIGRAMMA.

**Æ**quales nido penne, PAR ÆDIBVS HOSPEs,  
Fortuna maior, nec minor esto tuâ.

Contene en  
la fortune.

Des Perles dans leur Nacre.

Amant pretiosa latere.

## EPIGRAMMA.

**M**aterni nollent vteri prodire latebris,  
Ni tonitru impresso rumperet igne sinum.  
Vilia quaque patent, sed AMANT PRETIOSA LATERE,  
Qua gemma est, floccus ni latuisset erat.

Amour de la  
volupté.

Vne plante de Muguet.

Inest quid suave cucullis.

## EPIGRAMMA.

**I**nus inest quid suave, & INEST QUID SVAVE CVCVLLIS,  
Suave est quod nubes religiosa tegit.

Pour un Ré-  
ligieux.

Vn Sep de vigne lié.

Crescit per vincula virtus.

## EPIGRAMMA.

**Q**ua reptaret humi CRESCIT PER VINCULA VIRTVS,  
Dum petitur probris per probra crescit bonos.

Vne pierre pretieuse nommée Triophthalmos.

Tria lumina & vnum.

## EPIGRAMMA.

**V**Nica ter gemma est, & sunt TRIA LVMINA ET VNVM;  
Ter Deus est, nequeunt tres tamen esse Dii.

La Trinité.

Les Planetes à l'entour du Soleil.

Non licet esse pares.

## EPIGRAMMA.

**C**Ognatis quamvis radiis, & luce coruscent,  
Esse licet similes, NON LICET ESSE PARES.

Les Comètes.

## DE ELOGIO.



**E**LOGIUM est succus & quasi Spiritus, anima & quasi essentia panegyrici: spiritum appellant Chimici essentiam à singulis rebus beneficio ignis & artis eductam, animam floris, succum liquoris, spiritum auri, mentem Metalli: addunt quintam essentiam esse, essentiam essentiae, florem floris, liquorem liquoris, aurum auri, metallum metalli. Quod Chimicis est aurum auri, hoc Elogistis Elogium est, Panegyricus panegyrici.

Quò nobilius est hoc scribendi genus eò est difficilius, nec faciles præceptiones habet; & fortè ad Elogium plus confert natura quam doctrina, & plus indolis habet hoc scribendi genus quam artis.

Tria in Elogio distingui possunt, dictum seu acumen, dictio, & dicendi modus seu flexus.

Dictum subtile esse debet non obtusum; illustre non vulgare, singulare non commune, natum ex re ipsa non aliunde quæsitum; sæpè hoc acumen natura suggerit, doctrina acuit, experientia perficit; Interdum est cogitatio prima, aliquando decima; sæpè sponte nascitur, aliquando quæritur; interdum difficile inuenitur; sæpè est naturæ partus, interdum industriæ, aliquando fortunæ.

Dictio elogij pura esse debet non fucata, nativa non violenta, clara non ambigua; verba nec Africam sapere debent ne sint aspera, nec Asiam ne sint mollia, nec Athenas ne sint fœminea; romana esse debent ut sint mascula & robusta.

Modus dicendi seu flexus est mysterium Elogij, secretum artis, ars artificis: dicit hic flexus ordinem verborum, aptitudinem dictionis, situm acuminis, quem situm si mutaveris, elogium euertisti.


Elogiorum duo sunt quasi genera, vñum singularibus lineis constat, alterum periodis.

In primo illo genere, singulæ lineæ debent proponere, & concludere, debent esse res ipsa & ratio rei, debent inferre & inferri, antecedere & sequi; debent esse Epigramma vñius carminis, discursus vñius propositionis, debent esse propositio rem probans, & res ipsa probata.

In altero elogij genere periodus sententiis constare debet non vacuis verbis, singula membra acumina sunt inter se connexa, & se inuicem augentia, crescit secundum ex primo, augetur secundum à tertio; ex omni-  
bus sententiis quasi ex toridem gemmis exsurgit periodus quasi pantarra, multiplex gemma & vnica.

Elogiorum

Elogiorum exemplis pleni sunt superiores libri; adde aliqua primi generis & secundi.



## TRIA ELOGIA PRIMI GENERIS.

### CAPVT ALEXANDRI MAGNI.



ERIT hoc caput intra se mundum, nec tamen est plenum;

Quærit plures mundos extra unum,

Et post victa omnia quærit adhuc quod vincat.

Timuerat infans ne haberet quod vinceret,

Vidit Patrem victorem, & inuidit,

Fleuit, & lacrymæ infantis orbem terruere s

Post victum orbem penè iterum fleuit,

Doluit post omnia nihil superesse vincendum.

O hominem avarum! qui post Darij diuitias adhuc est pauper s

O ambitiosum! cui nec natura satis est, nec fortuna :

Adeptus nomen Magni maius aliquid ambit,

Solus siue emulo clarius, vult esse clarior s

Maior fortuna sua, vult esse se maior,

Et ne emulo careat sit amulus sui.

Infelix Alexander extra se victor, intra se victus,

Extra se Dominus, intra se seruus:


Imperat aliis & seruit sibi,

Seruit amori & ira impotens sui.

Scilicet id egerat victoriis suis,

Ut cætera haberet in potestate non seipsum,

Et foris victor, domi esset captiuus.



### CAPVT IVLII CÆSARIS.



OC caput aut æquale est alteri, aut est maius :

Vtrique capiti mundus vnus non sufficit.

Iulius Cæsar Alexandro posterior fuit non minor;

Aut æquales inuicem erant se simul vixissent,

Aut dubia esset vtriusque victoria:

Alexander generosior, Cæsar astutior fuit s

Fefellit Gallos, vincendus nisi fefellisset s

Armauit Galliam in seipsam, & Galliam vicit per Galliam s

*Et Romam quoque vicit per Romam,  
Et Cneium magnum per Cneium.*

*Magni omnino viri Alexander & Caesar,  
Maiores futuri nisi voluissent esse maximi:  
Ne amulos haberent neuter potuit pati magnum:  
Ut statuerent auctoritatem priuatam, euerterunt publicam;  
Ut primi essent, omnes voluerunt esse postremos.*

*At senior Alexandro Iulius Caesar,  
Tot hominum millia cecidit, ut inde Caesar appellari possit:  
Post casam Galliam cecidit Italiam, & Patriam ipsam,  
Neque tot homicidiis satur,  
Post casum Occidentem cogitabat Orientem,  
Casurus orbem terrarum, ut ubique Caesar esset.  
Denique ibi casus est, ubi Senatum ceciderat,  
An cum detrimento orbis, an cum luro, non liquet.*

## CAPVT CICERONIS.



*AD HVC eloquentiam spirat hoc caput,  
Lingua caret, & adhuc loquitur,  
Præcidit linguam Fulvia non eloquentiam:  
Adhuc vox est superstes post animam.*

*Erras Fulvia dum solam linguam vocalem putas,  
Totum Ciceronis caput eloquens est,*

*Et frons, & oculi linguam habent, qua te accusent,*

*Vidit hoc caput è rostris Antonius, & timuit:*

*Timéret Catilina si adhuc viueret,*

*Vidit populus Romanus, & loqui credidit:*

*Pungit te hac lingua Fulvia, dum illam pungis,*

*Sentis eius vulnera, nec illa te sentit.*

*Olim contra Antonium Philippicam,*

*Nunc contra te Olympicam dicit.*

*Adhuc loquitur hoc caput etiam mutum,*

*Adhuc rostra eius eloquentia personant:*

*Adhuc eius verbis Roma loquitur,*

*Adhuc eius iudiciis forum sapit,*

*Hoc caput Ciceronis est, & lingua mundi.*



# ELOGIA SECVNDI GENERIS.

## ELOGIVM SANCTÆ CATHARINÆ.

*Ex illis verbis Psalm. 44. Proxima eius afferentur tibi, Euthymius Catharinam proximam dicit.*



CATHARINA proxima Deiparæ ostensa est Verbo dum Matrem eligeret, penè eligenda nisi Maria electa esset, quæ tamen Mater esse non potuit, sponsa fuit; subharravit eam Christus annulo, & sponsam fecit.

Proxima quoque est Deiparæ titulo puritatis, audi quot titulis pura est, ne dubites proximam esse.

Primum argumentum puritatis est titulus nominis, appellatur pura dum appellatur Catharina; sæpè magnarum rerum argumenta sunt nomina.

Alterum argumentum est neglectus imperij; puritatem sic amavit ut eam sceptris prætulerit, ut Virgo esset, imperatrix esse noluit.

Tertium puritatis argumentum est Columba, hæc Catharinam diu in vinculis aluit, Columba vna Columbam alteram; ne quære quo cibo, ex succo aëris; nec alio alimento ali debuit Virgo cœlestis.

Quartum argumentum est sepulcrum; tumultata est manibus Angelicis, & ipsa penè Angelus fuit; ne quære ubi Catharina sepulta sit, ignoratur hodieque locus sepulcri; scilicet penè versa in spiritum, quod terræ mandaretur vix habuit.

Non satis dixi, & Virgo & Mater Catharina fuit; ut Matrem scias dum occideretur lac dedit; eo lacte Imperatricem, & Porphyrium, & Philosophos aluit; scilicet quos fecerat Christianos, alumnos habere debuit.

Mater quoque scientiarum tot filios habet quot eruditos: Pallas Christiana emendavit profanam; ex Philosophiâ Theologiam fecit; ex arcanis naturæ collegit mysteria gratiæ; ex rebus creatis præmissas fecit, & Deum collegit ex opere.

Denique ad rotam damnata armatam suppliciis, ex rota currum fecit in quo pugnavit & vicit; hoc curru euecta victrix ad superos iuit: Illic proxima est Deiparæ, Princeps Reginæ.



ILLVSTRISSIMI ET REVERENDISSIMI DOMINI  
**DOMINI PETRI SCARRON,**  
 ECCLESIAE GRATIANOPOLITANÆ, PRÆSVLIS  
 ET PRINCIPIS PLVSQVAM OCTOGENARII.

ELOGIVM AETATIS.



VALIS est ætas tua, PRÆSVL, ET PRINCEPS? neque hyems est quia habet plurimum veris, neque autumnus quia habet aliquid hyemis, ætas est multarum ætatum, & tamen vnica.

Antiquissimus Senatorum Parisiensium, annosissimus omnium Præfulum, vidisti hunc mundum iuuenem & vides senem, nec iuuenis ipse nec senex; vidisti annos antiquos & vides novos; vidisti duas ætates, & illæ viderunt te, vidisti interire per partes & integer es; vidisti eodem vultu quali nunc vides; mutasti octoginta annos, nec illi mutarunt te.

Pinxit te olim pictor qualem nunc pingeret; idem est tabellæ vultus & tuus; vnum est discrimen imaginis & prototypi; senex est imago tua nec tu senex; decolorauit illam tempus, nec decolorauit te, contraxit aliquas rugas quibus tu cares.

Dicitur Nestor vidisse tres ætates, & ter vixisse; heros heroum, & senex senum, semel homo & ter sapiens fuit; Auebat ex eius ore mel quasi ex ape, apis attica erat, & Philomela Pylia.

Fabula erat Nestor, & tu historia es; Senator Senatorum, & Præful Præfulum, superas Nestoris vitam & sapientiam; vna in illo Sapientia erat, in te est plurima; vnilinguis erat, & tu trilinguis es, crederet te atticum Agamemnon, si te audiret; credidit te Ciceronem Roma dum te audiuit; audiuit te sapè Aula, & te legit; & nunc dum ad Reges & Principes scribis, mellea est oratio tua, & tu apis es Gallica.

Denique nihil in te senile est nisi sapientia, hæc tamen ita antiqua est vt sit etiam noua.

Gratulamur tibi antiquos annos, & optamus novos; vidisti duo secula, optamus tertium; vnum est quod timemus ne te optet æternitas, hanc optamus tibi sed post plurima secula.

NOBILISSIMIS, ET ILLUSTRISSIMIS DOMINIS  
DD. PRAESIDIBVS, ET CONSILIARIIS  
SENATVS DELPHINATENSIS.  
SUPPLEX LIBELLVS.



ARERE templo non debet Collegium quod est Christianum; habuere quondam delubra Musæ dum erant profanæ; habere altaria debent dum sunt sacræ; & habere Gratianopoli debent in vrbe gratiarum; ingrata vrbs esset nisi gratiæ Musas adiuuarent, & sunt sorores.

Extabat ante paucos annos in Collegio templum, sed ligneum; assuetæ abietibus abietes extruebant Deo ædem sed syluestrem; amabat tamen ligneam domum faber Christus, & cui vltra stellas est empyreum palatium, habitare dignabatur intra abietes, & coli se patiebatur inter arbores.

Exedit tandem ligneas ædes vetustas, corruptit pluuia, succussit tempestas, evertit ruina, scilicet patebat omnibus iniuriis fragilis structura; penetrabat illam frigus, inflammabat æstus, laxabat humiditas, disfluebat siccitas, nemo intra illam tutus erat nisi solus Deus; corruit tandem debile ædificium, impune tamen, & citra vitæ iacturam; nimirum nocere non potest domus, intra quam habitat Deus.

Orbatæ sacris ædibus Musæ adorare coguntur in sacello non suo; habitat Musarum Deus in conductitia domo, inquilinus est alieni hospitij, & caret loco, per quem factus est omnis locus: quodque opprobrio simile est, adeo exigua est ædes, & angusta, vt excludat cultores quos inuitat, nec sufficit precibus publicis quæ vix est satis priuatis.

Exhauserunt se Musæ vt nouum templum Deo extruerent, expenderunt omnem assem suum, & penè obolum; nec puduit nobiles puellas, emendicare æs alienum post exhaustum suum: sed illud quoque nunc exhaustum est; nec licet amplius Musis esse mendicis; erubescunt ne erubescant, timent ne timeantur; nec tamen carere templo possunt nec Deo.

Interea absistere cœptis coguntur egenæ virgines, sed inuitæ: pendunt opera interrupta, minæque murorum ingentes, eductaque machina cœlo; obuia est iniuriis aëris pars seminuda templi, pluit, fulgurat, sonat intra ædem Dei; tutus intra ædes suas homo habitat, patet opprobriis temporum templum Dei, & penè ipse Deus.

At hoc dedecus quoddam est vrbis vestræ; cur inquit aduenæ om-

nes abruptur opus publicum & diuinum? esset hoc decus Gratianopolis nouæ: habet sua templa vrbs antiqua, carere templo non debet Gratianopolis noua: tres nobiles uici in hac nouæ vrbs parte triangulum efficiunt, esset hæc ædes trium linearum nobile centrum: hæc dicunt aduenæ omnes, idem dicunt cines: at ex sunt voces & verba, mallem saxa esse & marmora.

Quid faciant inopes Musæ quod cant nisi ad vos, ILLVSTRISSIMI PRÆSIDES ET SÉNATORES? vos extruendi templi consilium approbastis, & penè iussistis: vos auxilij nobilis spem fecistis: decreti vim habent verba vestra, nec lædi ab aliis debent nec à vobis: implorant supplices Musæ fidem quam dedistis: pars est Iustitiæ stare promissis: Deus ipse liberalis dum promittit, iustus est dum promissa reddit, & vos liberales & iusti suppletis Deum, & penè dii estis.

Humillimæ & additissimæ Musæ Collegij Gratianopolitani, Anno Domini 1664.

## DE ELOGIIS GALLICIS.



VÆSIERVNT ex me aliqui an etiam linguâ Gallicâ scribi Elogia possint; difficultatem facit genius linguæ natiuus, & purus, & qui similis indoli gentis, nec patitur nexus qui adstringant libertatem linguæ, nec acumina quæ lædant puritatem; fortassis tamen etiam in hac linguâ scribi acutum aliquid potest; propono elogia aliqua Gallica, quæ si displicebunt lectori, omittat illa, si placeant legat: pati illa potest hic octauus liber qui miscellanea continet.

## ELOGE DES LARMES.

QV'est-ce qu'une larme? si c'est une goutte d'eau, comment est-elle si précieuse? Si elle est si précieuse, n'est-ce pas une perle? Si c'est une perle, d'où vient qu'elle est fondue? Si c'est un crystal, qui la congèle, qui la dissout? Si c'est une vapeur, qui l'élève, & qui la fait descendre? Si c'est du sang, comment n'est-il pas rouge? Si c'est un liqueur différente de l'eau, quelle est sa fontaine & sa source?

Les larmes ont leur première naissance dans le cœur, il est leur père, & elles sont ses filles, il s'ouvre pour les concevoir, il se ferme pour les enfanter, l'amour les conçoit, la douleur les enfante; de sang-elles passent en esprit, d'esprit en vapeur, de vapeur en eau; l'amour & la douleur sont tous ces changemens; c'est pour cela qu'elles sont chaudes, par-

ce qu'elles sont affectueuses, & elles sont salées parce qu'elles sont ameres. Le cœur est le pere des larmes, & le cerueau leur mere : Il faut le concours de ces deux parties pour leur production : l'imagination dans le cerueau connoist le mal, l'appetit dans le cœur le ressent & se ferre ; en se fermant il enuoye des esprits au cerueau messagers de sa douleur, & tesmoins de sa passion ; ces esprits se refroidissent dans le cerueau comme dans vn alambic, & deuiennent des larmes ; le cerueau leur ayant donné la vie les enuoye dans les yeux pour y receuoir la lumiere.

Le cœur & le cerueau sont les parens des larmes, les yeux sont leurs nourrissons ; ils les recoiuent dans leurs veines, ils les esleuent dans leur sein ; ils sont les mammelles de ce lait, les naeres de ces perles, les minieres de ce crystal, les sources de ces eaux, le tresor de cet argent liquide.

Les larmes sont pretieuses en terme de nature ; elles recoiuent l'estre du cœur, la vie du cerueau, la lumiere des yeux ; elles naissent de la joye & de la douleur ; elles sont chaudes & froides, ameres & douces ; elles sont les filles de deux passions, & elles en sont les meres ; elles naissent de l'amour, & elles le font naistre ; elles viennent de la douleur, & elles la produisent ; elles pleurent, & elles font pleurer ; elles sont muettes & eloquentes ; elles meurent, & elles sont elincuës.

Les larmes sont nobles en terme de nature, elles le sont bien plus en terme de mœurs : toutes les vertus aiment les larmes, & elles sçauent toutes pleurer : la Foy pleure de ne voir pas encore ce qu'elle croit : l'Espérance soupire apres ce qu'elle souhaite : la Charité pleure de joye, la Penitence de douleur, l'Humilité pleure son neant : la Religion offre vn sacrifice de larmes : la Force donne des larmes de sang : la iustice pleure & fait pleurer : la Prudence regle les larmes, toutes les vertus pleurent sur les vices qui leur sont oppolez.

Je n'ay pas assez dit, Dieu mesme aime les larmes, & ne pouuant pleurer en qualité de Dieu, il s'est fait homme pour apprendre à pleurer : La Vierge a souuent pleuré, on compte sept de ses douleurs, on ne peut pas compter ses larmes. Tous les Saints ont donné des larmes : les Martyrs des larmes de sang, les Vierges des larmes de lait, les Confesseurs des larmes de zeile & de penitence : les Anges de paix pleurent dans l'Escrivure : si les Demons eussent pleuré ils seroient encore Anges : & si les pecheurs eussent voulu donner des larmes, il n'y auroit point d'Enfer ny de damnez.



## ELOGE DV GRAIN.



**L**n'est rien dans la nature plus petit qu'un grain, il n'est rien de plus grand; il n'est rien de plus vil, & rien de plus précieux; il n'est rien qui ait moins d'apparence & plus d'effet; le grain est un tresor caché, un miracle rustique, un prodige familier, un secret connu & caché, un mystere de la nature.

Laboureurs quand vous semez vos grains, vous semez des miracles, & vous n'y pensez pas: quand vous cultivez la terre, vous cultivez des prodiges: quand vous moissonnez vous cueillez des merueilles: vostre condition est miraculeuse, & vous l'estimiez basse & ravalée, vous vous trompiez.

Voulez-vous voir la grandeur & l'excellence du grain: le Sauveur dans l'Evangile dit, que le Royaume du Ciel est semblable à un grain: Il faut que le grain soit bien grand pour égaler le Ciel: C'est trop peu dire, le Sauveur luy mesme se compare à un grain; il est tombé dans le sein d'une terre Vierge, comme un germe de vie; il en est sorti comme un espy second, il a esté mortifié & moulu en sa Passion pour se changer en pain de vie: Ce n'est pas encore assez, le Sauveur dit que son Pere est un Laboureur, il a semé au dedans de soy son Verbe comme un beau grain, & au dehors toutes les creatures: Laboureurs vostre fortune est plus noble que vous ne pensez pas. Dieu est un Laboureur.

C'est la grandeur du grain par comparaison, voulez-vous voir sa grandeur en luy mesme: Ce petit grain paroist sec, & il est bien fertile; il paroist mort & il cache la vie: mais s'il cache la vie, comment est-il mort? & s'il est mort, comment a-il la vie? Il est mort en soy, il vit par un germe de vie qu'il a chez soy: Il paroist pauvre, il cache chez soy un tresor, cent grains sont cachez en son sein: Il est un, & il est plusieurs, il est grain, il sera espy, il a chez soy le principe de ses grandeurs, il est grand en ses productions estant petit en soy.

Mais ce qui est merueilleux, il faut que ce grain meure en soy pour donner la vie, & s'il ne mouroit pas il ne seroit pas un principe de vie: Merueille il faut que la vie naisse de la mort, il faut que ce grain tombe pour se releuer, il faut qu'il se cache pour paroistre, il faut qu'il meure pour ressusceiter: Heureuse mort, puis qu'elle donne la vie! heureux grain de perdre un estre pour en recouurer plusieurs, de cesser d'estre grain pour devenir espy, de mourir une fois pour viure autant de fois qu'il produira de grains.

Le grain est merueilleux: il n'est pas moins utile, puis qu'il nous nourrit,



rit, & nous donne la vie; le grain deuiant farine, cette farine est changée en pain, ce pain se change en chair, & il deuiant vne partie de moy-mesme: le dois ma vie à ce grain, ma chair est formée de ces grains, & ie suis tout composé de grains.

O homme apprens les obligations que tu as à ce grain, tu ne peux pas le mespriser sans mespriser ta vie; tu ne sçauois t'aimer, sans aimer ce qui te donne la vie; ce grain meurt pour te faire viure, tu dois ta vie à sa mort; tu ne sçauois luy vouloir mal, sans te haïr toy mesme.

Mais ie ne sçay ce que ie dois plus admirer en ce grain, ou son malheur en ces changemens, ou le bonheur de sa fortune parmy les infortunes: pour estre changé en farine il faut qu'il soit moulu, pour estre changé en pain il faut qu'il soit paistri, pour estre changé en chair il faut qu'il soit masché & digéré: Mais ces souffrances sont bien recompensées, il deuiant chair, il deuiant homme, & ayant esté sans ame quand il estoit grain, ayant vescu en plante quand il estoit espy, il vit d'une ame raisonnable estant changé en homme.

Pour comble de son bonheur il entre dans les greniers de l'Eternité, *triticum autem congregat in horreum meum*, apres tant de morts il deuiant immortel, apres tant de corruptions il est incorruptible, du grenier de la terre il entre dans le grenier du Ciel, il est compris parmy les richesses du Paradis, & apres auoir seruy à la table des hommes, il sert à la table de Dieu.

## ELOGE DE L'EAU ET DV VIN.

**L** semble que l'eau est bien plus excellente que le vin, elle est vn noble Element, & le vin n'est qu'un mixte, elle est vne maistresse piece de la nature, & le vin n'en est qu'un adjoinct; sans l'eau il n'y auroit point de monde, & il feroit plus sage sans le vin.

Bien dauantage, Dieu produisant les especes des creatures dans les six premiers jours de la naissance du monde, s'oublia de produire le vin: cela veut dire que le vin n'est pas vne espece beaucoup parfaite, ou beaucoup necessaire; Dieu regarda au sixiesme jour son ouurage, & il vid que tout ce qu'il auoit fait estoit bon, il ne vid point de vin; le monde en son premier âge s'est bien passé de vin, & il ne s'est pas pû passer d'eau.

C'est la noblesse de l'eau dans la comparaison du vin: voulez-vous voir sa noblesse en elle-mesme; l'eau est trop noble pour estre toute sous la Lune, l'Escripture dit qu'il y a des eaux sur les Cieux: les eaux au commencement occupoient tout le monde, les Cieux en ont esté formez, & ils en retiennent encore l'azur & la couleur; elles sont demeurées sur les

Estoiles, comme en vn lieu digne de leur noblesse: Dieu fit vn Firmament au milieu des eaux pour les separer, non pas pour les exclurre: Les autres Elemens n'ont qu'une place dans la nature, l'eau est si noble qu'elle est sous le Ciel, & dessus; elle occupe deux places, elle fait quasi deux Elemens, & elle a fait quasi toute la Nature en son commencement.

Ce que l'Eseriture adjouste est encore plus illustre, *Spiritus Domini febrebatur super aquas*, il faut que l'eau soit bien forte pour soustenir vn Dieu. Cet Esprit diuin estoit porté sur les eaux, il y estoit comme dans vn Siege pour y loger, comme dans vn Thrône pour y regner, comme dans vn Char de gloire pour y triompher: Il y estoit comme vn vent pour les remuer, comme vn zephire pour les cresper, comme vn esprit pour les rendre fecondes, il y estoit comme vn Architeccte y desseignant les parties du monde: C'est trop peu, comme les disposant à l'estat de la Grace, comme les preparant pour seruir de matiere au plus noble des Sacrements.

Et c'est icy la grande louange des eaux, elles sont la matiere du Baptisme: Elles sont si pures qu'elles lauent les impuretez du peché, elles sont si saintes qu'elles produisent la sainteté, elles sont les meres de la grace, & des vertus: C'est vn grand honneur aux eaux de loger sur les Cieux, & parmy les Estoiles; mais c'est bien plus, estre sur toute la Nature en produisant la Grace.

Voila les eloges de l'eau: Apres tout, le vin est bien plus noble; il est vn mixte, & l'eau vn Element, & c'est en cela mesme qu'il est plus noble; il assemble en soy toutes les qualitez de tous les Elemens pour estre vn abbrege de ce qu'ils ont de plus parfait; le vin est coulant comme l'eau, il est subtil comme l'air, il est ardent comme le feu, il est fort comme la terre.


Dieu ne produisit pas le vin au commencement du monde, ce premier âge n'en auoit pas besoin, ou il n'en estoit pas capable: Il falloit vn Noé pour l'inuenter, & il surmonta son Auteur; il faut que le vin soit bien fort, il surmonte le Repareur du monde: Noé auoit resisté à vn deluge d'eau, il est vaincu par vn peu de vin.

Je ne m'estonne pas si les trois courtisans du Roy Assuere mirent le vin au rang des choses les plus fortes: Il y en eut vn qui prefera la verité, mais le vin est plus fort que la verité mesme; il la cache, il la noye, il l'éueille, il la fait reuiure: Bien plus, le vin est l'inuenteur des sciences, qui sont les filles ou les meres de la verité.

Mais la plus grande louange du vin se doit prendre du Sauueur: Le vin a l'honneur d'estre changé en Sang au sacrifice de la Messe, & de faire vne partie de la vie d'un Homme-Dieu: Le Sang du Sauueur prend les liurées du vin, la couleur, le goust, & la saueur; l'eau a bien quelque part

au Sacrifice, mais on en melle peu; & ce peu n'est qu'une matiere moins principale du Sacrifice; aussi elle represente les foiblesses de l'homme, & le vin la diuinité du Sauueur.

Enfin à la Noce de Cana l'eau est changée en vin, & non pas le vin en eau: Or le changement ne se fait pas en vne chose moindre, autrement ce ne seroit pas vn miracle, mais vne corruption: Le vin est le premier des miracles du Sauueur, & il sera le dernier; il abreuera les bienheureux, il fera les delices du Paradis, & il sera serui à la table de Dieu.



## ELOGE DV RIEN.



L n'est presque rien en la Nature plus difficile que le Rien: Il est difficile à expliquer, il est difficile à connoistre, il est difficile à faire, il est difficile à louer, & cependant il est bien louable, puis qu'il sert à prouuer l'existence de Dieu.

Le Rien est difficile à expliquer; pour l'expliquer il faut dire que c'est vne negation de ce qui est; dire cela c'est dire quelque chose: Il faut donc dire quelque chose pour dire rien: Il faut expliquer ce qui est, pour dire ce qui n'est pas; il faut des paroles qui signifient pour ne signifier rien: Il semble qu'il vaudroit mieux se taire pour expliquer le rien, mais si on se taisoit on ne l'expliqueroit pas; il faut donc parler pour dire le rien, & c'est ce qui est difficile.

Le Rien est difficile à expliquer, parce qu'il est difficile à connoistre: Voulez-vous voir la difficulté; on demande en Theologie si Dieu connoist le rien; s'il le connoist, il est donc intelligible; s'il est intelligible, il a donc les proprieté de l'estre; s'il a les proprieté de l'estre, il est donc quelque chose, il n'est donc pas vn rien: Et certes s'il est connu de Dieu, il est donc représenté dans l'Essence de Dieu comme dans vn miroir, elle est donc le miroir du rien; & cependant elle est le miroir des estres.

Le Rien est difficile à connoistre, il est bien plus difficile à faire: Ceux-là mesmes qui dient que Dieu peut connoistre le rien, dient que Dieu ne le scauroit faire: s'il le faisoit il seroit vn ouurage de Dieu: si c'estoit vn ouurage il seroit quelque chose; & si c'estoit quelque chose, ce ne seroit donc pas vn rien, *Omnia per ipsum facta sunt, & sine ipso factum est nihil*, il a fait toutes choses: il n'a pas fait le rien, aussi le rien n'est pas vn effet, c'est vn défaut, il ne faut pas agir pour le faire, il faut faillir.

Delà il suit que le Rien est difficile à louer, l'objet de la louange est la bonté, ou la beauté, le Rien n'a ny l'une ny l'autre: s'il estoit bon ou beau, il seroit donc vn estre, il ne seroit donc pas vn non-estre, il ne seroit donc pas vn rien: Et s'il est la negation de l'estre, il n'est donc pas

louable : l'estre est louable , donc le non-estre ne l'est pas.

Nonobstant tout cela le Rien est louable , puis qu'il sert de matiere à Dieu pour operer ; s'il n'y auoit point de rien , Dieu ne seroit pas Createur ; creer c'est extraire quelque chose du rien ; le rien est le terme de départ d'où le monde est sorti , & il est le terme d'abord où la nature retomberoit , si elle n'estoit soustenuë des doigts de Dieu. Enfin la Theologie se sert du rien pour preuuer l'Existence de Dieu ; il y a des creatures , elles ne se sont pas produites elles-mesmes , elles viennent du rien ; il y a donc vn Dieu qui les a tirées du rien.

## ELOGE DE LA VOLONTE.



A Volonté est vne puissance aueugle & clairuoyante ; elle ne voit rien , & elle voit tout ; elle ne voit rien avec ses lumieres , elle voit tout avec les lumieres d'autrui : L'entendement est son flambeau , il va deuant & elle suit , ou plustost elle suit , & elle va la premiere : elle conduit & est conduite ; elle reçoit les ordres , elle les donne ; elle reçoit la lumiere , elle gouuerne le flambeau.

La Volonté est vne puissance libre , elle veut & elle ne veut pas : elle veut , parce qu'elle veut ; elle ne veut pas , parce qu'elle ne veut pas ; elle est la raison de son vouloir & de son non-vouloir ; elle en est la source & le principe ; elle suspend son action , elle la pousse ; elle donne son consentement , elle le refuse : elle choisit entre deux contraires sans contrariété , dans la contradiction sans contredit : Et c'est en cecy que consiste sa liberté , choisir le bien ou le mal , le meilleur ou le pire , la vie ou la mort , l'action ou le repos ; choisir sans contrainte , agir sans violence : estre maistresse de son action & de sa cessation , agir n'agissant pas ; exercer sa liberté sans rien faire : estre aussi libre dans le repos que dans le travail , dans l'action que dans la cessation.

La Volonté est vne puissance si forte qu'elle ne peut pas estre forcée : elle est libre dans la captiuité , desliée parmy les fers , hors de prison , dans la prison : Dieu mesme ne la peut pas contraindre , il peut bien luy desnier son concours , sans lequel elle n'agira pas : il ne peut pas faire avec son concours qu'elle veuille ce qu'elle ne veut pas , ou qu'elle ne veuille pas ce qu'elle veut : il faut qu'elle veuille ce qu'elle veut , autrement il y auroit de la contradiction , son vouloir seroit son non-vouloir , elle voudroit ce qu'elle ne veut pas , & elle ne voudroit pas ce qu'elle veut.

La Volonté est vne puissance imperieuse : elle commande aux sens ex-



terieurs d'un empire domestique; elle commande aux autres puissances d'un empire politique; elle applique les autres puissances & elle les retire; elle commande leurs actions & elle les suspend, & non contente de commander aux autres, elle commande à elle-mesme; elle est sa maistresse & sa seruante, sa superieure & sa sujette; elle donne la loy & elle la reçoit; elle est emperiere au dehors, & Reine au dedans.

La Volonté est le sujet des passions, mais non pas la sujette: si les passions sont des vents, elle les peut appaiser; si elles sont des orages, elle les peut calmer: si elles sont des feux, elle les peut esteindre; l'amour est violent, elle le peut regler; la haine est farouche, elle la peut appriouiser: le desir va viste, elle le peut arrester; la fuite arreste, elle la peut pousser: la joye ouure, elle la peut resserrer; la douleur abbat, elle la peut releuer: l'esperance flatte, elle la peut détromper; le desespoir tuë, elle le peut animer; la cholere emporte, elle la peut addoucir; l'audace enleue, elle la peut retenir.

Cette Volonté est si noble que Dieu la traite avec quelque sorte d'honneur: Il en est amoureux, parce qu'il la fait belle; il la respecte, parce qu'il la fait puissante; il ne la veut pas forcer, parce qu'il la fait libre: Il la poursuit avec les grâces; il la caresse par ses presens, il la flatte par ses caresses; il l'aime comme vn present de sa bonté, il la regarde comme vne image de sa liberté, il l'estime comme vn chef-d'œuvre de sa puissance, il espie ses inclinations, il observe ses affections; il la preuient de ses graces pour la faire venir, il coopere avec elle pour la faire operer; il continuë pour la faire persueuer, il la laisse agir librement pour la faire meriter, il la laisse meriter pour la recompenser.

## ELOGE DE DIEU.

**D**E sçauant Cusanus en vn beau Dialogue de la Diuinité, appelle Dieu d'un beau nom, *Deus est ipsum posse*: ce mot semble barbare & il est bien mystereux, il veut dire que Dieu est tout ce qu'il peut estre, il a tout ce qu'il peut auoir, il est aussi riche qu'il le peut estre, il ne peut pas estre rendu plus grand, il ne peut pas se faire plus grand luy mesme; il peut tout ce qui est possible, il ne peut pas pouoir dauantage; il est tout acte & tout pouoir, il est la puissance mesme, *est ipsum posse*.

Dieu est vn acte pur, *Deus est actus purus*, il est ce qu'on peut conceuoir de meilleur, il est le sur-Estre, la sur-Bonté, la sur-Sagesse, la sur-Puissance: Il est la pureté mesme de l'estre, la pureté du bien, & la pureté des perfections: il exclud par sa pureté toute sorte de puissance obiectiue, il n'a



iamais esté possible, il a tousiours esté, il n'a iamais eu la priuation de ce qu'il a: Il exclut toute sorte de puissance receptiue, il n'a iamais rien receu de personne, & il n'a rien receu de soy: Il est necessairement ce qu'il est, il a essentiellement ce qu'il a. Il est vn acte pur en terme de nature; il est la pureté mesme en terme de mœurs.


*Deus est ens per se essentiam.* Ce ne sont pas deux mots ny deux pensées: l'Essence de Dieu est son existence, & son existence est son essence; cette essence ne precede pas l'estre, autrement en ce premier signe d'antecession elle seroit possible, elle ne seroit donc pas vn acte pur; & puis en ce premier signe elle ne pourroit pas agir, parce que l'agir suppose l'estre: Il est donc toute essence & tout estre, & il appelle cela son nom: *Ego sum qui sum.* Je suis celuy qui suis, ie suis l'estre mesme, mon essence est mon estre, & mon existence mon essence.

*Deus est purissimum simplex*, dit saint Bernard: Dieu est la pureté de la simplicité; cette simplicité de Dieu exclut toute sorte de compositions, Dieu n'est pas composé de matiere & de forme, ces deux parties sont imparfaites, elles feroient vn Dieu imparfait; il n'est pas composé de nature & de suppos, & encore qu'il y ait trois subsistances en Dieu, elles sont identifiées avec l'essence, autrement comme il y a trois Personnes il y auroit trois Dieux: Il n'est pas composé de substance & d'accidens, les accidens supposent la substance: Or ce qui suppose Dieu n'est pas Dieu: Il n'est pas composé d'acte & de puissance, il est vn acte pur: Il n'est pas composé d'essence & de proprieté; ses attributs appartiennent à son essence, & son essence est formellement ses proprieté: Il n'y a point de distinction actuelle dans tout ce qui est absolu en Dieu: Il y a bien vne distinction virtuelle, mais en cela mesme qu'elle est virtuelle, elle est vne mesme realité avec Dieu. Il y a vne distinction actuelle entre les Personnes, mais les personalitez sont identifiées avec la nature, il y a trois suppos en Dieu, & il n'y a pas trois Dieux.

*Deus est centrum & corona entium*: Il est le fondement & la base des estres; au dessous de Dieu il n'y a rien qui ne soit soustenu de Dieu: Il est le sommet des estres, il n'y a rien par dessus Dieu: Il est la longueur & la latitude des estres, il n'y a rien au delà de Dieu: Il est au dessous des estres pour les supporter, au dessus pour les gouverner, à l'entour pour les enuironner, au dedans pour les animer, au dehors pour les couronner.

*Deus est ens à se*, Dieu est vn estre de soy-mesme, vn estre premier, primitif, independant: Dieu n'a point receu son estre d'ailleurs, il ne l'a pas receu de soy-mesme, il ne le doit à personne, il ne le doit pas à soy, il est independant de tout autre, il ne dépend pas de luy-mesme: il a fait toutes choses, il ne s'est pas fait luy mesme; il est la fontaine de sa fontaine, le fleuve de son fleuve, l'ocean de son ocean,

la source de sa source: Il est independant, il est l'independance mesme, & cette independance est la difference de Dieu: Qu'est-ce que Dieu? vn estre independant, vn estre de soy-mesme.



## DE ANAGRAMMATE.



**N**EGANT plerique dari scientiam Anagrammatis, & totum hoc negotium laborem non artem, & fortunam appellant non doctrinam: scilicet nihil aliud esse volunt Anagramma, nisi ruinam nominis vnus, atque ex hac ruina ortum alterius; at dari non solent præcepta ruinæ sed structuræ, & nos ædificamus ex arte non destruimus.

Malunt alij dari artem Anagrammatis, cuius etiam præceptiones aliquas tradunt: Ego rem facilem attingo magis quam explico.

I

In Anagrammate ita debet inuerti nomen mutatum vt nulla syllaba maneat integra in nomine mutante; alioqui imminutum Anagramma erit non integrum.

II

Tot debent esse literæ mutantis nominis quot mutati, neque hæc in re licentia querenda est. Ne ars alioqui facilis cuilibet ingenio sit obuia.

III

Nomen mutans explicare debet naturam nominis mutati, aut singularem aliquam eius affectionem, alioqui nomen alienum erit non proprium.

IV

Nomen mutatum vnicum esse debet aut alterum, mutant tamen aliqui plura simul vocabula, atque ex ea nominum ruina eliciunt sensum aliquem vnum; at hoc sæpè hyperbatum est, sæpè fortunæ magis negotium quam doctrinæ.

V

In Anagrammate diphtongus per diæcesin separari potest, & per synæresim duæ vocales in diphtongum possunt coalescere.

VI

Addi potest Epigramma Anagrammati, vt illud explicet vel illustret: Et sæpè plus ingenij habebit Epigramma, plus Anagramma negotij.

## ANAGRAMMA.

Eucharistiæ Sacramentum.

*Chara Ceres mutata in Iesum.*

## EPIGRAMMA.

**N**E dubites vinum pani succedere corpus,  
Mutari cererem nominat ipsa Ceres.

## ANAGRAMMA.

Masarini.

Ars animi.

## EPIGRAMMA.

**S**Ponte sua mentes hominum, non arte reguntur,  
Hec tamen ars paucis cognita, nota tibi est.

## DE EPITAPHIO.



EPITAPHIA ab Elogiis materia distant, & sæpe formâ;  
nomen ipsum materiam adstringit ad luctum, & formam  
ipsam lugubrem facit:

*Quadruplici serè generis distingui possunt.*

Primum genus purè hiltoricum, nomen defuncti, patriam, Parentes, officia, & annos ætatis declarat magis quam laudat; talia ferè erant antiqua Epitaphia, quibus pleni sunt sepulcrales tractatus: Et nos libro sexto huius operis aliqua inferuimus pag. 330.

P: M.

M. OPPI. Placidi.

Har. Prim. de LX.

Cui locum sepultu.

Ordo Sanctissim. Lugd. dedit.

Tale est illud Reginæ Amalasunthæ apud Cassiodor.

Casta vixit.

Lanam fecit.

Dorum serauit.

Quam multis laus ista deest.

Secundum genus admisceat sententiam aliquam Ethicam, & acutam.

## STA VIATOR, ET LEGE.

Fui non sum

Es, non eris

Sylvius Palladius.

Qui

Ut moriens viueret,

Vixit ut moriturus.

Abi

Disce mori, & viuere.

Tertium

Tertium genus ænigmaticum est; tale est quod sequitur.

*Hoc est sepulcrum*

*Intus Cadaver non habens,*

*Hoc est Cadaver*

*Sepulcrum extra non habens,*

*Sed*

*Cadaver idem est ac sepulcrum sibi.*

Quartum genus vix ab Elogio differt nisi forte materia quæ in luctum definit, & vocari solet Elogium lugubre: talibus Epitaphiis plenus est liber quintus huius operis, attexo tria Gratianopoli edita an. 1664.

### STA VIATOR ET LVGE.

**H**ic jacet Vir magnus publicis lacrymis dignus,  
Nemo illum novit, qui illum non luxurie:

*Tota hominis indoles erat, bonum esse;*

*Nemo hominem rogavit cui bene non fecerit,*

*Sed ipse quaesivit cui faceret bene.*

*Homo opulentus, & Praeses,*

*Ita hominem dimisit & Praesidem,*

*Tota hominis vita beneficentia,*

*Tota Praesidis, Iustitia fuit.*

*Quærit hominis nomen, iam audisti,*

*Praeses erat dignitate & oris specie,*

*Dixisses ex solo aspectu Praesidem esse.*

*Pene morbum & mortem terruit, dum aspexit,*

*Mortem ipse dum sensit, non timuit,*

*Ruri morbo tentatus valedixit deliciis suis,*

*Atque ut erat lepidus pene versibus lusit.*

*Reportatus domum, rogavit filium, ut id præstaret Patri,*

*Quod ipse præstiterat moribundo Parenti,*

*Nec ille deseruit morientem, & pene sequi voluit.*

*Clausit paternos oculos, & pene suos,*

*Relictus est superstes, ne totus Pater interiret.*

ABI VIATOR.

*Supereest parvus cinis ex magno Praeside,*

*Et in olim cinis eris, & minor cinere.*

### STA VIATOR ET LEGE.



*Rs artium est scire mori,*

*Pauci scimus quod omnes facimus.*


*Sciebat hanc artem D. GUILLELMVS DE SAVTERIAV,  
In Senatu Delpbinatus nobilis Consiliarius.*

*Semel moriturus, sæpè per partes obierat,  
Obiit media parte sui cum uxorem amisit.  
Alteram vite partem varij abscessus corruperant.  
Nascebatur vnus ex altero, & singuli mortes erant.  
Per eas mortes vir sapiens ediscebat mori:  
Nemo pluries mortuus est, nemo melius semel.*

*Quæris qualis fuerit vita ante tot mortes,  
Cogita virum æqualem purpure, & maiorem, talis fuit.  
Qui neque iustitiam vendidit, neque emit, talis fuit:  
Qui fauorem non timuit, & quem fauor timebat, talis fuit,  
Qui Casarem Casari, & Deo reddidit Deum, talis fuit,  
Talem estimauit Aula, & iudicem non semel elegit:  
Talis Aulico Regio Lugduni ius dixit,  
Talis ius dixisset Regi ipsi.*

*Tali tamen mors seuera ius dixit,  
Et dicet tibi.*

*ABI VIATOR ET DISCE MORI,  
Timendum est errare semel, vbi nemo bis errat.*



## STA VIATOR.

*Tangit te hæc iactura quæ est publica.*



*IC jacet D. I. DE VICELIEV,*

*Regiarum causarum generalis Patronus.*

*Arbitratus se esse Regis Aduocatum, & Regni,  
Temperabat Regia iura publicis, & publica Regiis.*

*Nec publica tantum iura defendit, sed priuata,*

*Neminem accusauit nisi nocentem,*

*Sæpè etiam excusauit nocentes,*

*Vt posset excusare reddebat innocentes:*

*Eloquentiam hominis probant multa quæ scripsit,*

*Nulla est materia quæ eruditum non fecerit,*

*Nulla est quam ipse non erudierit:*

*Faciebant omnes scientia eloquentem,*

*Ipse omnes scientias faciebat eloquentes.*

*Nec humana tantum scinit sed diuina,*

*Idem Orator humanus & pene Theologus,*



*Ratus iniurias diuinas esse Regias,*

*Vtrasque accusauit Aduocatus Regis & Dei.*

*Vt posset accusare scelera, ipse purus sceleris fuit,*

*Nemo appellauit iniustum etiam dum seuerus fuit.*

*Sola mors accusauit lenitatis, quod sæpe morti pepercerit,*

*At hac ingrata crudelitas est,*

*Parcere homini debuit, qui sæpe morti pepercerat.*

*Decepta tamen mors est, inuenit immortalem dum perimit,*

*Scilicet exhausta carne, sola mente vivebat,*

*Atque hac immortalis, non interiuit, sed exiit,*

*Et calo assueta, quod ire consueuerat, eò iuit.*

*ABI VIATOR, & futurus eternus,*

*Inchoa eternitatem intra tempus.*

## MISCELLANEA SUNT QUÆ SEQUUNTUR,

EPITAPHIA, VEL ELOGIA.

### ADAMVS.



*Hic sine Patre, & Pater omnium;*

*Hic natus non genitus,*

*Hic vir antequam Infans,*

*Hic coeuius mundo, & senior;*

*Anno mundi primo, annos terdenos habuit.*

*Coniugem nactus ex se natam,*

*Ab illa decepta ipse deceptus,*

*Uterque malum ex malo didicit.*

*Fecerat eruditos Deus & scientes bonum,*

*Fecit ignaros demon dum docuit malum.*

*O si Eua non audiisset serpentem!*

*O si Adamus non audiisset uxorem!*

*Uterque felix fecisset nos felices,*

*At uxor uirum, uir uxorem,*

*Uterque nos perdidit.*

*Fecisset immortales arbor vite,*

*Fecit mortales arbor scientie,*

*Miseram fecit posteritatem miser pater.*

*Jacet intra hunc tumulum,*

*Qui tumulo carere poterat,*

*Ante hominem puluis & cinis,*

*Post hominem puluis, & cinis est.*

## ABEL.

**A**VDI Viator, hoc sepulcrum clamosum est,  
Vocem habet sanguis effusus,  
Abel mortuus adhuc vocalis est.

Pastor erat ouium, & ouis pastorum,  
Lacte pecudum vescens non carne,  
Nutricius Grægis sui, & alumnus,  
Collactaneus erat virtute & indole;  
Sed audi pietatem Pastoris,  
Pulcherrimas quasque oues eligebat in victimam,  
Et ouantes oues sponte victima erant,  
Pius Pastor oues reddebat penè pino.  
Placebant Cælo victima Abelis non Caini,  
Nimirum iste victimarum vitia offerebat non victimas.  
Tabescens inuidia fratrem virtutis victimam fecit,  
Et se victimam sceleris sui.  
Nec mora vindex conscientia, & carnifex culpa,  
Terrent sceleratum, & ipse se terret,  
Neque Ultra se ferens reus, & iudex,  
Ibi & alibi, ubique & nullibi,  
Apu'd se, & extra se erat.  
Denique exosus omnibus & sibi,  
Primus inferos fundauit, & incoluit;  
Abel ingressurus Cælum cum patebit,  
Limbum incolit suburbium Cæli.

## NOEMVS.

### ADES VIATOR.

**E**T ruente mundo, sub Noëmo ne metue.  
Hic prima ætatis ultimus, & secunde primus,  
Supposuit se cadenti mundo,  
Et dum retinere totum non potuit, partem seruauit.  
Hoc tempore eò impuritatis mundus venerat,  
Vt nisi diluuiò purgari non posset.  
Centum annis Noë præco irati Dei,  
Ex arca quasi ex tripode prophetabat minas;

Derisa est ab impiis arca, & faber arca.  
 Desperata salute omnium prouidit saluti paucorum,  
 Spes mundi ad octo animas redacta erant,  
 Inclusit Noëmus eas reliquias nec mundus arcam impleuit.  
 Interea ruere imbribus Cælum & terras obruat,  
 Breui cælestes aquæ additæ nostris geminum mare fecere;  
 Breui omnia Elementa pontus,  
 Et tota natura chaos antiquum fuit.  
 Breui interiit quidquid erat extra arcam.  
 Sola arca sine velis & remis  
 Ibat secura supra oceanum, & penè supra mundum.  
 Denique suffocatis sceleribus placatus Deus,  
 Iniuit fœdus cum Noëmo de Aquis non de flammis,  
 Noëmus vir duarum ætatum,  
 Vidit mori mundum unum, & nasci aliorum,  
 Ipse reparator mundi, & penè sui  
 Ex arca quasi ex altera matre,  
 Substituit nouum mundum, & penè genuit:  
 ABI VIATOR.  
 Et ne timeas flammæ, time undas.

## ABRAHAMVS.




SCRIBAT Elogium Abrahami Magnus Orator Ambrosius,  
 Et laudari meretur vir magnus verbis melleis.  
 Vir plane magnus Abrahamus, & nemo ante illum maior;  
 Eum Philosophia votis suis aquare non potuit,  
 Minus est quod illa finxit quam quod iste gessit;  
 Præuenit factis dicta sapientum,  
 Et quod illi dixerunt, iste gessit;  
 Exire iussus ex Chaldea cui sidera Deus erant,  
 Exiuit & secutus est Authorem siderum Deum,  
 Nec sine mercede, cui Deus ipse merces fuit.  
 Tres aliquando vidit & unum adorauit,  
 Tres erant atque ex tribus vnus,  
 Olim erit Abrahami Nepos, & auus.  
 Extendit nomen Abrahami Deus,  
 Et vnde cresceret, adiecit de suo.  
 Auctus filio, & iussus immolare spes suas,  
 Credens supra fidem, & sperans ultra spem.

*Cæca obedientia, & oculata,  
 Id parabat facere quod facturus erat Deus.  
 Invidit homini hoc privilegium Deus,  
 Prohibuit ne id faceret, quod erat ipse facturus:  
 Reseruauerat sibi hunc honorem, Pater æternus,  
 Patrem esse, & vnigenitum immolare.  
 Nec minus fortis Abrahamus quam pius fuit,  
 Ex trecentis vernaculis collegit exercitum, & Reges vicit,  
 Quod fecere trecenti Spartani minus fuit:  
 Agnouit in Abrahamo Deum Rex Salem, & decimas obtulit.  
 Habuit & senum Abrahamus, & Pater & Mater fuit,  
 Excipiebat hoc sinu iustos & amicos Dei,  
 Excepit seipsum Pater & proles sui,  
 Aperuit eum sinum Christus, & mutauit in Cælum.*

## ISAACVS.

PONE GENV VIATOR, ET NE PONE.


 MPERATUR victima in Monte Moria, & prohibetur,  
 Prohibetur sacrificium, & peragitur:  
 Latet sub vno Sacerdote, Sacerdos alter,  
 Latet sub vna victima, victima altera.  
 Sacrificium facit qui prohibet,  
 Immolat filium, qui filium immolari vetat.

### AUDI MYSTERIVM.

Iam montem Abrahamus conscendit, & Isaacus,  
 Ille gladium ferens, iste lignum:  
 Iam aræ posita est, & supra aram stat victima,  
 Iam stringitur gladius, iam cernix nudatur,  
 Iam sacrificio flamma prælucet,  
 Iam inter labra victime est anima,  
 Iam nihil deest morti nisi mors ipsa.

Ecce tibi renocat imperium Deus,  
 Et gladium Abrahamus,  
 Compensatur tamen voluntas Abrahami,  
 Et votum sacrificij sacrificium est:  
 Iterum sit Pater Abrahamus,  
 Iterum Isaacus nascitur.

Falleris Viator, audi iterum.

Fit sacrificium in Monte Moria,

*Moritur Agnus, & sub Agno Deus,  
Facit Deus quod prohibet fieri ab homine,  
Immolat non Isaacum sed filium,  
Deus Sacerdos, & homo Deus victima est.  
Abi Viator, & adora.*

## IACOB.



*NTRA vterum matris luctantur gemelli,  
Et duobus liberis mater vna non sufficit,  
Nondum nati de natu iam disputant,  
Exit secundus Iacob, breui primus futurus,  
Emit privilegium vili escâ, & frater vendidit.  
Benedictionem quoque mysterio acquisiuit, non mendacio,  
Exciderat Maioratu frater, cum illum vendidit.  
Victor fratris ausus est morari cum Deo,  
Ee penè aequalis amulus, nec victor nec victus,  
Missionem ab emulo accepit, & dedit.*

*Ipse etiam hominis somnus mysterium fuit,  
Scalam vidit utraq; parte attingentem Deum;  
Impositus erat sassinio Deus, & bast suppositus,  
Medij Angeli, à Deo ascendeabant ad Deum,  
Ibat cum Angelis Iacob, & penè Angelus erat.  
Pastor inter oves, & ovis inter Pastores,  
Fecit locupletem Labanum, & se diuitem,  
Deceptus in Lia amavit tamen uxorem & fraudem;  
In Rachele coniugium amavit, & mysterium.  
Duodecim liberorum, & totidem populorum Pater fuit:  
Bis mortuus in duobus dum illis caruit,  
Bis reuixit dum illos inuenit:*

*Denique moriturus diuisit filiis terram adhuc non suam;  
Scripsit testamentum futurarum rerum mysterium,  
Vidit fines temporis, & limites eternitatis,  
Vidit Nepotes futuros, & inter illos Nepotem Deum.*

## MOSES.



*IC ut homo natus penè vixit ut Deus,  
Natura filius, alumnus Providentia fuit,  
Hec exposito inter aquas nauis fuit, & nauita,*



Hæc adoptavit in Regium infantem, & penè in Regem,  
Hæc abduxit ex Aula, & in Aulam redoxit.

Hæc pastorem ouium fecit, ut faceret pastorem hominum,

Audi Pastoris fortunam plusquam humanam.

Vidit ardentem rubum inter ignes integram,

Audiuit ex rubo loquentem Deum, & penè vidit:

Ex Pastore Legatus Dei, & Deus Pharaonis,

Ut Regem vinceret, muscas & ranas milites fecit,

Afflictum duodecim plagis, neque adhuc victum,

Oppressit toto mari non ultra vincendum.

Ne quis de naufragio dubitet, adhuc auditur murmur rotarum,

Ex ea morientium cede appellari potuit mare rubrum.

Nec minus miraculum est mare in duodecim vias diuisum,

Fecit hoc virga thauumaturga, quod sceptrum non facerent:

At quis eam columnam ducebat, quæ ducebat exercitum?

Quis decolarabat faciem vnam, quæ illustrabat alteram?

Quis imperabat ut iret, quis iubebat ut sisteret?

Quadraginta annis, millionis hominum, quasi ouium pastor fuit;

Ministrabat Cælum manna quo famem aleret,

Fundebat aquas petra quibus sitim exstingeret,

Suggererat natura delicias quibus recrearet,

Nemo tot annis vestem mutauit, nemo corruptus.

Ad tonantem Deum vocatus inter tonitrua,

Legem accepit scriptam digito Dei, & scribi vidit;

Post hæc colloquia rediit ex Deo quasi Deus,

Creditus est latere intra hominem Deus, & videri.

Denique post tot miracula, miraculo obiit,

Nemo testis obitus, nemo sepulcri conscius fuit,

Solus ille morientem vidit, qui mori iussit.



## SAMSON.



HERCVLI coetanens, verus Hercules fuit:

Quæ in illo fabula, in hoc fuisse miracula.

Primus Samsonis labor fuit leo:

Os cadaueris alnearium, putredo mel fuit:

Ænigma erat si sæmina tacere scinisset.

Ex trecentis vulpeculis collegit fugacem exercitum,

Fugiebant timide illigatas facies,

Inflammabant quidquid fugere non poterat,

Post

*Post exustas segetes exusserunt seipsas.*

*Mandibula a fellis Samsoni claua fuit ;*

*Hac claua mactabat exercitum hostium ,*

*Et timidi animalis particula leones terrebat :*

*Funes quibus ligabatur sæpe dissoluit, aut rupit ,*

*Inclusus intra urbem capi non potuit ,*

*Reuulsas urbis portas exportauit in montem ,*

*Et poterat montem ipsum importare in urbem.*

*Maiores Samsonis labor fuisse fœmina :*

*Dalila illi Deianira , & Omphale fuit ,*

*Plus aliquid Dalila potuit ,*

*Totondit crines & vires , & virum fœminam fecit.*

*Excœcatus ab hostibus egit ludionem in circo ,*

*Asinum in pistrino , Cyclopem in Veneris templo ,*

*Restitutis criminibus , & viribus ,*

*Succussis columnis euerit Veneris ædem & Vnerem ;*

*Et fortior cœcus quam oculatus ,*

*Vicit dum vincitur , & triumphauit dum moritur ,*

*Et ne sepulcro careret ,*

*Inter sua trophea est conditus.*

## DAVID.



*IC ex minimo maximus ,*

*A lana ad purpuram , à caula ad Aulam ,*

*Maiores purpurâ , & Aulâ fuit :*

*Infans cum vrsis quasi cum agnis ,*

*Cum leonibus lussit quasi cum ouibus.*

*Goliathum gigantem iactu lapidis fudit ,*

*Et fundâ rempublicam & regnum fundauit.*

*Creauit hæc victoria gloriam Dauidi , & inuidiam ,*

*Sæpe illum Saul occidere voluit ,*

*Sæpe imperauit occidi :*

*Sæpe illi pepercit Dauid , etiam dum vlscisci potuit ;*

*Reueritus in Saule Regem , etiam hostem.*

*Hæc lenitas Dauidi sceptrum peperit , Sauli abstulit ,*

*Amanit hæc lenitatem Ionathas etiam nocentem sibi :*

*Optrauit Dauidem in regno primum , & se secundum.*

*Fortissimus Regum finitimos Reges vestigales fecit ,*

*Nemo sæpius pugnavit . nemo sæpius vicit :*

*Vicisset Alexandrum si cum Davide pugnasset.  
Felix David si post victa omnia amorem vicisset,  
Vicit eum semel femina, & semel vanitas,  
Bis peccauit, bis eum Deus puniuit :*

*Prima parentis pœna puer Absalon fuit,  
Absalon dignus regno nisi regnare voluisset;  
Amauit eum Pater, etiam hostem,  
Parcere illi voluit, etiam rebelli,  
Fleuit, quod mortuo condonare non posset:  
Alterum crimen Davidis triplex flagellum correxit,  
Ex tribus pestem elegit qua posset perire:*

*Vir magnus David semel reus, bis pœnitens,  
Bis peccauit, bis reum Deus correxit,  
Nemo nobilius fleuit,  
Nemo nobilius Dei laudes cecinit,  
Adbuc canuntur laudes quæ David cecinit:  
Vir amabilis David, & secundum cor Dei;  
Nemo altius iuit, nemo Deo propior fuit,  
Vir secundum cor Dei; & penè, à Deo secundus.*

## SALOMON.



*IC senex in Infante, Infans in sene fuit;  
Sapientissimus hominum, & dementissimus.  
Optauit sapientiam infans, & statim à voto obtinuit;  
Accepit illam, non acquisiuit,  
Nondum discipulus, & iam eruditus,  
Omnia sciuit, & nihil didicit.  
Oraculum Regum, Echo Reginarum,  
Id omne sciuit, quod queri potuit,  
Plara docuit, quam Regina quesuiuit.*

*Felix Salomon, si vitia nesciuiisset,  
Dementauit sapientissimum amor insanus,  
Vir omnium uxorum, omnes amaui quas vidit;  
Nec Dominus uxorum sed seruus,  
Vt seruiret desideriis seruiuit idolis:  
Dum sapuit templum erexit Deo compendium cali,  
Et palatium sibi, compendium mundi,  
Cum desipuit templa erexit idolis:  
Denique vlciscente Deo, & miserante,*

Egèrè caput inter opes,  
 Pacem amisit in pace,  
 Inuicatus ad pœnitentiam, non tamen coactus:  
 An respuerit adhuc incertum est,  
 Illud certum diu sapuisse,  
 Diu delirasse.

Ex tot gregibus mulierum,  
 Vnicum filium reliquit gregarium:  
 Quis neget amorem mulierum cœcum esse,  
 Excœcauit sapientissimum hominum.

\*\*\*\*\*

## PALLIVM ELIAE.



Hoc Pallium Propheticum est non Philosophicum,  
 Latet sub illo sapientia sacra non profana,  
 Apparent res futura quasi non facta.  
 Hoc pallio Elias cœlum obnubebat, ne plueret,  
 Hoc pallio Solem obumbrabat, ne luceret,  
 Hoc pallio aperiebat diem, & claudebat.  
 Hoc pallium sagum Elia fuit quo militaret,  
 Paludamentum quo Regibus imperaret.  
 Hoc pallium navis Elia fuit quâ Iordanem transfret,  
 Currus fuit quo Cœlum conscenderet.  
 Adharebat huic pallio geminus Elia spiritus,  
 Donauit vtrumque Elizeo cum pallium dedit.  
 Et nunc ibi est Elias vbi pallio non eget,  
 Candidatus aternitatis, nondum tamen aternus.  
 Neque intra tempus est, neque extra tempus,  
 Neque intra mundum, neque vltra,  
 Medius inter Cœlum & mundum,  
 Reservatur ruina mundi,  
 Pugnaturus pro Christo contra Antichristum.  
 Demique morietur hominum vltimus,  
 Resurget aternus cum cessabit tempus,  
 Palliatus gloriâ, quam conseruabit aternitas.

# IONAS IN VENTRE CETI.



VALIS audacia huius hominis?  
*Vt naufragium fugiat naufragium facit,*  
*Ne tempestati succumbat, tempestati succumbit.*

*Proijcitur è navi in ultimum rupium,*

*Aperit os Cetus & naufragum excipit,*

*Fit naui homini uterus Ceti.*

*O rem miraculo maiorem!*

*Ionas extra portum, in portu,*

*Extra mare, & in mari est:*

*Ionas inter naufragia saluus,*

*Inter pericula catus,*

*Liber in carcere,*

*Rediit in favora.*

*Ionas intra uterum bellua,*

*Penè iterum concipitur,*

*Penè iterum nascitur,*

*Bis homo, bis Ionas,*

*Concipitur sine Patre,*

*Nascitur sine Matre,*

*Fallor Cetus sit Ione Pater, & Mater,*

*At quid agit Ionas intra belluam?*

*Illic hospitium habet ubi habitat,*

*Illic templum ubi orat,*

*Illic nec famem parit intra fauces,*

*Nec sitim intra salsedinem,*

*Puto delatus ad portum,*

*Inuitus reliquit Ceti hospitium.*

FINIS.



# ARGVMENTA LIBRORVM

## IN PRIMO LIBRO.

### ELOGIA SACRA.

|                                          |          |
|------------------------------------------|----------|
| Carmen votivum Auctoris.                 | pag. 1   |
| Vita & Elogia B. Virginis.               | 2. ad 15 |
| Selecta Patrum, Elogia de excellentia    |          |
| Beatae Virginis.                         | 26       |
| Decem Elogia eiusdem B. Virginis.        | 21       |
| In illud, beatam me dicent, &c. Indu-    |          |
| ctiones D. Bernardi.                     | 23       |
| Deuises sur les solennitez de la Vierge. |          |
| pag. 24.                                 |          |
| Elogium Poeticum sacrum Synonymis.       | 25.      |
| &c. 26.                                  |          |
| Elogia Dei, & perfectionum diuinarum.    |          |
| pag. 28. ad 40.                          |          |
| Decem Elogia breuiora.                   | 41       |
| Diui Brunonis, Elogium.                  | 43       |
| Soliloquium Poeticum.                    | 45       |
| B. Petri Luxemburgij, Elogium.           | 45       |
| B. Saluatoris de Horra, Elogium.         | 47       |
| B. Francisci Salesij, Elogium.           | 49       |
| Parænesis Poëtica eiusdem ad Genëvâ.     |          |
| § 1                                      |          |
| S. Ignatii, Elogium.                     | 52       |
| S. Xaverij, Elogium.                     | 53       |
| Hymnus de S. Ignatio.                    | 54       |
| Hymnus de S. Xaverio.                    | 56       |
| Caput S. Ioannis Baptistæ.               | 58       |
| Caput Diui Pauli.                        | 59       |
| Caput Diui Petri.                        | 59       |

## IN LIBRO SECVNDO.

### ELOGIA THEOLOGICA ET PHILOSOPHICA.

|                          |    |
|--------------------------|----|
| Dedicatio libri.         | 61 |
| D. Augustini, Elogium.   | 62 |
| Alberti Magni, Elogium.  | 63 |
| S. Thomæ, Elogium.       | 65 |
| S. Bonaventuræ, Elogium. | 66 |

|                                         |              |
|-----------------------------------------|--------------|
| Ioannis Scoti, Elogium.                 | 67           |
| Roberti Bellarmini, Elogium.            | 69           |
| Ludouici Molinæ, Elogium.               | 70           |
| Vmbra Augustini Poëma.                  | 71. ad 77    |
| Funus nouæ doctrinæ.                    | 78           |
| Deuises sur le liure de l'insensé.      | 79           |
| Theses & Antitheses l'insensé, & D. Au- |              |
| gustini.                                | 79. ad 94.   |
| Caput Senecæ.                           | 95           |
| Philosophia Senecæ in Epitomem reda-    |              |
| cta.                                    | 96. ad 100   |
| Ludus Philosophicus, de Vniuersali.     | 101          |
| Ludus secundus, Relatio.                | 103          |
| Ludus tertius, de Punctis.              | 104          |
| Ludus quartus, Continuum.               | 105          |
| Ludus quintus, Infinitum.               | 107          |
| Ludus sextus, Musica.                   | 108          |
| Ludus septimus, Anima.                  | 110          |
| Ludus octauus, Libertas.                | 112          |
| Ludus nonus, Cordis miracula.           | 113          |
| Ludus decimus, Oculus.                  | 115          |
| Ludus vndecimus, Species.               | 116          |
| Ludus duodecimus, de duobus Domi-       |              |
| nis.                                    | 117. & seqq. |
| Præfatio de Conscientia.                | 123. & seqq. |

## IN LIBRO TERTIO.

### ELOGIA REGIA.

|                                      |             |
|--------------------------------------|-------------|
| Vita & Elogia Ludouici XIII.         | 129         |
| ad 143.                              |             |
| Ludouici XIV. Elogium Genethlia-     |             |
| cum.                                 | 143         |
| Votum pro Delphino.                  | 145         |
| Educatio Regia.                      | 147. ad 156 |
| Deuises Royales au Sacre du Roy.     | 157         |
| Ecphrasis Poëtica de claua Herculis. | 156         |
| & 157                                |             |
| Trois deuises sur la maladie du Roy. | 158         |
| Ludouici XIV. Ægotantis Parænesis    |             |
| ad Fratrem.                          | 159         |
| Ludouico XIV. Soteria.               | 160. & 161  |
| Votum pro Delphino futuro.           | 161. & 162  |

|                                                    |            |
|----------------------------------------------------|------------|
| Horoscopus Delphini, ex parentum as-<br>pectu.     | 163        |
| Mommedij capti Profopopeia.                        | 165        |
| Deuise sur le mesme sujet.                         | 166        |
| Arausio capta, Elogium.                            | 166        |
| Profopopeia Dunkerka.                              | 167        |
| Reginae Sueciae, Elogium.                          | 168        |
| Deuises sur la mesme.                              | 168. & 169 |
| Henrici Borbonij Principis Condæ, Epi-<br>taphium. | 170        |
| Iter Germanicum Anguyeni Ducis.                    | 171        |
| Atrebatum captum.                                  | 173        |
| Atrebatum seruatum.                                | 174        |
| Casale ter seruatum.                               | 175        |

## IN LIBRO QVARTO.

### ELOGIA EMINENTIA.

|                                                               |                 |
|---------------------------------------------------------------|-----------------|
| <b>A</b> Rmando Richelio Cardinali, Epi-<br>stola sapientiae. | 177             |
| Eidem Academiæ.                                               | 178             |
| Eidem Fidelitis.                                              | 179             |
| Mysterium Politicum.                                          | 181             |
| Iudicium Europæ de morbo Cardinalis.                          | 183             |
| Testamentum Christianum.                                      | 184. & 185      |
| Testamentum Politicum.                                        | 186. & 187      |
| Epitaphium Sorbonicum Card.                                   | 189             |
| Alphonſi Richelij, Elogium.                                   | 190. & 191      |
| Eidem Eclogia.                                                | 191. & 192      |
| Ars animi, Cardinali Mazariuo.                                | 192. & 193      |
| Eidem noua Politica.                                          | 194             |
| Au mesme, trois deuises sur le mesme<br>sujet.                | 195             |
| Eidem victori inuidiæ.                                        | 196. & 197      |
| Deuises sur l'enuie.                                          | 197             |
| Imago vitæ eadem.                                             | 198             |
| Estoile tombante, deuise.                                     | 199             |
| Eidem Mysterium pacis.                                        | 199. 200. & 201 |
| Eidem futura post pacem.                                      | 201. ad 204     |
| Eidem Mazarino ægrotanti.                                     | 205. & 206      |
| Eidem votum diuturnæ vitæ.                                    | 207             |
| Trois deuises sur les Armes du mesme.                         | 208. & 209      |
| Pauli Mancinij Epitaph.                                       | 209. & 210      |
| Cardinali de la Rochefoucault, nuncu-<br>patio Philosophiz.   | 210             |
| Eidem Epistola liberalitatis.                                 | 211. & 212      |
| Innocentij decimi, Elogium.                                   |                 |

## IN LIBRO QVINTO.

### ELOGIA ILLVSTRIA.

|                                                              |            |
|--------------------------------------------------------------|------------|
| <b>I</b> llustrissimo Petro Seguier, Elogium<br>Gentilitium. | 217        |
| Illustrissimo D. Carolode Crequi, Epi-<br>taphium.           | 220. & 221 |
| Eidem Profopopeia Brema.                                     | 222        |
| Marescalli Toërasij, Epitaph.                                | 223        |
| Ad eundem Epistola Urbani VIII.                              | 224        |
| Caroli de Neuville D. d'Halincourt,<br>Elogium funebræ.      | 225        |
| Caroli de Neuville Archiepiscopi, Elo-<br>gium Politicum.    | 227        |
| Eidem Symbola.                                               | 229        |
| Eidem annus nouus.                                           | 229. & 230 |
| D. Abeli de Seruient, Imago vitæ.                            | 231        |
| Eidem vita priuata & publica.                                | 233. & 234 |
| Eidem Symbola.                                               | 234. & 235 |
| Eidem questio Politica.                                      | 237        |
| D. Arthi de Lyonne, Epitaph.                                 | 239        |
| D. Nicolai le Bailleur, Epitaphium.                          | 239. & 240 |
| D. Nicolai de Mesgrigny, Epitaph.                            | 241        |
| D. P. le Goux de la Berchere, Epita-<br>phium.               | 241. & 242 |
| D. Renati de Voyer d'Argenson, Epita-<br>phium.              | 243        |
| D. Iosephi du Bernet, Epitaphium.                            | 244. & 245 |
| D. Lud. Girard, Epitaph.                                     | 245. & 246 |
| D. Talon, Aduoc. Gener. Epitaphium.                          | 246. & 247 |
| D. Henrici de la Vieueville, Epitaphium.                     | 247. & 248 |
| D. Franc. Vautier, Epitaph.                                  | 249        |
| Duorum amantium tumulus.                                     | 250. & 251 |
| D. Iacob. Moyron solitudo.                                   | 252        |
| D. de Caheufac, Epitaph.                                     | 254. & 255 |
| D. Philipp. de Torſi de la Tour, Epita-<br>phium.            | 255. & 256 |
| DD. de Bourlon tumulus.                                      | 257        |
| D. Gastonis de Ranty.                                        | 257. & 258 |
| D. Nicolai de Boëſſat.                                       | 258. & 259 |
| D. Iuliani de Brodeau.                                       | 259. & 260 |
| D. Franc. Fouquet, Epitaph.                                  | 260        |
| D. d'Ancier.                                                 | 261        |
| D. Baronis de Courſan.                                       | 262. & 263 |

D. Carolæ Damascenæ de Courfan. 263.  
& 264.  
D. Ant. de Gilbertes, Epitaphium. 264.  
& 265.  
D. Gab. de Gadagne Comitissæ de Che-  
vrires. 265. & 266  
Antonij l'Abbé, Epitaphium. 268  
Decodem Carmen funebre. 269. & 270

IN LIBRO SEXTO.

## ELOGIA HISTORICA.

**D**edicatio Consulibus Lugdunensi-  
bus. 270  
Nouum Historiæ genus Lectori. 271  
D. de Neufuille, Marefcallo de Ville-  
roy. 272  
Dissertatio I. de ortu Lugd. 272. ad 279  
Dissertatio II. de sua antiquo Lugd. 279  
ad 288.  
Dissertatio III. de itinere Annibalæ. 288.  
Dedicat. ad D. Dionys. de la Berchere.  
289.  
Elogium Annibalæ. 298  
Dissertatio IV. Lugdunum superius. 299  
Dissertatio V. Lugdunum inferius. 302  
Dissertatio VI. Emporium Lugdunense.  
306  
Dissertatio VII. Argyrocopium Lugdun.  
307. & 308  
Dissertatio VIII. Athenæum. 309. ad  
314  
Dissertatio IX. Athenæum Græcum. 314.  
& 315  
Dissertatio X. Athenæum Romanum.  
316. ad 317  
Dissertatio XI. An Lugdunum Colonia  
Romana. 317. & 318  
Dissertatio XII. An Lugdun. Colonia  
Viennensium. 321  
Dissertatio XIII. An Lugdun. Colonia  
Græcorum. 323. & 324  
Dissertatio XIV. Religio Gallorum ante  
Plancum. 325. ad 328  
Dissertatio XV. Dignitates veterum  
Lugdunensium. 328  
Dissertatio XVI. An Præfectus Gallia-  
rum sederit Lugduni. 333  
Dissertatio XVII. De rebus fortiter ge-  
stis à Lugdun. 337

Dissertatio XVIII. Veterum Lugdun.  
lingua. 339

Dissertatio XIX. Nomina Lugduni. 341

Dissertatio XX. Arar qualis fluius. 343

Dissertatio XXI. De Rhodano. 346

Epistola I. Lugdunum sub Planco. 349

Epistola II. Lugdunum sub Iulio Cæsare.  
351

Epistola III. Lugdun. sub Marco Anto-  
nio. 352

Epistola IV. Lugdun. sub Augusto. 353.  
& 354

Epistola V. Lugdun. sub Tiberio. 355

Epistola VI. Lugd. sub Caligula. 356

Epistola VII. Lugd. sub Claudio. 358

Epistola VIII. Lugd. sub Nerone. 360

Epistola IX. Incendium Lugduni. 361

Epistola X. Lugd. sub Galba. 363

Epistola XI. Lugd. sub Othone. 364

Epistola XII. Lugd. sub Vitellio. 365

Epistola XIII. Lugd. sub Vespasiano. 366

Epistola XIV. Lugd. sub Tito. 367

Epistola XV. Lugd. sub Domitiano. 367.  
& 368

Epistola XVI. Lugd. sub Nerua. 368

Epistola XVII. Lugd. sub Traiano. 369

Epistola XVIII. Lugdun. sub Adriano.  
369. & 370

Epistola XIX. Lugd. sub Antonino pio.  
371

Epistola XX. Lugd. sub Aurelio & L.  
Vero. 371. & 372

IN LIBRO SEPTIMO.

## ELOGIA POETICA.

**V**aria Poëses sparfa superioribus li-  
bris. 375  
Sylua I. Aristus. 376  
Sylua II. Amyntas. 377  
Sylua III. Androdus. 379  
Sylua IV. Alexis. 379. ad 383  
Prosopoeia Angliæ, post Ræam serua-  
tam. 383  
Panegyricus de Rupella capta. 388  
Pars I. 388. ad 391  
Pars II. 391. ad 399  
Pars III. 399. ad 404  
Epistola Patris æterni ad B. Virg. 303.  
& 304



**Epistola Verbi æterni ad B. Virg.** 306.  
ad 308

**Epistola Spiritus Sancti.** 408. ad 411

**Elegia naturæ ad Christum Infantem.**  
411. & 412.

**Hungaria ad Principes Christianos.** 412.  
& 413.

**Protrepticum Lyricum.** 414

**Protrepticum Heroicum.** 415. ad 418

## IN LIBRO OCTAVO.

### MISCELLANEA.

**I**nscriptiones primi generis. 419

**I**nscriptiones secundi generis. 420. ad  
424.

**I**nscriptiones tertij generis. 424. ad 427

**De Emblemate.** 427. ad 429

**Artis Symbolicæ præcepta.** 429

**Symbola varia cum exemplis, & Epi-  
grammatibus.** 430. ad 440

**Elogiorum præcepta.** 440

**Caput Alexandri magni.** 441

**Caput Iulij Cæsaris.** 441. & 442

**Caput Ciceronis.** 442

**Elogium D. Catharinæ.** 443

**Elogium ætatis Petri Scarron.** 444

**Supplex libellus.** 445

**Eloge des larmes.** 446

**Eloge du grain.** 448

**Eloge de l'eau & du vin.** 449

**Eloge du Rien.** 451

**Eloge de la volonté.** 452

**Eloge de Dieu.** 453

**De Anagrammate.** 455

**Epitaphij præcepta.** 456

**Epitaphium D. de Pourroy.** 457

**Epitaphium D. de Saurereau.** 458

**Epitaphium D. de Viclieu.** 458

**Adami Elogium.** 459

**Abelis Elogium.** 460

**Noëmi Elogium.** 460

**Abrahami Elogium.** 461

**Isaaci Elogium.** 462

**Iacobi Elogium.** 463

**Mosis, Elogium.** 463

**Samsonis Elogium.** 464

**Davidis Elogium.** 465

**Salomonis Elogium.** 466

**Pallium Eliæ.** 467

**Ionæ Elogium.** 468

## SOLITVDO.

**D**• Brunonis Elogium. 42

**• Soliloquium animi Solitarij.** 43

**Vita priuata.** 234

**Deuises sur ce sujet.** 235

**An solitarius animus sit solus.** 237

**Tumulus duorum amantium.** 251

**Moyronij secessus.** 252

**Inscriptiones solitudinis.** 420

**Viri amantes solitudinem.** 423

**Porticus Richeliana.** 427

**Caput D. Ioannis Baptista.** 424

**Caput D. Petri.** 425

**Caput D. Pauli.** 426

**Caput Alexandri.** 441

**Caput Cæsaris.** 441

**Caput Ciceronis.** 442

**Caput Senecæ.** 95

## FINIS.







LEGATORE  
Doratore da Libri  
**L. AZEGLIO**  
TIPOGRAFIA  
Via Finanzze 5  
TORINO

